

## তাওহীদ ও তার কালেমার ফযীলত

মহান আল্লাহ বলেন,

﴿وَلَقَدْ بَعَثْنَا فِي كُلِّ أُمَّةٍ رَسُولًا أَنِ اعْبُدُوا اللَّهَ وَاجْتَنِبُوا الطُّغُوتَ﴾

অর্থাৎ, অবশ্যই আমি প্রত্যেক জাতির মধ্যে রসূল প্রেরণ করেছি এই নির্দেশ দিয়ে যে, তোমরা আল্লাহরই ইবাদত কর এবং তাগুত বর্জন কর। (সূরা নাহল ৩৬ আয়াত)

﴿وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ﴾

অর্থাৎ, আমার ইবাদতের জন্যই আমি মানুষ এবং জিনকে সৃষ্টি করেছি। (সূরা যারিয়াত ৫৬ আয়াত)

(১) হযরত মুআয বিন জাবাল رضي الله عنه বলেন, একদা আমি এক গাধার পিঠে নবী صلى الله عليه وسلم-এর পিছনে সওয়ার ছিলাম। তিনি বললেন, “হে মুআয! তুমি কি জান, বান্দার উপর আল্লাহর অধিকার এবং আল্লাহর উপর বান্দার অধিকার কি?” আমি বললাম, আল্লাহ ও তাঁর রসূল অধিক জানেন। তিনি বললেন, “বান্দার উপর আল্লাহর অধিকার হল এই যে, বান্দা একমাত্র তাঁরই ইবাদত করবে এবং তাঁর সাথে কোন কিছুকে শরীক করবে না। আর আল্লাহর উপর বান্দার অধিকার হল এই যে, তাঁর সাথে যে শরীক করে না তাকে আযাব দেবেন না।” (বুখারী ২৮৫৬, মুসলিম ৩০নং)

(২) হযরত উযমান رضي الله عنه কর্তৃক বর্ণিত, নবী صلى الله عليه وسلم বলেন, “যে ব্যক্তি ‘আল্লাহ ছাড়া কেউ সত্য উপাস্য নেই’ একথা জানা অবস্থায় মারা যায় সে জান্নাত প্রবেশ করবে।” (মুসলিম, আহমাদ)

(৩) হযরত জাবের رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “যার শেষ কথা ‘লা ইলাহা ইল্লাল্লাহ’ হবে, সে বেহেগু প্রবেশ করবে।” (আহমাদ, আবু দাউদ, হাকেম, সহীহুল জামে’ ৬৪৭৯নং)

(৪) হযরত আনাস বিন মালেক رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “(পরকালে) আল্লাহ বলবেন, সেই ব্যক্তিকে জাহান্নাম থেকে বের কর, যে ‘লা ইলাহা ইল্লাল্লাহ’ বলেছে এবং তার হৃদয়ে যবের দানা পরিমাণ মঙ্গল (ঈমান) আছে। সেই ব্যক্তিকেও জাহান্নাম থেকে বের কর, যে ‘লা ইলাহা ইল্লাল্লাহ’ বলেছে এবং তার হৃদয়ে গমের দানা পরিমাণ মঙ্গল (ঈমান) আছে। আর সেই ব্যক্তিকেও জাহান্নাম থেকে বের কর, যে ‘লা ইলাহা ইল্লাল্লাহ’ বলেছে এবং তার হৃদয়ে অণু পরিমাণ মঙ্গল (ঈমান) আছে।” (আহমাদ ৩/২৭৬, তিরমিযী ২৫৯৩নং, এ হাদীসের মূল রয়েছে সহীহায়নে)

(৫) হযরত আমর বিন আস رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন,

“(কিয়ামতের দিন) আল্লাহ আমার উম্মতের একটি লোককে বেছে নিয়ে তার সামনে নিরানব্বইটি (আমল-নামা) রেজিস্টার বিছিয়ে দেবেন; প্রত্যেকটি রেজিস্টার দৃষ্টি বরাবর লম্বা! অতঃপর তাকে জিজ্ঞাসা করবেন, ‘তুমি কি লিখিত পাপের কোন কিছু অস্বীকার কর? আমার আমল সংরক্ষক ফিরিশ্তা কি তোমার প্রতি কোন অন্যায় করেছে?’ লোকটি বলবে, ‘না, হে আমার প্রতিপালক!’ আল্লাহ বলবেন, তোমার কি কোন পেশ করার মত ওয়র আছে অথবা তোমার কি কোন নেকী আছে?’ লোকটি হতবাক হয়ে বলবে, ‘না, হে আমার প্রতিপালক!’ আল্লাহ বলবেন, ‘অবশ্যই আমাদের কাছে তোমার একটি নেকী আছে। আর আজ তোমার প্রতি কোন প্রকার অবিচার করা হবে না।’ অতঃপর একটি কার্ড বের করা হবে, যাতে লিখা থাকবে, ‘আশহাদু আল লা ইলাহা ইল্লাল্লাহু অআল্লা মুহাম্মাদান আবদুহু অরসুলুহা’ আল্লাহ মীযান (দাঁড়িপাল্লা) আনতে আদেশ করবেন। লোকটি বলবে, ‘হে আমার প্রতিপালক! এতগুলি বড় বড় রেজিস্টারের কাছে এই কার্ডটির ওজন আর কি হবে?’ আল্লাহ বলবেন, ‘তোমার প্রতি অবিচার করা হবে না।’ অতঃপর রেজিস্টারগুলোকে দাঁড়ির এক পাল্লায় এবং ঐ কার্ডটিকে অন্য পাল্লায় চড়ানো হবে। দেখা যাবে, রেজিস্টারগুলোর ওজন হাল্কা এবং কার্ডটির ওজন ভারী হয়ে গেছে! যেহেতু আল্লাহর নামের চেয়ে অন্য কিছু ভারী নয়।” (আহমাদ ২/১৩, তিরমিযী ১৬৩৯, ইবনে মাজাহ ৪৩০০নং হাকেম ১/৪৬)

(৬) হযরত আব্দুল্লাহ বিন আমর رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “একদা নূহ عليه السلام তাঁর ছেলেকে অসিয়ত করে বললেন, ---আমি তোমাকে ‘লা ইলাহা ইল্লাল্লাহ’ (বলার) আদেশ করছি। যেহেতু যদি সাত আসমান এবং সাত যমীনকে দাঁড়িপাল্লার এক পাল্লায় রাখা হয় এবং ‘লা ইলাহা ইল্লাল্লাহ’কে অপর পাল্লায় রাখা হয়, তাহলে ‘লা ইলাহা ইল্লাল্লাহ’র পাল্লা বেশী ভারী হবে। যদি সাত আসমান এবং সাত যমীন নিরেট গোলাকার বস্তু হয়, তাহলেও ‘লা ইলাহা ইল্লাল্লাহ’ তা চূর্ণবিচূর্ণ করে দেবে।---” (আহমাদ ২/১৭০, তাবরানী, বায্বার, মাজমাউয যাওয়াইদ ৪/২ ১৯)

## শির্ক হতে ভীতি-প্রদর্শন

মহান আল্লাহ বলেন,

﴿إِنَّ الشِّرْكَ لَظُلْمٌ عَظِيمٌ﴾

অর্থাৎ, নিশ্চয় শির্ক বড় অন্যায়। (সূরা লুকমান ১৩ আয়াত)

﴿إِنَّ اللَّهَ لَا يُغْفِرُ أَنْ يُشْرَكَ بِهِ وَيَغْفِرُ مَا دُونَ ذَلِكَ لِمَنْ يَشَاءُ وَمَنْ يُشْرِكْ بِاللَّهِ فَقَدِ افْتَرَىٰ إِثْمًا عَظِيمًا﴾

অর্থাৎ, নিশ্চয় আল্লাহ তাঁর সাথে শির্ক করার গোনাহ ক্ষমা করেন না। এ ছাড়া

অন্যান্য অপরাধ যার জন্য ইচ্ছা ক্ষমা করে দেন। আর যে কেউ আল্লাহর সাথে শির্ক করে, সে এক মহাপাপ করে। (সূরা নিসা ৪৮ আয়াত)

﴿ إِنَّ اللَّهَ لَا يَغْفِرُ أَنْ يُشْرَكَ بِهِ وَيَغْفِرُ مَا دُونَ ذَلِكَ لِمَنْ يَشَاءُ وَمَنْ يُشْرِكْ بِاللَّهِ فَقَدْ ضَلَّ ضَلَالًا بَعِيدًا ﴾

অর্থাৎ, নিশ্চয় আল্লাহ তাঁর সাথে শির্ক করার গোনাহ ক্ষমা করেন না। এ ছাড়া অন্যান্য অপরাধ যার জন্য ইচ্ছা ক্ষমা করে দেন। আর যে কেউ আল্লাহর সাথে শির্ক করে, সে ভীষণভাবে পথভ্রষ্ট হয়। (সূরা নিসা ১১৬ আয়াত)

﴿ وَلَقَدْ أُوحِيَ إِلَيْكَ وَإِلَى الَّذِينَ مِنْ قَبْلِكَ لَئِنْ أَشْرَكَتَ لَيَحْبَطَنَّ عَمَلُكَ

﴿ وَتَتَكُونَنَّ مِنَ الْخَاسِرِينَ ﴾

অর্থাৎ, তোমার প্রতি এবং তোমার পূর্ববর্তীদের প্রতি অবশ্যই অহী (প্রত্যাদেশ) হয়েছে যে, তুমি শির্ক করলে তোমার কর্ম পণ্ড হবে এবং তুমি হবে ক্ষতিগ্রস্তদের অন্তর্ভুক্ত। (সূরা যুমার ৬৫ আয়াত)

﴿ إِنَّهُ مَنْ يُشْرِكْ بِاللَّهِ فَقَدْ حَرَّمَ اللَّهُ عَلَيْهِ الْجَنَّةَ وَمَأْوَاهُ النَّارُ وَمَا لِلظَّالِمِينَ مِنْ أَنْصَارٍ ﴾

অর্থাৎ, যে কেউ আল্লাহর সাথে শির্ক করবে, অবশ্যই আল্লাহ তার জন্য জান্নাত হারাম করে দেবেন এবং জাহান্নাম হবে তার বাসস্থান। আর অত্যাচারীদের জন্য কোন সাহায্যকারী নেই। (সূরা মাইদাহ ৭২ আয়াত)

(৭) হযরত জাবের رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “যে ব্যক্তি কোন কিছুকে আল্লাহর শরীক (শির্ক) না করে মারা যাবে, সে ব্যক্তি বেহেশ্ত প্রবেশ করবে। আর যে ব্যক্তি কোন কিছুকে আল্লাহর শরীক (শির্ক) করে মারা যাবে, সে ব্যক্তি দোযখ প্রবেশ করবে।” (মুসলিম ৯৩নং)

(৮) হযরত আবু হুরাইরাহ رضي الله عنه কর্তৃক বর্ণিত, নবী صلى الله عليه وسلم বলেন, “সাতটি সর্বনাশী কর্ম হতে দূরে থাক।” সকলে বলল, ‘হে আল্লাহর রসূল! তা কি কি?’ তিনি বললেন, “আল্লাহর সহিত শির্ক করা, যাদু করা, ন্যায় সঙ্গত অধিকার ছাড়া আল্লাহ যে প্রাণ হত্যা করা হারাম করেছেন তা হত্যা করা, সুদ খাওয়া, এতীমের মাল ভক্ষণ করা, (যুদ্ধক্ষেত্র হতে) যুদ্ধের দিন পলায়ন করা এবং সতী উদাসীনা মুমিনা নারীর চরিত্রে মিথ্যা অপবাদ দেওয়া।” (বুখারী ২৭৬৬, মুসলিম ৮৯নং, আবু দাউদ, নাসাঈ)

❀ আল্লাহর বৈশিষ্ট্যে, তাঁর নামে, গুণে, আনুগত্যে, ভালোবাসায় বা ইবাদতে গায়রুল্লাহকে শরীক করাকে শির্ক বলা হয়। এই শির্ক হল সবচেয়ে বড় গোনাহ। তওবা করে না মরলে চিরস্থায়ী জাহান্নামবাসী হতে হবে। বর্তমান মুসলিম সমাজে মাযার বা কবর পূজা, গায়রুল্লাহকে সিজদাহ করা, গায়রুল্লাহর নামে নযর মানা, কুরবানী করা ইত্যাদি ঐ শির্ক। সুতরাং তার ধারে-পাশে না যাওয়া এবং তা হতে তওবা করা প্রত্যেক মুসলিমের কর্তব্য।

## আমলে ইখলাসের গুরুত্ব

মহান আল্লাহ বলেন,

﴿ مَنْ كَانَ يُرِيدُ الْحَيَاةَ الدُّنْيَا وَزِينَتَهَا نُوفِيَ إِلَيْهِمْ أَعْمَالَهُمْ فِيهَا وَهُمْ فِيهَا لَا يُبْخَسُونَ ﴿١٥٠﴾ أُولَئِكَ الَّذِينَ لَيْسَ لَهُمْ فِي الْآخِرَةِ إِلَّا النَّارُ وَحَبِطَ مَا صَنَعُوا فِيهَا وَبِطُلٌ مَا كَانُوا يَعْمَلُونَ ﴿١٥١﴾ ﴾

অর্থাৎ, যদি কেউ পার্থিব জীবন ও তার সৌন্দর্য কামনা করে, তাহলে পৃথিবীতে আমি ওদের কর্মের পরিমিত ফল দান করি এবং পৃথিবীতে ওরা কম পাবে না। ওদেরই জন্য পরলোকে আগুন (দোযখ) ব্যতীত অন্য কিছুই নেই এবং তারা যা করে পরলোকে তা নিষ্ফল হবে এবং ওরা যা করে থাকে তা নিরর্থক। (সূরা হুদ ১৫-১৬ আয়াত)

(৯) হযরত উমার বিন খাত্তাব হতে বর্ণিত, নবী ﷺ বলেন, “যাবতীয় আমল নিয়তের উপর নির্ভরশীল। সুতরাং প্রত্যেক ব্যক্তির তা-ই প্রাপ্য হয়, যার সে নিয়ত করে থাকে। যে ব্যক্তির হিজরত পার্থিব কোন বিষয় লাভের উদ্দেশ্যে হয়, সে ব্যক্তির তা-ই প্রাপ্য হয়। যার হিজরত কোন মহিলাকে বিবাহ করার উদ্দেশ্যে হয়, তার প্রাপ্যও তাই। যে যে নিয়তে হিজরত করবে সে তাই পেয়ে থাকবে।” (বুখারী ১নং, মুসলিম ১৯০৭নং)

(১০) হযরত ইবনে উমার ﷺ কর্তৃক বর্ণিত তিনি বলেন, রসূল ﷺ কে আমি বলতে শুনেছি যে, “তোমাদের পূর্ববর্তী জাতির কোন তিন ব্যক্তি একদা সফরে বের হয়। এক সময়ে তারা কোন গিরি-গুহায় আশ্রয় নিতে বাধ্য হল রাত্রি কাটানোর জন্য। তারা সেখায় প্রবেশ করল। অকস্মাৎ পাহাড়ের উপর থেকে একটি বড় পাথর গড়িয়ে পড়ে গুহার মুখ বন্ধ করে ফেলল। তারা (আপোসে) বলল, এই পাথর থেকে নিষ্কৃতি পাওয়ার একটি মাত্র উপায় এই যে, তোমরা নিজে নিজের সংকর্মে অসীলায় আল্লাহর নিকট প্রার্থনা জানাও।

ওদের মধ্যে একজন বলল, ‘হে আল্লাহ! আমার খুব বৃদ্ধ পিতা-মাতা ছিলেন, আমি তাঁদের পূর্বে নিজের পরিবারের কাউকে অথবা অন্য কাউকেও নৈশ দুধপান করতে দিতাম না। একদিন (ছাগলের জন্য) গাছ (পাতার) সন্ধানে বহুদূরে চলে গিয়েছিলাম। রাত্রে ফিরে এসে দেখি তাঁরা উভয়েই ঘুমিয়ে পড়েছেন। আমি তাঁদের জন্য নৈশ দুধ দোহন করলাম। কিন্তু তাঁরা ঘুমিয়ে ছিলেন। আমি তাঁদের পূর্বে নিজ কোন পরিজন বা অন্য কাউকে তা পান করতে দিতে অপছন্দ করলাম। অতঃপর তাঁদের শিয়রে হাতে দুধের পাত্র নিয়ে দাঁড়িয়ে থেকে তাঁদের জাগরণের অপেক্ষা করতে লাগলাম। এইভাবে ফজর হয়ে গেল। (কতক বর্ণনাকারী অতিরিক্ত বর্ণনা করে বলেন,) আর আমার পদতলে আমার শিশু ছেলেমেয়েরা (ক্ষুধায়) চিৎকার করছিল। অতঃপর

তাঁরা জেগে উঠলেন এবং তাঁদের সেই নৈশ দুধ পান করলেন।

হে আল্লাহ! যদি আমি এই কাজ তোমার সন্তুষ্টি-বিধানের উদ্দেশ্যে করে থাকি, তাহলে এই পাথরের ফলে যে সংকটে আমরা পড়েছি তা থেকে আমাদেরকে উদ্ধার কর।’

পাথরটি কিঞ্চিৎ পরিমাণ সরে গেল এবং তাতে আকাশ নজরে পড়ল। কিন্তু তাতে তারা বের হতে সক্ষম ছিল না।

দ্বিতীয়জন বলল, হে আল্লাহ! আমার ছিল এক চাচাতো বোন; সে আমার নিকট সকল মানুষের চেয়ে প্রিয়তমা ছিল। একদা আমি তাকে আমার নিকট তার দেহসমর্পণের আবেদন জানালাম। কিন্তু সে তাতে সম্মত হল না। অতঃপর কোন বছরে দুর্ভিক্ষ দেখা দিলে সে আমার নিকট (সাহায্য নিতে) এল। আমি তাকে এই শর্তে একশত দীনার দিলাম, যাতে সে আমার নিকট তার দেহ সমর্পণে অস্বীকার না করে। সে তাই করল। অতঃপর আমি যখন তাকে আমার আয়ত্তে পেলাম, তখন সে বলল, (তুমি আল্লাহকে ভয় কর। আর বিনা অধিকারে (আমার সতীচ্ছদের) সীল (কৌমার্য) নষ্ট করা আমি তোমার জন্য বৈধ মনে করি না। তা শুনে আমি তার সহিত যৌনমিলন করতে দ্বিধাবোধ করলাম। অতঃপর তাকে ছেড়ে আমি প্রস্থান করলাম অথচ সে আমার নিকট সকল মানুষের চেয়ে প্রিয়তমা। আর যে স্বর্ণমুদ্রা ওকে দিয়েছিলাম তাও বর্জন করলাম।

হে আল্লাহ! যদি এ কাজ আমি তোমার সন্তুষ্টি-বিধানের উদ্দেশ্যে করেছি, তাহলে যে সংকটে আমরা পড়েছি তা দূর করে দাও।’

এতে পাথরটি আরো কিছুটা সরে গেল। তবে এতেও তারা বের হতে পারল না।

তৃতীয় জন বলল, ‘হে আল্লাহ! আমি কতকগুলো শ্রমিক খাটিয়েছিলাম; তাদের প্রত্যেকের প্রাপ্য পারিশ্রমিক আমি প্রদান করেছি। কেবল মাত্র একজন তার পারিশ্রমিক ত্যাগ করে চলে গিয়েছিল। আমি তার প্রাপ্য অর্থ (ব্যবসায়) বিনিয়োগ করলাম। সেই অর্থ থেকে বহু অর্থ ও মাল সঞ্চয় হল। কিছুকাল পরে যখন সে এসে আমাকে বলল, আল্লাহর বান্দা! আমার পারিশ্রমিক আদায় করুন। তখন আমি বললাম, এই উট, গরু, ছাগল-ভেঁড়া, দাস যা কিছু দেখছ সবই তোমার সেই পারিশ্রমিক! সে বলল, আল্লাহর বান্দা! আমাকে ব্যঙ্গ করেন না। আমি বললাম, আমি তোমার সহিত ব্যঙ্গ করিনি। এ কথা শুনা মাত্র সে সবকিছু নিয়ে চলে গেল এবং সে সবার কিছুই সে ছেড়ে গেল না।

হে আল্লাহ! একাজ যদি আমি তোমার সন্তুষ্টি লাভের উদ্দেশ্যে করে থেকেছি তাহলে আমরা যে বিপদে বিপদাপন্ন তা থেকে রক্ষা কর।’

এতে পাথরখানি সম্পূর্ণ সরে গেল এবং তারা সেখান হতে বের হয়ে চলতে লাগল। (বুখারী ২২৭২ নং মুসলিম ২৭৪৩ নং)



## আমলে লোকপ্রদর্শন হতে ভীতি-প্রদর্শন

(১৬) হযরত আবু হুরাইরা رضي الله عنه কর্তৃক বর্ণিত, তিনি বলেন, আমি শুনেছি, আল্লাহর রসূল صلى الله عليه وسلم বলেছেন যে, “কিয়ামতের দিন অন্যান্য লোকেদের পূর্বে যে ব্যক্তির প্রথম বিচার হবে সে হচ্ছে একজন শহীদ। তাকে আল্লাহর দরবারে হাজির করা হবে। আল্লাহ তাকে তাঁর দেওয়া নেয়ামতসমূহের কথা স্মরণ করিয়ে দেবেন। সেও তাঁর (পৃথিবীতে) দেওয়া সকল নেয়ামত স্মরণ করবে। অতঃপর আল্লাহ বলবেন, ‘ঐ সকল নেয়ামতের বিনিময়ে তুমি কি আমল করে এসেছ?’ সে বলবে ‘আমি তোমার সন্তুষ্টি লাভের জন্য জিহাদ করেছি এবং অবশেষে শহীদ হয়ে গেছি।’ আল্লাহ বলবেন, ‘তুমি মিথ্যা বলছ। বরং তুমি এই উদ্দেশ্যে জিহাদ করেছ, যাতে লোকেরা তোমাকে বলে, অমুক একজন বীর পুরুষ। সুতরাং তা-ই বলা হয়েছে।’ অতঃপর ফিরিশ্বাদেরকে আদেশ করা হবে। তাঁরা তাকে উবুড় করে টেনে নিয়ে গিয়ে জাহান্নামে নিক্ষেপ করবেন।

দ্বিতীয় হচ্ছে এমন ব্যক্তি, যে ইলম শিক্ষা করেছে, অপরকে শিক্ষা দিয়েছে এবং কুরআন পাঠ করেছে। তাকে আল্লাহর দরবারে উপস্থিত করা হবে। আল্লাহ তাকে (পৃথিবীতে প্রদত্ত) তাঁর সকল নেয়ামতের কথা স্মরণ করিয়ে দেবেন। সেও সব কিছু স্মরণ করবে। অতঃপর আল্লাহ বলবেন, ‘এই সকল নেয়ামতের বিনিময়ে তুমি কি আমল করে এসেছ?’ সে বলবে, ‘আমি ইলম শিখেছি, অপরকে শিখিয়েছি এবং তোমার সন্তুষ্টিলাভের জন্য কুরআন পাঠ করেছি।’ আল্লাহ বলবেন, ‘মিথ্যা বলছ তুমি। বরং তুমি এই উদ্দেশ্যে ইলম শিখেছ; যাতে লোকেরা তোমাকে আলেম বলে এবং এই উদ্দেশ্যে কুরআন পড়েছ যাতে লোকেরা তোমাকে ক্বারী বলে। আর (দুনিয়াতে) তা বলা হয়েছে।’ অতঃপর ফিরিশ্বাদেরকে নির্দেশ দেওয়া হবে। তাঁরা তাকে উবুড় করে টেনে নিয়ে গিয়ে জাহান্নামে নিক্ষেপ করবেন।

তৃতীয় হচ্ছে সেই ব্যক্তি, যার রুজীকে আল্লাহ প্রশস্ত করেছিলেন এবং সকল প্রকার ধন-দৌলত যাকে প্রদান করেছিলেন। তাকে আল্লাহর দরবারে হাজির করা হবে। আল্লাহ তাকে তাঁর দেওয়া সমস্ত নিয়ামতের কথা স্মরণ করিয়ে দেবেন। সেও সব কিছু স্মরণ করবে। অতঃপর আল্লাহ প্রশ্ন করবেন, ‘তুমি ঐ সকল নেয়ামতের বিনিময়ে কি আমল করে এসেছ?’ সে বলবে, ‘যে সকল রাস্তায় দান করলে তুমি খুশী হও সে সকল রাস্তার মধ্যে কোনটিতেও তোমার সন্তুষ্টি লাভের উদ্দেশ্যে খরচ করতে ছাড়িনি।’ তখন আল্লাহ বলবেন, ‘মিথ্যা বলছ তুমি। বরং তুমি এ জন্যই দান

করেছিলে; যাতে লোকে তোমাকে দানবীর বলে। আর তা বলা হয়েছে।’ অতঃপর ফিরিশ্চাবর্গকে হুকুম করা হবে এবং তাকে উবুড় করে টেনে নিয়ে গিয়ে জাহান্নামে নিক্ষেপ করা হবে। (মুসলিম ১৯০৫ নং, নাসাঈ)

(১৭) হযরত আব্দুল্লাহ বিন আমর رضي الله عنه হতে বর্ণিত, তিনি বলেন, আমি শুনেছি, আল্লাহর রসূল صلى الله عليه وسلم বলেছেন যে, “যে ব্যক্তি লোককে শুনাবার জন্য (সুনাম নেওয়ার উদ্দেশ্যে) আমল করবে আল্লাহ তার সেই (বদ নিয়তের) কথা সারা সৃষ্টির সামনে (কিয়ামতে) প্রকাশ করে তাকে ছোট ও লাঞ্চিত করবেন।” (দ্রাবগানী, বাইহাকী, সহীহ তারগীব ২৩ নং)

(১৮) হযরত আবু সাঈদ খুদরী رضي الله عنه কর্তৃক বর্ণিত, তিনি বলেন, একদা আল্লাহর রসূল صلى الله عليه وسلم আমাদের নিকট এলেন। তখন আমরা কানা দাজ্জাল নিয়ে আলোচনা করছিলাম। তিনি বললেন, “আমি তোমাদেরকে এমন জিনিসের কথা বলে দেব না কি, যা আমার নিকট তোমাদের জন্য কানা দাজ্জাল অপেক্ষাও অধিক ভয়ানক?” আমরা বললাম, ‘অবশ্যই বলে দিন, হে আল্লাহর রসূল!’ তিনি বললেন, “গুপ্ত শির্ক; আর তা এই যে, এক ব্যক্তি নামায পড়তে দাঁড়ায়। অতঃপর অন্য কেউ তার নামায পড়া লক্ষ্য করছে দেখে সে তার নামাযকে আরো অধিক সুন্দর করে পড়ে।” (ইবনে মাজাহ, বাইহাকী, সহীহ তারগীব ২৭ নং)

(১৯) হযরত মাহমূদ বিন লাবীদ رضي الله عنه হতে বর্ণিত, আল্লাহর রসূল صلى الله عليه وسلم বলেন, “তোমাদের উপর আমার সবচেয়ে অধিক যে জিনিসের ভয় হয় তা হল ছোট শির্ক।” সাহাবাগণ প্রশ্ন করলেন, ‘হে আল্লাহর রসূল! ছোট শির্ক কি জিনিস?’ উত্তরে তিনি বললেন, “রিয়া (লোকপ্রদর্শনের উদ্দেশ্যে আমল)। আল্লাহ আয্যা অজাল্ল যখন (কিয়ামতে) লোকদের আমলসমূহের বদলা দান করবেন তখন সকলের উদ্দেশ্যে বলবেন, ‘তোমরা তাদের নিকট যাও, যাদেরকে প্রদর্শন করে দুনিয়াতে তোমরা আমল করেছিলে। অতঃপর দেখ, তাদের নিকট কোন প্রতিদান পাও কি না!’” (আহমাদ, ইবনে আবিদ্দুনয়া, বাইহাকীর যুহদ, সহীহ তারগীব ২৯ নং)

ﷺ বলাই বাহুল্য যে, প্রত্যেক আমল ও ইবাদত কবুল হওয়ার মৌলিক শর্ত হল দুটি; ইখলাস ও মুহাম্মাদী তরীকা। এ দুই শর্ত পূরণ ছাড়া আমল হয় শির্ক, না হয় বিদআত। পক্ষান্তরে আল্লাহ ছাড়া অন্যের সন্তুষ্টি লাভের জন্য, লোককে দেখানোর জন্য, লোকের কাছে সুনাম নেওয়ার জন্য কোন ইবাদত করা অথবা লোকের ভয়ে কোন ইবাদত ত্যাগ করা রিয়া বা ছোট শির্ক। সুতরাং সাধু সাবধান।

## ভালো কাজের সংকল্প করার ফযীলত

(২০) হযরত আব্দুল্লাহ বিন আব্বাস رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “আল্লাহ আয্যা অজাল্ল গোনাহ ও সওয়াব লিখে দিয়েছেন। অতঃপর তার বিবরণ দিয়েছেন। সুতরাং যে ব্যক্তি কোন সওয়াবের কাজ করার সংকল্প করে তা করতে না



পারে, আল্লাহ তার জন্য পুরো ১টি সওয়াবই লিপিবদ্ধ করে দেন। সংকল্প করার পর তা কর্মে পরিণত করলে ১০ থেকে ৭০০ বরং অনেক অনেক গুণ সওয়াব লিপিবদ্ধ করেন। পক্ষান্তরে যে ব্যক্তি কোন গোনাহর কাজ করার সংকল্প করে তা না করে, আল্লাহ তার জন্য পুরো ১টি সওয়াব লিপিবদ্ধ করে দেন। আর গোনাহর সংকল্প করার পর কেউ তা কর্মে পরিণত করলে ১টি গোনাহই লিখে থাকেন।” (বুখারী ৬৪৯১, মুসলিম ১৩১নং)

(২১) হযরত আবু হুরাইরা رضي الله عنه কর্তৃক বর্ণিত, নবী صلى الله عليه وسلم বলেন, “আল্লাহ (পাপ-পুণ্য লেখক ফিরিশতাকে) বলেন, ‘আমার বান্দা যখন কোন পাপ করার ইচ্ছা করে, তখন তা কাজে পরিণত না করা পর্যন্ত তার আমলনামায় পাপ লিপিবদ্ধ করো না। অতঃপর যদি তা কাজে পরিণত করে, তাহলে অনুরূপ (১টি) পাপ লিপিবদ্ধ কর। আর যদি তা আমার কারণে ত্যাগ করে (কাজে পরিণত না করে), তাহলে তার জন্য ১টি নেকী লিপিবদ্ধ কর। পক্ষান্তরে যখন সে কোন নেকীর কাজ করার ইচ্ছা করে এবং তা কাজে পরিণত না করতে পারে, তাহলে তার জন্য ১টি নেকী লিপিবদ্ধ কর। আর যদি তা কাজে পরিণত করে ফেলে, তাহলে তার জন্য ১০ থেকে ৭০০ গুণ নেকী লিপিবদ্ধ কর।” (বুখারী ৭৫০১নং)

### কিতাব ও সুন্নাহর একনিষ্ঠ অনুসারী হওয়ার ফযীলত

মহান আল্লাহ বলেন,

﴿ قُلْ إِنْ كُنْتُمْ تُحِبُّونَ اللَّهَ فَاتَّبِعُونِي يُحْبِبْكُمُ اللَّهُ وَيَغْفِرْ لَكُمْ ذُنُوبَكُمْ وَاللَّهُ غَفُورٌ رَحِيمٌ ﴾

অর্থাৎ, বল, তোমরা যদি আল্লাহকে ভালোবাস, তাহলে আমাকে অনুসরণ কর, আল্লাহ তোমাদেরকে ভালোবাসবেন এবং তোমাদের গোনাহ মার্ফ করে দেবেন। বস্তুতঃ আল্লাহ অত্যন্ত ক্ষমাশীল, পরম দয়ালু। (সূরা আলে ইমরান ৩১ আয়াত)

﴿ إِنَّمَا كَانَ قَوْلَ الْمُؤْمِنِينَ إِذَا دُعُوا إِلَى اللَّهِ وَرَسُولِهِ لِيَحْكُمَ بَيْنَهُمْ أَنْ يَقُولُوا سَمِعْنَا وَأَطَعْنَا ﴾

﴿ وَأُولَئِكَ هُمُ الْمُفْلِحُونَ ﴾

অর্থাৎ, আপোসে মীমাংসা করে দেওয়ার জন্য যখন মুমিনদেরকে আল্লাহ এবং তাঁর রসূলের দিকে আহ্বান করা হয়, তখন তারা তো কেবল এই কথাই বলে যে, ‘আমরা শ্রবণ করলাম ও মান্য করলাম।’ আর তারাই হবে সফলকাম। (সূরা নূর ৫১ আয়াত)

(২২) হযরত ইবনে আব্বাস رضي الله عنه প্রমুখাৎ বর্ণিত, বিদায়ী হজ্জে আল্লাহর রসূল صلى الله عليه وسلم লোকেদের মাঝে খোতবা (ভাষণ) দিলেন। তাতে তিনি বললেন, “শয়তান এ বিষয়ে নিরাশ হয়ে গেছে যে, তোমাদের এই মাটিতে তার উপাসনা হবে। কিন্তু এতদ্ব্যতীত

তোমরা যে সমস্ত কর্মসমূহকে অবজ্ঞা কর তাতে তার আনুগত্য করা হবে- এ নিয়ে সে সন্তুষ্ট। সুতরাং তোমরা সতর্ক থাকো! অবশ্যই আমি তোমাদের মাঝে এমন জিনিস ছেড়ে যাচ্ছি; যদি তা দৃঢ়তার সহিত ধারণ করে থাকো, তবে কখনই তোমরা পথভ্রষ্ট হবে না; আর তা হল, আল্লাহর কিতাব এবং তাঁর নবীর সুন্নাহ (কুরআন ও হাদীস)” (হাকেম, সহীহ তারগীব ৩৬নং)

(২৩) হযরত আব্দুল্লাহ বিন মসউদ رضي الله عنه কর্তৃক বর্ণিত, তিনি বলেন, “এই কুরআন (কিয়ামতে) সুপারিশকারী; এর সুপারিশ গ্রহণযোগ্য হবে। যে ব্যক্তি এর অনুসরণ করবে সে তাকে জান্নাতের প্রতি পথপ্রদর্শন করে নিয়ে যাবে। আর যে তাকে বর্জন করবে অথবা তার থেকে বিমুখ হবে তাকে ঘাড়-ধাক্কা দিয়ে জাহান্নামে নিক্ষেপ করা হবে।” (বাযযার হাদীসটিকে মওকুফ; সাহাবীর নিজস্ব উক্তি রূপে বর্ণনা করেছেন। সহীহ তারগীব ৩৯ নং। অবশ্য তিনি জাবের رضي الله عنه কর্তৃক উক্ত হাদীসটিকেই মরফু’ (রসূল ﷺ এর উক্তি) রূপে বর্ণনা করেছেন। সহীহ তারগীব ৪০নং)

(২৪) হযরত আয়েশা رضي الله عنها প্রমুখাৎ বর্ণিত, তিনি বলেন, আল্লাহর রসূল ﷺ বলেন, “যে ব্যক্তি আমাদের এ দ্বীন বিষয়ে অভিনব কিছু রচনা করবে যা এর অন্তর্ভুক্ত নয় তা প্রত্যাখ্যাত।” (বুখারী ২৬৯৭, মুসলিম ১৭১৮নং)

মুসলিম শরীফের এক বর্ণনায় তিনি বলেন, “যে ব্যক্তি এমন কোন কর্ম করে; যাতে আমাদের কোন নির্দেশ নেই তা প্রত্যাখ্যাত।” (মুসলিম ১৭১৮ নং)

(২৫) হযরত আবু হুরাইরা رضي الله عنه কর্তৃক বর্ণিত, আল্লাহর রসূল ﷺ বলেন, “আমার প্রত্যেকটি উম্মত বেহেশ্তে প্রবেশ করবে, তবে সে নয় যে (বেহেশ্তে প্রবেশে) অস্বীকার করবে।” বলা হল, ‘অস্বীকার আবার কে করবে হে আল্লাহর রসূল?!’ তিনি বললেন, “যে ব্যক্তি আমার অনুসরণ করবে, সে বেহেশ্তে প্রবেশ করবে। আর যে আমার নাফরমানি করবে, সেই আসলে (বেহেশ্তে প্রবেশে) অস্বীকার করবে।” (বুখারী ৭২৮০নং)

## কিতাব ও সুন্নাহ বর্জন করা এবং বিদআত ও প্রবৃত্তিপূজায় লিপ্ত হওয়া থেকে ভীতি-প্রদর্শন

মহান আল্লাহ বলেন,

﴿ فَإِنْ لَمْ يَسْتَجِيبُوا لَكَ فَاعْلَمْ أَنَّهَا يُتَّبَعُونَ أَهْوَاءَهُمْ وَمَنْ أَضَلُّ مِمَّنْ اتَّبَعَ هَوَاهُ بَغْيًا هُدًى

مِنْ اللَّهِ إِنَّ اللَّهَ لَا يَهْدِي الْقَوْمَ الظَّالِمِينَ ﴿٥٠﴾

অর্থাৎ, অতঃপর ওরা যদি তোমার আহবানে সাড়া না দেয়, তাহলে জানবে ওরা তো কেবল নিজেদের খেয়াল-খুশীর অনুসরণ করে। আল্লাহর পথনির্দেশ অমান্য করে

যে ব্যক্তি নিজ খেয়াল-খুশীর অনুসরণ করে তার চাইতে অধিক বিভ্রান্ত আর কে? নিশ্চয়ই আল্লাহ সীমালংঘনকারী সম্প্রদায়কে পথ দেখান না। (সূরা কাসাস ৫০ আয়াত)

﴿ فَلَا وَرَبِّكَ لَا يُؤْمِنُونَ حَتَّىٰ يُحَكِّمُوكَ فِيمَا شَجَرَ بَيْنَهُمْ ثُمَّ لَا يَجِدُوا فِي أَنفُسِهِمْ حَرَجًا مِّمَّا

قَضَيْتَ وَوَسَلْتُمُوهُم تَسْلِيمًا ﴿٥٠﴾ ﴾

অর্থাৎ, কিন্তু না, তোমার প্রতিপালকের শপথ! তারা ততক্ষণ পর্যন্ত মুমিন হতে পারবে না; যতক্ষণ পর্যন্ত তারা নিজেদের বিবাদ-বিসম্বাদের বিচারভার তোমার উপর অর্পণ না করে, অতঃপর তোমার সিদ্ধান্ত সম্বন্ধে তাদের মনে কোন দ্বিধা না থাকে এবং সর্বান্তঃকরণে তা মেনে নেয়। (সূরা নিসা ৬৫ আয়াত)

﴿ وَمَا كَانَ لِمُؤْمِنٍ وَلَا لِمُؤْمِنَةٍ إِذَا قَضَىٰ اللَّهُ وَرَسُولُهُ أَمْرًا أَنْ يَكُونَ لَهُمُ الْخِيَرَةُ مِنْ أَمْرِهِمْ وَمَنْ يَعْصِ

اللَّهُ وَرَسُولَهُ فَقَدْ ضَلَّ ضَلَالًا مُّبِينًا ﴿٥١﴾ ﴾

অর্থাৎ, আল্লাহ ও তাঁর রসূল কোন বিষয়ে নির্দেশ দিলে কোন ঈমানদার পুরুষ কিংবা নারীর সে বিষয়ে ভিন্ন সিদ্ধান্তের অধিকার থাকবে না। আর কেউ আল্লাহ ও তাঁর রসূলকে অমান্য করলে সে তো স্পষ্টই পথভ্রষ্ট হবে। (সূরা আহযাব ৩৬ আয়াত)

﴿ فَلْيَحْذَرِ الَّذِينَ يُخَالِفُونَ عَنْ أَمْرِهِ أَنْ تُصِيبَهُمْ فِتْنَةٌ أَوْ يُصِيبَهُمْ عَذَابٌ أَلِيمٌ ﴿٥١﴾ ﴾

অর্থাৎ, সুতরাং যারা তাঁর আদেশের বিরুদ্ধাচরণ করে তারা সতর্ক হোক যে, বিপর্যয় অথবা কঠিন শাস্তি তাদেরকে গ্রাস করবে। (সূরা নূর ৬৩ আয়াত)

(২৬) হযরত মুআবিয়াহ رضي الله عنه কর্তৃক বর্ণিত, তিনি বলেন, একদা আল্লাহর রসূল ﷺ আমাদের মাঝে দন্ডায়মান হয়ে বললেন, “শোনো! তোমাদের পূর্বে যে কিতাবধারী জাতি ছিল তারা ৭২ ফির্কায় বিভক্ত হয়েছিল। আর এই উম্মত বিভক্ত হবে ৭৩ ফির্কায়; এদের মধ্যে ৭২টি ফির্কাই হবে জাহান্নামী আর একটি মাত্র জান্নাতী। আর ঐ ফির্কাটি হল (আহলে) জামাত। (আহমাদ, আবু দাউদ)

কিছু বর্ণনায় আছে, “ঐ দলটি হল সেই লোকদের, যারা আমার এবং আমার সাহাবাবর্গের মতাদর্শে কায়েম থাকবে।” (তিরমিযী, প্রভৃতি দেখুন, সহীহ তারগীব ৪৮ নং)

(২৭) হযরত আনাস رضي الله عنه হতে বর্ণিত, আল্লাহর রসূল ﷺ বলেন, “---আর ধ্বংসকারী কর্মাবলী হল; এমন কৃপণতা যার অনুসরণ করা হয়, এমন প্রবৃত্তি যার আনুগত্য করা হয় এবং নিজের মনে গর্ব অনুভব করা।” (বাযযার, বাইহাকী প্রমুখ, সহীহ তারগীব ৫০নং)

(২৮) উক্ত আনাস رضي الله عنه হতেই বর্ণিত, আল্লাহর রসূল ﷺ বলেন, “আল্লাহ প্রত্যেক বিদআতীর তওবা ততক্ষণ পর্যন্ত স্তগিত রাখেন (গ্রহণ করেন না) যতক্ষণ পর্যন্ত সে তার বিদআত বর্জন না করেছে।” (আবু যরনী, সহীহ তারগীব ৫১ নং)

(২৯) হযরত আব্দুল্লাহ বিন আমর رضي الله عنه কর্তৃক বর্ণিত, আল্লাহর রসূল ﷺ বলেন,

“প্রত্যেক কর্মের উদ্যম আছে এবং প্রত্যেক উদ্যমের আছে নিরুদ্যমতা। সুতরাং যার নিরুদ্যমতা আমার সুন্নাহর গন্ডির ভিতরেই থাকে সে হেদায়াতপ্রাপ্ত হয় এবং যার নিরুদ্যমতা এ ছাড়া অন্য কিছুতে (সুন্নত বর্জনে) অতিক্রম করে সে ধ্বংস হয়ে যায়।” (ইবনে আবী আসেম, ইবনে হিব্বান, আহমাদ, তাহাবী, সহীহ তারগীব ৫৩ নং)

(৩০) হযরত আনাস رضي الله عنه কর্তৃক বর্ণিত, আল্লাহর রসূল ﷺ বলেন, “সে ব্যক্তি আমার সুন্নত (তরীকা) হতে বিমুখতা প্রকাশ করে সে ব্যক্তি আমার দলভুক্ত নয়।” (বুখারী ৫০৬৩, মুসলিম ১৪০১নং)

(৩১) হযরত ইরবায় বিন সারিয়াহ رضي الله عنه কর্তৃক বর্ণিত, আল্লাহর রসূল ﷺ বলেছেন যে, “অবশ্যই তোমাদেরকে উজ্জ্বল (স্পষ্ট দ্বীন ও হজ্জতের) উপর ছেড়ে যাচ্ছি; যার রাত্রিও দিনের মতই। ধ্বংসোন্মুখ ছাড়া তা হতে অন্য কেউ ভিন্নপথ অবলম্বন করবে না।” (ইবনে আবী আসেম, আহমাদ, ইবনে মাজাহ, হাকেম, সহীহ তারগীব ৫৬নং)

(৩২) হযরত ইরবায় বিন সারিয়াহ رضي الله عنه বলেন, (একদা) আল্লাহর রসূল ﷺ আমাদেরকে এমন উচ্চাঙ্গের উপদেশ দান করলেন যাতে আমাদের চিত্ত কম্পিত এবং চক্ষুতে অশ্রুধারা প্রবাহিত হল। আমরা বললাম, হে আল্লাহর রসূল! এটা যেন বিদায়ী উপদেশ, অতএব আমাদেরকে কিছু অসিয়ত (অতিরিক্ত নির্দেশ দান) করুন। তিনি বললেন, “তোমাদেরকে আল্লাহ ভীতি এবং (পাপ ছাড়া অন্য বিষয়ে) আমীর (বা নেতা) এর আনুগত্য স্বীকার করার অসিয়ত করছি! যদিও বা তোমাদের আমীর একজন ক্রীতদাস হয়। আর অবশ্যই তোমাদের মধ্যে যারা আমার বিদায়ের পর জীবিত থাকবে তারা অনেক রকমের মতভেদ দেখতে পারে। অতএব তোমরা আমার এবং আমার সুপথপ্রাপ্ত খোলাফায় রাশেদীনের সুন্নাহ অবলম্বন করো, তা দাঁত দ্বারা দৃঢ়তার সহিত ধারণ করো। (তাতে যা পাও মান্য কর এবং অন্য কোনও মতের দিকে আকৃষ্ট হয়ো না।) এবং (দ্বীনে) নবরচিত কর্মসমূহ হতে সাবধান! কারণ, নিশ্চয়ই প্রত্যেক বিদআত (নতুন আমল) হল ভ্রষ্টতা।” (আবু দাউদ ৪৪৪৩, তিরমিযী ২৮১৫, ইবনে মাজাহ ৪২ নং)

আর নাসাঈর এক বর্ণনায় আছে, “আর প্রত্যেক ভ্রষ্টতা জাহান্নামে (নিয়ে যায়)।”

## সৎকর্ম প্রবর্তন (সূচনা) করার ফযীলত

(৩৩) হযরত জরীর رضي الله عنه হতে এক দীর্ঘ হাদীসে বর্ণিত, আল্লাহর রসূল ﷺ বলেন, “যে ব্যক্তি ইসলামে কোন ভালো রীতি (বা কর্ম) প্রবর্তিত করে তার জন্য রয়েছে তার সওয়াব (প্রতিদান) এবং তাদের সমপরিমাণ সওয়াব যারা ঐ রীতির অনুকরণে আমল (কর্ম) করে। এতে তাদের কারো সওয়াব এতটুকু পরিমাণও হ্রাস করা হয় না। আর যে ব্যক্তি ইসলামে কোন মন্দ রীতি (বা কর্মের) সূচনা করে তার জন্য রয়েছে তার পাপ এবং তাদের সমপরিমাণ পাপও যারা ঐ রীতির অনুকরণে আমল (বা কর্ম)



মহান আল্লাহ বলেন,

﴿ وَمَنْ أَحْسَنُ قَوْلًا مِّمَّنْ دَعَا إِلَى اللَّهِ وَعَمِلَ صَالِحًا وَقَالَ إِنَّي مِنَ الْمُسْلِمِينَ ﴾

অর্থাৎ, তার কথা অপেক্ষা উৎকৃষ্ট কথা আর কার, যে ব্যক্তি আল্লাহর পথে মানুষকে আহ্বান করে, সৎ কাজ করে এবং বলে আমি একজন (আত্মসমর্পণকারী) মুসলিম? (সূরা ফুসসিলাত ৩৩ আয়াত)

﴿ قُلْ هَذِهِ سَبِيلِي أَدْعُو إِلَى اللَّهِ عَلَى بَصِيرَةٍ أَنَا وَمَنِ اتَّبَعَنِي ﴾

﴿ وَسُخِّنَ اللَّهُ وَمَا أَنَا مِنَ الْمُشْرِكِينَ ﴾

অর্থাৎ, বল, এটিই আমার পথ, আমি ও আমার অনুসারিগণ সজ্ঞানে আল্লাহর দিকে (মানুষকে) আহ্বান করি। আল্লাহ মহিমাম্বিত। আর আমি মুশরিকদের অন্তর্ভুক্ত নই। (সূরা ইউসুফ ১০৮ আয়াত)

﴿ آدُعُ إِلَى سَبِيلِ رَبِّكَ بِالْحُكْمِ وَالْمَوْعِظَةِ الْحَسَنَةِ وَجَدِلُهُمْ بِالَّتِي هِيَ أَحْسَنُ إِنَّ رَبَّكَ هُوَ أَعْلَمُ ﴾

﴿ بِمَنْ ضَلَّ عَنْ سَبِيلِهِ وَهُوَ أَعْلَمُ بِالْمُهْتَدِينَ ﴾

অর্থাৎ, তুমি মানুষকে প্রজ্ঞা ও সদুপদেশ দ্বারা তোমার প্রতিপালকের পথে আহ্বান কর এবং ওদের সাথে সন্তাবে তর্ক-আলোচনা কর। তোমার প্রতিপালক তাঁর পথ ছেড়ে কে বিপথগামী হয় সে সম্বন্ধে সবিশেষ অবহিত এবং যে সৎপথে আছে তাও তিনি সবিশেষ অবগত। (সূরা নাহল ১২৫ আয়াত)

﴿ وَلَا يَصُدُّنَكَ عَنْ آيَاتِ اللَّهِ بَعْدَ إِذْ أَنْزَلْتُ إِلَيْكَ وَأَدْعُ إِلَى رَبِّكَ وَلَا تَكُونَنَّ مِنَ الْمُشْرِكِينَ ﴾

অর্থাৎ, তোমার প্রতি আল্লাহর আয়াত অবতীর্ণ হওয়ার পর ওরা যেন তোমাকে কিছুতেই সেগুলি হতে বিমুখ না করে। তুমি তোমার প্রতিপালকের দিকে আহ্বান কর এবং কিছুতেই অংশীবাদীদের অন্তর্ভুক্ত হয়ো না। (সূরা ক্বাসাস ৮-৭ আয়াত)

(৩৮) হযরত ইবনে মাসউদ رضي الله عنه হতে বর্ণিত, তিনি বলেন, এক ব্যক্তি নবী ﷺ-এর নিকট এসে যাত্রা করল। তিনি বললেন, “আমার কাছে এমন কিছু নেই যা আমি তোমাকে দান করব। তবে তুমি অমুকের নিকট যাও।” সে ঐ লোকটির নিকট গেল। লোকটি তাকে দান করল। এ দেখে আল্লাহর রসূল ﷺ বললেন, “যে ব্যক্তি কল্যাণের প্রতি পথনির্দেশ করে তার জন্য ঐ কল্যাণ সম্পাদনকারীর সমপরিমাণ সওয়াব লাভ হয়।” (ইবনে হিব্বান)

বায্যার উক্ত হাদীসটিকে সংক্ষিপ্তাকারে বর্ণনা করেছেন। তাঁর শব্দগুলি এইরূপ : “কল্যাণের প্রতি পথনির্দেশক কল্যাণ সম্পাদনকারীরই অনুরূপ।” (সহীহ তারগীব ১১১নং)

(৩৯) হযরত আবু হুরাইরা رضي الله عنه কর্তৃক বর্ণিত, আল্লাহর রসূল ﷺ বলেছেন, “যে

ব্যক্তি সংপথের দিকে আহ্বান করে (দাওয়াত দেয়) সে ব্যক্তির ঐ পথের অনুসারীদের সমপরিমাণ সওয়াব লাভ হবে। এতে তাদের সওয়াব থেকে কিছু মাত্র কম হবে না। আর যে ব্যক্তি অসং পথের দিকে আহ্বান করে সেই ব্যক্তির ঐ পথের অনুসারীদের সমপরিমাণ গোনাহর ভাগী হবে। এতে তাদের গোনাহ থেকে কিছুমাত্র কম হবে না।” (মুসলিম ২৬৭৪নং প্রমুখ)

(৪০) হযরত সাহল বিন সা’দ ؓ কর্তৃক বর্ণিত, নবী ﷺ খায়বারের দিন আলী বিন আবী তালেবকে বলেছিলেন, “তুমি ধীর-স্থিরভাবে যাত্রা করে তাদের দ্বারপ্রান্তে গিয়ে উপস্থিত হও। অতঃপর তাদেরকে ইসলামের দিকে আহ্বান কর এবং ইসলামে তাদের উপর মহান আল্লাহর কি কি অধিকার এসে বর্তাবে তা তাদেরকে অবহিত কর। আল্লাহর কসম! তোমার মাধ্যমে আল্লাহ যদি একটি লোককেও হিদায়াত করেন, তাহলে তা তোমার জন্য লাল উটনী (আরবের সর্বশ্রেষ্ঠ সম্পদ) অপেক্ষা উত্তম।” (বুখারী ৩৭০১, মুসলিম ২৪০৬নং)

(৪১) হযরত আব্দুল্লাহ বিন আব্বাস ؓ বলেন, আল্লাহর রসূল ﷺ যখন মুআয বিন জাবালকে ইয়ামান প্রেরণ করেন, তখন তাঁকে নির্দেশ দিয়ে বলেন, “তুমি এমন এক সম্প্রদায়ের দিকে অগ্রসর হচ্ছ, যারা আহলে কিতাব। সুতরাং তোমার প্রথম দাওয়াত (আহ্বান) হবে তওহীদের দিকে। (আল্লাহ ছাড়া সত্যিকার কোন উপাস্য নেই এবং মুহাম্মাদ ﷺ তাঁর রসূল -এই কথা সাক্ষ্য দেওয়ার প্রতি।) অতঃপর এ কথা যদি (যখন) তারা জেনে ও মেনে নেয়, তাহলে (তখন) তাদেরকে জানিয়ে দাও যে, আল্লাহ দিবারাত্রে তাদের উপর ৫ অঙ্ক নামায ফরয করেছেন। অতঃপর তারা এ কথা মেনে নিলে (৫ অঙ্ক নামায পড়তে শুরু করলে) তাদেরকে জানিয়ে দাও যে, আল্লাহ তাদের মালের উপর যাকাত ফরয করেছেন; যা তাদের ধনী ব্যক্তিদের কাছ থেকে নিয়ে গরীবদের মাঝে বন্টন করা হবে। অতঃপর তারা তা মেনে নিলে (যাকাতে) তাদের সর্বোত্তম মাল গ্রহণ করা থেকে দূরে থাকে। আর মযলুম মানুষের দুআ থেকে সাবধান থাকে। কারণ, সেই দুআ ও আল্লাহর মাঝে কোন অন্তরাল থাকে না।” (বুখারী, মুসলিম)

❀❀ দ্বীনের দাওয়াত দেওয়াতেও আমাদেরকে অনুসরণ করতে হবে শরীয়তের। আর দায়ীকে অবলম্বন করতে হবে নানা গুণাবলী। তবেই দাওয়াতের কাজ সফলকাম ও ফলপ্রসূ হবে।

দাওয়াতের কাজে আমাদের পথিকৃৎ ও আদর্শ হলেন মহানবী ﷺ। পরবর্তী কোন ব্যুর্গ বা নেতা নয়। অতএব আমাদের দাওয়াত রাজনীতি বা ফাযায়েল দিয়ে শুরু হওয়া উচিত নয়; বরং শুরু হওয়া উচিত তওহীদ দিয়ে। মহানবী ﷺ মক্কায় রাজা হতে চাননি। আমাদের দাওয়াতের বৈশিষ্ট্য হওয়া উচিত, তওহীদ ও ঐক্য প্রতিষ্ঠা। পদ্ধতি হওয়া উচিত, অতিরঞ্জন ও টিলেমির মধ্যবর্তীপন্থা।

দায়ীকে যে সকল গুণে গুণান্বিত হওয়া দরকার, তার মধ্যে প্রধান প্রধান গুণাবলী হল :-

ইখলাস (আন্তরিকতা), (কুরআন ও হাদীসের) জ্ঞান-বিদ্যা, প্রতিদান ও সওয়ালের আশা, আমল, (তাকওয়া, সততা, সত্যবাদিতা, আমানতদারী, লজ্জাশীলতা, ভদ্রতা, গাম্ভীর্য, প্রগল্ভতাহীনতা, দানশীলতা, অর্থলোলুপতাহীনতা, উদরপরায়ণতাহীনতা, সুচরিত্রবত্তা), ঐর্ষ্যশীলতা, ক্ষমাশীলতা, সহনশীলতা, নম্রতা, দয়ার্দ্রতা, বিনয়, (আত্মপ্রশংসা ও গর্বহীনতা), স্মিতমুখ, সুভাষিতা, (কর্কশহীনতা), ইনসাফ, হিকমত, কৌশল ও দূরদর্শিতা, আবেগময় বয়ান, দৃঢ় সংকল্প, হিম্মত ও আশাবাদিতা, সাধনা, আল্লাহর দ্বীন ব্যাপারে গায়রত, বর্তমান পরিবেশ ও পরিস্থিতির সম্যক পরিচিতি, বিশ্বজনমতের প্রবণতা এবং ব্যক্তি ও সমাজের উপর তার প্রতিক্রিয়ার সম্যক জ্ঞান, আল্লাহর ওয়াস্তে বন্ধুত্ব এবং তাঁরই ওয়াস্তে বিদ্বেষ, পর্যায়ক্রমে অপেক্ষাকৃত অধিক জরুরী বিষয় দিয়ে দাওয়াত শুরু করা, আগে সংশোধন, তারপর বীজবপন ও সংগঠন, দাওয়াতের বিভিন্ন অসীলা ও উপায় প্রয়োজনমত ব্যবহার ইত্যাদি।

## আলেম ও ইল্ম (শরয়ী জ্ঞান) অন্বেষণ করার ফযীলত

মহান আল্লাহ বলেন,

﴿ قُلْ هَلْ يَسْتَوِي الَّذِينَ يَعْلَمُونَ وَالَّذِينَ لَا يَعْلَمُونَ إِنَّمَا يَتَذَكَّرُ أُولُو الْأَلْبَابِ ﴿١٢٩﴾ ﴾

অর্থাৎ, “যারা জানে এবং যারা জানে না তারা কি সমান? বোধ-শক্তি-সম্পন্ন লোকেরাই কেবল উপদেশ গ্রহণ করে থাকে।” (সূরা যুমার ৯ আয়াত)

অর্থাৎ, “তোমাদের মধ্যে যারা ঈমানদার এবং যাদেরকে ইল্ম দান করা হয়েছে আল্লাহ তাদেরকে বহু মর্যাদায় উন্নত করবেন।” (সূরা মুজাদিলাহ ১১ আয়াত)

(৪২) হযরত মুআবিআহ رضي الله عنه হতে বর্ণিত, আল্লাহর রসূল ﷺ বলেছেন, “আল্লাহ যার জন্য কল্যাণ চান তাকে দ্বীনী জ্ঞান দান করে থাকেন।” (বুখারী ৭১নং মুসলিম ১০৩৭নং, ইবনে মাজাহ)

(৪৩) হযরত হুযাইফাহ বিন ইয়ামান رضي الله عنه হতে বর্ণিত, আল্লাহর রসূল ﷺ বলেছেন, “ইল্মের (শরয়ী জ্ঞানের) মর্যাদা ইবাদতের মর্যাদা অপেক্ষা উচ্চতর। আর তোমাদের শ্রেষ্ঠতম দ্বীন হল সংযমশীলতা। (পরহেযগারী; অর্থাৎ, সর্বপ্রকার অবৈধ, সন্দিগ্ধ ও ঘৃণিত আচরণ, কর্ম ও বস্তু থেকে নিজেকে সংযত রাখা।) (ত্বাবারানীর আওসাত্, বাযযার, সহীহ তারগীব ৬৫নং)



(৪৪) হযরত আবু হুরাইরা رضي الله عنه প্রমুখাৎ বর্ণিত, তিনি বলেন আল্লাহর রসূল বলেছেন, “যে ব্যক্তি কোন মুমিনের পার্থিব কোন একটি দুঃখ-কষ্ট দূরীভূত করে দেবে, আল্লাহ তার বিনিময়ে কিয়ামতে সেই ব্যক্তির একটি দুঃখ-কষ্ট দূরীভূত করে দেবেন। যে ব্যক্তি কোন মুসলিমের ক্রটি গোপন করে, আল্লাহ ইহ-পরকালে তার ক্রটি গোপন করে নেন। যে ব্যক্তি কোন দুঃস্থ (ঋণগ্রস্ত)কে (ঋণ পরিশোধে) অবকাশ দেবে, আল্লাহ ইহ-পরকালে তার কষ্ট লাঘব করবেন। আল্লাহ বান্দার সাহায্যে থাকেন যতক্ষণ বান্দা তার ভায়ের সাহায্যে থাকে। আর যে ব্যক্তি এমন পথ অবলম্বন করে চলে যাতে সে ইল্ম (শরয়ী জ্ঞান) অন্বেষণ করে, আল্লাহ তার বিনিময়ে তার জন্য জান্নাতে যাওয়ার পথ সহজ করে দেন। যখনই কোন একদল মানুষ আল্লাহর গৃহসমূহের কোন এক গৃহে (মসজিদে) সমবেত হয়ে আল্লাহর কিতাব পাঠ করে এবং আপোসে তা অধ্যয়ন করে তখনই ফিরিশ্তাবর্গ তাদেরকে পরিবেষ্টিত করে নেন, তাদের উপর প্রশান্তি অবতীর্ণ হয়, করুণা তাদেরকে আচ্ছাদন করে নেয় এবং তাদের কথা আল্লাহ তাঁর নিকটবর্তী ফিরিশ্তাবর্গের মধ্যে আলোচনা করেন। আর যাকে তার আমল পশ্চাদ্বর্তী করেছে, তাকে তার বংশ অগ্রবর্তী করতে পারে না।” (মুসলিম ২৬৯৯নং, আবু দাউদ, তিরমিযী, নাসাঈ, ইবনে মাজাহ, ইবনে হিব্বান, হাকেম)

(৪৫) হযরত আবু দারদা رضي الله عنه কর্তৃক বর্ণিত, আল্লাহর রসূল صلى الله عليه وسلم বলেছেন, “যে ব্যক্তি এমন পথে চলে যাতে সে ইল্ম অনুসন্ধান করে, সেই ব্যক্তির জন্য আল্লাহ জান্নাত যাওয়ার পথ সহজ করে দেন। নিঃসন্দেহে ফিরিশ্তাবর্গ ইল্ম অনুসন্ধানীর ঐ কর্মে সন্তুষ্টি প্রকাশ করে তার জন্য তাঁদের ডানা বিছিয়ে দেন। অবশ্যই আলেমের জন্য আকাশবাসী সকলে এবং পৃথিবীর অধিবাসী -এমন কি পানির মাছ পর্যন্তও ক্ষমা প্রার্থনা করে থাকে। আবেদ (ইবাদতকারী) অপেক্ষা আলেমের উচ্চ মর্যাদা ঠিক তদ্রূপ যদ্রূপ সমগ্র তারকারাজি অপেক্ষা চন্দ্রের। নিশ্চয়ই আলেমগণ নবীগণের ওয়ারেসীন (উত্তরাধিকারী)। নবীগণ না কোন দীনারের উত্তরাধিকার করেছেন না কোন দিরহামের। বরং তাঁরা ইলমেরই উত্তরাধিকার করে গেছেন। সুতরাং যে ব্যক্তি তা গ্রহণ করে সে পর্যাপ্ত অংশ গ্রহণ করে থাকে।” (আবু দাউদ, তিরমিযী, ইবনে মাযাহ, ইবনে হিব্বান, বাইহাকী, সহীহ তারগীব ৬৭নং)

(৪৬) হযরত সফওয়ান বিন আসসাল মুরাদী رضي الله عنه হতে বর্ণিত, তিনি বলেন, একদা আমি নবী صلى الله عليه وسلم-এর নিকট এলাম। তিনি মসজিদে তাঁর এক লালরঙের চাদরে হেলান দিয়ে বসেছিলেন। আমি তাঁকে বললাম, ‘হে আল্লাহর রসূল! আমি ইল্ম অন্বেষণ করতে এলাম।’ আমার একথা শুনে তিনি বললেন, “ইল্ম অন্বেষী (দ্বীন শিক্ষার্থী)কে আমি স্বাগত জানাই। অবশ্যই ইল্ম অন্বেষীকে ফিরিশ্তাগণ তাঁদের পক্ষ দ্বারা পরিবেষ্টিত করে নেন। অতঃপর একে অন্যের উপর আরোহণ করেন। অনুরূপভাবে তাঁরা নিম্ন আসমান পর্যন্ত পৌঁছে যান। এতদ্বারা তাঁরা তার ঐ ইল্ম

অন্বেষণের প্রতি নিজেদের ভালোবাসা প্রকাশ করে থাকেনা” (আহমাদ, ত্বাবারানী, ইবনে হিব্বান, হাকেম, ইবনে মাজাহ (ভিন্ন শব্দে), সহীহ তারগীব ৬৮-নং)

(৪৭) হযরত আবু হুরাইরা رضي الله عنه বলেন, আমি নবী صلى الله عليه وسلم কে বলতে শুনেছি, তিনি বলেছেন, “পৃথিবী অভিশপ্ত এবং অভিশপ্ত তার সকল বস্তু। তবে আল্লাহর যিকর ও তার আনুষঙ্গিক বিষয়, এবং আলেম (দ্বীন শিক্ষক) ও তাগেবে ইলম (দ্বীন শিক্ষার্থী অভিশপ্ত) নয়।” (তিরমিযী, ইবনে মাজাহ, বাইহাকী, সহীহ তারগীব ৭০নং)

(৪৮) উক্ত আবু হুরাইরা رضي الله عنه হতে বর্ণিত, তিনি বলেন আল্লাহর রসূল صلى الله عليه وسلم বলেছেন, “আদম সন্তান মারা গেলে তার সমস্ত আমল বিচ্ছিন্ন হয়ে যায়, অবশ্য তিনটি আমল বিচ্ছিন্ন হয় না; সাদকাহ জা-রিয়াহ (ইষ্টাপূর্ত কর্ম), লাভদায়ক ইলম, অথবা নেক সন্তান যে তার জন্য দুআ করে থাকে।” (মুসলিম ১৬৩১নং প্রমুখ)

(৪৯) হযরত সাহল বিন মুআয বিন আনাস তাঁর পিতার নিকট হতে বর্ণনা করেন, নবী صلى الله عليه وسلم বলেছেন, যে ব্যক্তি কোন ইলম শিক্ষা দেয় তার জন্য রয়েছে সেই ব্যক্তির সমপরিমাণ সওয়াব, যে সেই ইলম অনুযায়ী আমল করে। এতে আমলকারীরও সওয়াব কিঞ্চিৎ পরিমাণ হ্রাস হবে না।” (ইবনে মাজাহ, সহীহ তারগীব ৭৬নং)

(৫০) হযরত আবু উমামাহ বাহেলী رضي الله عنه প্রমুখাৎ বর্ণিত, তিনি বলেন, আল্লাহর রসূল صلى الله عليه وسلم এর নিকটে দুই ব্যক্তির কথা উল্লেখ করা হল; একজন আবেদ, অপরজন আলেমা। তিনি বললেন, “আবেদের উপর আলেমের মর্যাদা ততগুণ, যতগুণ তোমাদের কোন নিম্নমানের ব্যক্তির উপর আমার মর্যাদা রয়েছে।” অতঃপর তিনি বললেন, “নিশ্চয় আল্লাহ, তাঁর ফিরিশ্তাবর্গ, আকাশমন্ডলী ও পৃথিবীর অধিবাসী, এমন কি পিপিলিকা নিজ গর্তে, এমনকি মৎস্য পর্যন্তও মানুষকে সংশিক্ষাদানকারী শিক্ষকের জন্য দুআ করে থাকে।” (তিরমিযী, সহীহ তারগীব ৭৭নং)

(৫১) হযরত আবু উমামা رضي الله عنه কর্তৃক বর্ণিত, নবী صلى الله عليه وسلم বলেছেন, “যে ব্যক্তি কেবলমাত্র কল্যাণমূলক কিছু (দ্বীন) শিক্ষা করা অথবা দেওয়ার উদ্দেশ্যেই মসজিদের প্রতি যাত্রা করে, তার জন্য (তার আমলনামায়) এক পূর্ণ হজ্জের সমপরিমাণ নেকী লিপিবদ্ধ করা হয়।” (ত্বাবারানী, সহীহ তারগীব ৮১নং)

(৫২) হযরত আবু হুরাইরা رضي الله عنه প্রমুখাৎ বর্ণিত, আল্লাহর রসূল صلى الله عليه وسلم বলেছেন, “যে ব্যক্তি আমার এই মসজিদে আসে, এবং তার উদ্দেশ্য কেবল কল্যাণমূলক (দ্বীনী ইলম) শিক্ষা করা অথবা দেওয়াই হয়, তাহলে সে ব্যক্তি আল্লাহর পথে জিহাদকারীদের মর্যাদায় সমুল্লত হয়। আর যে ব্যক্তি এ ছাড়া ভিন্ন কোন উদ্দেশ্যে আসে, সে সেই ব্যক্তির সমতুল্য যে পরের আসবাব-পত্রের প্রতি তাকিয়ে থাকে।” (ইবনে মাজাহ, বাইহাকী, সহীহ তারগীব ৮২নং)

❀ এতে কোন সন্দেহ নেই যে, ইলম শিক্ষা করা একটি মহান ইবাদত। ইলমহীন ইবাদত বিদাতাত হতে পারে। আর সবচেয়ে বড় ইলম হল আল্লাহর সত্তা সম্বন্ধে

ইল্ম, তাওহীদের ইল্ম, হালাল ও হারামের ইল্ম। যেহেতু যে ইল্ম ছাড়া ফরয আদায় হওয়া এবং হারাম থেকে দূরে থাকা সম্ভব নয়, সে ইল্ম শিক্ষা করাই ফরয। আর তারই আছে এত এত মাহাত্ম্য ও মর্যাদা।

## হাদীস বর্ণনা ও ইল্ম প্রচার করার ফযীলত

(৫৩) হযরত ইবনে মাসউদ رضي الله عنه হতে বর্ণিত, আল্লাহর রসূল ﷺ বলেছেন, “আল্লাহ সেই ব্যক্তির শ্রীবৃদ্ধি করেন, যে ব্যক্তি আমাদের নিকট কিছু শ্রবণ করে তা অন্যের নিকট ঠিক সেই ভাবেই পৌঁছে দেয়, যেভাবে সে শ্রবণ করেছিল। কেননা যাদের কাছে (হাদীস) পৌঁছানো হয় তাদের কেউ কেউ এমনও আছে, যে ঐ শ্রবণকারী অপেক্ষা অধিক স্মৃতিমান ও সমবাদার।” (আবু দাউদ, তিরমিযী, ইবনে হিব্বান, সহীহ তারগীব ৮৩নং)

(৫৪) হযরত আবু হুরাইরা رضي الله عنه কর্তৃক বর্ণিত, আল্লাহর রসূল ﷺ বলেছেন, “মুমিনের মৃত্যুর পর তার আমল ও পুণ্যকর্মসমূহ হতে নিশ্চিতভাবে যা এসে তার সহিত মিলিত হয় তা হল; সেই ইল্ম, যা সে শিক্ষা করে প্রচার করেছে অথবা নেক সন্তান যাকে রেখে সে মারা গেছে, অথবা কুরআন শরীফ যা সে মীরাসরূপে ছেড়ে গেছে, অথবা মসজিদ যা সে নিজে নির্মাণ করে গেছে, অথবা মুসাফিরখানা যা সে মুসাফিরদের সুবিধার্থে নির্মাণ করে গেছে, অথবা পানির নালা যা সে (সেচ ইত্যাদির উদ্দেশ্যে) প্রবাহিত করে গেছে, অথবা সাদকাহ যা সে নিজের মাল থেকে তার সুস্থ ও জীবিতাবস্থায় বের (দান) করে গেছে এসব কর্মের সওয়াব তার মৃত্যুর পরও তার সাথে এসে মিলিত হবে।” (ইবনে মাজাহ, বাইহাকী, ইবনে খুজাইমাহ ভিন্ন শব্দে, সহীহ তারগীব ১০৭নং)

## আল্লাহ ও রসূল ﷺ-এর উপর মিথ্যা বলা হতে ভীতি-প্রদর্শন

﴿ قَالَ لَهُمْ مُوسَىٰ وَيْلَكُمْ لَا تَفْتَرُوا عَلَى اللَّهِ كَذِبًا فَيُسْحِتَكُمْ بِعَذَابٍ ۗ ۝﴾

﴿ وَقَدْ خَابَ مَنْ أَفْتَرَىٰ ۝﴾

অর্থাৎ, মুসা বলল, দুর্ভোগ তোমাদের! তোমরা আল্লাহর প্রতি মিথ্যা আরোপ করো না। করলে, তিনি তোমাদেরকে শাস্তি দিয়ে সমূলে ধ্বংস করবেন। যে মিথ্যা উদ্ভাবন করে সে ব্যর্থ হয়। (সূরা তাহা ৬১ আয়াত)





স্বল্প মূল্য গ্রহণ করে, তারা কেবল আগুন দিয়ে নিজেদের উদর পূর্ণ করে। শেষ বিচারের দিন আল্লাহ তাদের সাথে কথা বলবেন না এবং তাদেরকে পবিত্রও করবেন না; আর তাদের জন্য রয়েছে কষ্টদায়ক শাস্তি। তারাই সুপথের বদলে কুপথ এবং ক্ষমার বদলে শাস্তি ক্রয় করে নিয়েছে, (দোযখের) আগুনে তারা কতই না ঐর্ষশীল! (এ ১৭৪-১৭৫ আয়াত)

(৬২) হযরত আবু হুরাইরা رضي الله عنه কর্তৃক বর্ণিত, আল্লাহর রসূল ﷺ বলেন, “যে ব্যক্তি কোন ইলম সম্বন্ধে জিজ্ঞাসিত হওয়ার পর তা গোপন করে সে ব্যক্তিকে কিয়ামতের দিন আগুনের একটি লাগাম পরানো হবে।” (আবু দাউদ, তিরমিযী, ইবনে মাজাহ, ইবনে হিব্বান, বাইহাকী, হাকেম অনুরূপ।)

ইবনে মাজার এক বর্ণনায় আছে, তিনি رضي الله عنه বলেন, “যে ব্যক্তি তার সংরক্ষিত (ও জানা) ইলম গোপন করবে সে ব্যক্তিকে কিয়ামতের দিন মুখে আগুনের লাগাম দেওয়া অবস্থায় হাযির করা হবে।” (সহীহ তারগীব ১১৫ নং)

❀ এখান থেকে স্পষ্ট হয় যে, শরীয়তের কোন ইলম গুপ্ত নেই এবং বাতেনী ইলম বলে কোন ইলম নেই।

ইলমে যাহেরী শরীয়ত ও ইবাদতের ইলম এবং ইলমে বাতেনী শরীয়ত ও ইবাদতের হিকমত বা যুক্তি জানাকে বলা যায়। এ ছাড়া মুসলিমের জন্য এমন কোন বাতেনী (গুপ্ত) ইলম নেই, যাতে তার মঙ্গল থাকতে পারে। (বরং অধিকাংশ বাতেনী ইলম গোমরাহীর কারণ।) যারা শরীয়তের অনুসারীদেরকে ভাসমান পানাড়ি পাতার সহিত তুলনা করে, তারাই আসলে পানিতে ডুবে সর্বনাশগ্রস্ত। সলফে সালেহীনের কলবে কলবে কোন গুপ্ত ইলম ছিল না, যা ছিল তা প্রচার করে গেছেন। যেহেতু ইলম বাতেন বা গুপ্ত করা অবৈধ ও হারাম। (তওহীদ ৮-৭ পৃঃ দ্রঃ)

## ইলম অনুযায়ী আমল না করা এবং যা বলা হয় তা নিজে না করা হতে ভীতি-প্রদর্শন

মহান আল্লাহ বলেন,

﴿

অর্থাৎ, হে মু'মিনগণ! তোমরা যা নিজে কর না তা তোমরা (অপরকে করতে) বল কেন? তোমরা যা নিজে কর না তা তোমাদের বলা আল্লাহর নিকট অতিশয় অসন্তোষজনক। (সূরা স্বাফ্ ২-৩ আয়াত)

(৬৩) হযরত উসামাহ বিন যায়েদ رضي الله عنه কর্তৃক বর্ণিত, তিনি আল্লাহর রসূল ﷺ এর নিকট শুনেছেন, তিনি বলেছেন যে, “কিয়ামতের দিন এক ব্যক্তিকে উপস্থিত করে











## প্রস্রাব-পায়খানার সময় কেবলার দিকে মুখ বা পশ্চাৎ করে না বসার ফযীলত

(৮৪) হযরত আবু আইয়ুব আনসারী رضي الله عنه হতে বর্ণিত, নবী صلى الله عليه وسلم বলেন, “পায়খানা করার সময়ে তোমরা কিবলাকে সম্মুখ অথবা পশ্চাৎ করে বসো না। বরং পূর্ব অথবা পশ্চিম দিকে মুখ অথবা পিঠ করে বসো।” (বুখারী ১৪৪, মুসলিম ২৬৪নং)

❀ বলাই বাহুল্য যে, আমাদের দেশে কিবলার দিক পশ্চিমে। অতএব আমাদেরকে উত্তর অথবা দক্ষিণ দিকে মুখ অথবা পিঠ করে বসতে হবে।

(৮৫) হযরত আবু হুরাইরা رضي الله عنه হতে বর্ণিত, তিনি বলেন, আল্লাহর রসূল صلى الله عليه وسلم বলেছেন, “যে ব্যক্তি মলত্যাগ করার সময় কেবলামুখে অথবা কেবলাকে পিছন করে না বসে, তার জন্য এর দরুন একটি নেকী লিপিবদ্ধ করা হয় এবং একটি গোনাহ মোচন করে দেওয়া হয়।” (তাবারানী, সহীহ তারগীব ১৪৫নং)

## রাস্তা, ছায়া ও ঘাটে প্রস্রাব-পায়খানা করা হতে ভীতি-প্রদর্শন

(৮৬) হযরত আবু হুরাইরা رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “তোমরা দুই অভিশাপ আনয়নকারী কর্ম থেকে বাঁচ।” লোকেরা বলল, ‘দুই অভিশাপ আনয়নকারী কর্ম কি, হে আল্লাহর রসূল?’ তিনি বললেন, “লোকদের রাস্তায় ও ছায়াতে প্রস্রাব-পায়খানা করা।” (মুসলিম ২৬৯নং, আবু দাউদ ২৫নং, প্রমুখ)

(৮৭) হযরত মুআয বিন জাবাল رضي الله عنه হতে বর্ণিত, আল্লাহর রসূল صلى الله عليه وسلم বলেন, “তোমরা তিনটি অভিশাপ আনয়নকারী কর্ম থেকে বাঁচ; আর তা হল, ঘাটে, মাঝ-রাস্তায় এবং ছায়ায় পায়খানা করা।” (আবু দাউদ, ইবনে মাজাহ, সহীহ তারগীব ১৪১নং)

(৮৮) হযরত হুযাইফাহ বিন আসীদ رضي الله عنه হতে বর্ণিত, নবী صلى الله عليه وسلم বলেন, “যে ব্যক্তি রাস্তার ব্যাপারে মুসলিমদেরকে কষ্ট দেয় সে ব্যক্তির উপরে তাদের অভিশাপ অনিবার্য হয়ে যায়।” (তাবারানী কাবীর, সহীহ তারগীব ১৪৩নং)

❀ উল্লেখ্য যে, প্রস্রাব-পায়খানা পরিষ্কার করার সময় ডান হাত ব্যবহার বৈধ নয়। ডিল ব্যবহার করলে তিন বা তিনের বেশী বেজোড় ব্যবহার বিধেয় এবং হাড় বা শুকনো গোবর ব্যবহার বৈধ নয়।

## দেহ বা কাপড়ে পেশাবের ছিটা লাগা এবং তা থেকে সতর্ক না থাকা হতে ভীতি-প্রদর্শন

(৮৯) ইবনে আক্বাস رضي الله عنه কর্তৃক বর্ণিত, আল্লাহর রসূল صلى الله عليه وسلم একদা দু’টি কবরের পাশ









বললেন, “হে বিলাল! কি এমন কাজ করে তুমি জান্নাতে আমার আগে চলে গেলে? আমি গত রাত্রে (স্বপ্নে) জান্নাতে প্রবেশ করলে তোমার (জুতার) শব্দ আমার সামনে থেকে শুনতে পেলাম!” বিলাল বললেন, ‘হে আল্লাহর রসূল! আমি যখনই আযান দিয়েছি তখনই দুই রাকআত নামায পড়েছি। আর যখনই আমি অপবিত্র হয়েছি তখনই আমি সাথে সাথে ওযু করে নিয়েছি।’ এ শুনে আল্লাহর রসূল ﷺ বললেন, “এই কাজের জন্যই। (জান্নাতে আমার আগে আগে তোমার শব্দ শুনলাম।)” (ইবনে খুযাইমাহ, সহীহ তারগীব ১৯৪নং)

### ওযুর পর বিশেষ যিক্রের ফযীলত

(১০৮) হযরত উমর বিন খাত্তাব ؓ কর্তৃক বর্ণিত, নবী ﷺ বলেছেন, “তোমাদের মধ্যে যে কেউই পরিপূর্ণরূপে ওযু করার পর (নিশ্চিন্ত যিক্র) পড়ে তার জন্যই জান্নাতের আটটি দ্বার উন্মুক্ত করা হয়; যে দ্বার দিয়ে ইচ্ছা সে প্রবেশ করতে পারে।

“আশহাদু আল লা ইলা-হা ইল্লাল্লা-হু অহদাহু লা শারীকা লাহু অ আশহাদু আন্না মুহাম্মাদান আব্দুল্হু অরাসুলুহা।”

অর্থাৎ, আমি সাক্ষ্য দিচ্ছি যে, আল্লাহ ব্যতীত কোন সত্য উপাস্য নেই। তিনি একক তাঁর কোন অংশী নেই। আরো সাক্ষ্য দিচ্ছি যে, মুহাম্মাদ ﷺ তাঁর বান্দা ও রসূল। (মুসলিম ২৩৪নং, আবু দাউদ, ইবনে মাজাহ)

(১০৯) হযরত আবু সাঈদ খুদরী ؓ হতে বর্ণিত, আল্লাহর রসূল বলেছেন, “--- আর যে ব্যক্তি ওযুর পর (নিশ্চিন্ত যিক্র) বলে তার জন্য তা এক শুভ পত্রে লিপিবদ্ধ করা হয়। অতঃপর তা সীল করে দেওয়া হয় যা কিয়ামত দিবস পর্যন্ত নষ্ট করা হয় না।

“সুবহানাকাল্লা-হুম্মা অবিহামদিকা, আশহাদু আল লা ইলা-হা ইল্লা আন্তু, আস্তাগফিরকা অ আতুবু ইলাইক।”

অর্থাৎ, তোমার সপ্রশংস পবিত্রতা ঘোষণা করছি হে আল্লাহ! আমি সাক্ষ্য দিচ্ছি যে, তুমিই একমাত্র সত্য উপাস্য। আমি তোমার নিকট ক্ষমা প্রার্থনা করছি ও তোমার দিকে প্রত্যাবর্তন (তওবা) করছি। (তাবারানীর আওসাত্, সহীহ তারগীব ২ ১৮-নং)

### ওযুর পর দুই রাকআত নামাযের ফযীলত



(১১০) হযরত উক্ববাহ বিন আমের ﷺ হতে বর্ণিত, তিনি বলেন, আল্লাহর রসূল ﷺ বলেছেন, “যে কোন ব্যক্তি যখনই সুন্দরভাবে ওয়ু করে সবিনয়ে একাগ্রতার সাথে দুই রাকআত নামায পড়ে তখনই তার জন্য জান্নাত অবধার্য হয়ে যায়।” (মুসলিম ২৩৪নং, আবু দাউদ, নাসাঈ, ইবনে মাজাহ)

(১১১) হযরত যায়দ বিন খালেদ জুহানী ﷺ কর্তৃক বর্ণিত, আল্লাহর রসূল ﷺ বলেছেন, “যে ব্যক্তি সুন্দরভাবে ওয়ু করে, কোন ভুল না করে (একাগ্রচিত্তে) দুই রাকআত নামায পড়ে, সেই ব্যক্তির পূর্বকার সমুদয় গোনাহ মাফ হয়ে যায়।” (আবু দাউদ, সহীহ তারগীব ২২ ১নং)

### নামায অধ্যায়

## আযান ও প্রথম কাতারের মাহাত্ম্য

(১১২) হযরত আবু হুরাইরা ﷺ কর্তৃক বর্ণিত, তিনি বলেন, আল্লাহর রসূল ﷺ বলেছেন, “লোকে যদি আযান ও প্রথম কাতারের মাহাত্ম্য জানত, অতঃপর তা লাভের জন্য লটারি করা ছাড়া কোন অন্য উপায় না পেত, তাহলে লটারিই করত। আর তারা যদি (নামাযের জন্য মসজিদের প্রতি) সকাল-সকাল আসার মাহাত্ম্য জানত, তাহলে অবশ্যই তার জন্য প্রতিযোগিতা করত। আর যদি এশা ও ফজরের নামাযের মাহাত্ম্য তারা জানত তাহলে হমাগুড়ি দিয়ে চলেও তারা উভয় নামাযে উপস্থিত হত।” (বুখারী ৬ ১৫নং, মুসলিম ৪৩৭নং)

(১১৩) হযরত বারা' বিন আযেব ﷺ কর্তৃক বর্ণিত, নবী ﷺ বলেন, “আল্লাহ প্রথম কাতারের (নামাযীদের) উপর রহমত বর্ষণ করেন এবং ফিরিশ্বাগণ তাদের জন্য ক্ষমা প্রার্থনা করে থাকেন। মুআয্বিনকে তার আযানের আওয়াযের উচ্চতা অনুযায়ী ক্ষমা করা হয়। তার আযান শ্রবণকারী প্রত্যেক সরস বা নীরস বস্তু তার কথার সত্যায়ন করে থাকে। তার সহিত যারা নামায পড়ে তাদের সকলের নেকীর সমপরিমাণ তার নেকী লাভ হয়।” (আহমাদ, নাসাঈ, সহীহ তারগীব ২২৮নং)

(১১৪) হযরত মুআবিয়াহ ﷺ হতে বর্ণিত, তিনি বলেন, আমি আল্লাহর রসূল ﷺ-এর নিকট শুনেছি, তিনি বলেছেন, “কিয়ামতের দিন মুআয্বিনগণের গর্দান অন্যান্য লোকদের চেয়ে লম্বা হবে।” (মুসলিম ৩৮ ৭নং)

(১১৫) হযরত ইবনে উমার ﷺ কর্তৃক বর্ণিত, নবী ﷺ বলেন, “যে ব্যক্তি বারো বৎসর আযান দেবে তার জন্য জান্নাত ওয়াজেব হয়ে যাবে। আর প্রত্যেক দিন আযানের দরুন তার আমলনামায় ষাটটি নেকী লিপিবদ্ধ করা হবে এবং তার



আল্লাহর রসূল ﷺ-এর সঙ্গে ছিলামা। অতঃপর রসূল ﷺ বললেন, ‘এ যা বলল, অনুরূপ যে অন্তরের একীনের (প্রত্যয়ের) সহিত বলবে, সে জান্নাতে প্রবেশ করবে।’ (নাসাঈ, ইবনে মাজাহ, সহীহ তারগীব ২৪৭নং)

## আযান হওয়ার পর বিনা ওজরে মসজিদ থেকে বের হয়ে যাওয়া হতে ভীতি-প্রদর্শন

(১১৯) হযরত ওসমান বিন আফ্ফান ؓ কর্তৃক বর্ণিত, আল্লাহর রসূল ﷺ বলেন, “যে ব্যক্তির মসজিদে থাকা অবস্থায় আযান হয়, অতঃপর বিনা কোন প্রয়োজনে বের হয়ে যায় এবং ফিরে আসার ইচ্ছা না রাখে সে ব্যক্তি মুনাফিক।” (ইবনে মাজাহ, সহীহ তারগীব ১৫৭নং)

❀ ‘সে ব্যক্তি মুনাফিক’ :- অর্থাৎ, তার সে কাজ মুনাফিকের কাজ।

## কূপ খনন ও মসজিদ নির্মাণ করার ফযীলত

(১২০) হযরত জাবের বিন আব্দুল্লাহ ؓ হতে বর্ণিত, নবী ﷺ বলেন, “যে ব্যক্তি পানির কোন কূপ খনন করে এবং তা হতে মানব, দানব পশু-পক্ষী (প্রভৃতি) পিপাসার্ত জীব পানি পান করে তবে সেই ব্যক্তিকে আল্লাহ কিয়ামতের দিন তার প্রতিদান প্রদান করবেন। আর যে ব্যক্তি তিতির পাখীর (পোকামাকড় খোঁজার উদ্দেশ্যে) আঁচড়ানো স্থান পরিমাণ আয়তনের অথবা তদপেক্ষা ছোট আকারের মসজিদ নির্মাণ করবে আল্লাহ তার জন্য জান্নাতে একটি গৃহ নির্মাণ করবেন।” (ইবনে খুযাইমাহ, সহীহ তারগীব ২৬৫নং)

## মসজিদে ও কিবলার দিকে থুথু ফেলা এবং মসজিদে সাংসারিক কথা বলা, হারানো জিনিস খোঁজা ও বেচা-কেনা করা হতে ভীতি-প্রদর্শন

(১২১) হযরত আবু সাঈদ খুদরী ؓ হতে বর্ণিত, তিনি বলেন, আল্লাহর রসূল ﷺ খেজুর কাঁদির উঁটা হাতে নিতে পছন্দ করতেন। একদা ঐ উঁটা হাতে তিনি মসজিদ প্রবেশ করলেন এবং মসজিদের কিবলায় (দেওয়ালে) কিছু শ্লেষ্মা লেগে আছে তা লক্ষ্য করলেন। তিনি ঐ (উঁটা দ্বারা) তা রগড়ে পরিষ্কার করে দিলেন। অতঃপর রাগের সাথে লোকদেরকে সম্বোধন করে বললেন, “তোমাদের মধ্যে কেউ কি একথা

পছন্দ করে যে, কোন ব্যক্তি তাকে সামনে করে তার চেহারায থুথু মারে?! তোমাদের মধ্যে যখন কেউ নামায পড়তে দাঁড়ায় তখন তার প্রতিপালক (আল্লাহ) তার সামনে থাকেন এবং তার ডাইনে থাকেন ফিরিশ্তা। সুতরাং সে যেন তার সামনের (কেবলার) দিকে অথবা ডান দিকে থুথু না ফেলে----।” (ইবনে খুযাইমাহ, সহীহ তারগীব ২৭৮-নং)

(১২২) হযরত ইবনে উমার ؓ কর্তৃক বর্ণিত, আল্লাহর রসূল ﷺ বলেন, “কিবলার দিকে যে কফ্ ফেলে তার চেহারায ঐ কফ্ থাকা অবস্থায় সে ব্যক্তিকে কিয়ামতের দিন পুনরুত্থিত করা হবে।” (বাযযার, ইবনে খুযাইমাহ, ইবনে হিব্বান, সহীহ তারগীব ২৮১-নং)

❀ বলা বাহুল্য নামায ছাড়া অন্যান্য অবস্থাতেও কেবলার দিকে থুথু বা কফ্ ফেলা বৈধ নয়।

(১২৩) হযরত আনাস ؓ হতে বর্ণিত, নবী ﷺ বলেন, “মসজিদে থুথু ফেলা গোনাহর কাজ এবং তার কাফফারা হল তা দাফন (পরিষ্কার) করে দেওয়া।” (বুখারী ৪১৫, মুসলিম ৫৫২ নং প্রমুখ)

(১২৪) হযরত আবু হুরাইরা ؓ কর্তৃক বর্ণিত, আল্লাহর রসূল ﷺ বলেন, “যখন তোমরা মসজিদে কাউকে কেনা-বেচা করতে দেখবে তখন বলবে, ‘আল্লাহ তোমার ব্যবসায় যেন বর্কত না দিনা’ আর যখন কাউকে কোন হারানো জিনিস খুঁজতে দেখবে তখন বলবে, ‘আল্লাহ যেন তোমাকে তা ফিরিয়ে না দিনা।’ (তিরমিযী, নাসাঈ, ইবনে খুযাইমা, হাকেম, সহীহ তারগীব ২৮৭-নং)

(১২৫) হযরত ইবনে মসউদ ؓ কর্তৃক বর্ণিত, আল্লাহর রসূল ﷺ বলেন, “আখেরী যামানায় এক শ্রেণীর লোক হবে যারা মসজিদে (সাংসারিক) কথা-বার্তা বলবে। এদেরকে নিয়ে আল্লাহর কোন প্রয়োজন নেই।” (ইবনে হিব্বান, সহীহ তারগীব ২১২ নং)

## কাঁচা পিঁয়াজ, রসুন, মূলা প্রভৃতি দুর্গন্ধময় জিনিস খেয়ে মসজিদ আসা হতে ভীতি-প্রদর্শন

(১২৬) হযরত আনাস ؓ হতে বর্ণিত, নবী ﷺ বলেন, “যে ব্যক্তি এই সজ্জি (পিঁয়াজ-রসুন প্রভৃতি) ভক্ষণ করেছে, সে যেন অবশ্যই আমাদের নিকটবর্তী না হয় এবং আমাদের সহিত নামায না পড়ে।” (বুখারী ৮৫৬, মুসলিম ৫৬২নং)

(১২৭) হযরত জাবের ؓ থেকে বর্ণিত, নবী ﷺ বলেছেন, “যে ব্যক্তি পিঁয়াজ ও কুরাস খাবে, সে যেন অবশ্যই আমাদের মসজিদের নিকটবর্তী না হয়। কারণ, আদম সন্তান যে বস্তুর মাধ্যমে কষ্ট পেয়ে থাকে ফিরিশ্তাবর্গও তাতে কষ্ট পেয়ে থাকেন।” (মুসলিম ৫৬৪নং)

❀ কুরাস হল রসুন পাতার মত দেখতে এক প্রকার কাঁচা দুর্গন্ধময় সজ্জি, যাকে ইংরেজীতে ‘লীক’ (Leek) বলা হয়। বলা বাহুল্য, এর চাইতে অধিক দুর্গন্ধময় দ্রব্য

বিড়ি-সিগারেট খেয়ে মসজিদে আসা অধিকতর নাজায়েয। বরং বিড়ি-সিগারেট তো মাদকদ্রব্য। যা সেবন করা শরীয়ত ও চিকিৎসা-বিজ্ঞানমতে অবৈধ।

(১২৮) হযরত আয়েশা (রাঃ) বলেন, ‘আল্লাহর রসূল ﷺ মহল্লায় মসজিদ নির্মাণ করতে এবং তা পরিষ্কার ও সুগন্ধময় করে রাখতে আদেশ করেছেন।’ (আহমাদ, আবু দাউদ ৪৫৫নং, তিরমিযী, ইবনে মাজাহ, ইবনে হিব্বান)

## জামাআতে উপস্থিত হওয়া ও মসজিদে যাওয়ার ফযীলত

(১২৯) হযরত আবু হুরাইরা رضي الله عنه প্রমুখাৎ বর্ণিত, তিনি বলেন, আল্লাহর রসূল ﷺ বলেছেন, “পুরুষের স্বগৃহে বা তার ব্যবসাক্ষেত্রে নামায পড়ার চেয়ে (মসজিদে) জামাআতে শামিল হয়ে নামায পড়ার সওয়াব পঁচিশ গুণ বেশি। কেন না, যে যখন সুন্দরভাবে ওয়ু করে কেবল মাত্র নামায পড়ার উদ্দেশ্যেই মসজিদের পথে বের হয় তখন চলামাত্র প্রত্যেক পদক্ষেপের বিনিময়ে তাকে এক-একটি মর্যাদায় উন্নীত করা হয় এবং তার এক-একটি গোনাহ মোচন করা হয়। অতঃপর নামায আদায় সম্পন্ন করে যতক্ষণ সে নামাযের স্থানে বসে থাকে ততক্ষণ ফিরিশ্তাবর্গ তার জন্য দুআ করতে থাকে; ‘হে আল্লাহ! ওর প্রতি করুণা বর্ষণ কর। হে আল্লাহ! ওকে ক্ষমা করা’ আর সে ব্যক্তি যতক্ষণ নামাযের অপেক্ষা করে, ততক্ষণ যেন নামাযের অবস্থাতেই থাকে।” (বুখারী ৬৪৭নং, মুসলিম ৬৪৯নং, আবু দাউদ, তিরমিযী, ইবনে মাজাহ)

(১৩০) হযরত বুরাইদাহ رضي الله عنه হতে বর্ণিত নবী ﷺ বলেন, “অন্ধকারে অধিকাধিক মসজিদের পথে যাতায়াতকারীদেরকে কিয়ামত দিবসের পরিপূর্ণ জ্যোতির সুসংবাদ দাও।” (আবু দাউদ, তিরমিযী, সহীহ তারগীব ৩১০নং)

(১৩১) হযরত আবু উমামা رضي الله عنه কর্তৃক বর্ণিত, আল্লাহর রসূল ﷺ বলেন, “যে ব্যক্তি কোন ফরয নামায আদায়ের উদ্দেশ্যে স্বগৃহ থেকে ওয়ু করে (মসজিদের দিকে) বের হয় সেই ব্যক্তির সওয়াব হয় ইহরাম বাঁধা হাজীর ন্যায়। আর যে ব্যক্তি কেবলমাত্র চাপ্তুর নামায পড়ার উদ্দেশ্যেই বের হয়, তার সওয়াব হয় উমরাকারীর সমান। এক নামাযের পর অপর নামায; যে দুয়ের মাঝে কোন অসার (পার্থিব) ক্রিয়াকলাপ না থাকে তা এমন আমল যা ইল্লিয়ীনে (সংলোকের সংকর্মাঙ্গি লিপিবদ্ধ করার নিবন্ধ গ্রন্থে) লিপিবদ্ধ করা হয়।” (আবু দাউদ, সহীহ তারগীব ৩১৫নং)

(১৩২) হযরত আবু হুরাইরা رضي الله عنه হতে বর্ণিত, “তোমরা ধীর ও শান্তভাবে (মসজিদে বা জামাআতে) যাও। ইমামের সঙ্গে নামাযের যতটুকু অংশ পাও ততটুকু পড়ে নাও এবং যেটুকু অংশ ছুটে যায় তা একাকী পূর্ণ করে নাও।” (বুখারী, মুসলিম, মিশকাত ৬৮৬ নং)

❀ মুসলিম যখন নামাযের উদ্দেশ্যে মসজিদের দিকে যায়, তখন আসলে সে মহান বাদশাহর দরবারে একটি মহান ইবাদত পালন করতে যায়। সুতরাং সেই যাওয়াতে বিনয়-নম্রতা, শিষ্টতা ও নিতান্ত আদব থাকা দরকার। যেমন মসজিদ প্রবেশের পর সেখানে বসার পূর্বে মসজিদ-সেলামী দুই রাকআত নামায পড়া কর্তব্য। এমনকি জুমআর খুতবা শুরু হলেও ঐ নামায হাঙ্কা করে পড়ে নিতে হবে।

## মসজিদের প্রতি আসক্তি ও তথায় অবস্থানের ফযীলত

(১৩৩) হযরত আবু হুরাইরা رضي الله عنه কর্তৃক বর্ণিত, আল্লাহর রসূল صلى الله عليه وسلم বলেছেন, “আল্লাহ তাআলা সাত ব্যক্তিকে সেই দিনে তাঁর (আরশের) ছায়া দান করবেন যেদিন তাঁর ছায়া ব্যতীত আর কোন ছায়া থাকবে না; (তারা হল,) ন্যায় পরায়ণ বাদশাহ (রাষ্ট্রনেতা), সেই যুবক যার যৌবন আল্লাহ আযযা অজাল্লার ইবাদতে অতিবাহিত হয়, সেই ব্যক্তি যার অন্তর মসজিদসমূহের সাথে লটকে থাকে (মসজিদের প্রতি তার মন সদা আকৃষ্ট থাকে।) সেই দুই ব্যক্তি যারা আল্লাহর সন্তুষ্টিলাভের উদ্দেশ্যে বন্ধুত্ব ও ভালোবাসা স্থাপন করে; যারা এই ভালোবাসার উপর মিলিত হয় এবং এই ভালোবাসার উপরেই চিরবিচ্ছিন্ন (তাদের মৃত্যু) হয়। সেই ব্যক্তি যাকে কোন কুলকামিনী সুন্দরী (অবৈধ যৌন-মিলনের উদ্দেশ্যে) আহবান করে, কিন্তু সে বলে, ‘আমি আল্লাহকে ভয় করি। সেই ব্যক্তি যে দান করে গোপন করে; এমনকি তার ডান হাত যা প্রদান করে তা তার বাম হাত পর্যন্তও জানতে পারে না। আর সেই ব্যক্তি যে নির্জনে আল্লাহকে স্মরণ করে; ফলে তার উভয় চোখে পানি বয়ে যায়।” (বুখারী ৬৬০নং, মুসলিম ১০৩১নং)

(১৩৪) উক্ত আবু হুরাইরা رضي الله عنه প্রমুখাৎ বর্ণিত, নবী صلى الله عليه وسلم বলেন, “কোন ব্যক্তি যখন যিক্র ও নামাযের জন্য মসজিদে অবস্থান করা শুরু করে তখনই আল্লাহ তাআলা তাকে নিয়ে সেইরূপ খুশী হন যেরূপ প্রবাসী ব্যক্তি ফিরে এলে তাকে নিয়ে তার বাড়ির লোক খুশী হয়।” (ইবনে আবী শাইবাহ, ইবনে মাজাহ, ইবনে খুযাইমাহ, ইবনে হিব্বান, হাকেম, সহীহ তারগীব ৩২২নং)

(১৩৫) হযরত আবু দারদা رضي الله عنه হতে বর্ণিত, আল্লাহর রসূল صلى الله عليه وسلم বলেছেন, “মসজিদ প্রত্যেক পরহেযগার (ধর্মভীরু) ব্যক্তির ঘর। আর যে ব্যক্তির ঘর মসজিদ সেই ব্যক্তির জন্য আল্লাহ আরাম, করুণা এবং তার সন্তুষ্টি ও জান্নাতের প্রতি পুলসিরাত অতিক্রম করে যাওয়ার দায়িত্ব নিয়েছেন।” (ত্বাবারানীর কাবীর ও আওসাতু, বাযযার সহীহ তারগীব ৩২৫নং)



নামায। সুতরাং তা যদি সঠিক হয়ে থাকে তাহলে তার অন্যান্য সকল আমল সঠিক হবে। নচেৎ, তা বেঠিক হলে তার অন্যান্য সকল আমল বেঠিক ও ব্যর্থ হবে।”  
(ত্বাবারানীর আওসাত্ত, সহীহ তারগীব ৩৬৯নং)

### অধিকাধিক সিজদা করার ফযীলত

(১৪০) হযরত মা’দান বিন আবী তালহা হতে বর্ণিত তিনি বলেন, আল্লাহর রসূলের স্মাধীনকৃত (মুক্ত) দাস যণুবান ﷺ এর সহিত সাক্ষাৎ করে বললাম, আমাকে এমন একটি আমলের কথা বলে দিন যা করলে আমি জান্নাত প্রবেশ করতে পারব, (অথবা বললেন, আমি বললাম, আল্লাহর নিকট সর্বাপেক্ষা প্রিয় আমলের কথা বলে দিন।) কিন্তু উত্তর না দিয়ে তিনি চুপ থাকলেন। পুনরায় আমি একই আবেদন রাখলাম। তবুও তিনি নীরব থাকলেন। আমি তৃতীয়বার আবেদন পুনরাবৃত্তি করলাম। এবারে তিনি বললেন, এ ব্যাপারে আমি আল্লাহর রসূল ﷺ কে জিজ্ঞাসা করেছি। উত্তরে তিনি বলেছিলেন, “তুমি আল্লাহর জন্য অধিকাধিক সিজদা করাকে অভ্যাস বানিয়ে নাও; কারণ যখনই তুমি আল্লাহর জন্য একটি সিজদা করবে তখনই আল্লাহ তার বিনিময়ে তোমাকে এক মর্যাদায় উন্নীত করবেন এবং তার দরুন একটি গোনাহ মোচন করবেন।” (মুসলিম ৪৮৮নং তিরমিযী, নাসাঈ, ইবনে মাজাহ)

(১৪১) হযরত উবাদাহ বিন সামেত ﷺ কর্তৃক বর্ণিত, আল্লাহর রসূল ﷺ বলেছেন, “প্রত্যেক বান্দাই, যখন সে আল্লাহর জন্য একটি সিজদা করে তখনই তার বিনিময়ে আল্লাহ তার জন্য একটি সওয়াব লিপিবদ্ধ করেন, তার একটি গোনাহ ক্ষালন করে দেন এবং তাকে একটি মর্যাদায় উন্নীত করেন। অতএব তোমরা বেশী বেশী করে সিজদা করা।” (ইবনে মাজাহ, সহীহ তারগীব ৩৭৯নং)

(১৪২) হযরত যণুবান ﷺ বলেন, একদা আমি নবী ﷺ-কে একটি আমল সম্পর্কে জিজ্ঞাসা করলাম; যা আমাকে বেহেগুে প্রবেশ করাবে। তিনি বললেন, “তুমি বেশী বেশী করে সিজদা করা। কারণ, যখনই তুমি আল্লাহর জন্য একটি সিজদা করবে তখনই তার বিনিময়ে তিনি তোমাকে একটি মর্যাদায় উন্নীত করবেন এবং তোমার একটি গোনাহ ক্ষালন করে দিবেন।” (মুসলিম ৪৮৮নং)

(১৪৩) হযরত রবীআহ বিন কা’ব ﷺ হতে বর্ণিত, তিনি বলেন, আমি আল্লাহর রসূল ﷺ এর সাথে রাত্রিবাস করতাম এবং তাঁর ওয়ূর পানি ও অন্যান্য প্রয়োজনীয় জিনিস হাজির করে দিতাম। একদা তিনি আমাকে বললেন, “তুমি আমার নিকট কিছু চাও।” আমি বললাম, ‘আমি জান্নাতে আপনার সংসর্গ চাই।’ তিনি বললেন, “এ ছাড়া আর কিছু?” আমি বললাম, ‘ওটাই (আমার বাসনা)।’ তিনি বললেন,







## ফজর ও আসরের নামাযের প্রতি সবিশেষ যত্নবান হওয়ার ফযীলত

মহান আল্লাহ বলেন,

﴿حَفِظُوا عَلَى الصَّلَوَاتِ وَالصَّلَاةِ الْوُسْطَىٰ وَقُومُوا لِلَّهِ قَانِتِينَ﴾

অর্থাৎ, তোমরা নামাযসমূহের প্রতি যত্নবান হও; বিশেষ করে মধ্যবর্তী (আসরের) নামাযের প্রতি এবং আল্লাহর সম্মুখে বিনীতভাবে দাঁড়াও। (সূরা বাকারাহ ২৩৮ আয়াত)

(১৫৩) হযরত আবু মুসা ؓ প্রমুখাৎ বর্ণিত, আল্লাহর রসূল ﷺ বলেছেন, “যে ব্যক্তি শীতল (ফজর ও আসরের) দুই নামায পড়বে সে জান্নাতে প্রবেশ করবে।” (বুখারী ৫৭৪নং, মুসলিম ৬৩৫নং)

(১৫৪) হযরত আবু যুহাইর উমারাহ বিন রুয়াইবাহ ؓ হতে বর্ণিত, আল্লাহর রসূল ﷺ বলেন, “এমন কোন ব্যক্তি কখনো জাহান্নামে প্রবেশ করবে না, যে সূর্যের উদয় ও অস্তের পূর্বে অর্থাৎ ফজর ও আসরের নামায পড়বে।” (মুসলিম ৬৩৪নং)

(১৫৫) হযরত আবু হুরাইরা ؓ কর্তৃক বর্ণিত, আল্লাহর রসূল ﷺ বলেছেন, “ফজর ও আসরের নামাযে রাত্রি ও দিনের (বিশিষ্ট) ফিরিশ্তা একত্রিত হন; ফজরের নামাযে সমবেত হয়ে রাত্রির ফিরিশ্তা উর্ধ্বে গমন করেন এবং দিনের ফিরিশ্তা (পৃথিবীতে) অবস্থান করেন। আবার আসরের নামাযে সমবেত হন। এক্ষণে দিনের ফিরিশ্তা উর্ধ্বে গমন করেন এবং রাত্রির ফিরিশ্তা অবস্থান শুরু করেন। (যাঁরা উর্ধ্বে যান) তাঁদেরকে তাঁদের প্রতিপালক (আল্লাহ) জিজ্ঞাসা করেন, ‘আমার বান্দাদেরকে তোমরা কি অবস্থায় ছেড়ে এলে?’ তখন তাঁরা বলেন, ‘যখন আমরা ওদের নিকট গেলাম তখন ওরা নামাযে রত ছিল এবং যখন ওদেরকে ছেড়ে এলাম তখনও ওরা নামাযে মশগুল ছিল। সুতরাং ওদেরকে কিয়ামতের দিন ক্ষমা করে দিবেন।’ (বুখারী ৫৫৫নং, মুসলিম ৬৩২নং, নাসাঈ, আহমাদ, ইবনে খুযাইমা, হাদীসের শব্দগুলি শেযোক্ত মুহাদ্দেসের।)

## বিনা ওজরে আসরের নামায ছুটে যাওয়া হতে ভীতি-প্রদর্শন

(১৫৬) হযরত বুরাইদা ؓ হতে বর্ণিত, নবী ﷺ বলেন, “যে ব্যক্তি আসরের নামায তাগ করে, সে ব্যক্তির আমল পুণ্ড হয়ে যায়।” (বুখারী ৫৫৩, নাসাঈ)

(১৫৭) হযরত ইবনে উমার ؓ কর্তৃক বর্ণিত, নবী বলেন, “যে ব্যক্তির আসরের



উত্তম। এইভাবে জামাআতের লোক সংখ্যা যত অধিক হবে, ততই আল্লাহ আযযা অজাল্লার নিকট অধিক প্রিয়া” (আহমাদ, আবু দাউদ, নাসাঈ, ইবনে খুযাইমাহ, ইবনে হিব্বান, হাকেম, সহীহ তারগীব ৪০৬নং)

### নির্জন প্রান্তরে নামায পড়ার ফযীলত

(১৬৩) হযরত আবু সাঈদ খুদরী ؓ হতে বর্ণিত, আল্লাহর রসূল ﷺ বলেছেন, জামাআতে পড়া নামায পঁচিশটি নামাযের সমতুল্য। যদি কেউ সেই নামায কোন জনশূন্য প্রান্তরে পড়ে এবং তার রুকু ও সিজদা পূর্ণরূপে আদায় করে তবে ঐ নামায পঞ্চাশটি নামাযের সমমানে পৌঁছায়।” (আবু দাউদ, সহীহ তারগীব ৪০৭নং)

(১৬৪) হযরত উকবাহ বিন আমের ؓ কর্তৃক বর্ণিত, নবী ﷺ বলেছেন, “তোমার প্রতিপালক বিস্মিত হন পর্বত চূড়ায় সেই ছাগলের রাখালকে দেখে যে নামাযের জন্য আযান দিয়ে (সেখানেই) নামায আদায় করে; আল্লাহ আযযা অজাল্ল বলেন, “তোমরা আমার এই বান্দাকে লক্ষ্য কর, (এমন জায়গাতেও) আযান দিয়ে নামায কয়েম করছে! সে আমাকে ভয় করে। আমি তাকে ক্ষমা করে দিলাম এবং জান্নাতে প্রবেশ করালাম।” (আবু দাউদ, নাসাঈ, সহীহ তারগীব ২৩৯ নং)

### এশা ও ফজরের নামায জামাআতে পড়ার ফযীলত

(১৬৫) হযরত উসমান বিন আফফান ؓ প্রমুখাৎ বর্ণিত, আল্লাহর রসূল ﷺ বলেছেন, “যে ব্যক্তি এশার নামায জামাআতের সঙ্গে পড়ল সে যেন অর্ধ রাত্রি নফল নামায পড়ল। আর যে ব্যক্তি ফজরের নামায জামাআতের সাথে পড়ল, সে যেন পুরো রাত্রিই নামায পড়ল।” (মালেক, মুসলিম ৬৫৬নং, আবু দাউদ)

(১৬৬) হযরত আবু উমামা ؓ হতে বর্ণিত, নবী ﷺ বলেছেন, “(ফজরের সময়) যে ব্যক্তি (স্বগৃহে) ওযু করে। অতঃপর মসজিদে এসে ফজরের (ফরয) নামাযের পূর্বে দুই রাকআত নামায পড়ে। অতঃপর বসে (অপেক্ষা ক’রে) ফজরের নামায (জামাআতে) পড়ে, সেই ব্যক্তির সেদিনকার নামায নেক লোকদের নামাযরূপে লিপিবদ্ধ করা হয়। আর তার নাম পরম করুণাময় (আল্লাহর) প্রতিনিধিদলের তালিকাভুক্ত হয়।” (ত্বাবারানী, সহীহ তারগীব ৪১৩নং)

(১৬৭) হযরত আবু হুরাইরা ؓ কর্তৃক বর্ণিত, আল্লাহর রসূল ﷺ বলেন, “তোমাদের জামাআতের নামায একাকী নামাযের তুলনায় ২৫ গুণ অধিক মর্যাদা রাখে। আর রাত্রি ও দিনের ফিরিষ্টা ফজরের নামাযে একত্রিত হন।”

উক্ত হাদীস বর্ণনার পর আবু হুরাইরা বলেন, ‘তোমাদের ইচ্ছা হলে তোমরা পড়ে নাও :

(( ))



(১৭২) হযরত উসামা বিন যায়দ ؓ কর্তৃক বর্ণিত, আল্লাহর রসূল ﷺ বলেন, “লোকেরা জামাআত ত্যাগ করা হতে অবশ্য অবশ্যই বিরত হোক, নচেৎ আমি অবশ্যই তাদের ঘর-বাড়ি জ্বালিয়ে দেব।” (ইবনে মাজাহ, সহীহ তারগীব ৪৩০নং)

(১৭৩) হযরত আবু হুরাইরা ؓ হতে বর্ণিত, আল্লাহর রসূল ﷺ বলেন, “মুনাফিকদের পক্ষে সবচেয়ে ভারী নামায হল এশা ও ফজরের নামায। ঐ দুই নামাযের কি মাহাত্ম্য আছে, তা যদি তারা জানত, তাহলে হামাগুড়ি দিয়ে হলেও অবশ্যই তাতে উপস্থিত হত। আমার ইচ্ছা ছিল যে, কাউকে নামাযের ইকামত দিতে আদেশ দিই, অতঃপর একজনকে নামায পড়তেও হুকুম করি, অতঃপর এমন একদল লোক সঙ্গে করে নিই; যাদের সাথে থাকবে কাঠের বোঝা। তাদের নিয়ে এমন সম্প্রদায়ের নিকট যাই, যারা নামাযে হাজির হয় না। অতঃপর তাদেরকে ঘরে রেখেই তাদের ঘরবাড়িকে আগুন লাগিয়ে পুড়িয়ে দিই।” (বুখারী ৬৫৭, মুসলিম ৬৫১নং)

(১৭৩) হযরত ইবনে আব্বাস ؓ হতে বর্ণিত, নবী ﷺ বলেন, “যে ব্যক্তি আযান শোনে অথচ (মসজিদে জামাআতে) উপস্থিত হয় না, সে ব্যক্তির কোন ওজর ছাড়া (ঘরে নামায পড়লেও তার) নামাযই হয় না।” (ইবনে মাজাহ, ইবনে হিব্বান, হাকেম, সহীহ তারগীব ৪২২নং)

(১৭৪) হযরত ইবনে মাসউদ ؓ বলেন, “যে ব্যক্তি কাল আল্লাহর সহিত মুসলিম হয়ে সাক্ষাৎ করতে আনন্দবোধ করে তার উচিত, আহ্বান করার (আযানের) সাথে সাথে ঐ নামাযগুলির হিফাযত করা। অবশ্যই আল্লাহ তাআলা তোমাদের নবীর জন্য বহু হেদায়াতের পথ ও আদর্শ বিধিবদ্ধ করেছেন এবং ঐ (নামায)গুলি হেদায়াতের পথ ও আদর্শের অন্তর্ভুক্ত। যদি তোমরা তোমাদের স্বগৃহে নামায পড়ে নাও, যেমন এই পশ্চাদ্গামী তার স্বগৃহে নামায পড়ে থাকে, তাহলে তোমরা তোমাদের নবীর আদর্শ ও তরীকা বর্জন করে ফেলবে। আর যদি তোমরা তোমাদের নবীর আদর্শ ও তরীকা বর্জন করে ফেল তাহলে তোমরা ভ্রষ্ট হয়ে যাবে। যে ব্যক্তি সুন্দরভাবে পবিত্রতা অর্জন (ওয়াযু) করে এই মসজিদসমূহের কোন মসজিদের প্রতি (যেতে) প্রবৃত্ত হয়, আল্লাহ তার প্রত্যেক পদক্ষেপের পরিবর্তে একটি করে নেকী লিপিবদ্ধ করেন, এর দ্বারায় তাকে এক মর্যাদায় উন্নীত করেন ও এর দ্বারায় তার একটি পাপ ক্ষয় করেন। আমরা দেখেছি যে, বিদিত কপটতার কপট (মুনাফিক) ছাড়া নামায থেকে কেউ পশ্চাতে থাকত না এবং মানুষকে দুটি লোকের কাঁধে ভর করে হাঁটিয়ে এনে কাতারে খাড়া করা হত। (মুসলিম ৬৫৪নং)

(১৭৫) হযরত আবু হুরাইরা ؓ বলেন, আব্দুল্লাহ বিন উম্মে মাকতূম ؓ নবী ﷺ-এর দরবারে আরজ করলেন, ‘হে আল্লাহর রসূল! মসজিদে হাত ধরে নিয়ে যাওয়ার মত আমার উপযুক্ত মানুষ নেই। তাছাড়া মদীনায প্রচুর হিংস্র প্রাণী (সাপ-বিছা-

নেকড়ে প্রভৃতি) রয়েছে। (মসজিদের পথে অন্ধ মানুষের ভয় হয়)। সুতরাং আমার জন্য ঘরে নামায পড়ার অনুমতি হবে কি?’ আল্লাহর নবী ﷺ তাঁর ওজর শুনে তাঁকে ঘরে নামায পড়ার অনুমতি দিলেন। তিনি চলে যেতে লাগলে নবী ﷺ তাঁকে ডেকে বললেন, “কিন্তু তুমি আযান ‘হাইয়া আলাস স্মালাহ, হাইয়া আলাল ফালাহ’ শুনতে পাও কি?” তিনি উত্তরে বললেন, ‘জী হ্যা।’ নবী ﷺ বললেন, “তাহলে তুমি (মসজিদে) উপস্থিত হও, তোমার জন্য কোন অনুমতি পাচ্ছি না।” (মুসলিম ৬৫৩, আবু দাউদ ৫৫২, ৫৫৩নং)

### প্রথম কাতারের মাহাত্ম্য

(১৭৬) হযরত আবু হুরাইরা رضي الله عنه কর্তৃক বর্ণিত, আল্লাহর রসূল ﷺ বলেন, “লোকেরা যদি আযান ও প্রথম কাতারে নিহিত মাহাত্ম্য জানত, তাহলে তা অর্জন করার জন্য লটারি করা ছাড়া আর অন্য কোন উপায় না পেলে তারা লটারিই করত।” (বুখারী ৬১৫নং, মুসলিম ৪৩৭নং)

(১৭৭) হযরত নুমান বিন বাশীর رضي الله عنه হতে বর্ণিত, আল্লাহর রসূল ﷺ বলেছেন, “অবশ্যই আল্লাহ প্রথম কাতার ও সামনের কাতারসমূহের উপর রহমত বর্ষণ করেন এবং ফিরিশ্বাগণ তাদের জন্য দুআ করে থাকেন।” (আহমাদ, সহীহ তারগীব ৪৮৯নং)

(১৭৮) হযরত আয়েশা (রাযিয়াল্লাহু আনহা) কর্তৃক বর্ণিত, আল্লাহর রসূল ﷺ বলেন, “কোন সম্প্রদায় প্রথম কাতার থেকে পিছনে সরে আসতে থাকলে অবশেষে আল্লাহ তাদেরকে জাহান্নামে পশ্চাদ্বর্তী করে দেবেন।” (অর্থাৎ, জাহান্নামে আটকে রেখে সবার শেষে জান্নাত যেতে দেবেন, আর সে প্রথম দিকে জান্নাত যেতে পারবে না।) (আউনুল মা'বুদ ২/২৬৪নং, আবু দাউদ, ইবনে খুযাইমাহ, ইবনে হিব্বান, সহীহ তারগীব ৫০৭নং)

(১৭৯) হযরত আবু হুরাইরা رضي الله عنه কর্তৃক বর্ণিত, আল্লাহর রসূল ﷺ বলেন, “পুরুষদের শ্রেষ্ঠ কাতার হল প্রথম কাতার এবং নিকৃষ্ট কাতার হল সর্বশেষ কাতার। আর মহিলাদের শ্রেষ্ঠ কাতার হল সর্বশেষ কাতার এবং নিকৃষ্ট কাতার হল প্রথম কাতার।” (আহমাদ, মুসলিম ৪৪০, সুনান আরবাতাহ, মিশকাত ১০৯২নং)

### কাতার সোজা না করা হতে ভীতি-প্রদর্শন

(১৮০) হযরত নু'মান বিন বাশীর رضي الله عنه হতে বর্ণিত, তিনি বলেন, আমি শুনেছি, আল্লাহর রসূল ﷺ বলেছেন, “তোমরা অতি অবশ্যই কাতার সোজা করবে, নতুবা অবশ্যই আল্লাহ তোমাদের চেহরার মাঝে পরিবর্তন ঘটিয়ে দেবেন।” (মালেক, বুখারী ৭১৭, মুসলিম ৪৩৬নং প্রমুখ)

❀ এ পরিবর্তনের অর্থ হল, তাদের চেহরার আকৃতি বদলে দেবেন, অথবা তাদের





“তোমাদেরকে আমি বিক্ষিপ্তরূপে দেখছি কেন?” অতঃপর একদিন তিনি আমাদের কাছে এসে (আমাদেরকে অনুরূপ বিক্ষিপ্ত দেখে) বললেন, “তোমরা প্রতিপালকের সামনে ফিরিশ্তাবর্গের কাতার বাঁধার মত কাতার বেঁধে দাঁড়াবে না কি?” আমরা বললাম, ‘হে আল্লাহর রসূল! ফিরিশ্তাবর্গ তাঁদের প্রতিপালকের সামনে কিরূপে কাতার বেঁধে দাঁড়ান।’ তিনি বললেন, “প্রথমকার কাতারসমূহ পূর্ণ করেন এবং ঘন হয়ে জমে কাতার বেঁধে দাঁড়ান।” (মুসলিম ৪৩০, আবু দাউদ ৬৬১, মিশকাত ১০৯১নং)

## লোকেরা অপছন্দ করলে ইমামতি করা হতে ভীতি-প্রদর্শন

(১৮৬) হযরত আনাস বিন মালেক رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “তিন ব্যক্তির নামায আল্লাহ কবুল করেন না, তাদের নামায আকাশের দিকে ওঠে না, এমনকি তাদের মাথাও অতিক্রম করে না; (এদের মধ্যে প্রথম হল) সেই ব্যক্তি, যে কোন জামাআতের ইমামতি করে অথচ তারা তাকে অপছন্দ করে। দ্বিতীয় হল সেই ব্যক্তি, যে কোন জানাযার নামায পড়ায় অথচ তাকে পড়তে আদেশ করা হয়নি এবং তৃতীয় হল সেই মহিলা, যাকে রাত্র তার স্বামী (সঙ্গমের উদ্দেশ্যে) ডাকে অথচ সে যেতে অস্বীকার করে।” (ইবনে খুযাইমাহ সহীহ তারগীব ৪৮-১, ৪৮-২নং)

(১৮৭) হযরত আবু উমামা رضي الله عنه হতে বর্ণিত আল্লাহর রসূল صلى الله عليه وسلم বলেন, “তিন ব্যক্তির নামায তাদের কান অতিক্রম করে না; প্রথম হল, পলাতক ক্রীতদাস; যতক্ষণ না সে ফিরে আসে। দ্বিতীয় হল, এমন মহিলা যার স্বামী তার উপর রাগান্বিত অবস্থায় রাত্রিযাপন করে এবং তৃতীয় হল, সেই জামাআতের ইমাম যাকে ঐ লোকেরা অপছন্দ করে।” (তিরমিযী, সহীহ তারগীব ৪৮-৩নং)

## ইস্তিফতাহর বিশেষ দুআর ফযীলত

(১৮৮) হযরত আনাস رضي الله عنه বলেন, ‘এক ব্যক্তি হাঁপাতে হাঁপাতে কাতারে शामिल হয়ে বলল,

উচ্চারণঃ- আলহামদু লিল্লা-হি হাম্দান কাসীরান ত্বাইয়্যিবাম মুবা-রাকান ফীহ।

অর্থঃ- আল্লাহর জন্য সকল প্রশংসা; যে প্রশংসা অজস্র, পবিত্র ও প্রাচুর্যময়।

আল্লাহর রসূল ﷺ নামায শেষ করার পর বললেন, “তোমাদের মধ্যে কে ঐ দুআ পাঠ করেছে?” লোকেরা সকলে চুপ থাকল। পুনরায় তিনি বললেন, “কে বলেছে ঐ দুআ? যে বলেছে, সে মন্দ বলে নি।” উক্ত ব্যক্তি বলল, ‘আমিই হাঁপাতে হাঁপাতে এসে বলে ফেলেছি।’ তিনি বললেন, “আমি ১২ জন ফিরিশতাকে দেখলাম, তাঁরা ঐ দুআ (আল্লাহর দরবারে) উপস্থিত করার জন্য প্রতিযোগিতা করেছে।” (মুসলিম ৬০০নং)

❀ বলাই বাহুল্য যে, মহানবী ﷺ কখনো কখনো ‘আল্লাহুম্মা বা-ইদ বাইনী’ এবং কখনো বা ‘সুবহানাকাল্লাহুম্মা’ ছাড়াও তাহাজ্জুদের নামাযে অন্যান্য দুআ পাঠ করতেন। আর “আল্লাহর নিকট সবচেয়ে প্রিয় কথা হল বান্দার ‘সুবহানাকাল্লাহুম্মা--’ বলা।” (আওহীদ, ইবনে মান্দাহ, নাঃ, সিসঃ ২৯৩৯ নং)

### নামাযে সূরা ফাতিহার গুরুত্ব

(১৮৯) হযরত উবাদাহ বিন সামিত ﷺ থেকে বর্ণিত, আল্লাহর রসূল ﷺ বলেন, “সেই ব্যক্তির নামায হয় না, যে ব্যক্তি তাতে সূরা ফাতিহা পাঠ করে না।” (বুখারী, মুসলিম, আবু আওয়ানাহ, বাইহাক্বী, ইরওয়াউল গালীল ৩০২নং)

(১৯০) এক বর্ণনায় আছে, “সেই ব্যক্তির নামায যথেষ্ট নয়, যে তাতে সূরা ফাতিহা পাঠ করে না।” (দারাকুতনী, ইবনে হিব্বান, ইরওয়াউল গালীল ৩০২নং)

(১৯১) হযরত আবু হুরাইরা ﷺ কর্তৃক বর্ণিত, আল্লাহর রসূল ﷺ বলেন, “যে ব্যক্তি এমন কোনও নামায পড়ে, যাতে সে সূরা ফাতিহা পাঠ করে না, তার ঐ নামায (গর্ভচ্যুত ভ্রূণের ন্যায়) অসম্পূর্ণ, অসম্পূর্ণ।”

এক ব্যক্তি প্রশ্ন করল, (সূরা ফাতিহার এত গুরুত্ব হলে) ইমামের পশ্চাতে কিভাবে পড়া যাবে? উত্তরে তিনি বললেন, ‘তুমি তোমার মনে মনে পড়ে নাও। কারণ, আমি আল্লাহর রসূল ﷺ-কে বলতে শুনেছি,

(১৯২) “আল্লাহ তাআলা বলেন, ‘আমি নামায (সূরা ফাতিহা)কে আমার ও আমার বান্দার মাঝে আধাআধি ভাগ করে নিয়েছি, অর্ধেক আমার জন্য এবং অর্ধেক আমার বান্দার জন্য। আর আমার বান্দা তাই পায়, যা সে প্রার্থনা করে।’ সুতরাং বান্দা যখন বলে, ‘আলহামদু লিল্লাহি রাক্বিল আ-লামীন।’ তখন আল্লাহ তাআলা বলেন, ‘আমার বান্দা আমার প্রশংসা করল।’ অতঃপর বান্দা যখন বলে, ‘আররাহমা-নির রাহীমা।’ তখন আল্লাহ বলেন, ‘বান্দা আমার স্তুতি বর্ণনা করল।’ আবার বান্দা যখন বলে, ‘মা-লিকি য্যাউমিদ্দীন।’ তখন আল্লাহ তাআলা বলেন, ‘বান্দা আমার গৌরব বর্ণনা করল।’ বান্দা যখন বলে, ‘ইয়্যা-কা না’বুদু অইয়্যা-কা নাস্তঈন।’ তখন আল্লাহ বলেন, ‘এটা আমার ও আমার বান্দার মাঝে। আর আমার বান্দা তাই পায়, যা সে প্রার্থনা করে।’ অতঃপর বান্দা যখন বলে, ‘ইহদিনাস স্মিরা-



ত্রিশাধিক ফিরিশ্তাকে আমি প্রতিযোগিতা করতে দেখলাম।” (মালেক, বুখারী ৭৯৯নং, আবু দাউদ, নাসাঈ)

(১৯৮) হযরত আবু হুরাইরা رضي الله عنه হতে বর্ণিত, আল্লাহর রসূল ﷺ বলেন, “যখন ইমাম ‘সামিআল্লা-হু লিমান হামিদাহ’ বলে, তখন তোমরা ‘আল্লা-হুম্মা রাক্বানা লাকাল হাম্দ’ বল। কেননা যার ঐ বলা ফিরিশ্তাগণের বলার সাথে একীভূত হয়, তার পিছেকার সকল পাপরাশি মফ হয়ে যায়।” (মালেক, বুখারী ৭৯৬নং, মুসলিম ৪০৯নং, আবু দাউদ, তিরমিযী, নাসাঈ)

## রুকু-সিজদা করার সময় ইমামের আগে আগে মুক্তাদীর মাথা তোলা হতে ভীতি-প্রদর্শন

(১৯৯) হযরত আবু হুরাইরা رضي الله عنه কর্তৃক বর্ণিত, নবী ﷺ বলেন, “তোমাদের মধ্যে কারো কি এ কথার ভয় হয় না যে, যখন সে ইমামের পূর্বে নিজের মাথা তোলে তখন আল্লাহ তার মাথাকে গাধার মাথায় পরিবর্তন করে দেবেন, অথবা তার আকৃতিকে গাধার আকৃতিতে পরিবর্তন করে দেবেন?!” (বুখারী ৬৯১, মুসলিম ৪২৭নং প্রমুখা।)

## পূর্ণরূপে রুকু-সিজদা না করা এবং উভয়ের মাঝে পিঠ সোজা না করা হতে ভীতি-প্রদর্শন

(২০০) হযরত আবু কাতাদাহ رضي الله عنه হতে বর্ণিত, আল্লাহর রসূল ﷺ বলেন, “চোরদের মধ্যে সবচেয়ে জঘন্যতম চোর হল সেই ব্যক্তি, যে নামায চুরি করে।” সকলে বলল, ‘হে আল্লাহর রসূল! সে নামায কিভাবে চুরি করে?’ তিনি বললেন, “সে তার নামাযের রুকু-সিজদা পূর্ণরূপে করে না।” অথবা তিনি বললেন, “সে রুকু ও সিজদাতে তার পিঠ সোজা করে না।” (অর্থাৎ তাড়াহুড়া করে চটপট রুকু-সিজদা করে।) (আহমাদ, তাবারানী, ইবনে খুযাইমা, হাকেম, সহীহ তারগীব ৫২২নং)

(২০১) হযরত আবু আব্দুল্লাহ আশআরী رضي الله عنه বলেন, একদা আল্লাহর রসূল ﷺ এক ব্যক্তিকে দেখলেন, সে তার নামাযে পূর্ণভাবে রুকু করছে না এবং ঠকঠক করে (তাড়াতাড়ি) সিজদা করছে। এ দেখে তিনি বললেন, “এ ব্যক্তি যদি এই অবস্থায় মারা যায়, তাহলে তার মরণ মুহাম্মাদী মিল্লতের উপর হবে না।”

অতঃপর তিনি বললেন, “যে ব্যক্তি তার রুকু সম্পূর্ণরূপে করে না এবং ঠকাঠক (তাড়াহুড়া করে) সিজদা করে তার উদাহরণ সেই ক্ষুধার্ত ব্যক্তির মত যে, একটি অথবা দু’টি খেজুর তো খায়, অথচ তা তাকে মোটেই পরিতৃপ্ত করে না।” (তাবারানীর কাবীর, আবু য়া’লা, ইবনে খুযাইমা ৬৬৫নং, সহীহ তারগীব ৫২৬নং)



(২০৬) উক্ববাহ বিন আমের ؓ প্রমুখাৎ বর্ণিত নবী ﷺ বলেন, “যখনই কোন মুসলিম পূর্ণরূপে ওয়ু করে নামায পড়তে দাঁড়ায় এবং যা বলছে তা বুঝে (অর্থাৎ অর্থ জেনে মনোযোগ-সহকারে তা পড়ে) তখনই সে প্রথম দিনের শিশুর মত (নিষ্পাপ) হয়ে নামায সম্পন্ন করে।” (মুসলিম ২৩৪নং, আবু দাউদ, নাসাঈ, ইবনে মাজাহ, ইবনে খুযাইমাহ, হাকেম, সহীহ তারগীব ১৮৩ ও ৫৪৪নং)

### ফরয নামাযের পর বিশেষ যিক্রের ফযীলত

(২০৭) হযরত আবু হুরাইরা ؓ কর্তৃক বর্ণিত, আল্লাহর রসূল ﷺ বলেন, যে ব্যক্তি প্রত্যেক নামাযের পরে ‘সুবহা-নাল্লাহ’ ৩৩ বার, ‘আলহামদু লিল্লা-হ’ ৩৩ বার, ‘আল্লা-হু আকবার’ ৩৩ বার সর্বমোট ৯৯ বার এবং ১০০ পূরণ করার জন্য নিম্নোক্ত দুআ একবার পাঠ করবে, তার সমুদ্রের ফেনা বরাবর পাপ হলেও মাফ হয়ে যাবে।

**উচ্চারণঃ-** “ লা ইলাহা ইল্লাল্লাহু অহদাহু লা শারীকা লাহ, লাহুল মুলকু অলাহুল হামদু অহুয়া আলা কুল্লি শাইয়িন ক্বাদীরা। (মুসলিম ৫৯৭নং, অহমাদঃ ২/৩৭১)

### ফজর ও মাগরেবের নামাযের পর বিশিষ্ট এক যিক্রের মাহাত্ম্য

(২০৮) হযরত আব্দুর রহমান বিন গান্ম ؓ হতে বর্ণিত, নবী ﷺ বলেন, যে ব্যক্তি মাগরেব ও ফজরের নামায থেকে ফিরে বসা ও পা মুড়ার পূর্বে-

“লা ইলা-হা ইল্লাল্লাহু অহদাহু লা শারীকা লাহ, লাহুল মুলকু, অলাহুল হামদু, যুহুয়ী অয্যুমীতু, অহুয়া আলা কুল্লি শাইয়িন ক্বাদীরা।” (অর্থাৎ আল্লাহ ছাড়া কেউ সত্য উপাস্য নেই, তিনি একক, তাঁর কোন শরীক নেই, তাঁরই জন্য সারা রাজত্ব, এবং তাঁরই নিমিত্তে সকল প্রশংসা। তিনি জীবন দান করেন, ও মৃত্যু প্রদান করেন। আর তিনি সর্ববস্তুর উপর সর্বক্ষমতাবান। ১০ বার পাঠ করে, আল্লাহ তার আমলনামায় প্রত্যেক বারের বিনিময়ে দশটি নেকী লিপিবদ্ধ করেন, দশটি গোনাহ মোচন করে দেন, তাকে দশটি মর্যাদায় উন্নীত করেন, প্রত্যেক অপীতিকর বিষয় এবং বিতাড়িত শয়তান থেকে (ঐ যিক্র) রক্ষামন্ত্র হয়, নিশ্চিতভাবে শির্ক ব্যতীত তার অন্যান্য পাপ ক্ষমার্ত হয়। আর সে হয় আমল করার দিক থেকে সবচেয়ে





(২১২) উক্ত আবু হুরাইরা رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “নামাযের পর আর এক নামাযের জন্য অপেক্ষমাণ ব্যক্তি সেই অশ্বারোহীর সমতুল্য, যে তার অশ্বসহ আল্লাহর পথে শত্রুর বিরুদ্ধে বিক্রমের সাথে সदा প্রস্তুত; যে থাকে বৃহৎ প্রতিরক্ষার কাজে।” (আহমাদ, তাবারানীর আওসাত, সহীহ তারগীব ৪৪৭নং)

(২১৩) হযরত উক্ববাহ বিন আমের رضي الله عنه হতে বর্ণিত, আল্লাহর রসূল صلى الله عليه وسلم বলেন, “নামাযের জন্য বসে প্রতীক্ষারত ব্যক্তি নামাযের দণ্ডায়মান ব্যক্তির মত। তার নাম নামাযে মশগুল ব্যক্তিদের তালিকাভুক্ত থাকে ; তার স্বগৃহ থেকে বের হওয়া হতে পুনরায় গৃহে ফিরে যাওয়া পর্যন্ত।” (ইবনে হিব্বান, আহমাদ, প্রমুখ, সহীহ তারগীব ৪৫১নং)

(২১৪) হযরত আব্দুল্লাহ বিন আমর বলেন, একদা আমরা মাগরেবের নামায পড়ে এশার নামাযের জন্য অপেক্ষারত ছিলাম। এমন সময় মহানবী صلى الله عليه وسلم বললেন, “তোমরা সুসংবাদ গ্রহণ কর। এই যে তোমাদের পালনকর্তা আসমানের দরজাসমূহের একটি দরজা খুলে তাঁর ফিরিশ্তামন্ডলীর কাছে তোমাদেরকে নিয়ে গর্ব করছেন; বলছেন, ‘তোমরা আমার বান্দাদের প্রতি লক্ষ্য কর, তারা এক ফরয (নামায) আদায় করেছে এবং অন্য এক ফরয আদায়ের জন্য অপেক্ষা করেছে।’ (আহমাদ, ইবনে মাজাহ ৮০১নং)

## স্বগৃহে নফল (সুন্নত) নামায পড়ার ফযীলত

(২১৫) হযরত ইবনে উমার رضي الله عنه থেকে বর্ণিত, আল্লাহর রসূল صلى الله عليه وسلم বলেন, “তোমরা কিছু (সুন্নত) নামায নিজ নিজ ঘরে আদায় কর এবং ঘরকে কবর বানিয়ে নিও না।” (বুখারী ১১৮৭নং)

(২১৬) হযরত জাবের رضي الله عنه কর্তৃক বর্ণিত, তিনি বলেন, আল্লাহর রসূল صلى الله عليه وسلم বলেন, “তোমাদের কেউ যখন মসজিদে (ফরয) নামায সম্পন্ন করে তখন তার উচিত সে যেন তার নামাযের কিছু অংশ (সুন্নত নামায) নিজের বাড়ির জন্য রাখে। কারণ বাড়িতে পড়া ঐ কিছু নামাযের মধ্যে আল্লাহ কল্যাণ নিহিত রেখেছেন।” (মুসলিম ৭৭৮নং)

(২১৭) হযরত যায়দ বিন সাবিত رضي الله عنه হতে বর্ণিত, নবী صلى الله عليه وسلم বলেন, “হে মানবসকল! তোমরা স্বগৃহে নামায আদায় কর। যেহেতু ফরয নামায ছাড়া মানুষের শ্রেষ্ঠতম নামায হল তার স্বগৃহে পড়া নামায।” (নাসাঈ, ইবনে খুযাইমাহ, সহীহ তারগীব ৪৩৭নং)

(২১৮) আল্লাহর রসূল صلى الله عليه وسلم-এর সাহাবাগণের এক ব্যক্তি হতে বর্ণিত, সম্ভবতঃ রসূল صلى الله عليه وسلم-এর উক্তি হিসাবেই বর্ণনা করে তিনি বলেন, “লোকচক্ষুর সম্মুখে (নফল)

নামায পড়া অপেক্ষা মানুষের স্বগৃহে নামায পড়ার ফযীলত ঠিক সেইরূপ যেরূপ নফল নামায অপেক্ষা ফরয নামাযের ফযীলত বহুগুণে অধিক।” (বাইহাক্বী, সহীহ তারগীব ৪৩৮-নং)

(২১৯) হযরত সুহাইব থেকে বর্ণিত, নবী ﷺ বলেন, “যেখানে লোকে দেখতে পায় সেখানে মানুষের নফল নামায অপেক্ষা যেখানে লোকে দেখতে পায় না সেখানের নামায ২৫ টি নামাযের বরাবর।” (আবু য়া'লা, সহীহন জামে' ৩৮-২ ১নং)

❀ কিছু নফল ও সুন্নত নামায ঘরে পড়া উত্তম। যেহেতু তাতে লোক প্রদর্শন ও রিয়া থেকে বাঁচা যাবে এবং পরিবারের জন্যও তা শিক্ষা ও অভ্যাসের সহযোগী হবে।

### দিবারাত্রি বারো রাকআত সুন্নতের প্রতি বিশেষ যত্নবান হওয়ার ফযীলত

(২২০) হযরত উম্মে হাবীবাহ হতে বর্ণিত, আল্লাহর রসূল ﷺ বলেছেন, “যে কোন মুসলিম বান্দা প্রত্যহ আল্লাহ তাআলার উদ্দেশ্যে বারো রাকআত নফল (ফরয ব্যতীত সুন্নত) নামায পড়লেই আল্লাহ তাআলা জান্নাতে তার জন্য এক গৃহ নির্মাণ করেন। অথবা তার জন্য জান্নাতে এক ঘর নির্মাণ করা হয়।” (মুসলিম ৭২৮-নং, আবু দাউদ, নাসাঈ, তিরমিযী)

তিরমিযীর বর্ণনায় কিছু শব্দ বেশী রয়েছে, “(এ বারো রাকআত নামায;) যোহরের (ফরযের) পূর্বে চার রাকআত ও পরে দুই রাকআত, মাগরেবের পরে দুই রাকআত, এশার পরে দুই রাকআত, আর ফজরের (ফরয নামাযের) পূর্বে দুই রাকআত।”

(২২১) হযরত আয়েশা হতে বর্ণিত, তিনি বলেন, আল্লাহর রসূল ﷺ বলেছেন, “যে ব্যক্তি নিয়মনিষ্ঠভাবে দিবারাত্রি বারো রাকআত নামায পড়বে সে জান্নাতে প্রবেশ করবে; যোহরের (ফরয নামাযের) পূর্বে (এক সালামে) চার রাকআত ও পরে দুই রাকআত, মাগরেবের পর দুই রাকআত, এশার পর দুই রাকআত এবং ফজরের (ফরযের) পূর্বে দুই রাকআত।” (নাসাঈ, এবং শব্দগুলি তাঁরই, তিরমিযী, ইবনে মাজাহ, সহীহ তারগীব ৫৭৭নং)

### ফজরের পূর্বে দুই রাকআত সুন্নতের প্রতি বিশেষ যত্নবান হওয়ার ফযীলত

(২২২) হযরত আয়েশা হতে বর্ণিত, নবী ﷺ বলেন, “ফজরের দুই রাকআত (সুন্নত) পৃথিবী ও তন্মধ্যস্থিত সকল বস্তু অপেক্ষা উত্তম।” (মুসলিম ৭২৫নং, তিরমিযী)



অবশ্যাপালনীয় নয় তবে আল্লাহর রসূল ﷺ তাকে সুন্নতের রূপদান করেছেন; তিনি বলেছেন, “অবশ্যই আল্লাহ বিতর (জোড়হীন), তিনি বিতর (জোড়শূন্যতা বা বেজোড়) পছন্দ করেন। সুতরাং তোমরা বিতর (বিজোড়) নামায পড়, হে আহলে কুরআন!” (আবু দাউদ, তিরমিযী, নাসাঈ, ইবনে মাযাহ, ইবনে খুযাইমাহ, সহীহ তারগীব ৫৮৮-নং)

### তাহাজ্জুদের নিয়তে ওযু করে ঘুমানোর ফযীলত

(২৩০) হযরত ইবনে উমার ؓ হতে বর্ণিত, তিনি বলেন, আল্লাহর রসূল ﷺ বলেছেন, “যে ব্যক্তি ওযু অবস্থায় রাত্রি যাপন করে তার অন্তর্বাসে এক ফিরিশ্তাও রাত্রিযাপন করেন। সুতরাং যখনই সে জাগ্রত হয় তখনই ঐ ফিরিশ্তা বলেন, ‘হে আল্লাহ! তোমার বান্দা অমুককে ক্ষমা করে দাও, কারণ সে ওযু অবস্থায় রাত্রি যাপন করেছে।’ (ইবনে হিব্বান, সহীহ তারগীব ৫৯৪নং)

(২৩১) হযরত মুআয বিন জাবাল ؓ কর্তৃক বর্ণিত, নবী ﷺ বলেন, যে কোনও মুসলিম যখনই ওযু অবস্থায় রাত্রিযাপন করে, অতঃপর রাত্রিতে (সবাক) জেগে উঠে ইহকাল ও পরকাল বিষয়ক কোন মঙ্গল প্রার্থনা করে, তখনই আল্লাহ তাকে তা প্রদান করে থাকেন।” (আবু দাউদ, নাসাঈ, ইবনে মাজাহ, সহীহ তারগীব ৫৯৫নং)

(২৩২) হযরত আবু দারদা ؓ হতে বর্ণিত, নবী ﷺ বলেছেন, “রাত্রি উঠে তাহাজ্জুদ পড়বে এই নিয়ত (সংকল্প) করে যে ব্যক্তি নিজ বিছানায় আশ্রয় নেয়, অতঃপর তার চক্ষুদ্বয় তাকে নিদ্রাভিভূত করে ফেলে এবং যদি এই অবস্থাতেই তার ফজর হয়ে যায়, তবে তার আমলনামায় তাই লিপিবদ্ধ হয় যার সে নিয়ত (সংকল্প) করেছিল। আর তার ঐ নিদ্রা তার প্রতিপালকের তরফ হতে সদকাহ (দান) রূপে প্রদত্ত হয়।” (নাসাঈ, ইবনে মাজাহ, ইবনে খুযাইমাহ, সহীহ তারগীব ৫৯৮নং)

### শয্যাগ্রহণের সময় কতিপয় যিক্র ও দুআর মাহাত্ম্য

(২৩৩) হযরত বারা' বিন আযেব ؓ হতে বর্ণিত, তিনি বলেন, নবী ﷺ বলেছেন, “যখন তুমি বিছানায় শয়ন করার ইচ্ছা করবে তখন তুমি নামাযের জন্য ওযু করার মত ওযু করে নাও, অতঃপর তোমার ডান পার্শ্বে শয়ন করে বল,

‘আল্লাহুন্মা ইন্নী আসলামতু নাফসী ইলাইক, অঅজ্জাহতু অজহী ইলাইক, অফাউওয়াযতু আমরী ইলাইক, অআলজা’তু যাহরী ইলাইক, রাগবার্গাউ অরাহ্বাতান ইলাইক, লা মালজাআ, অলা মানজা, মিনকা ইল্লা ইলাইক। আ-মানতু বিকিতা-বিকাল্লাযী আনযালতা অবিনাবিইয়িকাল্লাযী আরসালত।

অর্থাৎ, হে আল্লাহ! আমি তোমার নিকট আমার আত্মা সমর্পণ করেছি, তোমার দিকে আমি আমার মুখমন্ডল ফিরিয়েছি, আমার সকল বিষয় তোমার নিকট সোপর্দ করেছি, এবং আমার পৃষ্ঠদেশ তোমার দিকেই লাগিয়েছি (তোমার উপর সম্পূর্ণ ভরসা রেখেছি)। এসব কিছু তোমার (সওয়াবের) আশায় ও তোমার (আযাবের) ভয়ে করেছি। তোমার নিকট ছাড়া তোমার আযাব থেকে বাঁচতে কোন আশ্রয়স্থল ও অবলম্বন নেই। তুমি যে কিতাব অবতীর্ণ করেছ তাতে আমি ঈমান এনেছি এবং যে নবী প্রেরণ করেছ তাঁর প্রতিও বিশ্বাস রেখেছি।

এই দু’আ বলার পর যদি তোমার ঐ রাতেই মৃত্যু হয় তাহলে তোমার মরণ ইসলামী প্রকৃতির উপর হবে। ঐ সময় যা তুমি বলবে তার সব শেষে এই দু’আটি বলো।” (বুখারী ৬৩১১নং মুসলিম ২৭১০নং আবু দাউদ, তিরমিযী, নাসাঈ, ইবনে মাজাহ)

(২৩৪) ফারওয়াহ বিন নাওফাল তাঁর পিতার নিকট হতে বর্ণনা করে বলেন, একদা নবী ﷺ নাওফালকে বললেন, “তুমি (কুল ইয়্যা আইয়্যা হাল কা-ফিরান) পাঠ কর, অতঃপর এর শেষে নিদ্রা যাও। কারণ উক্ত সূরা শির্ক থেকে মুক্তি পেতে উপকারী।” (আবু দাউদ, তিরমিযী, নাসাঈ, ইবনে হিষ্কান, সহীহ তারগীব ৬০২নং)

(২৩৫) হযরত আব্দুল্লাহ বিন আমর ﷺ প্রমুখাৎ বর্ণিত, নবী ﷺ বলেন, “দুটি এমন অভ্যাস যাতে কোন মুসলিম যত্নবান হলেই সে জান্নাতে প্রবেশ করতে পারবে। অভ্যাস দুটি বড় সহজ, কিন্তু এতে অভ্যাসী ব্যক্তি খুবই কম; প্রত্যেক (ফরয) নামাযের পরে দশবার ‘সুবহা-নালাহ’, দশবার ‘আলহামদু লিল্লা-হ’, এবং দশবার ‘আল্লা-হু আকবার’ পাঠ করবে। (পাঁচ অঙ্কে) এগুলির সমষ্টি মুখে হল মাত্র দেড় শত; কিন্তু (নেকীর) মীযানে হবে দেড় হাজার। অনুরূপ শয্যাগ্রহণের সময়ও ৩৪ বার ‘আল্লাহু আকবার’, ৩৩ বার ‘আলহামদু লিল্লা-হ’ এবং ৩৩ বার ‘সুবহা-নালাহ-হ’ পাঠ করবে। মুখে এগুলোর সমষ্টি হল একশত, কিন্তু মীযানে হবে এক হাজার।”

(আব্দুল্লাহ বিন আমর ﷺ বলেন,) আমি আল্লাহর রসূল ﷺ-কে উক্ত যিকর গুনতে দেখেছি। লোকেরা বলল, ‘হে আল্লাহর রসূল! অভ্যাস দুটি বড় সহজ অথচ এতে অভ্যাসী ব্যক্তি খুবই কম, তা কি করে হয়?’ তিনি বললেন, “(কারণ,) শয়নকালে শয়তান তোমাদের কারো নিকট উপস্থিত হয়; অতঃপর ঐগুলো বলার পূর্বেই তাকে ঘুম পাড়িয়ে দেয়। অনুরূপ নামাযের সময়ও উপস্থিত হয়; ফলে ঐগুলো বলার পূর্বে তার কোন জরুরী কাজ তাকে স্মরণ করিয়ে দেয়।” (আবু দাউদ, তিরমিযী, নাসাঈ, ইবনে হিষ্কান, সহীহ তারগীব ৬০৩নং)

(২৩৬) হযরত আবু হুরাইরা رضي الله عنه হতে বর্ণিত, রমযানের যাকাত পাহারা দেওয়ার হাদীসে বলা হয়েছে যে, তিনি ঐ যাকাতের মাল পাহারা দিচ্ছিলেন। কয়েক রাত্রি শয়তান এসে মাল চুরি করে নিয়ে যায়। অবশেষে শেষরাতে সে তাঁকে বলে যায়, ‘বিছানায় শয়ন করে “আয়াতুল কুরসী” { শুরু থেকে শেষ পর্যন্ত পাঠ করো। এতে তোমার জন্য আল্লাহর তরফ থেকে এক হিফায়তকারী হবে। ফলে শয়তান সকাল পর্যন্ত তোমার নিকটবর্তী হতে পারবে না।

আবু হুরাইরা رضي الله عنه একথা নবী صلى الله عليه وسلم-এর নিকট উল্লেখ করলে তিনি বললেন, “জেনে রেখো ও সত্যই বলেছে অথচ ও ভীষণ মিথ্যুক। তিন তিন রাত্রি তুমি কার সহিত কথা বলেছ তা জান কি আবু হুরাইরা?” (আবু হুরাইরা বলেন,) আমি বললাম, ‘না।’ (রসূল صلى الله عليه وسلم বললেন, “ও ছিল শয়তান!” (বুখারী ৩২৭৫নং, ইবনে খুযাইমা, প্রমুখ)

### রাতে জাগরণকালে বিশেষ যিক্রের ফযীলত

(২৩৭) হযরত উবাদাহ বিন সামত رضي الله عنه কর্তৃক বর্ণিত, নবী صلى الله عليه وسلم বলেন, “যে ব্যক্তি রাতে (ঘুমাতে ঘুমাতে সবাক) জেগে উঠলে বলে,

‘লা ইলা-হা ইল্লাল্লা-হু অহদাহ লা শারীকালাহু, লাহল মুলকু অলাহল হামদু অহয়া আলা কুল্লি শাইয়িন ক্বাদীর। আল হামদু লিল্লা-হু, অসুবহা-নাল্লাহু, অলা ইলা-হা ইল্লাল্লা-হু অল্লা-হু আকবার, অলা হাউলা অলা কুউওয়াতা ইল্লা বিল্লা-হা

অর্থাৎ- ‘আল্লাহ ছাড়া কেউ সত্য উপাস্য নেই, তিনি একক, তাঁর কোন অংশী নেই, তাঁরই জন্য সারা রাজত্ব এবং তাঁরই নিমিত্তে সমুদয় প্রশংসা এবং তিনি সর্বশক্তিমান। যাবতীয় প্রশংসা আল্লাহর, আল্লাহ মহাপবিত্র, আল্লাহ ব্যতীত কেউ সত্য উপাস্য নেই, আল্লাহ সর্বাপেক্ষা মহান, আর আল্লাহর সাহায্য ব্যতীত (নড়া-সরা করার এবং) পাপ হতে ফিরার ও সৎকর্ম করার কোন সাধ্য কারো নেই।’

অতঃপর সে ব্যক্তি যদি ‘আল্লাহুম্মাগফিরলী, (অর্থাৎ আল্লাহ! আমাকে ক্ষমা করে দাও) বলে অথবা কিছু প্রার্থনা করে, তবে তা তার নিকট থেকে মঞ্জুর করা হয়। অতঃপর যদি সে ওয়ু করে নামায পড়ে, তবে তার নামায কবুল করা হয়।’ (বুখারী ১১৫৪নং, আসহাবে সুনান)

### রাতে স্বপ্ন দেখার মাসায়েল

(২৩৮) হযরত ইবনে আক্বাস رضي الله عنه প্রমুখাৎ বর্ণিত, নবী صلى الله عليه وسلم বলেন, “যে ব্যক্তি মিথ্যা

স্বপ্ন বর্ণনা করে; যা সে দেখেনি, সে ব্যক্তিকে (কিয়ামতের দিন) দু'টি যবের মাঝে জোড়া লাগাতে বাধ্য করা হবে। অথচ সে কখনই তা পারবে না।” (যার ফলে তাকে আযাব ভোগ করতে হবে।) (বুখারী ৭০৪২নং)

(২৩৯) হযরত জাবের رضي الله عنه হতে বর্ণিত, আল্লাহর রসূল صلى الله عليه وسلم বলেন, “তোমাদের মধ্যে যেন কেউ তার স্বপ্নের মধ্যে শয়তানের খেলার কথা কারো নিকট বর্ণনা না করে।” (মুসলিম ২২৬৮নং)

(২৪০) হযরত ইবনে উমার رضي الله عنه প্রমুখাৎ বর্ণিত, নবী صلى الله عليه وسلم বলেন, “সব চেয়ে বড় মিথ্যা ও গড়া কথার অন্যতম এই যে, মানুষ স্বপ্নে যা দেখে না, তা দেখেছে বলে দাবী করা (বা প্রচার করা)।” (আহমাদ, সহীহুল জামে' ২২১১নং)

(২৪১) হযরত আবু হুরাইরা رضي الله عنه হতে বর্ণিত, আল্লাহর রসূল صلى الله عليه وسلم বলেন, “যে ব্যক্তি স্বপ্নে আমাকে দেখে সে সত্যই আমাকে দেখে। কারণ শয়তান আমার আকৃতি ধারণ করতে পারে না। আর যে ব্যক্তি ইচ্ছাকৃত আমার সম্বন্ধে মিথ্যা বলে সে যেন নিজের বাসস্থান জাহান্নামে করে নেয়।” (বুখারী)

❀ মানুষ নিদ্রিতাবস্থায় আত্মাচক্ষুতে বিভিন্ন স্বপ্ন দেখে থাকে, যা সাধারণতঃ তিন প্রকারের হয়ঃ-

১। সত্য স্বপ্নঃ যা আল্লাহর তরফ থেকে বান্দাকে দেখানো হয়। এই ধরনের স্বপ্ন নবুঅতের ৪৬তম অংশের এক অংশ। কারণ, সত্য স্বপ্ন নবুঅতের অহীর মত না হলেও তা আল্লাহরই তরফ হতে ইলহাম হয়। (মুসলিম ২২৬৩নং)

২। এমন বস্তুর স্বপ্ন দেখে যার ছবি মানুষ নিজ কল্পনায় ও খেয়ালে মনের পর্দায় খুব বেশীরূপে অঙ্কিত ও চিত্রিত করে থাকে। তাই যা কামনা অথবা আশঙ্কা করে তাই দেখে থাকে স্বপ্নে। এ ধরনের স্বপ্ন অলীক, যার কোনও তাৎপর্য নেই।

৩। এক ধরনের স্বপ্ন; যা দেখে মানুষ অত্যন্ত ভয় পায়। অথবা কষ্ট ও দুঃখ পায়। এ ধরনের স্বপ্ন শয়তানের তরফ থেকে হয়। কারণ, শয়তান মুসলিমকে কষ্ট ও দুঃখ দিয়ে খুব তৃপ্তি পায়। (সূরা মুজাদালাহ ১০ আয়াত) যেহেতু শয়তান মুসলিমের প্রকৃত দুশমন। তাই আল্লাহর রসূল صلى الله عليه وسلم-এর নির্দেশ, যে দুঃস্বপ্ন দেখে সে যেন এ কাজগুলি করেঃ

- ❖ শয়নাবস্থায় বাম দিকে তিনবার থুথু ফেলে।
- ❖ শয়তানের অনিষ্ট থেকে আল্লাহর কাছে আশ্রয় প্রার্থনা করে।
- ❖ যে দুঃস্বপ্ন দেখে, সেই মন্দ ও ক্ষতি থেকেও রক্ষা প্রার্থনা করে।
- ❖ পার্শ্ব পরিবর্তন করে শয়ন করে।
- ❖ শয্যা ত্যাগ করে নামায পড়তে শুরু করে।
- ❖ আর এই স্বপ্নের কথা যেন কারো কাছে প্রকাশ না করে। (বুখারী ৭০৪৪, মুসলিম ২২৬১, ২২৬২নং)

অবশ্য সুস্বপ্ন হলে আত্মীয়-বন্ধুকে বলতে পারে। (মুসলিম ২২৬১নং) অন্যান্য স্বপ্ন প্রিয় ব্যক্তি ছাড়া অন্য কাউকে বলতে নেই। কারণ, স্বপ্নের যে তা'বীর (তাৎপর্য) করা হয় তাই প্রায় বাস্তব হয়ে যায়।

## তাহাজ্জুদ নামাযের ফযীলত

মহান আল্লাহ বলেন,

﴿وَعِبَادُ الرَّحْمَنِ الَّذِينَ يَمْسُونَ عَلَى الْأَرْضِ هَوْنًا وَإِذَا خَاطَبَهُمُ الْجَاهِلُونَ قَالُوا سَلَامًا﴾

﴿وَالَّذِينَ يَبِيتُونَ لِرَبِّهِمْ سُجَّدًا وَقِيَمًا﴾

অর্থাৎ, রহমানের বান্দা তারা, যারা ভূপৃষ্ঠে নম্রভাবে চলাফেরা করে এবং তাদেরকে যখন অজ্ঞ ব্যক্তির সন্মোদন করে তখন তারা প্রশান্তভাবে জবাব দেয়। আর তারা তাদের প্রতিপালকের উদ্দেশ্যে সিজদাবনত হয়ে ও দন্ডায়মান থেকে রাত্রি অতিবাহিত করে। (সূরা ফুরকান ৬৩-৬৪ আয়াত)

(২৪২) হযরত ইবনে মসউদ رضي الله عنه কর্তৃক বর্ণিত, তিনি বলেন, নবী ﷺ এর নিকটে এক ব্যক্তির কথা উল্লেখ করা হল; যে ফজর পর্যন্ত ঘুমিয়ে কাটায়। নবী ﷺ বললেন, “সে তো এমন লোক; যার কানে শয়তান পেশাব করে দেয়।” (১) (বুখারী ১১৪৪, মুসলিম ৭৭৪নং, নাসাঈ, ইবনে মাজাহ)

(২৪৩) হযরত আবু হুরাইরা رضي الله عنه হতে বর্ণিত, আল্লাহর রসূল ﷺ বলেন, “তোমাদের মধ্যে কেউ যখন ঘুমিয়ে থাকে, তখন শয়তান তার মাথার শেষাংশে (ঘাড়) তিনটি গাঁট মেরে দেয়। প্রত্যেক গাঁটের সময় এই মন্ত্র পড়ে অভিব্যূত করে দেয়, ‘তোমার এখনো লম্বা রাত বাকী। সুতরাং এখনও ঘুমাও।’ অতঃপর সে যদি জেগে আল্লাহর যিকর করে, তবে একটি বাঁধন খুলে যায়, অতঃপর ওয়ু করলে আর একটি বাঁধন খুলে যায়, অতঃপর নামায পড়লে সকল বাঁধনগুলোই খুলে যায়। ফলে ফজরের সময় সে উদ্যম ও স্ফূর্তিভরা মন নিয়ে ওঠে। নতুবা (তাহাজ্জুদ না পড়লে) আলস্যভরা ভারী মন নিয়ে সে ফজরে ওঠে।” (মালেক, বুখারী ১১৪২নং, মুসলিম ৭৭৬নং, আবু দাউদ, নাসাঈ, ইবনে মাজাহ)

(২৪৪) উক্ত আবু হুরাইরা رضي الله عنه হতেই বর্ণিত তিনি বলেন, আল্লাহর রসূল ﷺ বলেছেন, “রমযানের পর সর্বশ্রেষ্ঠ রোযা হল আল্লাহর মাস মুহার্রমের রোযা। আর ফরয নামাযের পর সর্বশ্রেষ্ঠ নামায হল রাতের (তাহাজ্জুদের) নামায।” (মুসলিম

(১) উক্ত হাদীসটিকে হাফেয মুনযেরী ও খাতীব তিবরীযী প্রভৃতিগণ তাহাজ্জুদ নামাযে উদ্বুদ্ধকরণের বাবে উল্লেখ করেছেন। অবশ্য কিছু বর্ণনা অনুসারে জানা যায় যে, শয়তান সেই ব্যক্তির কানে পেশাব করে দেয়, যে ব্যক্তি ফজরের নামায না পড়ে সকাল পর্যন্ত ঘুমিয়ে কাটায়। (দেখুন, ফতহুল বারী ৩/৫৩, সহীহ তারগীব ১/৩৩৭, টীকা)



১১৬৩নং, আবু দাউদ তিরমিযী, নাসাঈ, ইবনে খুযাইমাহ)

(২৪৫) হযরত আব্দুল্লাহ বিন সালাম ؓ হতে বর্ণিত, তিনি বলেন, আমি নবী ﷺ-এর বাণী হতে সর্বপ্রথম যা শুনেছি তা হল, “হে মানুষ! তোমরা সালাম প্রচার কর, অন্নদান কর, জ্ঞাতি-বন্ধন অক্ষুন্ন রাখ এবং লোকেরা যখন ঘুমিয়ে থাকে তখন তোমরা নামায পড়। এতে তোমরা নির্বিঘ্নে জান্নাতে প্রবেশ করতে পারবে।” (তিরমিযী, ইবনে মাজাহ, হাকেম, সহীহ তারগীব ৬১০নং)

(২৪৬) হযরত আব্দুল্লাহ বিন আমর ؓ হতে বর্ণিত, নবী ﷺ বলেন, “জান্নাতের মধ্যে এমন একটি কক্ষ আছে, যার বাহিরের অংশ ভিতর থেকে এবং ভিতরের অংশ বাহির থেকে দেখা যাবে।” তা শুনে আবু মালেক আশআরী ؓ বললেন, ‘সে কক্ষ কার জন্য হবে, হে আল্লাহর রসূল?’ তিনি বললেন, “যে ব্যক্তি উত্তম কথা বলে, অন্নদান করে ও লোকেরা যখন ঘুমিয়ে থাকে তখন নামাযে রত হয়; তার জন্য।” (ত্বাবারানী, হাকেম, সহীহ তারগীব ৬১১নং)

(২৪৭) হযরত জাবের ؓ প্রমুখাৎ বর্ণিত, তিনি বলেন, আমি আল্লাহর রসূল ﷺ কে বলতে শুনেছি, তিনি বলেছেন, “রাত্রিকালে এমন এক মুহূর্ত রয়েছে যখনই তা লাভ করে মুসলিম ব্যক্তি ইহ-পরকালের কোন কল্যাণ আল্লাহর নিকট প্রার্থনা করে, তখনই তিনি তাকে তা প্রদান করে থাকেন। অনুরূপ প্রত্যেক রাত্রিতেই ঐ মুহূর্ত আবির্ভূত হয়ে থাকে।” (মুসলিম ৭৫৭নং)

(২৪৮) হযরত আবু হুরাইরা ؓ হতে বর্ণিত, আল্লাহর রসূল ﷺ বলেন, “আল্লাহ তাআলা প্রত্যহ রাত্রের শেষ তৃতীয়াংশে নীচের আসমানে অবতরণ করেন এবং বলেন, “কে আমাকে ডাকে? আমি তার ডাকে সাড়া দেব। কে আমার নিকট প্রার্থনা করে? আমি তাকে দান করব। এবং কে আমার নিকট ক্ষমা চায়? আমি তাকে ক্ষমা করব।” (বুখারী, মুসলিম, সুনান আরবাআহ, মিশকাত ১২২৩নং)

(২৪৯) হযরত আবু উমামাহ বাহেলী ؓ হতে বর্ণিত, আল্লাহর রসূল ﷺ বলেন, তোমরা তাহাজ্জুদের নামাযে অভ্যাসী হও। কারণ, তা তোমাদের পূর্বতন নেক বান্দাদের অভ্যাস; তা তোমাদের প্রভুর নৈকট্যদানকারী ও পাপক্ষালনকারী এবং গোনাহ হতে বিরতকারী আমল।” (তিরমিযী, ইবনে আবিদ্দুনয়্যা, ইবনে খুযাইমাহ, হাকেম, সহীহ তারগীব ৬১৮ নং)

(২৫০) হযরত আবু হুরাইরা ؓ ও আবু সাঈদ খুদরী ؓ হতে বর্ণিত, তাঁরা বলেন, আল্লাহর রসূল ﷺ বলেছেন, “কোন ব্যক্তি যখন তার স্ত্রীকে রাতে ঘুম থেকে জাগিয়ে উভয়ে তাহাজ্জুদের নামায পড়ে অথবা দুই রাকআত নামায পড়ে, তখন তাদের প্রত্যেকের নাম (আল্লাহর) যিকরকারী ও যিকরকারিণীদের তালিকাভুক্ত হয়।” (আবু দাউদ, নাসাঈ, ইবনে মাজাহ, ইবনে হিব্বান, হাকেম সহীহ তারগীব ৬২০ নং)

(২৫১) হযরত আবু দারদা ؓ কর্তৃক বর্ণিত, নবী ﷺ বলেন, “তিন ব্যক্তিকে আল্লাহ ভালোবাসেন, তাদের প্রতি (সন্তুষ্ট হয়ে) হাসেন এবং তাদের কারণে খুশী হন; (প্রথম) সেই ব্যক্তি যার নিকট স্বদলের পরাজয় প্রকাশ পেলে নিজের জান দিয়ে আল্লাহ আযযা অজল্লার ওয়াস্তে যুদ্ধ করে। এতে সে হয় শহীদ হয়ে যায় নতুবা আল্লাহ তাকে সাহায্য (বিজয়ী) করেন ও তিনিই তার জন্য যথেষ্ট হন। তখন আল্লাহ বলেন, ‘আমার এই বান্দাকে তোমরা লক্ষ্য কর, আমার জন্য নিজের প্রাণ দিয়ে কেমন ঈর্ষ ধরেছে?’

(দ্বিতীয়) সেই ব্যক্তি যার আছে সুন্দরী স্ত্রী এবং নরম ও সুন্দর বিছানা। কিন্তু সে (এসব ত্যাগ করে) রাত্রে উঠে নামায পড়ে। এর জন্য আল্লাহ বলেন, ‘সে নিজের প্রবৃত্তিকে দমন করে আমাকে স্মরণ করছে, অথচ ইচ্ছা করলে সে নিদ্রা উপভোগ করতে পারত।’

আর (তৃতীয়) সেই ব্যক্তি যে সফরে থাকে। তার সঙ্গে থাকে কাফেলা। কিছু রাত্রি জাগরণ করে সকলে ঘুমে ঢলে পড়ে। কিন্তু সে শেষরাতে উঠে কষ্ট ও আরামের সময় নামায পড়ে।” (ত্বাবারানী কাবীর, সহীহ তারগীব ৬২৩ নং)

(২৫২) হযরত আব্দুল্লাহ বিন আমর বিন আস ؓ কর্তৃক বর্ণিত, তিনি বলেন, আল্লাহর রসূল ﷺ বলেছেন, “যে ব্যক্তি দশটি আয়াত নামাযে পড়ে সে উদাসীনদের তালিকাভুক্ত হয় না, যে একশ’টি আয়াত নামাযে পড়ে সে আবেদদের তালিকাভুক্ত হয়। আর যে এক হাজারটি আয়াত নামাযে পড়ে সে অজস্র সওয়াব অর্জনকারীদের তালিকাভুক্ত হয়।” (আবু দাউদ, ইবনে খুযাইমাহ, সহীহ তারগীব ৬৩৩ নং)

(২৫৩) হযরত উমার বিন খাত্তাব ؓ প্রমুখাৎ বর্ণিত, তিনি বলেন, আল্লাহর রসূল ﷺ বলেছেন, “যে ব্যক্তি তার (পূর্ণ) অযীফা (তাহাজ্জুদের নামায, কুরআন ইত্যাদি) অথবা তার কিছু অংশ রেখে ঘুমিয়ে যায়, কিন্তু তা যদি ফজর ও যোহরের নামাযের মধ্যবর্তী সময়ে আদায় করে নেয়, তবে তার জন্য পূর্ণ সওয়াবই লিপিবদ্ধ করা হয়; যেন সে ঐ অযীফা রাতেই সম্পন্ন করেছে।” (মুসলিম ৭৪৭ নং, আবু দাউদ, তিরমিযী, নাসাঈ, ইবনে মাজাহ, ইবনে খুযাইমাহ)

## চাশতের নামাযের মাহাত্ম্য

(২৫৪) হযরত আবু যার্ব ؓ হতে বর্ণিত, নবী ﷺ বলেন, “প্রতাহ সকালে তোমাদের প্রত্যেক অস্থি-গ্রন্থির উপর (তরফ থেকে) দাতব্য সদকাহ রয়েছে; সুতরাং প্রত্যেক তাসবীহ হল সদকাহ প্রত্যেক তাহমীদ (আল হামদু লিল্লাহ-হ পাঠ) সদকাহ, প্রত্যেক তাহলীল (লা ইলাহা ইল্লাল্লাহ পাঠ) সদকাহ, প্রত্যেক তকবীর (আল্লাহ

আকবার পাঠ) সদকাহ, সংকাজের আদেশকরণ সদকাহ এবং মন্দ কাজ হতে নিষেধকরণও সদকাহ। আর এসব থেকে যথেষ্ট হবে চাশতের দুই রাকআত নামায।”

(মুসলিম ৭২০ নং)

(২৫৫) হযরত বুরাইদাহ رضي الله عنه কর্তৃক বর্ণিত, আল্লাহর রসূল صلى الله عليه وسلم বলেছেন, “মানবদেহে ৩৬০টি গ্রন্থি আছে। প্রত্যেক ব্যক্তির উপর ঐ প্রত্যেক গ্রন্থির তরফ থেকে দেয় সদকাহ রয়েছে।” সকলে বলল, ‘এত সদকাহ দিতে আর কে সক্ষম হবে, হে আল্লাহর রসূল?’ তিনি বললেন, “মসজিদ হতে কফ (ইত্যাদি নোংরা) দূর করা, পথ হতে কষ্টদায়ক বস্তু (কাঁটা-পাথর প্রভৃতি) দূর করা এক একটা সদকাহ। যদি তাতে সক্ষম না হও, তবে দুই রাকআত চাশতের নামায তোমার সে প্রয়োজন পূর্ণ করবে।” (আহমাদ, ও শব্দগুলি তাঁরই, আবু দাউদ, ইবনে খুযাইমাহ, ইবনে হিব্বান, সহীহ তারগীব ৬৬১ নং)

(২৫৬) হযরত আব্দুল্লাহ বিন আমর বিন আস رضي الله عنه প্রমুখাৎ বর্ণিত, তিনি বলেন, আল্লাহর রসূল صلى الله عليه وسلم এক যোদ্ধাবাহিনী প্রেরণ করেন। এই যুদ্ধ সফরে তারা বহু যুদ্ধলব্ধ সম্পদ লাভ করে খুব শীঘ্রই ফিরে আসে। লোকেরা তাদের যুদ্ধস্থানের নিকটবর্তিতা, লব্ধ সম্পদের আধিক্য এবং ফিরে আসার শীঘ্রতা নিয়ে সবিষ্ময় বিভিন্ন আলোচনা করতে লাগল। তা শুনে আল্লাহর রসূল صلى الله عليه وسلم বললেন, “আমি কি তোমাদেরকে ওদের চেয়ে নিকটতর যুদ্ধক্ষেত্র, ওদের চেয়ে অধিকতর লব্ধ সম্পদ এবং ওদের চেয়ে শীঘ্রতর ফিরে আসার কথার সন্ধান বলে দেব না? যে ব্যক্তি সকালে ওয়ু করে চাশতের নামাযের উদ্দেশ্যে মসজিদে যায়, সে ব্যক্তি ওদের চেয়ে নিকটতর যুদ্ধক্ষেত্রে যোগদান করে, ওদের চেয়ে অধিকতর সম্পদ লাভ করে এবং ওদের চেয়ে অধিকতর শীঘ্র ঘরে ফিরে আসে।” (আহমাদ, ত্বাবারানী, সহীহ তারগীব ৬৬৩ নং)

(২৫৭) হযরত উকুবাহ বিন আমের জুহানী رضي الله عنه হতে বর্ণিত, তিনি বলেন আল্লাহর রসূল صلى الله عليه وسلم বলেছেন, “আল্লাহ আয্যা অজাল্ল বলেন, ‘হে আদম সন্তান! দিনের প্রথমাংশে তুমি আমার জন্য চার রাকআত নামায পড়তে অক্ষম হয়ো না, আমি তার প্রতিদানে তোমার দিনের শেষাংশের জন্য যথেষ্ট হব।’” (আহমাদ, আবু য়ালা, সহীহ তারগীব ৬৬৬ নং)

(২৫৮) হযরত আবু দারদা رضي الله عنه হতে বর্ণিত, আল্লাহর রসূল صلى الله عليه وسلم বলেছেন, “যে ব্যক্তি চাশতের দু’ রাকআত নামায পড়বে, সে উদাসীনদের তালিকাভুক্ত হবে না। যে ব্যক্তি চার রাকআত পড়বে, সে আবেদগণের তালিকাভুক্ত হবে। যে ব্যক্তি ছয় রাকআত পড়বে, তার জন্য ঐ দিনে (আল্লাহ তার অমঙ্গলের বিরুদ্ধে) যথেষ্ট হবেন। যে ব্যক্তি আট রাকআত পড়বে, আল্লাহ তাকে একান্ত অনুগতদের তালিকাভুক্ত করবেন। যে ব্যক্তি বারো রাকআত পড়বে, তার জন্য আল্লাহ জান্নাতে একগৃহ নির্মাণ করবেন। এমন কোন দিন বা রাত্রি নেই যাতে আল্লাহর কোন অনুগ্রহ নেই; তিনি

তাঁর বান্দাদের মধ্যে যার প্রতি ইচ্ছা দানস্বরূপ উক্ত অনুগ্রহ করে থাকেন। আর তাঁর যিকুরে প্রেরণা দান করা অপেক্ষা শ্রেষ্ঠ অনুগ্রহ আল্লাহ তাঁর বান্দাদের মধ্যে কোন বান্দার প্রতিই করেননি।” (ত্বাবারানীর কাবীর, সহীহ তারগীব ৬৭১ নং)

### জুমআহ অধ্যায়

## জুমআহ ও তদুদ্দেশ্যে যাওয়ার ফযীলত

মহান আল্লাহ বলেন,

﴿يَأْتِيهَا الَّذِينَ ءَامَنُوا إِذَا نُودِيَ لِلصَّلَاةِ مِنْ يَوْمِ الْجُمُعَةِ فَاسْعَوْا إِلَىٰ ذِكْرِ اللَّهِ وَذَرُوا الْبَيْعَ ذَلِكُمْ خَيْرٌ

لَكُمْ إِنْ كُنْتُمْ تَعْلَمُونَ ﴿١٥٩﴾

অর্থাৎ, হে ঈমানদারগণ! যখন জুমআর দিন নামাযের জন্য আহ্বান করা হবে, তখন তোমরা সত্বর আল্লাহর স্মরণের জন্য উপস্থিত হও এবং ক্রয়-বিক্রয় বর্জন কর। এটিই তোমাদের জন্য কল্যাণকর, যদি তোমরা উপলব্ধি কর। (সূরা জুমআহ ৯ আয়াত)

(২৫৯) আবু লুবাযাহ বাদরী رضي الله عنه কর্তৃক বর্ণিত, আল্লাহর রসূল ﷺ বলেন, “জুমআর দিন সকল দিনের সর্দার এবং আল্লাহর নিকট সবার চেয়ে মহান দিন। এমনকি এ দিনটি আল্লাহর নিকট আযহা ও ফিতরের দিন থেকেও শ্রেষ্ঠ। এই দিনে রয়েছে ৫টি বিশেষ বৈশিষ্ট্য; এই দিনে আল্লাহ আদমকে সৃষ্টি করেছেন, এই দিনে তাঁকে পৃথিবীতে অবতারণ করেছেন, এই দিনে তাঁর ইত্তিকাল হয়েছে, এই দিনে এমন একটি মুহূর্ত আছে; যদি কোন মুসলিম বান্দা সে মুহূর্তে আল্লাহর নিকট কোন কিছু বৈধ জিনিস প্রার্থনা করে, তাহলে আল্লাহ তাকে তা দিয়ে থাকেন। এই দিনে কিয়ামত সংঘটিত হবে। আর প্রত্যেক নৈকট্যপ্রাপ্ত ফিরিশ্তা, আকাশ, পৃথিবী, বাতাস, পর্বত, সমুদ্র এই দিনকে ভয় করে।” (আহমাদ ৩/৪৩০)

(২৬০) হযরত আবু হুরাইরা رضي الله عنه কর্তৃক বর্ণিত, তিনি বলেন, আল্লাহর রসূল ﷺ বলেছেন, “যে ব্যক্তি সুন্দরভাবে ওযু করে জুমআর উদ্দেশ্যে (মসজিদে) উপস্থিত হয়। অতঃপর মনোযোগ সহকারে (খুতবাহ) শ্রবণ করে ও নীরব থাকে সেই ব্যক্তির ঐ জুমআহ থেকে দ্বিতীয় জুমআহর মধ্যবর্তীকালে সংঘটিত এবং অতিরিক্ত তিন দিনের পাপ মাফ করে দেওয়া হয়। আর যে ব্যক্তি (খুতবা চলাকালে) কাঁকর স্পর্শ করে, সে অসার (ভুল) কাজ করে।” (মুসলিম ৮-৫৭ নং আবু দাউদ, তিরমিযী, ইবনে মাযাহ)

(২৬১) উক্ত আবু হুরাইরা رضي الله عنه হতে বর্ণিত আল্লাহর রসূল ﷺ বলেন, পাঁচ ওয়াস্ত

নামায, এক জুমআহ হতে অপর জুমআহ পর্যন্ত ও এক রমযান থেকে অপর রমযান পর্যন্ত উভয়ের মধ্যবর্তীকালের সংঘটিত পাপরাশিকে মোচন করে দেয়; যদি কাবীরা গোনাহ থেকে দূরে থাকা হয় তবে। (মুসলিম ২৩৩ নং, প্রমুখ)

(২৬২) হযরত আওস বিন আওস যাক্কাফী ❀ হতে বর্ণিত, আল্লাহর রসূল ❀ বলেছেন, “যে ব্যক্তি জুমআর দিন (মাথা) ধৌত করে ও যথা নিয়মে গোসল করে, সকাল-সকাল ও আগে-আগে (মসজিদে যাওয়ার জন্য) প্রস্তুত হয়, সওয়ার না হয়ে পায়ে হেঁটে (মসজিদে) যায়, ইমামের কাছাকাছি বসে মনোযোগ সহকারে (খোতবা) শ্রবণ করে, এবং কোন অসার ক্রিয়া-কলাপ করে না, সে ব্যক্তির প্রত্যেক পদক্ষেপের বিনিময়ে এক বৎসরের নেক আমল ও তার (সারা বছরের) রোযা ও নামাযের সওয়ার লাভ হয়।” (আহমাদ, আবু দাউদ, তিরমিযী, নাসাঈ, ইবনে মাজাহ, ইবনে খুযাইমাহ, ইবনে হিব্বান, হাকেম, সহীহ তারগীব ৬৮৭ নং)

## বিনা ওজরে জুমআর নামায ত্যাগ করা হতে ভীতি-প্রদর্শন

(২৬৩) হযরত ইবনে মসউদ ❀ কর্তৃক বর্ণিত, নবী ❀ বলেন, “আমি ইচ্ছা করেছি যে, এক ব্যক্তিকে লোকেদের ইমামতি করতে আদেশ করে ঐ শ্রেণীর লোকেদের ঘর-বাড়ি পুড়িয়ে দিই যারা জুমআতে অনুপস্থিত থাকে।” (মুসলিম ৬৫২ নং, হাকেম)

(২৬৪) হযরত আবু হুরাইরা ❀ ও ইবনে উমার ❀ কর্তৃক বর্ণিত, তাঁরা শুনেছেন, আল্লাহর রসূল ❀ তাঁর মিস্বরের কাঠের উপর বলেছেন যে, “কতক সম্প্রদায় তাদের জুমআহ ত্যাগ করা হতে অতি অবশ্যই বিরত হোক, নতুবা আল্লাহ তাদের অন্তরে অবশ্যই মোহর মেরে দেবেন। অতঃপর তারা অবশ্যই অবহেলাকারীদের অন্তর্ভুক্ত হয়ে যাবে।” (মুসলিম ৮৬৫ নং, ইবনে মাজাহ)

(২৬৫) হযরত আবুল জা'দ যামরী ❀ হতে বর্ণিত, নবী ❀ বলেন, “যে ব্যক্তি বিনা ওজরে তিনটি জুমআহ ত্যাগ করবে, সে ব্যক্তি মুনাফিক।” (ইবনে খুযাইমাহ, ইবনে হিব্বান, সহীহ তারগীব ৭২৬ নং)

(২৬৬) হযরত জাবের বিন আব্দুল্লাহ ❀ কর্তৃক বর্ণিত, তিনি বলেন, একদা নবী ❀ জুমআর দিন খাড়া হয়ে খুতবা দানকালে বললেন, “সম্ভবতঃ এমনও লোক আছে, যার নিকট জুমআহ উপস্থিত হয়; অথচ সে মদীনা থেকে মাত্র এক মাইল দূরে থাকে এবং জুমআয় হাযির হয় না।” দ্বিতীয় বারে তিনি বললেন, “সম্ভবতঃ এমন লোকও আছে যার নিকট জুমআহ উপস্থিত হয়; অথচ সে মদীনা থেকে মাত্র দুই মাইল দূরে থাকে এবং জুমআয় হাজির হয় না।” অতঃপর তৃতীয়বারে তিনি



দিন ইমামের খুতবা দেওয়ার সময় যদি তুমি তোমার (কথা বলছে এমন) সঙ্গীকে ‘চুপ কর’ বল, তাহলে তুমিও অসার কর্ম করবে।” (বুখারী ৯৩৪, মুসলিম ৮৫১নং, আসহাবে সুনান, ইবনে খুযাইমাহ)

❀ ‘অসার বা অনর্থক কর্ম করবে’ এর টীকায় একাধিক ব্যাখ্যা করা হয়েছে; যেমন, তুমি জুমআর সওয়াব থেকে বঞ্চিত হবে। অথবা তোমারও কথা বলা হবে। অথবা তুমিও ভুল করবে। অথবা তোমার জুমআহ বাতিল হয়ে যাবে। অথবা তোমার জুমআহ যোহরে পরিণত হয়ে যাবে -ইত্যাদি। তবে বিশেষজ্ঞ উলামাদের নিকট শেষোক্ত ব্যাখ্যাই নির্ভরযোগ্য। কারণ, এরূপ ব্যাখ্যা নিম্নোক্ত হাদীসে বর্ণিত হয়েছে।

(২৭২) আব্দুল্লাহ বিন আমর বিন আস رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “যে ব্যক্তি জুমআর দিন গোসল করল, তার স্ত্রীর সুগন্ধি (আতর) থাকলে তা ব্যবহার করল, উত্তম লেবাস পরিধান করল, অতঃপর (মসজিদে এসে) লোকেদের কাতার চিরে (আগে অতিক্রম) করল না এবং ইমামের উপদেশ দানকালে কোন বাজে কর্ম করল না, সে ব্যক্তির জন্য তা উভয় জুমআর মধ্যবর্তী কৃত পাপের কাফফারা হয়ে যাবে। আর যে ব্যক্তি অনর্থক কর্ম করল এবং লোকেদের কাতার চিরে সামনে অতিক্রম করল, সে ব্যক্তির জুমআহ যোহরে পরিণত হয়ে যাবে।” (আবু দাউদ, ইবনে খুযাইমাহ, সহীহ তারগীব ৭২০নং)

## জুমআর রাত্রে বা দিনে সূরা কাহফ পাঠের ফযীলত

(২৭৩) হযরত আবু সাঈদ খুদরী رضي الله عنه হতে বর্ণিত, নবী صلى الله عليه وسلم বলেন, “যে ব্যক্তি জুমআর দিন সূরা কাহফ পাঠ করবে তার জন্য দুই জুমআর মধ্যবর্তীকাল জ্যোতির্ময় হবে।” (নাসাঈ, বাইহাকী, হাকেম, সহীহ তারগীব ৭৩৫ নং)

যিকর ও দুআ অধ্যায়

## যিকরের মাহাত্ম্য

মহান আল্লাহ বলেন,

﴿وَلَذِكْرُ اللَّهِ أَكْبَرُ﴾

অর্থাৎ, আল্লাহর যিকর (স্মরণ)ই সবচেয়ে বড়। (সূরা আনকাবূত ৪৫ আয়াত)

﴿فَاذْكُرُونِي أَذْكُرْكُمْ وَاشْكُرُوا لِي وَلَا تَكْفُرُونِ﴾

অর্থাৎ, অতএব তোমরা আমাকে স্মরণ কর আমিও তোমাদেরকে স্মরণ করব। তোমরা আমার প্রতি কৃতজ্ঞ হও এবং কৃতঘ্ন হয়ো না।’ (সূরা বাক্বারাহ ১৫২)





(২৭৮) হযরত আবু হুরাইরা رضي الله عنه থেকে বর্ণিত, আল্লাহর রসূল صلى الله عليه وسلم বলেন, “মুফারিদগণ আগে বেড়ে গেছে।” সকলে জিজ্ঞাসা করল, ‘হে আল্লাহর রসূল! ‘মুফারিদ কারা?’ তিনি বললেন, “আল্লাহর অধিক অধিক যিকরকারী পুরুষ ও নারী।” (মুসলিম ২৬৭৬নং)

(২৭৯) হযরত আব্দুল্লাহ বিন বুসর رضي الله عنه বলেন, এক ব্যক্তি বলল, ‘হে আল্লাহর রসূল! কল্যাণের দরজা তো অনেক। তার সবটা পালন করতে আমি সক্ষম নই। অতএব আমাকে এমন কাজের সন্ধান দিন যাকে আমি দৃঢ়ভাবে ধরে থাকব, আর অধিক ভার দিবেন না; যাতে আমি ভুলে না যাই। (যেহেতু আমি বৃদ্ধ হয়ে গেছি)।’ তিনি বললেন, “তোমার জিহ্বা যেন সর্বদা আল্লাহর যিকরে আর্দ্র থাকে।” (তিরমিযী ৫/৪৫৮ ইবনে মাজহ ২/১২৪৬, ৩৭৯৩নং)

(২৮০) হযরত আবু হুরাইরা رضي الله عنه থেকে বর্ণিত, আল্লাহর রসূল صلى الله عليه وسلم বলেন, “যে সম্প্রদায় এমন মজলিস থেকে উঠে যায়, যেখানে তারা আল্লাহর যিকর করে না, আসলে তারা মৃত গাধার মত কোন জিনিস থেকে উঠে যায়। আর (এর জন্য) আল্লাহর তরফ থেকে তাদের উপর পরিতাপ আসবে।” (আবু দাউদ ৪৮৫৫নং)

(২৮১) হযরত আবু হুরাইরা رضي الله عنه থেকে বর্ণিত, আল্লাহর রসূল صلى الله عليه وسلم বলেন, “যে ব্যক্তি এমন মজলিসে বসে, যেখানে সে আল্লাহর যিকর করে না (এর জন্য) আল্লাহর তরফ থেকে তার উপর পরিতাপ ও কমি আসবে। আর যে ব্যক্তি এমন জায়গায় শয়ন করে, যেখানে সে আল্লাহর যিকর করে না (এর জন্য) আল্লাহর তরফ থেকে তার উপর পরিতাপ ও কমি আসবে।” (আবু দাউদ ৪৮৫৬নং)

(২৮২) হযরত আবু হুরাইরা رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “নিশ্চয় আল্লাহর কিছু ফিরিশ্তা আছেন, যারা রাস্তায় রাস্তায় ঘুরে-ফিরে আহলে যিকর খুঁজতে থাকেন। অতঃপর যখন কোন সম্প্রদায়কে আল্লাহর যিকররত অবস্থায় পেয়ে যান, তখন তাঁরা একে অপরকে আহবান করে বলতে থাকেন, ‘এস তোমাদের প্রয়োজনের দিকে।’ সুতরাং তাঁরা (সেখানে উপস্থিত হয়ে) তাদেরকে নিজেদের ডানা দ্বারা নিচের আসমান পর্যন্ত বেষ্টিত করে ফেলেন। অতঃপর তাঁদেরকে তাঁদের প্রতিপালক জানা সত্ত্বেও তাঁদেরকে জিজ্ঞাসা করেন, ‘আমার বান্দারা কি বলছে?’ ফিরিশ্তারা বলেন, ‘তারা আপনার পবিত্রতা ঘোষণা করছে, আপনার মহত্ত্ব বর্ণনা করছে, আপনার প্রশংসা ও গৌরব বয়ান করছে।’ আল্লাহ বলেন, ‘তারা কি আমাকে দেখেছে?’ ফিরিশ্তারা বলেন, ‘জী না, আল্লাহর কসম! তারা আপনাকে দেখেনি।’ আল্লাহ বলেন, ‘কি হত, যদি তারা আমাকে দেখত?’ ফিরিশ্তারা বলেন, ‘যদি তারা আপনাকে দেখত, তাহলে আরো বেশী বেশী ইবাদত, গৌরব বর্ণনা ও তসবীহ করত।’ আল্লাহ বলেন, ‘কি চায় তারা?’ ফিরিশ্তারা বলেন, ‘তারা আপনার কাছে বেহেশ্ত চায়।’ আল্লাহ বলেন, ‘তারা কি বেহেশ্ত দেখেছে?’ ফিরিশ্তারা বলেন, ‘জী না, আল্লাহর

কসম! হে প্রতিপালক! তারা তা দেখেনি।’ আল্লাহ বলেন, ‘কি হত, যদি তারা তা দেখত?’ ফিরিশ্তারা বলেন, ‘তারা তা দেখলে তার জন্য আরো বেশী আগ্রহান্বিত হত। আরো বেশী বেশী তা প্রার্থনা করত। তাদের চাহিদা আরো বড় হত।’ আল্লাহ বলেন, ‘তারা কি থেকে পানাহ চায়?’ ফিরিশ্তারা বলেন, ‘তারা দোযখ থেকে পানাহ চায়।’ আল্লাহ বলেন, ‘তারা কি দোযখ দেখেছে?’ ফিরিশ্তারা বলেন, ‘জী না, আল্লাহর কসম! হে প্রতিপালক! তারা তা দেখেনি।’ আল্লাহ বলেন, ‘কি হত, যদি তারা তা দেখত?’ ফিরিশ্তারা বলেন, ‘তারা তা দেখলে বেশী বেশী করে তা হতে পলায়ন করত। বেশী বেশী ভয় করত।’ তখন আল্লাহ বলেন, ‘আমি তোমাদেরকে সাক্ষী রেখে বলছি যে, আমি তাদেরকে মাফ করে দিলাম।’ ফিরিশ্তাদের মধ্য থেকে একজন বলেন, ‘কিন্তু ওদের মধ্যে অমুক ওদের দলভুক্ত নয়। সে আসলে নিজের কোন প্রয়োজনে সেখানে এসেছে।’ আল্লাহ বলেন, ‘(আমি তাকেও মাফ করে দিলাম! কারণ,) তারা হল এমন সম্প্রদায়, যাদের সাথে যে বসে সেও বঞ্চিত (হতভাগা) থাকে না।’ (বুখারী ৬৪০৮, মুসলিম ২৬৮৯নং)

❀ জ্ঞাতব্য যে, যিকরকারী সম্প্রদায় বা যিকরের মজলিস বলতে জামাআতী যিকর নয়। যে কোন প্রকারে আল্লাহর যিকর, স্মরণ বা আলোচনা হলেই সেটিই হল যিকরের মজলিস। কোন ইলমী জালসা, খুতবাহ, দর্সে কুরআন বা হাদীস বা দ্বীনী বৈঠক হলে সেটিও যিকরের মজলিস। আর এ কথা বিদিত যে, জামাআতবদ্ধভাবে সমস্বরে তাসবীহ, তাহলীল বা তাকবীর বিদআতের পর্যায়াভুক্ত।

## দুআর মাহাত্ম্য

মহান আল্লাহ বলেন,

﴿ وَقَالَ رَبُّكُمْ ادْعُونِي أَسْتَجِبْ لَكُمْ إِنَّ الَّذِينَ يَسْتَكْبِرُونَ عَنْ عِبَادَتِي سَيَدْخُلُونَ جَهَنَّمَ ﴾

﴿ داخِرِينَ ﴾

অর্থাৎ, তোমাদের প্রতিপালক বলেন, তোমরা আমাকে ডাক (আমার নিকট দুআ কর), আমি তোমাদের ডাকে সাড়া দেব। (আমি তোমাদের দুআ কবুল করব।) যারা অহংকারে আমার উপাসনায় (আমার কাছে দুআ করা হতে) বিমুখ, ওরা লাঞ্চিত হয়ে জাহান্নামে প্রবেশ করবে।” (সূরা গাফের ৬০ আয়াত)

﴿ وَإِذَا سَأَلَكَ عِبَادِي عَنِّي فَإِنِّي قَرِيبٌ أُجِيبُ دَعْوَةَ الدَّاعِ إِذَا دَعَانِ ﴾

অর্থাৎ, আর আমার বান্দাগণ যখন আমার সম্বন্ধে তোমাকে প্রশ্ন করে (তখন তুমি বল,) আমি তো কাছেই আছি। যখন কোন প্রার্থনাকারী আমার কাছে প্রার্থনা জানায়, তখন আমি তার প্রার্থনা মঞ্জুর করি। (সূরা বাকারাহ ১৮-৬)

“নিশ্চয় তোমাদের প্রভু লজ্জাশীল অনুগ্রহপরায়ণ, বান্দা যখন তাঁর কাছে দুই হাত তোলে, তখন তা শূন্য ও নিরাশভাবে ফিরিয়ে দিতে বান্দা থেকে লজ্জা করেন।” (আবুদাউদ ২/৭৮, তিরমিযী ৫/৫৫৭)

(২৮৩) হযরত নুমান বিন বাশীর ﷺ থেকে বর্ণিত, রসূল ﷺ বলেন, “দুআই তো ইবাদত।” (আবু দাউদ ১৪৭৯, তিরমিযী ২৯৬৯, ইবনে মাজাহ ৩৮-৭৩নং)

(২৮৪) হযরত ইবনে আব্বাস ﷺ কর্তৃক বর্ণিত, আল্লাহর রসূল ﷺ বলেন, “শ্রেষ্ঠ ইবাদত হল দুআ।” (হাকেম, সহীহুল জামে’ ১১২২নং)

(২৮৫) হযরত আবু হুরাইরা ﷺ থেকে বর্ণিত, রসূল ﷺ বলেন, “যে আল্লাহর কাছে প্রার্থনা করে না, আল্লাহ তার উপর ক্রোধান্বিত হন।” (তিরমিযী ৩৩৭৩, ইবনে মাজাহ ৩৮-৭২নং)

(২৮৬) হযরত সালমান ফারেসী ﷺ কর্তৃক বর্ণিত, আল্লাহর রসূল ﷺ বলেন, “দুআ ছাড়া অন্য কিছু তবদীর রদ্দ (খন্ডন) করতে পারে না এবং নেক আমল ছাড়া অন্য কিছু আয়ু বৃদ্ধি করতে পারে না।” (তিরমিযী ২১৩৯, সহীহুল জামে’ ৭৬৮-৭নং)

### অনুপস্থিত ব্যক্তির জন্য দুআ করার মাহাত্ম্য

(২৮৭) হযরত আবু দারদা ﷺ হতে বর্ণিত, আল্লাহর রসূল ﷺ বলেন, “যে কোনও মুসলিম বান্দা যখন তার অনুপস্থিত কোন ভায়ের জন্য দুআ করে, তখনই ফিরিশ্তা বলেন, ‘আর তোমার জন্যও অনুরূপ।’”

অন্য এক বর্ণনায় আছে, তিনি বলেন, “অনুপস্থিত ভায়ের জন্য মুসলিমের দুআ কবুল করা হয়। তার মাথার কাছে নিযুক্ত এক ফিরিশ্তা থাকেন। যখনই সে তার ভায়ের জন্য কোন মঙ্গলের দুআ করে, তখনই উক্ত ফিরিশ্তা বলেন, ‘আমীন, আর তোমার জন্যও অনুরূপ।’” (মুসলিম ২৭৩২নং)

### বিশেষ কিছু সময়ে দুআ করার মাহাত্ম্য

(২৮৮) হযরত আবু হুরাইরা ﷺ হতে বর্ণিত, আল্লাহর রসূল ﷺ বলেন, “সিজদাহ অবস্থায় বান্দা আপন প্রভুর সবচেয়ে অধিক নিকটতম হয়ে থাকে। সুতরাং ঐ অবস্থায় তোমরা বেশী-বেশী করে দুআ করা।” (মুসলিম ৪৮২, আবু দাউদ ৮৭৫, নাসাঈ ১১৩৭নং)

(২৮৯) হযরত আনাস ﷺ হতে বর্ণিত, আল্লাহর রসূল ﷺ বলেন, “আযান ও ইকামতের মাঝে দুআ রদ্দ করা হয় না। (অর্থাৎ, কবুল করা হয়।)” (আবু দাউদ ৫২১, তিরমিযী ২১২, সহীহুল জামে’ ৩৪০৮নং)

(২৯০) হযরত সাহল বিন সাদ ﷺ হতে বর্ণিত, আল্লাহর রসূল ﷺ বলেন, “দুই

(সময়ে দুআ) রদ করা হয় না অথবা খুব কম রদ করা হয়; আযানের সময় দুআ এবং যুদ্ধক্ষেত্রে শত্রুর সাথে যুদ্ধ চলার সময় দুআ।” (আবু দাউদ ২৫৪০, সহীহুল জামে ৩০৭৯নং)

(২৯১) হযরত আবু হুরাইরা رضي الله عنه হতে বর্ণিত, আল্লাহর রসূল صلى الله عليه وسلم বলেন, “আল্লাহ তাআলা প্রত্যহ রাত্রের শেষ তৃতীয়াংশে নীচের আসমানে অবতরণ করেন এবং বলেন, “কে আমাকে ডাকে? আমি তার ডাকে সাড়া দেব। কে আমার নিকট প্রার্থনা করে? আমি তাকে দান করব। এবং কে আমার নিকট ক্ষমা চায়? আমি তাকে ক্ষমা করব।” (বুখারী, মুসলিম ৭৫৮নং)

(২৯২) হযরত জাবের رضي الله عنه প্রমুখাৎ বর্ণিত, তিনি বলেন, আমি আল্লাহর রসূল صلى الله عليه وسلم-কে বলতে শুনেছি, তিনি বলেছেন, “রাত্রিকালে এমন এক মুহূর্ত রয়েছে যখনই তা লাভ করে মুসলিম ব্যক্তি ইহ-পরকালের কোন কল্যাণ আল্লাহর নিকট প্রার্থনা করে, তখনই তিনি তাকে তা প্রদান করে থাকেন। অনুরূপ প্রত্যেক রাত্রিতেই ঐ মুহূর্ত আবির্ভূত হয়ে থাকে।” (মুসলিম ৭৫৭নং)

(২৯৩) হযরত আবু হুরাইরা رضي الله عنه হতে বর্ণিত, আল্লাহর রসূল صلى الله عليه وسلم বলেন, “জুমআর দিনে এমন একটি (সামান্য) মুহূর্ত আছে, যদি কোন মুসলিম বান্দা নামায পড়া অবস্থায় তা পায় এবং আল্লাহর নিকট কোন মঙ্গল প্রার্থনা করে, তাহলে আল্লাহ তাকে তা দিয়ে থাকেন।” (বুখারী ৯৩৫নং, মুসলিম, মিশকাত ১৩৫৭নং)

(২৯৪) হযরত আবু উমামাহ رضي الله عنه বলেন, ‘জিজ্ঞাসা করা হল, হে আল্লাহর রসূল! কোন দুআ বেশী কবুলের যোগ্য?’ উত্তরে তিনি বললেন, “রাতের শেষাংশে এবং ফরয নামাযসমূহের পশ্চাতে। (অর্থাৎ, সালাম ফিরার আগে)।” (তিরমিযী, সহীহ তারগীব ১৬৪৮নং)

## দুআ কবুল না হওয়ার কারণসমূহ

(২৯৫) হযরত আবু হুরাইরা رضي الله عنه হতে বর্ণিত, রসূল صلى الله عليه وسلم বলেন, “তোমাদের কারো দুআ কবুল করা হয় যতক্ষণ না সে পাপের দুআ, জ্ঞাতিবন্ধন ছিন্ন করার দুআ এবং দুআতে তাড়াতাড়ি করে। বলে, দুআ করলাম কিন্তু কবুল হল না।” (বুখারী ৬৩৪০, মুসলিম ২৭৩৫নং)

(২৯৬) হযরত আবু হুরাইরা رضي الله عنه হতে বর্ণিত, রসূল صلى الله عليه وسلم বলেন, “বান্দার দুআ কবুল হয়েই থাকে যতক্ষণ সে কোন পাপের অথবা জ্ঞাতিবন্ধন টুটার জন্য দুআ না করে এবং (দুআর ফল লাভে) শীঘ্রতা না করে।” জিজ্ঞাসা করা হল, ‘হে আল্লাহর রসূল! শীঘ্রতা কেমন?’ বললেন, “এই বলা যে, ‘দুআ করলাম, আরো দুআ করলাম। অথচ কবুল হতে দেখলাম না।’ ফলে সে তখন আক্ষেপ করে এবং দুআ



(৩০১) মুআয বিন আব্দুল্লাহ বিন খুবাইব তাঁর পিতার নিকট হতে বর্ণনা করে বলেন, তাঁর পিতা বলেছেন, একদা আমরা বৃষ্টিময় ঘোর অন্ধকার রাত্রে আল্লাহর রসূল ﷺ কে খুঁজতে বের হলাম। উদ্দেশ্য ছিল, তিনি আমাদের নামাযের ইমামতি করবেন। আমরা তাঁকে পেয়ে নিলে তিনি বললেন, “বলা।” আমি কিছুই বললাম না। পুনরায় তিনি বললেন, “বলা।” আমি কিছুই বললাম না। তিনি আবার বললেন, “বলা।” এবারে আমি বললাম, ‘হে আল্লাহর রসূল! কি বলব?’ তিনি বললেন, “কুল হওয়াল্লাহ আহাদ, কুল আউয়ু বিরাক্বিল ফালাক ও কুল আউয়ু বিরাক্বিনাস’ সকাল সন্ধ্যায় তিনবার করে বল; প্রত্যেক জিনিস থেকে তাই তোমার জন্য যথেষ্ট হবে।” (আবু দাউদ, তিরমিযী, নাসাঈ, সহীহ তারগীব ৬৪৩ নং)

(৩০২) হযরত শাদ্দাদ বিন আওস ؓ কর্তৃক বর্ণিত, নবী ﷺ বলেন, “সাইয়েদুল ইস্তিগ্ফার (ক্ষমা প্রার্থনা করার শ্রেষ্ঠতম দুআ) বান্দার এই বলা,

(আল্লাহুম্মা আন্তা রাক্বী লা ইলা-হা ইল্লা আন্তা খালাক্বতানী অআনা আবদুকা অ আনা আলা আহদিকা অঅ’দিকা মাসতাত্বাত্বু আউয়ু বিকা মিন শার্বি মা সানা’তু আবুউ লাকা বিনি’মাতিকা আলাইয়্যা, অআবুউ বিয়ামবী ফাগফিরনী, ইন্নাহ লা য্যাগফিরফয্ যুনুবা ইল্লা আন্তা।)

**অর্থঃ-** হে আল্লাহ! তুমিই আমার প্রতিপালক। তুমি ছাড়া কোন সত্য উপাস্য নেই। তুমিই আমাকে সৃষ্টি করেছ, আমি তোমার দাস। আমি তোমার প্রতিশ্রুতি ও অঙ্গীকারের উপর যথাসাধ্য প্রতিষ্ঠিত আছি। আমি যা করেছি তার মন্দ থেকে তোমার নিকট আশ্রয় চাচ্ছি। আমার উপর তোমার যে সম্পদ রয়েছে তা আমি স্বীকার করছি এবং আমার অপরাধও আমি স্বীকার করছি। সুতরাং তুমি আমাকে মার্জনা করে দাও, যেহেতু তুমি ছাড়া আর কেউ পাপ মার্জনা করতে পারে না।

যে ব্যক্তি সন্ধ্যাকালে দৃঢ়প্রত্যয়ের সহিত তা পাঠ করবে সে ব্যক্তি ঐ রাত্রে মৃত্যুবরণ করলে জান্নাতে প্রবেশ করবে। আর যে ব্যক্তি প্রভাতকালে এর প্রতি দৃঢ় প্রত্যয় রেখে তা পাঠ করবে সে ব্যক্তি ঐ দিনে মৃত্যুবরণ করলে জান্নাতে প্রবেশ করবে।” (বুখারী ৬৩০৬ নং, তিরমিযী, নাসাঈ)

(৩০৩) হযরত আবু হুরাইরা ؓ বলেন, এক ব্যক্তি নবী ﷺ-এর নিকট উপস্থিত হয়ে বলল, ‘হে আল্লাহর রসূল! গতরাতে এক বিচ্ছুতে আমাকে দংশন করলে বড় কষ্ট হয়!’ তিনি বললেন, “শোনো! তুমি যদি সন্ধ্যার সময় (নিম্নের দুআ) বলতে তাহলে তোমার কোন ক্ষতি করতে পারত না;

‘আউয়ু বিকালিমা-তিল্লা-হিত্ব তা-ম্মা-তি মিন শার্বি মা খালাক্বা’



নাসাঈ, ইবনে মাজাহ, তিরমিযী, ইবনে হিব্বান, হাকেম, সহীহ তারগীব ৬৪৯ নং)

(৩০৮) আমর বিন শুআইব, তিনি তাঁর পিতা হতে এবং তাঁর পিতা তাঁর (আমরের) পিতামহ হতে এবং তিনি নবী ﷺ হতে বর্ণনা করেছেন, তিনি বলেন, “যে ব্যক্তি সূর্যের উদয় ও অস্তের পূর্বে ১০০ বার ‘সুবহা-নাল্লাহ’ বলবে, তার জন্য তা ১০০টি (মক্কায় কুরবানীযোগ্য) উষ্ট্রী অপেক্ষা অধিক শ্রেষ্ঠ। যে ব্যক্তি সূর্যের উদয় ও অস্তের পূর্বে ১০০বার ‘আলহামদু লিল্লাহ’ বলবে তার জন্য তা আল্লাহর পথে (জিহাদের) জন্য সওয়ারী ১০০টি ঘোড়া অপেক্ষা শ্রেষ্ঠতর। যে ব্যক্তি সূর্যের উদয় ও অস্তের পূর্বে ১০০ বার ‘আল্লাহ আকবার’ বলবে, তার জন্য তা ১০০টি ক্রীতদাস স্বাধীন করা অপেক্ষা শ্রেষ্ঠতর। আর যে ব্যক্তি সূর্যের উদয় ও অস্তের পূর্বে ১০০বার ‘লা ইলাহা ইল্লাল্লাহু অহদাহু লা শারীকা লাহু, লাহল মুলকু অলাহল হামদু, অহয়া আলা কুল্লি শাইয়িন ক্বাদীর’ বলবে সে ব্যক্তির আমল অপেক্ষা শ্রেষ্ঠ আমল নিয়ে কিয়ামতে আর অন্য কেউ উপস্থিত হতে পারবে না। অবশ্য যদি কেউ তারই অনুরূপ অথবা তার চেয়ে অধিকবার ঐ যিকর বলে থাকে তবে সে পারবে।” (নাসাঈ, সহীহ তারগীব ৬৫১ নং)

(৩০৯) হযরত উবাই বিন কা’ব ﷺ হতে বর্ণিত, তাঁর এক খেজুরের খামার ছিল। সেখান হতে খেজুর কম হয়ে যাচ্ছিল। তাই এক রাত্রিতে তিনি পাহারা দিয়ে থাকলেন। হঠাৎ তিনি তরুণের ন্যায় এক জন্তু দেখতে পেলেন। তিনি তাকে সালাম দিলেন, সে তাঁর সালামের উত্তরও দিল। তিনি তার উদ্দেশ্যে বললেন, ‘কে তুমি? জিন অথবা ইনসান?’ সে বলল, ‘আমি জিন।’ তিনি বললেন, ‘কৈ তোমার হাতটা আমাকে দেখতে দাও।’ সে তার হাত দেখতে দিল। তার হাত ছিল ঠিক কুকুরের পায়ের মত। তার দেহের লোমও ছিল কুকুরের মত। তিনি সবিস্ময়ে প্রশ্ন করলেন, ‘জিনের সৃষ্টিগত আকৃতি কি এটাই?’ সে বলল, ‘জিনরা জানে যে তাদের মধ্যে আমার চেয়ে অধিক বলবান পুরুষ আর কেউ নেই।’ তিনি বললেন, ‘এখানে কি জন্য এসেছ?’ সে বলল, ‘আমরা খবর পেলাম যে, তুমি দান করতে ভালোবাস। তাই তোমার খাদ্যসম্ভার হতে কিছু পাওয়ার উদ্দেশ্যে এসেছি।’ তিনি বললেন, ‘আচ্ছা, তোমাদের অনিষ্ট থেকে বাঁচার উপায় কি?’ সে বলল, ‘(উপায়) সূরা বাক্বারার এই আয়াত পাঠ (আল্লাহু লা ইলা-হা ইল্লা হুয়াল হাইয়্যুল কাইয়্যুম)। যে ব্যক্তি সন্ধ্যায় তা পাঠ করবে সে সকাল অবধি আমাদের অনিষ্ট থেকে নিরাপদে থাকবে। আর যে ব্যক্তি সকালে তা পাঠ করবে সে সন্ধ্যা পর্যন্ত আমাদের অনিষ্ট থেকে নিরাপদে থাকবে।’

অতঃপর সকাল হলে তিনি আল্লাহর রসূল ﷺ-এর নিকট এসে রাত্রের বৃত্তান্ত উল্লেখ করলেন। তা শুনে তিনি বললেন, “খবীস সত্যই বলেছে।” (নাসাঈ, তাবারানী, সহীহ তারগীব ৬৫৫ নং)



## বহুগুণ সওয়াববিশিষ্ট যিকরের ফযীলত

(৩১০) হযরত জুয়াইরিয়্যাহ হতে বর্ণিত, তিনি ফযরের নামায পড়ে তার মুসাল্লায় বসে (তসবীহ পাঠে রত) ছিলেন, আল্লাহর রসূল ﷺ এই সময় তাঁর পাশ দিয়ে পার হয়ে (কোথাও) গেলেন। অতঃপর ঠিক চাশতের সময় ফিরে এসে দেখলেন, জুয়াইরিয়্যাহ তখনো মুসাল্লায় বসে আছেন। তিনি তাঁর উদ্দেশ্যে বললেন, “তুমি সেই অবস্থায় এখনো বসে আছ, যে অবস্থায় আমি তোমাকে (ফজরের সময়) ছেড়ে গেছি? জুয়াইরিয়্যাহ বললেন, ‘হ্যাঁ।’ নবী ﷺ বললেন, “আমি তোমার (নিকট থেকে যাওয়ার) পর চারটি কলেমা তিনবার পাঠ করেছি; সে কয়টিকে যদি তুমি এ পর্যন্ত যা বলেছ তা দিয়ে ওজন কর তবে অবশ্যই পরিমাণে সমান হয়ে যাবে। আর তা হল,

সুবহা-নাল্লা-হি অবিহামদিহী আদাদা খালক্বিহী, অরিযা নাফসিহী, অযিনাতা আরশিহী, অমিদা-দা কালিমা-তিহ।

অর্থাৎ- “আল্লাহর সপ্রশংস পবিত্রতা ঘোষণা করি; তাঁর সৃষ্টির সমান সংখ্যক, তাঁর নিজ মর্জি অনুযায়ী, তাঁর আরশের ওজন বরাবর ও তাঁর বাণীসমূহের সমান সংখ্যক প্রশংসা।” (আল্লাহর বাণীর কোন শেষ নেই।) (মুসলিম ২৭২৬ নং)

## বাজারে তাহলীল পড়ার ফযীলত

(৩১১) হযরত উমার বিন খাত্তাব ؓ কর্তৃক বর্ণিত, আল্লাহর রসূল ﷺ বলেন, “যে ব্যক্তি বাজারে প্রবেশ করে (নিম্মের দুআ) বলে আল্লাহ তার জন্য দশ লক্ষ নেকী লিপিবদ্ধ করেন, দশ লক্ষ গোনাহ মোচন করে দেন, তাকে দশ লক্ষ মর্যাদায় উন্নীত করেন এবং বেহেস্তে তার জন্য একটি গৃহ নির্মাণ করে দেন।”

‘লা ইলা-হা ইল্লাল্লাহু অহদাহু লা শারীকা লাহু, লাহল মুলকু অলাহল হামদু, যুহয়ী অয়্যামীতু, অহুয়া হইয়্যাল লা য়ামুতু, বিয়্যাদিহিল খাইরু অহুয়া আলা কুল্লি শাইয়িন ক্বাদীর।’

অর্থাৎ- আল্লাহ ছাড়া কেউ সত্য উপাস্য নেই, তিনি একক তাঁর কোন অংশী নেই, তাঁরই জন্য সারা রাজত্ব ও তাঁরই নিমিত্তে সমুদয় প্রশংসা। তিনি জীবন দান করেন এবং মৃত্যু প্রদান করেন। আর তিনি চিরজীব, তাঁর মৃত্যু নেই। তাঁর হাতেই সর্বপ্রকার মঙ্গল এবং তিনি সর্ব বস্তুর উপর সর্বশক্তিমান। (সহীহ তিরমিযী ২৭২৬ নং, সহীহ

ইবনে মাজাহ ১৮ ১৭ নং)

## মজলিস থেকে উঠার সময় যিকরের (কাফ্ফারাতুল মজলিসের) ফযীলত

(৩১২) হযরত আবু হুরাইরা رضي الله عنه প্রমুখাৎ বর্ণিত, আল্লাহর রসূল صلى الله عليه وسلم বলেছেন, “যে ব্যক্তি এমন কোন মজলিসে বসে, যাতে তার শোর-গোল বেশী হয়ে থাকে, তবে ঐ মজলিস থেকে উঠার পূর্বে যদি সে (নিশ্চয়র দুআ) বলে, তবে উক্ত মজলিসে তার স্বকৃত গোনাহসমূহকে মার্জনা করা হয়। (দুআটি নিম্নরূপ :-)

‘সুবহা-নাকাল্লা-হুম্মা অবিহামদিকা আশহাদু আল লা ইলা-হা ইল্লা আন্তা  
আস্তাগফিরুকা অআতুবু ইলাইক।’

অর্থাৎ : হে আল্লাহ! আমি তোমার সপ্রশংস পবিত্রতা ঘোষণা করছি। আমি সাক্ষ্য দিচ্ছি যে, তুমি ব্যতীত কেউ সত্য উপাস্য নেই। আমি তোমার নিকট ক্ষমা প্রার্থনা করছি এবং তোমার প্রতি তওবা (অনুশোচনার সহিত প্রত্যাবর্তন) করছি। (সহীহ তিরমিযী ২৭৩০ নং)

## ‘লা হাউলা --র’ ফযীলত

(৩১৩) হযরত আবু মুসা আব্দুল্লাহ বিন ক্বাইস رضي الله عنه হতে বর্ণিত, তিনি বলেন, একদা আমরা নবী صلى الله عليه وسلم এর সহিত এক সফরে ছিলাম। এক সময় তিনি আমাকে বললেন, “হে আব্দুল্লাহ বিন ক্বাইস! তোমাকে জান্নাতের ভান্ডারসমূহের মধ্যে এক ভান্ডারের কথা বলে দেব না কি?” আমি বললাম, ‘অবশ্যই, হে আল্লাহর রসূল!’ তিনি বললেন, “বল, লা হাউলা অলা কুউওয়াতা ইল্লাহ বিল্লাহ।” (অর্থাৎ আল্লাহর সাহায্য ব্যতীত সৎকর্ম করার ও পাপ থেকে ফিরার কারো কোন ক্ষমতা নেই। (বুখারী ৬৪০৯ নং, মুসলিম ২৭০৪ নং)

## দরুদ শরীফের ফযীলত

মহান আল্লাহ বলেন,

﴿ إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا ﴾

অর্থাৎ, নিশ্চয় আল্লাহ নবীর প্রশংসা করেন (রহমত বর্ষণ করেন) এবং তাঁর ফিরিশ্তাবর্গ তাঁর জন্য রহমত প্রার্থনা করেন। হে ঈমানদারগণ! তোমরাও নবীর জন্য



পেল অথচ তাকে দোযখে যেতে হবে, আল্লাহ তাকেও দূর করুন।’ এতে আমি (দ্বিতীয়) ‘আ-মীন’ বললাম। অতঃপর তিনি বললেন, ‘যার নিকট আপনার (নাম) উল্লেখ করা হয় অথচ সে আপনার উপর দরুদ পাঠ করে না, আল্লাহ তাকেও দূর করুন।’ এতে আমি (তৃতীয়) ‘আমীন’ বললাম।” (ইবনে হিব্বান, সহীহ তারগীব ৯৮২ নং)

(৩২২) হযরত আবু হুরাইরা رضي الله عنه হতে বর্ণিত, আল্লাহর রসূল صلى الله عليه وسلم বলেন, “তোমরা আমার কবরকে ঈদ বানিয়ে নিও না। তোমরা (যেখানে থাক, সেখান হতেই) আমার উপর দরুদ পড়। যেহেতু (ফিরিশ্চার মাধ্যমে) তোমাদের দরুদ আমার নিকট পৌঁছে থাকে।” (আবু দাউদ ২০৪২, সহীহুল জামে’ ৭২১৬নং)

❀ বলাই বাহুল্য যে, কারো মাধ্যমে মদীনায় সালাম পাঠানো ভুল। যেহেতু সালামের দূত ফিরিশ্চার সালামই নিশ্চয়তার সাথে পৌঁছে যাবে। পক্ষান্তরে মানুষ পথে দুর্ঘটনাগ্রস্ত হতে পারে, মারা যেতে পারে, ভুলে যেতে পারে। তার পৌঁছতে দেরী হবে; কিন্তু ফিরিশ্চা বিদ্যুতবেগের চাইতে আরো বেশী বেগে সেই সালাম মহানবী صلى الله عليه وسلم-এর খিদমতে পেশ করবেন।

## কোন মজলিসে আল্লাহর যিক্র এবং নবী صلى الله عليه وسلم-এর উপর দরুদ পাঠ না করা হতে ভীতি-প্রদর্শন

(৩২৩) হযরত আবু হুরাইরা رضي الله عنه হতে বর্ণিত, নবী صلى الله عليه وسلم বলেন, “যে সম্প্রদায়ই এমন কোন মজলিসে বসে যেখানে তারা আল্লাহর যিক্র করে না এবং নবীর صلى الله عليه وسلم উপর দরুদ পাঠ করে না, সেই সম্প্রদায়েরই ক্ষতিকর পরিণাম হবে। আল্লাহ ইচ্ছা করলে তাদেরকে আযাব দেবেন, নচেৎ ইচ্ছা করলে মাফ করে দেবেন।” (আবু দাউদ, সহীহ তিরমিযী ২৬৯১নং, বাইহাকী, আহমাদ, ইবনে হিব্বান, সিলসিলাহ সহীহাহ ৭৪নং, আর হাদীসের শব্দাবলী তিরমিযী।)

(৩২৪) উক্ত হযরত আবু হুরাইরা رضي الله عنه হতে বর্ণিত, আল্লাহর রসূল صلى الله عليه وسلم বলেন, “যে কোনও সম্প্রদায় কোন মজলিস থেকে আল্লাহ যিক্র না করেই উঠে গেল, তারা যেন মৃত গাধার মত কোন কিছু হতে উঠে গেল। আর তাদের জন্য রয়েছে কমি ও পরিতাপ।” (আবু দাউদ ৪৮৫৫নং, নাসাঈ, হাকেম প্রমুখ, সিলসিলাহ সহীহাহ ৭৭নং)

❀ এখানে লক্ষ্যণীয় যে, উচ্চস্বরে, সমস্বরে বা জামাআতী দরুদ-যিক্রের কথা বলা হয়নি। আসলে জামাআতী দরুদ-যিক্র হল বিদ্আত।

আল্লাহ যিক্র ছাড়া অন্য কথা বেশী বলা হৃদয় কঠোর হয়ে যাওয়ার একটি কারণ। আর এমন হৃদয় আল্লাহর নিকট থেকে অনেক দূরে। (তিরমিযী ৩৩৮০নং) অতএব যে মজলিস আল্লাহর কথা আলোচনার জন্য নয়, সে মজলিসে অংশগ্রহণ করে অযথা সময় নষ্ট করলে মানুষের হৃদয় কঠিন হয়ে যাবে। কোন নসীহতে সে হৃদয় নরম হবে না, কারো ব্যথায় সে হৃদয় আহা করবে না। আর কিয়ামতে হবে বড় পরিতাপ ও





❀ কুরআনী আয়াত বা সহীহ দুআ দরুদ দ্বারা ঝাঁড়-ফুক করা জায়েয। তবে শিকী বাক্য-সম্বলিত ঝাঁড়-ফুক বা মন্ত্র দ্বারা রোগী ঝাড়া শিক। যেমন দেব-দেবী, ফিরিশ্তা, জিন, শয়তান, ওলী-আওলিয়া প্রভৃতির নাম নিয়ে অথবা আবোল-তাবোল অবোধগম্য মনগড়া বাক্য দিয়ে ঝাঁড়-ফুক করা শিক। আর শিকী মন্ত্রে যে কাজ হয়, তা হল শয়তানের কারসাজি।

অনুরূপ অকুরআনী তাবীয ব্যবহার করা শিক। কিন্তু কুরআনী তাবীয ব্যবহার শিক না হলেও তা অবৈধ। কারণ, (নাপাক অবস্থায় ব্যবহার করে) তাতে কুরআনের অবমাননা হয়।

স্বামী-স্ত্রীর মাঝে প্রেম সৃষ্টি করার উদ্দেশ্যে হলেও যোগ করা শিক।

## মৃত্যু-কামনা করা হতে ভীতি-প্রদর্শন

(৩৩০) হযরত আনাস رضي الله عنه কর্তৃক বর্ণিত, আল্লাহর রসূল ﷺ বলেন, “কোন বিপদ-রোগ এলে তোমাদের মধ্যে কেউ যেন অবশ্যই মৃত্যু-কামনা না করে। আর যদি একান্ত করতেই হয়, তাহলে সে যেন বলে, ‘হে আল্লাহ! যতক্ষণ বেঁচে থাকি আমার জন্য কল্যাণকর ততক্ষণ আমাকে জীবিত রাখ। আর যদি মৃত্যু আমার জন্য কল্যাণকর হয়, তবে আমাকে মরণ দাও।’” (বুখারী ৫৬৭১, মুসলিম ২৬৮০ নং)

(৩৩১) হযরত আবু হুরাইরা رضي الله عنه কর্তৃক বর্ণিত, আল্লাহর রসূল ﷺ বলেন, “মৃত্যু আসার পূর্বে তোমাদের মধ্যে কেউ যেন তা কামনা না করে এবং তা চেয়ে দুআও না করে। যেহেতু তোমাদের কেউ মারা গেলে তার আমল বন্ধ হয়ে যাবে। অথচ মুমিনের জীবন তো মঙ্গলই বৃদ্ধি করে থাকে।” (মুসলিম ২৬৮২ নং)

(৩৩২) হযরত উস্মুল ফাযল (রাঃ) বলেন, ‘আল্লাহর রসূলের চাচা পীড়িত হলে তিনি তাঁর নিকট এলেন। আব্বাস মৃত্যুকামনা প্রকাশ করলে আল্লাহর রসূল তাঁকে বললেন, “হে চাচাজান! মৃত্যু কামনা করেন না। কারণ, আপনি নেক লোক হলে এবং হায়াত বেশী পেলে বেশী-বেশী নেকী করে নিতে পারবেন; যা আপনার জন্য মঙ্গলময়। আর গোনাহগার হলে এবং বেশী হায়াত পেলে আপনি গোনাহ থেকে তওবা করার সুযোগ পাবেন, সুতরাং তাও আপনার জন্য মঙ্গলময়। অতএব মৃত্যুকামনা করেন না।” (হাকেম ১/৩৩৯, আহকামুল জানায়েয, আলবানী ৪৭৪)

## মাতম করা হতে ভীতি-প্রদর্শন

(৩৩৩) হযরত উমার বিন খাত্তাব رضي الله عنه হতে বর্ণিত, নবী ﷺ বলেন, “মৃতব্যক্তির জন্য মাতম করার ফলে কবরে তাকে আযাব দেওয়া হয়।” (বুখারী ১২৯২, মুসলিম ৯২৭, ইবনে মাজাহ ১৫৯৩ নং, নাসাঈ)

❀ মৃতব্যক্তি মৃত্যুর পূর্বে তার পরিবারবর্গকে নিজ মৃত্যু দরুন মাতম করার অসিয়ত করে অথবা মাতম না করার অসিয়ত না করে মারা গেলে এবং এর ফলে তার পরিবারবর্গ মাতম করে কান্নাকাটি করলে তার কবরে আযাব হবে।

(৩৩৪) হযরত আবু হুরাইরা ❀ কর্তৃক বর্ণিত, আল্লাহর রসূল ❀ বলেন, “মানুষের মাঝে দুটি কর্ম এমন রয়েছে যা কুফরী (কাফেরদের কাজ)। (প্রথমটি হল,) বংশে খোঁটা দেওয়া এবং (দ্বিতীয়টি হল,) মৃতের জন্য মাতম করা।” (মুসলিম ৬৭নং)

(৩৩৫) হযরত আবু মালেক আশআরী ❀ কর্তৃক বর্ণিত, আল্লাহর রসূল ❀ বলেন, “আমার উম্মতের মাঝে চারটি কাজ হল জাহেলিয়াতের প্রথা, যা তারা ত্যাগ করবে না; বংশ নিয়ে গর্ব করা, (কারো) বংশ-সূত্রে খোঁটা দেওয়া, তারা (ও নক্ষত্রের) মাধ্যমে বৃষ্টির আশা করা এবং (মুর্দার জন্য) মাতম করা।”

তিনি আরো বলেন, “মাতমকারিণী মহিলা যদি মৃত্যুর পূর্বে তওবা না করে মারা যায়, তাহলে কিয়ামতের দিনে তাকে গলিত (উত্তপ্ত) তামার পায়জামা (শেলোয়ার) ও চুলকানিদার (অথবা দোষখের আঙনের তৈরী) কামীস পরা অবস্থায় পুনরুত্থিত করা হবে।” (মুসলিম ৯৩৪, ইবনে মাজাহ ১৫৮১নং)

(৩৩৬) হযরত উম্মে সালামাহ (রাযিয়াল্লাহু আনহা) বলেন, যখন (আমার স্বামী) আবু সালামাহ (মক্কা থেকে মদীনায এসে) মারা যান, তখন আমি বললাম, ‘বিদেশী বিদেশে থেকেই মারা গেল! আমি তার জন্য এত কান্না কাঁদব যে, লোকমাঝে তার চর্চা হবে। এরপর আমি স্বামীর জন্য কাঁদার প্রস্তুতি নিয়ে ফেললাম। এমন সময় মদীনার পার্শ্ববর্তী পল্লী থেকে এক মহিলা আমার মাতমে যোগদান করার উদ্দেশ্যে উপস্থিত হল।

কিন্তু আল্লাহর রসূল ❀ তার সামনে এসে বললেন, “যে ঘর থেকে আল্লাহ শয়তানকে বহিষ্কার করে দিয়েছেন সেই ঘরেই তুমি কি শয়তানকে পুনরায় প্রবেশ করাতে চাও।” এরূপ তিনি দু’বার বললেন। ফলে কান্না করা হতে আমি বিরত হলাম, আর কাঁদলাম না।’ (মুসলিম ৯২২নং)

(৩৩৭) হযরত ইবনে মাসউদ ❀ কর্তৃক বর্ণিত, আল্লাহর রসূল ❀ বলেন, “সে ব্যক্তি আমার দলভুক্ত নয়, যে ব্যক্তি (বিপদে অর্ধৈর্য হয়ে অথবা লোক দেখানোর উদ্দেশ্যে) গালে চাপড় মারে গলা ও বুকের কাপড় ফাড়ে এবং জাহেলী যুগের (লোকেদের) মত ডাক ছেড়ে মাতম করে!” (বুখারী ১২৯৪, ২১৯৭, মুসলিম ১০৩, তিরমিযী, নাসাই, ইবনে মাজাহ ১৫৮৪নং, আহমাদ, ইবনে হিলান)

(৩৩৮) হযরত আবু বুরদাহ ❀ বলেন, (আমার পিতা) আবু মুসা আশআরী একদা অসুখের যন্ত্রণায় মূর্ছা গেলেন। সে সময় তাঁর এক পরিবারের কোলে তাঁর মাথা রাখা ছিল। সে তখন সুর ধরে চিৎকার করে কান্না শুরু করে দিল। সে অবস্থায় আবু মুসা তাকে বাধা দিতে অক্ষম ছিলেন। কিন্তু যখন তিনি পূর্ণ জ্ঞান ফিরে পেলেন তখন



বললেন, ‘সেই লোকের সাথে আমার কোন সম্পর্ক নেই, যে লোক হতে আল্লাহর রসূল ﷺ সম্পর্ক ছিন্ন করার কথা ঘোষণা করেছেন। আল্লাহর রসূল ﷺ সে মহিলা হতে সম্পর্ক ছিন্ন করার কথা ঘোষণা করেছেন, যে (বিপদে অশেষ হয়ে অথবা লোক দেখানোর উদ্দেশ্যে) উচ্চরবে বিলাপ করে, মাতম করে, মাথার কেশ মুন্ডন করে এবং নিজের পরিহিত কাপড় ছেঁড়ে। (বুখারী কাটা সনদে ১২৯৬নং, মুসলিম ১০৪, ইবনে মাজাহ ১৫৮-৬নং, নাসাঈ, ইবনে হিব্বান)

❀ বর্তমান পরিবেশেও মাতম করে কান্না করা মহিলাদের একটি শিল্পকলা। তাই দেখা যায়, যে মাতম করে কাঁদে তার লোকমারো নাম করা হয় এবং যে কাঁদে না তার বদনাম হয়। সুতরাং এসব হাদীস শুনে ঐ হতভাগীদের অভিভাবকরা সোচ্চার হবেন কি? আল্লাহ এ সমাজের নারী-পুরুষকে সুমতি দান করুন। আমীন।

## মুর্দাকে গোসল ও কাফন দেওয়ার ফযীলত

(৩৩৯) হযরত আবু রাফে ﷺ হতে বর্ণিত, আল্লাহর রসূল ﷺ বলেন, “যে ব্যক্তি কোন (মৃত) মুসলিমকে গোসল দেয়, অতঃপর তার ক্রটি গোপন করে সে ব্যক্তিকে আল্লাহ তাআলা চল্লিশ বার ক্ষমা করে দেন।”

অন্য এক বর্ণনায় আছে, ‘সে তার পাপরাশি হতে সেই দিনকার মত নিষ্পাপ হয়ে বের হয়, যেদিন তার মা তাকে প্রসব করেছিল।”

আর এক বর্ণনায় বলা হয়েছে, “তার চল্লিশটি গোনাহ মার্ফ করা হয়।”

“আর যে ব্যক্তি মৃতব্যক্তিকে কাফন পড়াবে আল্লাহ কিয়ামতের দিন তাকে বেহেশ্বের সূক্ষ্ম ও পুরু রেশমের বস্ত্র পরিধান করাবেন। যে ব্যক্তি তার জন্য কবর খুঁড়ে তাতে তাকে দাফন করবে, আল্লাহ তার জন্য এমন এক গৃহের সওয়াব জারী করে দেবেন যা সে কিয়ামত পর্যন্ত বাস করার জন্য দান করে থাকে।” (হাকেম, বাইহাক্বী, ত্বাবারানীর কাবীর, আহকামুল জানায়েয ৫১ পৃঃ)

(৩৪০) হযরত আবু উমামাহ ﷺ হতে বর্ণিত, নবী ﷺ বলেন, “যে ব্যক্তি মুর্দাকে গোসল দেয় অতঃপর তার ক্রটি গোপন করে, আল্লাহ তার গোনাহসমূহকে গোপন করে দেবেন। আর যে ব্যক্তি তাকে কাফন পরাবে আল্লাহ তাকে (পরকালে) সূক্ষ্ম রেশম বস্ত্র পরিধান করাবেন।” (ত্বাবারানী, সিলসিলাহ সহীহাহ ২৩৫৩নং)

## জানাযার সাথে যাওয়া ও জানাযার নামায পড়ার ফযীলত

(৩৪১) হযরত আবু হুরাইরা ﷺ কর্তৃক বর্ণিত, তিনি বলেন, আল্লাহর রসূল ﷺ বলেছেন, “যে ব্যক্তি জানাযায় শরীক হয়ে নামায পড়া পর্যন্ত উপস্থিত থাকবে তার

হবে এক 'ক্বীরাত' নেকী। আর যে ব্যক্তি দাফন শেষ হওয়া পর্যন্ত উপস্থিত থাকবে তার হবে দুই 'ক্বীরাত' নেকী। জিজ্ঞাসা করা হল, 'দুই ক্বীরাত কি? তিনি বললেন, "দুই সুব্হৎ পর্বত সমতুল্য।" (বুখারী ১৩২ নং, মুসলিম ৯৪৫নং)

(৩৪২) আল্লাহর রসূল ﷺ-এর স্বাধীনকৃত দাস যওবান ﷺ হতে বর্ণিত, আল্লাহর রসূল ﷺ বলেন, "যে ব্যক্তি জানাযার নামায পড়ে তার এক ক্বীরাত' সওয়াব লাভ হয়। অতঃপর যদি সে লাশ দাফন হওয়া পর্যন্ত উপস্থিত থাকে তবে তার দুই 'ক্বীরাত' সওয়াব লাভ হয়। আর 'ক্বীরাত' হল উহুদ পাহাড়ের সমতুল্য।" (মুসলিম ৯৪৬ নং)

### জানাযায় ভালো লোক বেশী হওয়ার মাহাত্ম্য

(৩৪৩) হযরত আয়েশা (রাঃ) কর্তৃক বর্ণিত, আল্লাহর রসূল ﷺ বলেন, "যে মাইয়োতের জন্য ১০০ জন মত মুসলিমের জামাতাত জানাযা পড়ে প্রত্যেকে তার জন্য সুপারিশ করে, তার জন্য (আল্লাহর দরবারে) তাদের সুপারিশ মঞ্জুর করা হয়।" (আহমাদ, মুসলিম ৯৪৭নং, তিরমিযী, নাসাঈ) অন্য এক বর্ণনায় আছে, "তাকে ক্ষমা করে দেওয়া হয়।" (সহীহ ইবনে মাজাহ ১২০৯নং)

(৩৪৪) হযরত আব্দুল্লাহ বিন আব্বাস ﷺ হতে বর্ণিত, আল্লাহর রসূল ﷺ বলেন, "কোন মুসলিম মারা গেলে তার জানাযায় যদি ৪০ জন এমন লোক নামায পড়ে যারা আল্লাহর সহিত কোন কিছুকে শরীক (শির্ক) করেনি, তাহলে আল্লাহ তাদের সুপারিশ তার জন্য কবুল করে নেন।" (আহমাদ, মুসলিম ৯৪৮নং, আবু দাউদ, ইবনে মাজাহ)

(৩৪৫) মালেক বিন হবাইরাহ ﷺ কর্তৃক বর্ণিত, নবী ﷺ বলেন, "কোন মুসলিম ব্যক্তি মারা গেলে যদি তার জন্য মুসলিমদের, তিন কাতার লোক জানাযা পড়ে, তাহলে তার জন্য (জান্নাত) অবধার্য হয়ে যায়।" (অন্য এক বর্ণনায় বলা হয়েছে, "তাকে ক্ষমা করে দেওয়া হয়।")

মারযাদ বিন আব্দুল্লাহ ইয়াযানী বলেন, 'মালেক (রাঃ) জানাযার অংশগ্রহণকারী লোক কম দেখলে সকলকে তিন কাতারে ভাগ করে দিতেন।' (আবু দাউদ, তিরমিযী ২৭১৪নং)

### শিশু সন্তান মারা গেলে পিতামাতার ঋষের ফযীলত

(৩৪৬) হযরত আনাস বিন মালেক ﷺ প্রমুখাৎ বর্ণিত, আল্লাহর রসূল ﷺ বলেন, "যে মুসলিম ব্যক্তির নাবালক তিনটি শিশু মারা যায় আল্লাহ তাকে তাদের প্রতি

তাঁর কৃপা ও অনুগ্রহে বেহেশ্ত দান করবেন।” (বুখারী ১৩৮১ নং)

(৩৪৭) হযরত আবু সাঈদ رضي الله عنه হতে বর্ণিত, মহিলারা একদা নবী صلى الله عليه وسلم-কে বলল, ‘আমাদের (শিক্ষার) জন্য আপনার একটা দিন নির্ধারণ করুন। কারণ, আপনার নিকট আমাদের উপর পুরুষরাই প্রধান্য লাভ করেছে।’ সুতরাং তিনি তাদের জন্য একটা দিনের প্রতিশ্রুতি দিলেন। ঐ দিনে তাদেরকে সাক্ষাৎ করে নসীহত করলেন এবং বহু কিছু আদেশ দান করলেন। তাদেরকে তিনি ঐ দিনে যা বলেছিলেন তন্মধ্যে তাঁর একটি উক্তি ছিল, “যে মহিলার তিনটি শিশু মারা যাবে, সেই মহিলার জন্য ঐ শিশুরা জাহান্নাম থেকে পর্দা স্বরূপ হবে।”

এক মহিলা বলল, ‘আর দুটি মারা গেলে?’ তিনি বললেন, “দুটি মারা গেলেও (তারা তার মায়ের জন্য জাহান্নাম থেকে পর্দা হবে।)” (বুখারী ১০১ নং, মুসলিম ২৬৩৩ নং)

(৩৪৮) হযরত আব্দুল্লাহ বিন আমর رضي الله عنه কর্তৃক বর্ণিত, নবী صلى الله عليه وسلم বলেন, “আল্লাহ তাআলা যখন তাঁর মুমিন বান্দার জগদ্বাসীর মধ্যে সর্বাপেক্ষা প্রিয়জন (সন্তান)কে তুলে নেন; কিন্তু এর ফলে সে তাতে ঈর্ষ ধরে ও সওয়াবের আশা রাখে, তখন তিনি তাকে জান্নাত ব্যতীত অন্য কোন সওয়াব প্রদান করতে পছন্দ করেন না।” (নাসাঈ, আহকামুল জানায়েয ২৩ পৃঃ)

## গর্ভচ্যুত ফণের মাহাত্ম্য

(৩৪৯) হযরত মুআয বিন জাবাল رضي الله عنه হতে বর্ণিত, নবী صلى الله عليه وسلم বলেন, “সেই সন্তার শপথ; যার হাতে আমার প্রাণ আছে! গর্ভচ্যুত (মৃত) শিশু তার নাভির নাড়ী ধরে নিজের মাতাকে বেহেশ্তের দিকে টেনে নিয়ে যাবে- যদি ঐ মা (তার গর্ভপাত হওয়ার সময়) ঐ সওয়াবের আশা রাখে তবে।” (সহীহ ইবনে মাজাহ ১৩০৫নং)

## বিপদের সময় ‘ইন্না লিল্লা-হি অইন্না ইলাইহি রা-জিউন’ পাঠের ফযীলত

(৩৫০) নবী صلى الله عليه وسلم-এর পত্নী উম্মে সালামাহ কর্তৃক বর্ণিত, তিনি বলেন, আমি আল্লাহর রসূল صلى الله عليه وسلم-এর নিকট শুনেছি, তিনি বলেছেন, “কোন বান্দার উপর কোন বিপদ আপতিত হলে সে যদি বলে,

(অর্থাৎ, অবশ্যই আমরা সকলে আল্লাহর জন্য এবং আমরা তাঁরই দিকে প্রত্যাবর্তনকারী। হে আল্লাহ! আমাকে আমার এই বিপদে সওয়াব দান কর এবং ওর চাইতে উত্তম বস্তু বিনিময়ে দান কর।)

তাহলে আল্লাহ তার ঐ বিপদে তাকে সওয়াব দান করেন এবং বিনিময়ে তাকে ওর চাইতে উত্তম বস্তু প্রদান করেন।”

হযরত উম্মে সালামাহ বলেন, ‘অতঃপর যখন (আমার স্বামী) আবু সালামাহ পরলোকগমন করলেন, তখন আল্লাহর রসূল ﷺ-এর নির্দেশ অনুযায়ী ঐ দু’আ পড়েছিলাম। ফলে আল্লাহ আমাকে (আমার স্বামীর) বিনিময়ে তাঁর চেয়ে উত্তম (স্বামী) রসূল ﷺ-কে দান করলেন।’ (মুসলিম ৯ ১৮-নং)

## বিপদে ঐশ্বর্য ধরার গুরুত্ব

মহান আল্লাহ বলেন,

﴿ إِنَّمَا يُؤْتِي الْقَصِيرُونَ أَجْرَهُمْ بِغَيْرِ حِسَابٍ ﴾

অর্থাৎ, ঐশ্বর্যশীলদের তো অপরিমিত পুরস্কার প্রদান করা হবে। (সূরা যুমার ১০ আয়াত)

তিনি আরো বলেন, “ওদেরকে দু’বার পুরস্কৃত করা হবে, কারণ ওরা ঐশ্বর্যশীল, ভালোর দ্বারা মন্দকে দূর করে এবং আমি ওদেরকে যে রুযী দান করেছি তা হতে বায় করে। (সূরা ক্বাসাস ৫৪ আয়াত)

তিনি অন্যত্র বলেন, “যারা ঈমান এনে নেক কাজ করে আমি অবশ্যই তাদেরকে জান্নাতে বসবাসের জন্য সুউচ্চ প্রাসাদ দান করব, যার পাদদেশে নদী প্রবাহিত। সেখানে তারা চিরস্থায়ী হবে, সৎকর্মপরায়ণদের কত উত্তম পুরস্কার! যারা ঐশ্বর্য অবলম্বন করে ও তাদের প্রতিপালকের উপরই নির্ভর করে।” (সূরা আনকাবূত ৫৮-৫৯ আয়াত)

(৩৫১) হযরত আবু সাঈদ খুদরী رضي الله عنه হতে বর্ণিত, আল্লাহর রসূল ﷺ বলেছেন, “-- আর যে ব্যক্তি পবিত্র থাকতে চেষ্টা করবে আল্লাহ তাকে পবিত্র রাখবেন, যে ব্যক্তি (অপরের) অমুখাপেক্ষী থাকতে চেষ্টা করবে আল্লাহ তাকে (সকল থেকে) অমুখাপেক্ষী করে দেবেন এবং যে ব্যক্তি ঐশ্বর্য ধরতে চেষ্টা করবে আল্লাহ তাকে ঐশ্বর্য ধরতে সাহায্য করবেন। আর ঐশ্বরের চেয়ে অধিক উত্তম ও ব্যাপক দান কাউকে দেওয়া হয়নি।” (বুখারী ১৪৬৯ নং, মুসলিম ১০৫৩ নং)

(৩৫২) হযরত সুহাইব রুমী رضي الله عنه প্রমুখাৎ বর্ণিত, আল্লাহর রসূল ﷺ বলেছেন, “মু’মিনের ব্যাপারটাই বিস্ময়কর! তার সর্ববিষয়ই কল্যাণময়। আর এ বৈশিষ্ট্য মুমিন ছাড়া আর কারোর জন্য নয়; যদি সে সুখকর কোন বিষয় লাভ করে তবে সে কৃতজ্ঞ হয়; সুতরাং এটা তার জন্য মঙ্গলময়। আবার যদি তার উপর কোন বিপদ-আপদ আসে তবে সে ঐশ্বর্যধারণ করে, সুতরাং এটাও তার জন্য মঙ্গলময়।” (মুসলিম ২৯৯৯ নং)



“জ্বরকে গালি দিও না। জ্বর তো আদম সন্তানের পাপ মোচন করে দেয়; যেমন হাপর (ও ভাটি) লোহার ময়লা দূর করে থাকে।” (মুসলিম ৪৫৭৫নং)

(৩৫৯) হযরত ইবনে আব্বাস رضي الله عنه হতে বর্ণিত, একদা এক মহিলা এসে মহানবী صلى الله عليه وسلم-এর দরবারে অভিযোগ করে বলল, ‘হে আল্লাহর রসূল! আমার মূর্ছা (মৃগী/জিন পাওয়া) রোগ আছে। আপনি আমার জন্য দুআ করুন, যাতে তিনি আমার এ রোগ ভালো করে দেন।’ মহানবী صلى الله عليه وسلم বললেন, “তুমি চাইলে সবর কর, তার জন্য তুমি বেহেশ্ত পাবে। আর যদি তা না চাও, তাহলে আমি তোমার জন্য দুআ করি, যাতে আল্লাহ তোমাকে আরোগ্য দান করেন।”

মহিলাটি বলল, ‘বরং আমি সবর করব। কিন্তু সে সময় আমি বেপর্দা হয়ে যাই। তার জন্য আপনি দুআ করুন, যাতে আমি তা না হই।’ তিনি তার জন্য দুআ করলেন। (বুখারী ৫৬৫২, মুসলিম ২৫৭৬নং)

(৩৬০) হযরত আনাস বিন মালেক رضي الله عنه হতে বর্ণিত, আল্লাহর রসূল صلى الله عليه وسلم বলেছেন, “আল্লাহ তাআলা বলেন, ‘আমি আমার বান্দাকে যখন তার দুই প্রিয় বস্তু (চক্ষু)কে ছিনিয়ে নিয়ে পরীক্ষা করি, আর সেও এতে ঈর্ষ ধারণ করে, তখন ঐ দুয়ের বিনিময়ে তাকে বেহেশ্ত দান করি।’ (বুখারী ৫৬৫৩নং)

❀ প্রকাশ থাকে যে, বিপদে ও রোগের সময় ঈর্ষ ধরলে এবং সওয়াবের আশা রাখলে তবেই উক্ত মর্যাদা লাভ হবে; নচেৎ না।

## বিপদগ্রস্তকে সাহায্য দেওয়ার গুরুত্ব

(৩৬১) হযরত আমর বিন হাযম رضي الله عنه কর্তৃক বর্ণিত, নবী صلى الله عليه وسلم বলেন, “যে কোনও মুমিন ব্যক্তি তার ভায়ের বিপদে (সাহায্য করে সমবেদনা প্রকাশ করার সাথে) তাকে সাহায্য দান করবে, আল্লাহ সুবহানাহ তাকে দিয়ামতের দিন সম্মানের লেবাস পরিধান করাবেন।” (সহীহ ইবনে মাজাহ ১৩০ ১নং)

## কবর যিয়ারতের মাহাত্ম্য

(৩৬২) হযরত বুরাইদাহ رضي الله عنه থেকে বর্ণিত, আল্লাহর রসূল صلى الله عليه وسلم বলেন, “(কবরের ধারে-পাশে এবং মৃতদেরকে নিয়েই শিক ও মূর্তিপূজা শুরু হয়েছে বলে) আমি তোমাদেরকে কবর যিয়ারত করতে নিষেধ করেছিলাম। সুতরাং এখন তোমরা কবর যিয়ারত করতে পার। কারণ, তা তোমাদেরকে আখেরাত স্মরণ করিয়ে দেয়।” (মুসলিম ৯৭৭, আবু দাউদ ৩২৩৫নং, আহমাদ ৫/৩৫০-৩৫৫) এক বর্ণনায় আছে, “তোমাদের কবর যিয়ারত যেন তোমাদের কল্যাণ বৃদ্ধি করে।” (আহমাদ ৫/৩৫০-৩৫৫ প্রমুখ) অন্য এক বর্ণনায় তিনি বলেন, “সুতরাং যে ব্যক্তি যিয়ারত করার ইচ্ছা







যাকাত ও সদকাহ অধ্যায়

## যাকাত প্রদানের মাহাত্ম্য

(৩৭১) হযরত আবু আইয়ুব আনসারী رضي الله عنه প্রমুখাৎ বর্ণিত, তিনি বলেন, একদা এক ব্যক্তি নবী ﷺ-কে বলল, ‘আমাকে এমন এক আমলের সন্ধান দিন যা আমাকে জান্নাতে প্রবেশ করাবে এবং জাহান্নাম থেকে দূরে রাখবে।’ সকলে বলল, ‘আরে! কি হল, ওর কি হল?’ নবী ﷺ বললেন, “ওর কোন প্রয়োজন আছে।” (অতঃপর ঐ লোকটির উদ্দেশ্যে বললেন,) “তুমি আল্লাহর ইবাদত করবে আর তাঁর সহিত কাউকেও শরীক করবে না। নামায কায়েম করবে, যাকাত প্রদান করবে। আর আত্মীয়তার বন্ধন অটুট রাখবে।” (বুখারী ১৩৯৬নং, মুসলিম ১৩নং)

(৩৭২) হযরত জাবের رضي الله عنه হতে বর্ণিত, এক ব্যক্তি বলল, ‘হে আল্লাহর রসূল! এ ব্যাপারে আপনার অভিমত কি; যদি কোন ব্যক্তি তার মালের যাকাত আদায় করে দেয়?’ উত্তরে আল্লাহর রসূল ﷺ বললেন, “যে ব্যক্তি তার মালের যাকাত আদায় করে দেয়, সে ব্যক্তির নিকট থেকে তার অনিষ্ট দূর হয়ে যায়।” (ত্বাবারানীর আওসাত্, ইবনে খুযাইমাহ, হাকেম, সহীহ তারগীব ৭৪০নং)

## যাকাত আদায় না করা হতে ভীতি-প্রদর্শন

আল্লাহ তাআলা বলেন,

অর্থাৎ, “যারা স্বর্ণ-রৌপ্য ভান্ডার (জমা) করে রাখে, আর তা হতে আল্লাহর পথে ব্যয় করে না, তাদেরকে যন্ত্রণাদায়ক শাস্তির সুসংবাদ শুনিবে দাও। সে দিন জাহান্নামের আগুনে তা উত্তপ্ত করা হবে এবং তদ্বারা তাদের ললাট, পার্শ্ব ও পৃষ্ঠদেশকে দগ্ধ করা হবে (আর তাদেরকে বলা হবে,) এগুলো তোমরা নিজেদের জন্য যা জমা করেছিলে তাই। সুতরাং যা তোমরা জমা করতে তার আশ্বাদ গ্রহণ করা।” (সূরা তাওবাহ ৩৪-৩৫ আয়াত)

(৩৭৩) হযরত আবু হুরাইরা رضي الله عنه কর্তৃক বর্ণিত, আল্লাহর রসূল ﷺ বলেন, “প্রত্যেক সোনা ও চাঁদীর অধিকারী ব্যক্তি যে তার হক (যাকাত) আদায় করে না; যখন কিয়ামতের দিন আসবে তখন তার জন্য ঐ সমুদয় সোনা-চাঁদীকে আগুনে দিয়ে বহু পাত তৈরী করা হবে। অতঃপর সেগুলোকে জাহান্নামের আগুনে উত্তপ্ত করা হবে এবং তদ্বারা তার পাজর, কপাল ও পিঠে দাগা হবে। যখনই সে পাত ঠান্ডা হয়ে

যাবে তখনই তা পুনরায় গরম করে অনুরূপ দাগার শাস্তি সেই দিনে চলতেই থাকবে যার পরিমাণ হবে ৫০ হাজার বছরের সমান; যতক্ষণ পর্যন্ত না বান্দাদের মাঝে বিচার-নিষ্পত্তি শেষ করা হয়েছে। অতঃপর সে তার পথ দেখতে পাবে; হয় জান্নাতের দিকে না হয় দোযখের দিকে।”

জিজ্ঞাসা করা হল, ‘হে আল্লাহর রসূল! আর উটের ব্যাপারে কি হবে?’ তিনি বললেন, “প্রত্যেক উটের মালিকও; যে তার হক (যাকাত) আদায় করবে না -আর তার অন্যতম হক এই যে, পানি পান করাবার দিন তাকে দোহন করা (এবং সে দুধ লোকেদের দান করা)- যখন কিয়ামতে দিন আসবে তখন তাকে এক সমতল প্রশস্ত প্রান্তরে উপুড় করে ফেলা হবে। আর তার উটসকল পূর্ণ সংখ্যায় উপস্থিত হবে; ওদের মধ্যে একটি বাচ্চাকেও অনুপস্থিত দেখবে না। অতঃপর সেই উটদল তাদের খুড় দ্বারা তাকে দলবে এবং মুখ দ্বারা তাকে কামড়াতে থাকবে। এইভাবে যখনই তাদের শেষ দল তাকে দলে অতিক্রম করে যাবে, তখনই পুনরায় প্রথম দলটি উপস্থিত হবে। তার এই শাস্তি সেদিন হবে যার পরিমাণ হবে ৫০ হাজার বছরের সমান; যতক্ষণ পর্যন্ত না বান্দাদের মাঝে বিচার-নিষ্পত্তি শেষ করা হয়েছে। অতঃপর সে তার শেষ পরিণাম দর্শন করবে; জান্নাতের অথবা দোযখের।”

জিজ্ঞাসা করা হল, ‘হে আল্লাহর রসূল! গরু-ছাগলের ব্যাপারে কি হবে?’ তিনি বললেন, “আর প্রত্যেক গরু-ছাগলের মালিককেও; যে তার হক আদায় করবে না, যখন কিয়ামতের দিন উপস্থিত হবে, তখন তাদের সামনে তাকে এক সমতল প্রশস্ত ময়দানে উপুড় করে ফেলা হবে; যাদের একটিকেও সে অনুপস্থিত দেখবে না এবং তাদের কেউই শিং-বাঁকা, শিংবিহীন ও শিং-ভাঙ্গা থাকবে না। প্রত্যেকেই তার শিং দ্বারা তাকে আঘাত করতে থাকবে এবং খুড় দ্বারা দলতে থাকবে। তাদের শেষ দলটি যখনই (চুস মেরে ও দলে) পার হয়ে যাবে, তখনই প্রথম দলটি পুনরায় এসে উপস্থিত হবে। এই শাস্তি সেদিন হবে যার পরিমাণ ৫০ হাজার বছরের সমান; যতক্ষণ পর্যন্ত না বান্দাদের মাঝে বিচার-নিষ্পত্তি শেষ করা হয়েছে। অতঃপর সে তার রাস্তা ধরবে; জান্নাতের দিকে, নতুবা জাহান্নামের দিকে।”

জিজ্ঞাসা করা হল, ‘হে আল্লাহর রসূল! আর ঘোড়া সম্পর্কে কি হবে?’ তিনি বললেন, “ঘোড়া হল তিন প্রকারের; ঘোড়া কারো পক্ষে পাপের বোঝা, কারো পক্ষে পর্দাস্বরূপ এবং কারো জন্য সওয়াবের বিষয়। যে ঘোড়া তার মালিকের পক্ষে পাপের বোঝা, তা হল সেই ব্যক্তির ঘোড়া, যে লোকপ্রদর্শন, গর্বপ্রকাশ এবং মুসলিমদের প্রতি শত্রুতার উদ্দেশ্যে পালন করেছে। এ ঘোড়া হল তার মালিকের জন্য পাপের বোঝা।

যে ঘোড়া তার মালিকের পক্ষে পর্দাস্বরূপ, তা হল সেই ব্যক্তির ঘোড়া, যাকে সে আল্লাহর রাস্তায় (জিহাদের জন্য) প্রস্তুত রেখেছে। অতঃপর সে তার পিঠ ও গর্দানে

আল্লাহর হুক ভুলে যায়নি। তার যথার্থ প্রতিপালন করে জিহাদ করেছে। এ ঘোড়া হল তার মালিকের পক্ষে (দোযখ হতে অথবা ইজ্জত-সম্মানের জন্য) পর্দাস্বরূপ।

আর যে ঘোড়া তার মালিকের জন্য সওয়াবের বিষয়, তা হল সেই ঘোড়া যাকে তার মালিক মুসলিমদের (প্রতিরক্ষার) উদ্দেশ্যে কোন চারণভূমি বা বাগানে প্রস্তুত রেখেছে। তখন সে ঘোড়া ঐ চারণভূমি বা বাগানের যা কিছু খাবে তার খাওয়া ঐ (ঘাস-পাতা) পরিমাণ সওয়াব মালিকের জন্য লিপিবদ্ধ হবে। অনুরূপ লিখা হবে তার লাদ ও পেশাব পরিমাণ সওয়াব। সে ঘোড়া যখনই তার রশি ছিঁড়ে একটি অথবা দু’টি ময়দান অতিক্রম করবে, তখনই তার পদক্ষেপ ও লাদ পরিমাণ সওয়াব তার মালিকের জন্য লিখিত হবে। অনুরূপ তার মালিক যদি তাকে কোন নদীর কিনারায় নিয়ে যায়, অতঃপর সে সেই নদী হতে পানি পান করে অথচ মালিকের পান করানোর ইচ্ছা থাকে না, তবুও আল্লাহ তাআলা তার পান করা পানির সমপরিমাণ সওয়াব মালিকের জন্য লিপিবদ্ধ করে দেবেন।

জিজ্ঞাসা করা হল, ‘হে আল্লাহর রসূল! আর গাধা সম্পর্কে কি হবে?’ তিনি বললেন, “গাধার ব্যাপারে এই ব্যাপকার্থক একক আয়াতটি ছাড়া আমার উপর অন্য কিছু অবতীর্ণ হয়নি,

অর্থাৎ, যে ব্যক্তি অণুপরিমাণ সংকর্ম করবে সে তাও (কিয়ামতে) প্রত্যক্ষ করবে এবং যে ব্যক্তি অণুপরিমাণ অসংকর্ম করবে সে তাও (সেদিন) প্রত্যক্ষ করবে। (সূরা ফিলযাল) (বুখারী ২৩৭১, মুসলিম ৯৮-৭নং, নাসাঈ, হাদিসের শব্দাবলী সহীহ মুসলিম শরীফের।)

নাসাঈর এক বর্ণনায় আছে যে, “যে ব্যক্তিই তার ধন-মালের যাকাত আদায় করবে না সেই ব্যক্তিরই ধন-মাল সেদিন আঙনের সাপরূপে উপস্থিত হবে এবং তদ্বারা তার কপাল, পাজর ও পিঠকে দাগা হবে -যে দিনটি হবে ৫০ হাজার বছরের সমান। এমন আযাব তার ততক্ষণ পর্যন্ত হতে থাকবে; যতক্ষণ পর্যন্ত সকল বান্দার বিচার-নিষ্পত্তি শেষ না হয়েছে।”

(৩৭৪) হযরত আবু হুরাইরা رضي الله عنه কর্তৃক বর্ণিত, নবী صلى الله عليه وسلم বলেন, “যে ব্যক্তিকে আল্লাহ ধন-মাল দান করেছেন; কিন্তু সে ব্যক্তি তার সেই ধন-মালের যাকাত আদায় করে না, কিয়ামতের দিন (আযাবের) জন্য তার সমস্ত ধন-মালকে একটি মাথায় টাক পড়া (অতি বিষাক্ত) সাপের আকৃতি দান করা হবে; যার চোখের উপর দু’টি কালো দাগ থাকবে। সেই সাপকে বেড়ির মত তার গলায় বুলিয়ে দেওয়া হবে। অতঃপর সে তার উভয় কশে ধারণ (দংশন) করে বলবে, ‘আমি তোমার মাল, আমি তোমার সেই সঞ্চিত ধনভান্ডার।’ এরপর নবী صلى الله عليه وسلم এই আয়াত পাঠ করলেন,

অর্থাৎ, আল্লাহর দানকৃত অনুগ্রহে (ধন-মালে) যারা কৃপণতা করে, সে কার্পণ্য তাদের জন্য মঙ্গলকর হবে বলে তারা যেন ধারণা না করে। বরং এটা তাদের পক্ষে ক্ষতিকর প্রতিপন্ন হবে। যাতে তারা কার্পণ্য করে সে সমস্ত ধন-সম্পদকে বেড়ি বানিয়ে কিয়ামতের দিন তাদের গলায় পরানো হবে। (সূরা আ-লি ইমরান ১৮০ আয়াত) (বুখারী ১৪০৩নং, নাসাঈ)

(৩৭৫) আব্দুল্লাহ বিন মসউদ ؓ বলেছেন, “সূদখোর, সূদদাতা, সূদের কারবার জেনেও তার দুই সাক্ষ্যদাতা, কোন অঙ্গ দেগে নকশা করে দেয় এবং করায় এমন মহিলা, যাকাত আদায়ে অনিচ্ছুক ও টালবাহানাকারী ব্যক্তি এবং হিজরতের পর মরুবাসী হয়ে ধর্মত্যাগী ব্যক্তি কিয়ামতের দিন মুহাম্মাদ ؐ এর মুখে অভিশপ্ত।” (ইবনে খুযাইমা, আহমাদ, আবু য়া’লা, ইবনে হিব্বান, সহীহ তারগীব ৭৫২নং)

(৩৭৬) হযরত আনাস ؓ হতে বর্ণিত, আল্লাহর রসূল ؐ বলেন, “যাকাত আদায় করে না এমন ব্যক্তি কিয়ামতের দিন জাহান্নামে যাবে।” (আবারানীর সাগীর, সহীহ তারগীব ৭৫৭নং)

(৩৭৭) হযরত বুরাইদাহ ؓ কর্তৃক বর্ণিত, আল্লাহর রসূল ؐ বলেন, “যে জাতিই যাকাত প্রদানে বিরত থেকেছে, সে জাতিকেই আল্লাহ দুর্ভিক্ষ দ্বারা আক্রান্ত করেছেন।” (আবারানীর আউসাত্, হাকেম, বাইহাকী ও অনুরূপ, সহীহ তারগীব ৭৫৮নং)

(৩৭৮) হযরত ইবনে উমার ؓ হতে বর্ণিত, আল্লাহর রসূল ؐ বলেন, “হে মুহাজিরদল! পাঁচটি কর্ম এমন রয়েছে যাতে তোমরা লিপ্ত হয়ে পড়লে (উপযুক্ত শাস্তি তোমাদেরকে গ্রাস করবে)। আমি আল্লাহর নিকট পানাহ চাই, যাতে তোমরা তা প্রত্যক্ষ না কর।

যখনই কোন জাতির মধ্যে অশ্লীলতা (ব্যভিচার) প্রকাশ্যভাবে ব্যাপক হবে, তখনই সেই জাতির মধ্যে প্লেগ এবং এমন মহামারী ব্যাপক হবে যা তাদের পূর্বপুরুষদের মাঝে ছিল না।

যে জাতিই মাপ ও ওজনে কম দেবে, সে জাতিই দুর্ভিক্ষ, কঠিন খাদ্য-সংকট এবং শাসকগোষ্ঠীর অত্যাচারের শিকার হবে।

যে জাতিই তার মালের যাকাত দেওয়া বন্ধ করবে, সে জাতির জন্যই আকাশ হতে বৃষ্টি বন্ধ করে দেওয়া হবে। যদি অন্যান্য প্রাণীকুল না থাকত তাহলে তাদের জন্য আদৌ বৃষ্টি হত না।

যে জাতি আল্লাহ ও তাঁর রসূলের প্রতিশ্রুতি ভঙ্গ করবে, সে জাতির উপরেই তাদের বিজাতীয় শত্রুদলকে ক্ষমতাসীন করা হবে; যারা তাদের মালিকানা-ভুক্ত বহু ধন-সম্পদ নিজেদের কুক্ষিগত করবে।

আর যে জাতির শাসকগোষ্ঠী যতক্ষণ পর্যন্ত না আল্লাহর কিতাব (বিধান) অনুযায়ী দেশ শাসন করবে, ততক্ষণ পর্যন্ত তিনি তাদের মাঝে গৃহদ্বন্দ্ব অবস্থায় রাখবেন।” (বাইহাকী, ইবনে মাজাহ ৪০ ১৯নং, সহীহ তারগীব ৭৫৯নং)

(৩৭৯) হযরত ইবনে আব্বাস رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “পাঁচটির প্রতিফল পাঁচটি” জিজ্ঞাসা করা হল, ‘হে আল্লাহর রসূল! পাঁচটির প্রতিফল পাঁচটি কি কি?’ তিনি বললেন, “যে জাতিই (আল্লাহর) প্রতিশ্রুতি ভঙ্গ করবে, সেই জাতির উপরেই তাদের শত্রুকে ক্ষমতাসীন করা হবে। যে জাতিই আল্লাহর অবতীর্ণকৃত সংবিধান ছাড়া অন্য দ্বারা রাষ্ট্র পরিচালনা করবে, সেই জাতির মাঝেই দরিদ্রতা ব্যাপক হবে। যে জাতির মাঝে অশ্লীলতা (ব্যভিচার) প্রকাশ পাবে, সে জাতির মাঝেই মৃত্যু ব্যাপক হবে। যে জাতিই যাকাত দেওয়া বন্ধ করবে, সেই জাতির জন্যই বৃষ্টি বন্ধ করে দেওয়া হবে। যে জাতি দাঁড়ি-মারা শুরু করবে, সে জাতি ফসল থেকে বঞ্চিত হবে এবং দুর্ভিক্ষে আক্রান্ত হবে।” (তাবারানীর কাবীর, সহীহ তারগীব ৭৬০নং)

❀ উপরোক্ত দু’টি হাদীসই যে কত সত্য তা প্রত্যক্ষ করা যায়। নিঃসন্দেহে এমন ভবিষ্যৎবাণী আল্লাহর ওহী এবং এ বাণীর নবী সত্য নবী। সাল্লাল্লাহু আলাইহি অআলা আ-লিহী অআসহাবিহী আজমাঈন।

### বৈধভাবে উপার্জিত অর্থ থেকে দান করার ফযীলত

(৩৮০) হযরত আবু হুরাইরা رضي الله عنه প্রমুখাৎ বর্ণিত, আল্লাহর রসূল صلى الله عليه وسلم বলেছেন, “যে ব্যক্তি (তার) বৈধ উপায়ে উপার্জিত অর্থ থেকে একটি খেজুর পরিমাণও কিছু দান করে - আর আল্লাহ তা বৈধ অর্থ ছাড়া অন্য কিছু গ্রহণই করেন না - সে ব্যক্তির ঐ দানকে আল্লাহ ডান হাতে গ্রহণ করেন। অতঃপর তা ঐ ব্যক্তির জন্য লালন-পালন করেন; যেমন তোমাদের কেউ তার অশ্ব-শাবককে লালন-পালন করে থাকে। পরিশেষে তা পাহাড়ের মত হয়ে যায়।” (বুখারী ১৪১০নং, মুসলিম ১০১৪নং)

### দান করার মাহাত্ম্য

মহান আল্লাহ বলেন,

﴿ لَا خَيْرَ فِي كَثِيرٍ مِّن نَّجْوَاهُمْ إِلَّا مَنَ أَمَرَ بِصَدَقَةٍ أَوْ مَعْرُوفٍ أَوْ إِصْلَاحٍ لِّلنَّاسِ بَيْنَ ۚ وَمَن يَفْعَلْ ۚ﴾

ذٰلِكَ اٰتِيْعَاءَ مَرَضَاتِ اللّٰهِ فَسَوْفَ نُوْتِيْهِ اَجْرًا عَظِيْمًا ﴿٥١﴾

অর্থাৎ, তাদের অধিকাংশ গোপন পরামর্শে কোন কল্যাণ নেই। তবে যে দান-খয়রাত, সৎকাজ ও মানুষের মধ্যে শান্তি স্থাপনের নির্দেশ দেয়, তাতে কল্যাণ আছে। আর আল্লাহর সন্তুষ্টি লাভের আকাঙ্ক্ষায় যে ঐরূপ করবে তাকে আমি মহাপুরস্কার দেব। (সূরা নিসা ১১৪ আয়াত)

﴿ قُلْ إِنَّ رَبِّي يَبْسُطُ الرِّزْقَ لِمَن يَشَاءُ مِنْ عِبَادِهِ وَيَقْدِرُ لَهُ ۖ وَمَا أَنْفَقْتُمْ مِنْ شَيْءٍ فَهُوَ يُخْلِفُهُ ۗ ﴾

﴿ وَهُوَ خَيْرُ الرَّازِقِينَ ۝ ﴾

অর্থাৎ, বল আমার প্রতিপালক তাঁর বান্দাদের মধ্যে যার প্রতি ইচ্ছা তার রুযী বর্ধিত অথবা সীমিত করেন। তোমরা যা কিছু ব্যয় করবে, তিনি তার প্রতিদান দেবেন। আর তিনিই শ্রেষ্ঠ রুযীদাতা। (সূরা সাবা ৩৯ আয়াত)

﴿ مَثَلُ الَّذِينَ يُنْفِقُونَ أَمْوَالَهُمْ فِي سَبِيلِ اللَّهِ كَمَثَلِ حَبَّةٍ أَنْبَتَتْ سَبْعَ سَنَابِلٍ فِي كُلِّ سَنَابِلٍ مِائَةٌ ﴾

﴿ حَبَّةٌ ۖ وَاللَّهُ يُضَعِفُ لِمَن يَشَاءُ ۗ وَاللَّهُ وَاسِعٌ عَلِيمٌ ۝ ﴾

অর্থাৎ, যারা আল্লাহর পথে স্বীয় ধন-সম্পদ ব্যয় করে তাদের উপমা যেমন একটি শস্য বীজ, তা হতে উৎপন্ন হল সাতটি শীষ, প্রত্যেক শীষে (উৎপন্ন হল) শত শস্য, এবং আল্লাহ যার জন্য ইচ্ছা করেন বর্ধিত করে দেন, বস্তুতঃ আল্লাহ হচ্ছেন বিপুল দাতা মহাজ্ঞানী। (সূরা বাক্বারাহ ২৬১ আয়াত)

(৩৮১) হযরত আবু হুরাইরা رضي الله عنه কর্তৃক বর্ণিত, নবী ﷺ বলেন “বান্দা প্রত্যহ প্রভাতে উপনীত হলেই দুই ফিরিশ্তা (আসমান হতে) অবতরণ করে ওঁদের একজন বলেন, ‘হে আল্লাহ! তুমি দানশীলকে প্রতিদান দাও।’ আর দ্বিতীয়জন বলেন, ‘হে আল্লাহ! তুমি কৃপণকে ধ্বংস দাও।’ (বুখারী ১৪৪২ নং, মুসলিম ১০১০ নং)

(৩৮২) উক্ত আবু হুরাইরা رضي الله عنه হতেই বর্ণিত, তিনি বলেন, আল্লাহর রসূল ﷺ বলেছেন, “আল্লাহ আমাকে বলেছেন যে, ‘তুমি (অভাবীকে) দান কর আমি তোমাকে দান করব।’ (মুসলিম ৯৯৩ নং)

(৩৮৩) উক্ত আবু হুরাইরা رضي الله عنه কর্তৃক বর্ণিত, তিনি বলেন, আল্লাহর রসূল ﷺ কৃপণ ও দানশীল ব্যক্তির উপমা বর্ণনা করে বলেন, (ওঁদের উপমা) দুটি লোকের মত যাদের পরিধানে থাকে একটি করে লোহার জুকা। তাদের হাতদুটি বুক ও টুটির সাথে জরীভূত। এরপর দানশীল যখনই একটি কিছু দান করে, তখনই সেই জুকা তার দেহে ঢিলা হয়ে যায়, এমনকি (ঢিলার কারণে) তা তার আঙ্গুলগুলোকেও ঢেকে ফেলে এবং তার পদচিহ্ন (পাপ বা ত্রুটি) মুছে দেয়। পক্ষান্তরে কৃপণ যখনই দান করার ইচ্ছা করে তখনই সেই জুকা তার দেহে আরো ঐঁটে যায় এবং প্রতিটি কড়া তার নিজের জায়গা বসে যায়।” বর্ণনাকারী (আবু হুরাইরা) বলেন, ‘আমি আল্লাহর রসূল ﷺ-কে দেখেছি, তিনি তাঁর আঙ্গুল নিজের জামার বুকের খোলা অংশে রেখে ইঙ্গিত করলেন। তুমি তাঁকে দেখলে দেখতে, তিনি জুকাকে ঢিলা করতে চেষ্টা করলেন অথচ তা ঢিলা হল না। (বুখারী ৫৭৯৭ নং, মুসলিম ১০২১ নং)

(৩৮৪) হযরত আদী বিন হাতেম رضي الله عنه হতে বর্ণিত, আল্লাহর রসূল ﷺ বলেছেন, “তোমরা জাহান্নাম থেকে বাঁচ, যদিও এক টুকরা খেজুর দান করে হয়। যদি এক

টুকরা খেজুরও না পাও, তবে উত্তম কথা বলে।” (বুখারী ১৪১৭ নং, মুসলিম ১০১৬ নং)

(৩৮৫) হযরত আবু উমামাহ رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “তোমরা তোমাদের রোগীদের চিকিৎসা সদকাহ দ্বারা করা।” (সহীহুল জামে ৩৩৫৮নং)

(৩৮৬) হযরত উকবাহ বিন আমের رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “(কিয়ামতের মাঠে রৌদ্রতপ্ত দিনে) সমস্ত লোকেদের বিচার শেষ না হওয়া পর্যন্ত প্রত্যেক মানুষ নিজ সাদকার ছায়াতলে অবস্থান করবে।”

এ হাদীস শ্রবণ করে আবু মারযাদ কোন দিন ভুলেও কিছু না কিছু সদকাহ করতে ছাড়তেন না। হয় কেক, না হয় পিয়াজ (ছোট কিছুও) তিনি দান করতেন। (আহমাদ, ইবনে খুযাইমাহ, ইবনে হিব্বান, সহীহ তারগীব ৮৭২নং)

(৩৮৭) হযরত উকবাহ বিন আমের رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “সদকাহ অবশ্যই কবরবাসীর কবরের উত্তাপ ঠান্ডা করে দেবে এবং মুমিন কিয়ামতে তার ছায়াতে অবস্থান করবে।” (ত্বাবারানীর কাবীর, বাইহাকী, সহীহ তারগীব ৮৭৩নং)

(৩৮৮) হযরত আবু হুরাইরা رضي الله عنه কর্তৃক বর্ণিত, নবী صلى الله عليه وسلم বলেন, “বান্দা বলে, ‘আমার মাল, আমার মাল।’ অথচ তার আসল মাল হল তাই, যা খেয়ে শেষ করেছে অথবা পরে ছিঁড়ে ফেলেছে অথবা দান করে জমা রেখেছে। এ ছাড়া যা কিছু তার সবই চলে যাবে এবং লোকের জন্য ছেড়ে যাবে।” (আহমাদ, মুসলিম, সহীহুল জামে’ ৮১৩৩নং)

(৩৮৯) মা আয়েশা (রাঃ) কর্তৃক বর্ণিত, একদা নবী-পরিবারে একটি ছাগল যবেহ করে তার গোশ্চ দান করা হল। আল্লাহর রসূল صلى الله عليه وسلم এসে তাঁদেরকে জিজ্ঞাসা করলেন, “আর কি বাকী আছে?” আয়েশা (রাঃ) উত্তরে বললেন, ‘তার কাঁধের গোশ্চ ছাড়া আর কিছুই বাকী নেই।’ নবী صلى الله عليه وسلم বললেন, “বরং তার কাঁধের গোশ্চ ছাড়া সবটাই বাকী আছে।” (তিরমিযী, সহীহ তারগীব ৮৫৯নং)

(৩৯০) হযরত আবু হুরাইরা رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “দান করলে মাল কমে যায় না। ক্ষমাশীলতার কারণে আল্লাহ বান্দার সম্মান বর্ধিত করেন এবং যে কেউ আল্লাহর ওয়াস্তে বিনয়ী হয়, আল্লাহ তাকে সম্মত করেন।” (মুসলিম ২৫৮৮নং, তিরমিযী)

(৩৯১) হযরত আবু হুরাইরা رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “এক ব্যক্তি বৃক্ষহীন প্রান্তরে মেঘ থেকে শব্দ শুনতে পেল, ‘ওমূকের বাগানে বৃষ্টি বর্ষণ করা।’ অতঃপর সেই মেঘ সরে গিয়ে কালো পাথুরে এক ভূমিতে বর্ষণ করল। সেখান থেকে নালা বেয়ে সেই পানি বইতে শুরু করল। লোকটি সেই পানির অনুসরণ করে

কিছু দূর গিয়ে দেখল, একটি লোক কোদাল দ্বারা নিজ বাগানের দিকে পানি ঘুরাচ্ছে। সে তাকে জিজ্ঞাসা করল, 'তোমার নাম কি ভাই?' বলল, 'অমুকা।' এটি ছিল সেই নাম, যে নাম মেঘের আড়ালে সে শুনেছিল। বাগান-ওয়াল বলল, 'ওহে আল্লাহর বান্দা! তুমি আমার নাম কেন জিজ্ঞাসা করলে?' লোকটি বলল, 'আমি মেঘের আড়াল থেকে তোমার নাম ধরে তোমার বাগানে বৃষ্টি বর্ষণ করতে আদেশ শুনলাম। তুমি কি এমন কাজ কর?' বাগান-ওয়াল বলল, 'এ কথা যখন বললে, তখন বলতে হয়; আমি এই বাগানের উৎপন্ন ফল-ফসলকে ভেবে-চিন্তে তিন ভাগে ভাগ করি। অতঃপর তার এক ভাগ দান করি, এক ভাগ আমি আমার পরিজন সহ খেয়ে থাকি এবং বাকী এক ভাগ বাগানের চাষ-খাতে ব্যয় করি।' (মুসলিম ১৯৮৪নং)

## কৃপণতা ও বখীলি হতে ভীতি-প্রদর্শন

আল্লাহ তাআলা বলেন,

অর্থাৎ, আল্লাহ তাদেরকে যে অনুগ্রহ দান করেছেন তাতে যারা কৃপণতা করে, তারা যেন এই ধারণা না করে যে, তা (কৃপণতা) তাদের জন্য মঙ্গলকর। বরং তা তাদের জন্য অতিশয় ক্ষতিকর (প্রতিপন্ন হবে)। যাতে তারা কার্পণ্য করে সে সমস্ত ধন-মালকে কিয়ামতের দিন বেড়ি বানিয়ে তাদের গলায় বুলানো হবে। (সূরা আ-লি ইমরান ১৮০ আয়াত)

(৩৯২) হযরত জাবের رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, "তোমরা যুলুম থেকে বাঁচ; কারণ, যুলুম হল কিয়ামতের দিনের অন্ধকার। আর কার্পণ্য থেকেও বাঁচ; কারণ কার্পণ্য তোমাদের পূর্ববর্তী উন্মতকে ধ্বংস করেছে; তা তাদেরকে আপোসের মধ্যে রক্তপাত ঘটাতে এবং হারামকে হালাল করে ব্যবহার করতে প্ররোচিত করেছে।" (মুসলিম ২৫৭৮নং)

(৩৯৩) আবু হুরাইরা رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, "কোনও বান্দার পেটে আল্লাহ রাস্তায় ধুলো ও দোযখের ধূয়ো কখনই একত্রিত হবে না। আর কৃপণতা ও ঈমান কোন বান্দার অন্তরে কখনই জমা হতে পারে না।" (আহমাদ ২/৩৪২; নাসাঈ, ইবনে হিবান, হাকেম ২/৭২; সহীহুল জামে' ৭৬ ১৬নং)

(৩৯৪) উক্ত আবু হুরাইরা رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, "মানুষের মাঝে দু'টি চরিত্র বড় নিকৃষ্টতম; কাতরতাপূর্ণ কার্পণ্য এবং সীমাহীন ভীরাতা।" (আহমাদ ২/৩২০, আবু দাউদ ২৫১১, ইবনে হিবান, সহীহুল জামে' ৩৭০৯নং)

(৩৯৫) হযরত আবু হুরাইরা رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, প্রত্যহ বান্দাগণ যখন ভোরে ওঠে, তখন দুই ফিরিশ্তা আকাশ হতে অবতরণ করেন এবং



ওদের একজন বলেন, ‘হে আল্লাহ! তুমি দাতাকে প্রতিদান দাও।’ আর অপরজন বলেন, ‘হে আল্লাহ! তুমি কৃপণকে ধ্বংস দাও।’ (বুখারী ১৪৪২, মুসলিম ১০১০নং)

(৩৯৬) উক্ত হযরত আবু হুরাইরা رضي الله عنه থেকে বর্ণিত, একদা নবী صلى الله عليه وسلم (পীড়িত) বিলাল رضي الله عنه-কে দেখতে গেলেন। বিলাল তাঁর জন্য এক স্তূপ খেজুর বের করলেন। নবী صلى الله عليه وسلم বললেন, “হে বিলাল! একি?!” বিলাল বললেন, ‘আমি আপনার জন্য ভরে রেখেছিলাম, হে আল্লাহর রসূল!’ তিনি বললেন, “তুমি কি ভয় কর না যে, তোমার জন্য জাহান্নামের আগুনে বাষ্প তৈরী করা হবে? হে বিলাল! তুমি খরচ করে যাও। আর আরশ-ওয়ালার নিকটে (মাল) কম হয়ে যাওয়ার ভয় করো না।” (আবু য়া’লা, তাবারানীর কাবীর ও আউসাতু, সহীহ তারগীব ৯০৯নং)

### আত্মীয়-স্বজনকে উদ্ধৃত্ত মাল না দেওয়া হতে ভীতি- প্রদর্শন

(৩৯৭) হযরত জারীর বিন আব্দুল্লাহ বাজালী رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “কোন (গরীব) নিকটাত্মীয় যখন তার (ধনী) নিকটাত্মীয়র নিকট এসে আল্লাহর দানকৃত অনুগ্রহ তার কাছে প্রার্থনা করে তখন সে (ধনী) ব্যক্তি তা দিতে কার্পণ্য করলে (পরকালে) আল্লাহ তার জন্য দোযখ থেকে একটি ‘শুজা’ নামক সাপ বের করবেন; যে সাপ তার জিব বের করে মুখ হিলাতে থাকবে। এই সাপকে বেড়িস্বরূপ তার গলায় পরানো হবে।” (তাবারানীর আউসাতু ও কাবীর, সহীহ তারগীব ৮৮৩নং)

(৩৯৮) হযরত আব্দুল্লাহ বিন আমর رضي الله عنه হতে বর্ণিত, আল্লাহর রসূল صلى الله عليه وسلم বলেন, “যে কোনও ব্যক্তির নিকট তার চাচাতো ভাই এসে তার উদ্ধৃত্ত মাল চায় এবং সে যদি তাকে তা না দেয় তাহলে কিয়ামতের দিন আল্লাহ নিজ অনুগ্রহ হতে তাকে বঞ্চিত করবেন। আর যে ব্যক্তি অতিরিক্ত ঘাস না দেওয়ার উদ্দেশ্যে তার (কুয়া বা ঝরনার) অতিরিক্ত পানিও (গবাদি পশুকে) দান করে না, আল্লাহ কিয়ামতের দিন সেই ব্যক্তিকে নিজ অনুগ্রহ দান করবেন না।” (তাবারানীর সাগীর ও আউসাতু, সহীহ তারগীব ৮৮৪নং)

### গোপনে দান করার গুরুত্ব

মহান আল্লাহ বলেন,

﴿ إِن تَبْدُوا الصَّدَقَاتِ فَنِعِمَّا هِيَ ۗ وَإِن تُخْفُوهَا وَتُؤْتُوهَا الْفُقَرَاءَ فَهُوَ خَيْرٌ لَّكُمْ ۗ وَيُكَفِّرُ عَنْكُمُ

مِّن سَيِّئَاتِكُمْ ۗ وَاللَّهُ بِمَا تَعْمَلُونَ خَبِيرٌ ﴿١٠٥﴾

অর্থাৎ, যদি তোমরা প্রকাশ্যভাবে দান কর তবে তা উৎকৃষ্ট। আর যদি তোমরা তা

গোপনভাবে কর ও গরীবদেরকে দাও তবে তা তোমাদের জন্য বেশী উত্তম। এতে তিনি তোমাদের কিছু পাপ মোচন করবেন। বস্তুতঃ তোমাদের কার্যকলাপ সম্বন্ধে আল্লাহ বিশেষরূপে অবহিত। (সূরা বাকারাহ ২৭১ আয়াত)

(৩৯৯) হযরত আবু হুরাইরা رضي الله عنه প্রমুখাৎ বর্ণিত, নবী ﷺ বলেন, “সাত ব্যক্তিকে আল্লাহ সেই দিন (আরশের) ছায়া দান করবেন যেদিন তাঁর (ঐ) ছায়া ব্যতীত আর অন্য কোন ছায়া থাকবে না। তন্মধ্যে একজন হল সেই ব্যক্তি যে কিছু দান করে এমনভাবে গোপন করে, যাতে তার ডান হাত যা দান করে তার বাম হাতও জানতে পারে না।” (বুখারী ৬৬০ নং, মুসলিম ১০৩১ নং)

(৪০০) হযরত আবু সাঈদ رضي الله عنه হতে বর্ণিত, নবী ﷺ বলেন “গোপনে দান প্রতিপালকের ক্রোধ দূরীভূত করে, জ্ঞাতি-বন্ধন অক্ষুন্ন রাখে, আয়ু বৃদ্ধি করে। আর পুণ্যকর্ম সর্বপ্রকার কুমরণ থেকে রক্ষা করে।” (বাইহাক্বীর শুআবুল ঈমান, সহীহুল জামে ৩৭৬০ নং)

❀ গোপনে দান করলে দাতা লোকপ্রদর্শন তথা ছোট শিক থেকে বাঁচতে পারে, গোপনে তার নিয়ত একমাত্র আল্লাহর জন্য বিশুদ্ধ হয়, যাকে দান করা হয় সেও লোকের সামনে দান গ্রহণের লাঞ্ছনা থেকে রেহাই পায়, সেই জন্যই গোপনে দান করাই বেশী উত্তম। অবশ্য যেখানে সেসব ভয় থাকে না এবং প্রকাশ্য দান করাতে অন্য কোন হিকমত; যেমন দাতাদের মাঝে প্রতিযোগিতা ইত্যাদি উদ্দেশ্য থাকে, সেখানে প্রকাশ্যে দান দেওয়াই উত্তম। আর মনের খবর আল্লাহই ভালো জানেন।

### সচ্ছলতা রেখে দান করার গুরুত্ব

(৪০১) হযরত হাকীম বিন হিয়াম رضي الله عنه কর্তৃক বর্ণিত, নবী ﷺ বলেন “উঁচু (দাতা) হাত নিচু (গ্রহীতা) হাত অপেক্ষা উত্তম। তাদের মাধ্যমে ব্যয় করা আরম্ভ কর যাদের তুমি প্রতিপালন করছ। সবচেয়ে উত্তম হল সেই দান, যার পর সচ্ছলতা অবশিষ্ট থাকে (অর্থাৎ যে দানের পর অভাব না আসে।) আর যে ব্যক্তি (যাশ্রুণ হতে) পবিত্র থাকার চেষ্টা করবে, আল্লাহ তাকে পবিত্র রাখবেন এবং যে ব্যক্তি অমুখাপেক্ষী থাকার চেষ্টা করবে, আল্লাহ তাকে অমুখাপেক্ষী (অভাবমুক্ত) রাখবেন।” (বুখারী ১৪২৭ নং)

(৪০২) আবু হুরাইরা رضي الله عنه কর্তৃক বর্ণিত, নবী ﷺ বলেন, “সেই দানই উত্তম, যার পরে অভাব আসে না। উপরের (দাতার) হাত নিচের (গ্রহীতার) হাত অপেক্ষা উত্তম। আর তোমার নিকট-আত্মীয় থেকে দান করা শুরু করা।”

আবু হুরাইরা رضي الله عنه বলেন, (মাল না থাকলে) তোমার বিবি তোমাকে বলবে, ‘আমার খরচ দাও, নচেৎ আমাকে তালাক দাও।’ তোমার দাস বা দাসী বলবে, ‘আমার খরচ দাও, নচেৎ আমাকে বিক্রি করে দাও।’ তোমার ছেলে বলবে, ‘আমাকে কার ভরসায়



সকালের পানীয় দুগ্ধ দেওয়ার মাধ্যমে এবং সন্ধ্যায় সন্ধ্যায় পানীয় দুগ্ধ দেওয়ার মাধ্যমে (ঐ সদকাহর সওয়াব লাভ হয়)।” (মুসলিম ১০২০ নং)

### ফসল ও গাছ লাগানোর মাহাত্ম্য

(৪০৮) হযরত আনাস বিন মালেক رضي الله عنه হতে বর্ণিত, আল্লাহর রসূল صلى الله عليه وسلم বলেছেন, “যে কোন মুসলিম যখন কোন গাছ লাগায় অথবা ফসল বোনে অতঃপর তা হতে কোন পাখী, মানুষ অথবা পশু (তার ফল ইত্যাদি) খায়, তখন ঐ খাওয়া ফল-ফসল তার জন্য সদকাহ স্বরূপ হয়।” (বুখারী ২৩২০ নং, মুসলিম ১৫৫৩ নং)

(৪০৯) হযরত আনাস رضي الله عنه হতে বর্ণিত, আল্লাহর নবী صلى الله عليه وسلم বলেন, “কিয়ামত কায়াম হয়ে গেলেও তোমাদের কারো হাতে যদি কোন গাছের চারা থাকে এবং সে তা এর আগেই রোপন করতে সক্ষম হয়, তবে যেন তা রোপন করে ফেলো।” (আহমাদ, সহীহুল জামে’ ১৪২৪ নং)

### সাদকায়ে জারিয়ার মাহাত্ম্য

(৪১০) হযরত আবু হুরাইরা رضي الله عنه হতে বর্ণিত, আল্লাহর রসূল صلى الله عليه وسلم বলেন, “আদম সন্তান মারা গেলে তার সমস্ত আমল বিচ্ছিন্ন হয়ে যায়, অবশ্য তিনটি আমল বিচ্ছিন্ন হয় না; সদকাহ জা-রিয়াহ (ইষ্টাপূর্ত কর্ম), উপকারী ইল্ম, অথবা নেক সন্তান যে তার জন্য দুআ করে থাকে।” (মুসলিম ১৬৩১ নং প্রমুখ)

(৪১১) হযরত আবু হুরাইরা رضي الله عنه হতে বর্ণিত, আল্লাহর রসূল صلى الله عليه وسلم বলেন, “মুমিনের মৃত্যুর পর তার আমল ও পুণ্যকর্মসমূহ হতে নিশ্চিতভাবে যা এসে তার সহিত মিলিত হয় তা হল; সেই ইল্ম, যা সে শিক্ষা করে প্রচার করেছে অথবা নেক সন্তান যাকে রেখে সে মারা গেছে, অথবা কুরআন শরীফ যা সে মীরাসরূপে ছেড়ে গেছে, অথবা মসজিদ যা সে নিজে নির্মাণ করে গেছে, অথবা মুসাফিরখানা যা সে মুসাফিরদের সুবিধার্থে নির্মাণ করে গেছে, অথবা পানির নালা যা সে (সেচ ইত্যাদির উদ্দেশ্যে) প্রবাহিত করে গেছে, অথবা সদকাহ যা সে নিজের মাল থেকে তার সুস্থ ও জীবিতাবস্থায় বের (দান) করে গেছে; এসব কর্মের সওয়াব তার মৃত্যুর পরও তার সাথে এসে মিলিত হবে।” (ইবনে মাজহ, বাইহাকী, ইবনে খুযাইমাহ ডিন্ন শব্দে, সহীহ তারগীব ১০৭ নং)

❀ আল্লাহর নেক বান্দারা জীবিত অবস্থায় তো আমল করেনই। তবুও মরণের পরেও যাতে সওয়াব পেতে থাকেন তার জন্য একটা সুব্যবস্থা করে যান। কবর, কিয়ামত ও দোযখের আযাব মাফ করাবার উদ্দেশ্যে এবং বেহেশ্তে নিজ মান সুউন্নত করার উদ্দেশ্যে এমন জিনিস ছেড়ে যান যার সওয়াব মরণের পরেও জারী থাকে। মসজিদ, মাদ্রাসা, এতীম-খানা, হাসপাতাল, কল, কুয়া প্রভৃতি নির্মাণ করে তাঁরা

মানুষের কাছে মরেও অমর হয়ে থাকেন এবং পরকালেও লাভবান হন। মসজিদ-মাদ্রাসার নামে জমি-জায়গা ওয়াকফ করে যান একই উদ্দেশ্যে। আল্লাহর দেওয়া তাঁদের নিজ মেহনত বলে উপার্জিত সেই সম্পদ-সম্পত্তি তাঁদের ছেলে-মেয়েরা ঠিক পথে ব্যয় করবে কি না -এই আশঙ্কায় সময় থাকতে নিজের হাতে সম্বল বেঁধে নেন। আসলে এঁরাই হলেন আল্লাহর সাবধানী বান্দা। আল্লাহ তাঁদের ধনে-মানে-জ্ঞানে বর্কত দিন। আমীন।

### পানি দান করার গুরুত্ব

(৪১২) হযরত সা'দ বিন উবাদাহ رضي الله عنه কর্তৃক বর্ণিত, তিনি বলেন, আমি বললাম, 'হে আল্লাহর রসূল! কোন দান সবচেয়ে শ্রেষ্ঠ?' তিনি উত্তরে বললেন, "পানি পান করানো।" (আবু দাউদ, সহীহ ইবনে মাজাহ ২৯৭১ নং)

(৪১৩) উক্ত সা'দ رضي الله عنه হতেই বর্ণিত, 'তিনি বললেন, 'হে আল্লাহর রসূল! উম্মে সা'দ (আমার মা) মারা গেছে। অতএব কোন দান সবচেয়ে উত্তম হবে?' তিনি বললেন, "পানি।"

বর্ণনাকারী বলেন, সুতরাং সা'দ رضي الله عنه একটি কুয়া খনন করে বললেন, 'এটি উম্মে সা'দের।' (সহীহ আবু দাউদ ১৪৭৪ নং)

(৪১৪) হযরত সুরাক্বাহ বিন জু'শুম رضي الله عنه হতে বর্ণিত, তিনি বলেন, আমি আল্লাহর রসূল صلى الله عليه وسلم-কে সেই হারিয়ে যাওয়া উট সম্পর্কে জিজ্ঞাসা করলাম যা আমার জলাশয়ে অবতরণ করে; যে জলাশয় আমি আমার নিজ উটের জন্য তৈরী করে রেখেছি। (এ) উটকে পানি পান করালে আমি সওয়াবের অধিকারী হব কি? তিনি বললেন, "হ্যাঁ, প্রত্যেক পিপাসার্ত প্রাণী(কে পানি পান করানো)তে সওয়াব আছে।" (সহীহ ইবনে মাজাহ ২৯৭২ নং)

### উদ্বৃত্ত পানি পিপাসার্তকে দান না করা হতে ভীতি-প্রদর্শন

(৪১৫) হযরত আবু হুরাইরা رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, "তিন ব্যক্তির সহিত আল্লাহ কিয়ামতের দিন কথা বলবেন না। তাদের দিকে তাকিয়ে দেখবেন না, তাদেরকে পাপমুক্ত করবেন না এবং তাদের জন্য হবে কঠিন আযাব। ওদের মধ্যে একজন হল সেই ব্যক্তি, যার নিকট গাছ-পানিহীন প্রান্তরে উদ্বৃত্ত পানি থাকে অথচ সে মুসাফিরকে তা দান করে না।" (এক বর্ণনায় এ কথা অতিরিক্ত আছে যে, আল্লাহ তাকে বলবেন, 'আজ আমি নিজ অনুগ্রহ তোমাকে দান করব না, যেমন

তুমি তোমার উদ্বৃত্ত জিনিস দান করনি; যা তোমার মেহনতের উপার্জনও ছিল না।  
(বুখারী ২৩৬৯, মুসলিম ১০৮নং আবু দাউদ, নাসাঈ, ইবনে মাজাহ)

## দান দিয়ে ফেরৎ নেওয়া হতে ভীতি-প্রদর্শন

(৪১৬) হযরত ইবনে আক্বাস رضي الله عنه কর্তৃক বর্ণিত, নবী صلى الله عليه وسلم বলেন, “যে ব্যক্তি তার দানকৃত জিনিস ফেরৎ নেয়, সে ব্যক্তির উদাহরণ ঐ কুকুরের মত, যে বমি করে অতঃপর সেই বমি আবার চেষ্টে খায়।” (বুখারী ২৬২১, ২৬২২, মুসলিম ১৬২২নং, আসহাবে সুনান)

## যাকাত আদায়ে সীমালংঘন ও খেয়ানত করা হতে ভীতি-প্রদর্শন

(৪১৭) হযরত বুরাইদাহ رضي الله عنه কর্তৃক বর্ণিত, নবী صلى الله عليه وسلم বলেন, “যে ব্যক্তিকে আমরা যাকাত আদায়কারীরূপে নির্বাচন করেছি এবং তার উপর তার রুজী (পারিশ্রমিক) নির্ধারিত করেছি, সে ব্যক্তি তা ছাড়া যদি অন্য কিছু গ্রহণ করে তবে তা খেয়ানত।”  
(আবু দাউদ, সহীহুল জামে’ ৭৭৪নং)

(৪১৮) হযরত উবাদাহ বিন সাম্মত رضي الله عنه হতে বর্ণিত, আল্লাহর রসূল صلى الله عليه وسلم যখন তাঁকে (যাকাৎ) সদকাহ আদায় করার জন্য প্রেরণ করলেন, তখন বললেন, “হে আবু অলীদ! তুমি আল্লাহকে ভয় কর। তুমি যেন কিয়ামতের দিন (নিজ ঘাড়ে) কোন চিহ্নি-রববিশিষ্ট উট, অথবা হাম্বা-রববিশিষ্ট গাই অথবা মৈ-মৈ রববিশিষ্ট ছাগল বহন করা অবস্থায় উপস্থিত হয়ে না। (উবাদাহ) বললেন, ‘হে আল্লাহর রসূল! ব্যাপার কি সত্যই তাই?’ বললেন, “হ্যাঁ, তাই। সেই সত্তার কসম, যাঁর হাতে আমার প্রাণ আছে।” (উবাদাহ) বললেন, ‘তাহলে সেই সত্তার কসম, যিনি আপনাকে সত্যের সাথে প্রেরণ করেছেন! আমি আপনার (বাইতুল মালের) কোন ব্যাপারে কখনো চাকুরী করব না।’ (ভাবারানীর কবীর, সহীহ তারগীব ৭৭৫নং)

(৪১৯) হযরত আবু হুমাইদ সায়েদী رضي الله عنه বলেন, নবী صلى الله عليه وسلم আযদের ইবনে লুতবিয়াহ নামক এক ব্যক্তিকে যাকাত আদায় করার কাজে কর্মচারী নিয়োগ করলেন। সে ব্যক্তি (আদায়কৃত মাল সহ) ফিরে এসে বলল, ‘এটা আপনাদের (বায়তুল মালের), আর এটা আমাকে উপহার স্বরূপ দেওয়া হয়েছে।’ এ কথা শুনে আল্লাহর রসূল صلى الله عليه وسلم উঠে দণ্ডায়মান হয়ে আল্লাহর প্রশংসা ও স্তুতি বর্ণনা করে বললেন, “অতঃপর বলি যে, আল্লাহ আমাকে যে সকল কর্মের অধিকারী করেছেন তার মধ্য হতে কোনও কর্মের তোমাদের কাউকে কর্মচারী নিয়োগ করলে সে ফিরে এসে বলে কি না, ‘এটা আপনাদের, আর এটা উপহার স্বরূপ আমাকে দেওয়া হয়েছে।’ যদি সে

সত্যবাদী হয়, তবে তার বাপ-মায়ের ঘরে বসে থেকে দেখে না কেন, তাকে কোন উপহার দেওয়া হচ্ছে কিনা? আল্লাহর কসম, তোমাদের মধ্যে যে কেউ কোন জিনিস অনধিকার গ্রহণ করবে সে কিয়ামতের দিন তা নিজ ঘাড়ে বহন করা অবস্থায় আল্লাহর সহিত সাক্ষাৎ করবে। অতএব আমি যেন অবশ্যই চিনতে না পারি যে, তোমাদের মধ্য হতে কেউ নিজ ঘাড়ে চিহ্নি-রববিশিষ্ট উট, অথবা হাশ্বা-রববিশিষ্ট গাই, অথবা মেঁ-মেঁ-রববিশিষ্ট ছাগল বহন করা অবস্থায় আল্লাহর সহিত সাক্ষাৎ করেছে।”

আবু হুমাঈদ رضي الله عنه বলেন, অতঃপর নবী صلى الله عليه وسلم তাঁর উভয় হাতকে উপর দিকে এতটা তুললেন যে, তাঁর উভয় বগলের শুভ্রতা দেখা গেল। অতঃপর বললেন, “হে আল্লাহ! আমি কি পৌঁছে দিলাম?” (বুখারী ৬৯৭৯, মুসলিম ১৮৩২নং, আবু দাউদ)

❀ আদায় করতে গিয়ে কোন উপহার গ্রহণ করায় যদি এই অবস্থা হয় তাহলে জাল চেক নিয়ে আদায় করলে অথবা ৫ কেজিকে ৫ টাকা করলে অথবা ৫০ কে ৫ করলে কি অবস্থা হবে তা বলাই বাহুল্য। সুতরাং মাদ্রাসার আদায়কারীরা উপদেশ গ্রহণ করবেন কি?

## যাঞ্ছণ করা হতে ভীতি-প্রদর্শন

(৪২০) হযরত ইবনে উমার رضي الله عنه কর্তৃক বর্ণিত, নবী صلى الله عليه وسلم বলেন, “তোমাদের মধ্যে কেউ যাঞ্ছণ করতে থাকলে পরিশেষে যখন সে আল্লাহর সহিত সাক্ষাৎ করবে তখন তার মুখমন্ডলে এক টুকরাও মাংস থাকবে না।” (বুখারী ১৪৭৪, মুসলিম ১০১৪নং, নাসাঈ, আহমাদ ২/১৫)

(৪২১) উক্ত হযরত ইবনে উমার رضي الله عنه হতেই বর্ণিত, আল্লাহর রসূল صلى الله عليه وسلم বলেছেন, “যাচনা হল কিয়ামতের দিন যাচনাকারীর মুখের ক্ষত-স্বরূপ।” (আহমাদ, সহীহ তারগীব ৭৮৫নং)

(৪২২) হযরত হুবশী বিন জুনাদাহ رضي الله عنه বলেন, আল্লাহর রসূল صلى الله عليه وسلم বলেছেন যে, “যে ব্যক্তি অভাব না থাকা সত্ত্বেও যাচনা করে (খেল), সে ব্যক্তি যেন জাহান্নামের অঙ্গার খেল।” (আবরানীর কাবীর, ইবনে খুযাইমা, বাইহাকী, সহীহ তারগীব ৭৯৩নং)

(৪২৩) হযরত আবু হুরাইরা رضي الله عنه কর্তৃক বর্ণিত আল্লাহর রসূল صلى الله عليه وسلم বলেন, যে ব্যক্তি নিজ মাল বৃদ্ধি করার উদ্দেশ্যে লোকেদের নিকট যাচনা করে, প্রকৃতপক্ষে সে (দোষখের) অঙ্গার যাঞ্ছণ করে। চাহে সে কম করুক অথবা বেশী।” (মুসলিম ১০৪১নং, ইবনে মাজাহ)

(৪২৪) হযরত আব্দুর রহমান বিন আউফ رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “তিনটি বিষয় এমন রয়েছে -সেই সত্তার কসম যার হাতে আমার প্রাণ আছে -যদি আমি (সেগুলির বাস্তবতার উপরে) শপথ করি (তাহলে অযথা হবে না।) দান

করার ফলে মাল কমে যায় না। সুতরাং তোমরা দান কর। যে কোনও বান্দা কারো অন্যায়েকে ক্ষমা করে দেবে তার বিনিময়ে আল্লাহ কিয়ামতের দিন সে বান্দার ইজ্জত বৃদ্ধি করবেন। আর যে বান্দা যাত্রণের দরজা খুলবে আল্লাহ তার জন্য অভাবের দরজা খুলে দেবেন।” (আহমাদ, আবু য়া’লা, বাযযার, সহীহ তারগীব ৮০৫ নং)

### আল্লাহর নামে যাত্রণ করা এবং কেউ আল্লাহর নামে যাত্রণ করলে তাকে না দেওয়া হতে ভীতি-প্রদর্শন

(৪২৫) হযরত আবু মুসা আশআরী رضي الله عنه হতে বর্ণিত, তিনি আল্লাহর রসূল ﷺ এর নিকট শুনেছেন, তিনি বলেছেন যে, “সে ব্যক্তি অভিশপ্ত, যে আল্লাহর নামে কিছু যাত্রণ করে। আর সে ব্যক্তিও অভিশপ্ত, যার নিকট হতে আল্লাহর নামে কিছু যাত্রণ করা হয় অথচ সে যাত্রণকারীকে দান করে না; যদি সে অবৈধ (বা অবৈধভাবে) কিছু না চেয়ে থাকে তবে। (তাবারানী, সহীহ তারগীব ৮৪১ নং)

(৪২৬) হযরত ইবনে আক্বাস رضي الله عنه কর্তৃক বর্ণিত, আল্লাহর রসূল ﷺ বলেন, “আমি তোমাদেরকে সবচেয়ে ঘৃণ্য লোকের কথা বলে দেব না কি? যে ব্যক্তির নিকট আল্লাহর নামে কিছু চাওয়া হয় অথচ সে তা প্রদান করে না।” (তিরমিযী, নাসাঈ, ইবনে হিব্বান, সহীহ তারগীব ৮৪৪নং)

### উপকারীর কৃতজ্ঞতা না করা হতে ভীতি-প্রদর্শন

(৪২৭) হযরত জাবের رضي الله عنه হতে বর্ণিত, নবী ﷺ বলেন, যে ব্যক্তিকে কোন উপহার দান করা হয় সে ব্যক্তির উচিত, দেওয়ার মত কিছু পেলে তা দিয়ে তার প্রতিদান (প্রত্যুপহার) দেওয়া। দেওয়ার মত কিছু না পেলে দাতার প্রশংসা করা উচিত। কারণ, যে ব্যক্তি (দাতার) প্রশংসা করে সে তার কৃতজ্ঞতা (বা শুকরিয়া) আদায় করে দেয়, যে ব্যক্তি (উপহার) গোপন করে (প্রতিদান দেয় না বা শুকর আদায় করে না) সে কৃতঘ্নতা (বা নাশুকরী) করে। আর যে ব্যক্তি এমন কিছু প্রকাশ করে যা তাকে দেওয়া হয়নি সে ব্যক্তি দু’টি মিথ্যা লেবাস পরিধানকারীর মত। (তিরমিযী, আবু দাউদ, ইবনে মাজাহ, ইবনে হিব্বান, সহীহ তারগীব ৯৫৪নং)

❀ মিথ্যা জাঁক ও ঠাটবাট ঘৃণ্য কাজ। আলেম না হয়েও আলেমের লেবাস পরলে, শিক্ষিত না হয়েও শিক্ষিতের বেশ ধারণ করলে, অথবা যে যা নয় সে তা মিথ্যারূপে ভাবে-ভঙ্গিমায় প্রকাশ করলে মিথ্যা দুই লেবাস পরা হয়।

(৪২৮) হযরত আশআয বিন কাইস رضي الله عنه হতে বর্ণিত, আল্লাহর রসূল ﷺ বলেন, “যে ব্যক্তি (উপকারী) মানুষের শুকর করল না, সে আল্লাহর শুকর করল না।”







মিস্বরে চড়ে। প্রথম ধাপে চড়েই বললেন, “আমীনা” অতঃপর দ্বিতীয় ধাপে চড়ে বললেন, “আমীন” অনুরূপ তৃতীয় ধাপেও চড়ে বললেন, “আ-মীন।” অতঃপর তিনি (এর রহস্য ব্যক্ত করে) বললেন, “আমার নিকট জিবরীল উপস্থিত হয়ে বললেন, ‘হে মুহাম্মাদ! যে ব্যক্তি রমযান পেল অথচ পাপমুক্ত হতে পারল না আল্লাহ তাকে দূর করেন।’ তখন আমি (প্রথম) ‘আ-মীন’ বললাম। তিনি আবার বললেন, ‘যে ব্যক্তি তার পিতা-মাতাকে অথবা তাদের একজনকে জীবিতাবস্থায় পেল অথচ তাকে দোযখে যেতে হবে, আল্লাহ তাকেও দূর করুন।’ এতে আমি (দ্বিতীয়) ‘আ-মীন’ বললাম। অতঃপর তিনি বললেন, ‘যার নিকট আপনার (নাম) উল্লেখ করা হয় অথচ সে আপনার উপর দরুদ পাঠ করে না, আল্লাহ তাকেও দূর করুন।’ এতে আমি (তৃতীয়) ‘আমীন’ বললাম।” (ইবনে হিব্বান, সহীহ তারগীব ৯৮২ নং)

(৪৩৯) হযরত আবু হুরাইরা رضي الله عنه কর্তৃক বর্ণিত, আল্লাহর রসূল ﷺ বলেন, “রমযান উপস্থিত হলে জান্নাতের দ্বারসমূহকে উন্মুক্ত করা হয়, দোযখের দ্বারসমূহকে রুদ্ধ করে দেওয়া হয় আর সকল শয়তানকে করা হয় শৃঙ্খলিত।” (বুখারী ১৮৯৯, মুসলিম ১০৭৯)

(৪৪০) উক্ত আবু হুরাইরা رضي الله عنه হতে বর্ণিত, নবী ﷺ বলেন, “রমযান মাসের প্রথম রাত্রি যখন আগত হয় তখন সকল শয়তান ও অবাধ্য জিনদেরকে শৃঙ্খলাবদ্ধ করা হয়, জাহান্নামের সকল দরজা বন্ধ করা হয়, সুতরাং তার একটি দরজাও খোলা হয় না। পরন্তু জান্নাতের সকল দরজা খুলে রাখা হয়, সুতরাং তার একটি দরজাও বন্ধ রাখা হয় না। আর একজন আহ্বানকারী এই বলে আহ্বান করে, ‘হে মঙ্গলকামী! তুমি অগ্রসর হও। আর হে মন্দকামী! তুমি পিছে হটো (ক্ষান্ত হও)। আল্লাহর জন্য রয়েছে দোযখ থেকে মুক্তিপ্রাপ্ত ব্যক্তিবর্গ (সম্ভবতঃ তুমিও তাদের দলভুক্ত হতে পার)।’ এরূপ আহ্বান প্রত্যেক রাত্রেই হতে থাকে।” (তিরমিযী, ইবনে মাজাহ, ইবনে খুযাইমাহ, বাইহাকী, সহীহ তারগীব ৯৮৪ নং)

(৪৪১) হযরত আনাস বিন মালেক رضي الله عنه প্রমুখাৎ বর্ণিত, তিনি বলেন, রমযান উপস্থিত হলে আল্লাহর রসূল ﷺ বললেন, “এই মাস তোমাদের নিকট উপস্থিত হয়েই গেল। এই মাসে এমন একটি রাত্রি রয়েছে যা হাজার মাস অপেক্ষা শ্রেষ্ঠতর। যে ব্যক্তি ঐ রাত্রের সওয়াব থেকে বঞ্চিত হল, সে যেন সর্বপ্রকার কল্যাণ থেকেই বঞ্চিত থেকে গেল। আর একান্ত চিরবঞ্চিত ছাড়া ঐ রাত্রের কল্যাণ থেকে অন্য কেউ বঞ্চিত হয় না।” (ইবনে মাজাহ, সহীহ তারগীব ৯৮৬)

(৪৪২) হযরত আবু উমামাহ رضي الله عنه হতে বর্ণিত, নবী ﷺ বলেন, “প্রত্যহ ইফতারী করার সময় আল্লাহ বহু মানুষকেই দোযখ থেকে মুক্তিদান করে থাকেন।” (আহমাদ, আব্বারানী, বাইহাকী, সহীহ তারগীব ৯৮৭ নং)

(৪৪৩) হযরত আবু সাঈদ খুদরী ؓ কর্তৃক বর্ণিত, আল্লাহর রসূল ﷺ বলেছেন, “নিশ্চয়ই (রমযানের) দিবারাতে আল্লাহর জন্য রয়েছে বহু (দোযখ থেকে) মুক্তিপ্রাপ্ত ব্যক্তিবর্গ (যাদেরকে তিনি মুক্ত করে থাকেন)। আর মুসলিমের জন্য রয়েছে প্রত্যহ দিবারাতে গ্রহণ (কবুল) যোগ্য দুআ। (প্রার্থনা করলে মঞ্জুর হয়ে থাকে।) (বায়যার, সহীহ তারগীব ৯৮৮ নং)

## বিনা ওজরে রমযানের রোযা নষ্ট করা হতে ভীতি- প্রদর্শন

(৪৪৪) হযরত আবু উমামাহ বাহেলী ؓ কর্তৃক বর্ণিত, আল্লাহর রসূল ﷺ বলেছেন যে, “একদা আমি ঘুমিয়ে ছিলাম; এমন সময় (স্বপ্নে) আমার নিকট দুই ব্যক্তি উপস্থিত হলেন। তাঁরা আমার উভয় বাহুর উপাংশে ধরে আমাকে এক দুর্গম পাহাড়ের নিকট উপস্থিত করলেন এবং বললেন, ‘আপনি এই পাহাড়ে চড়ুন।’ আমি বললাম, ‘এ পাহাড়ে চড়তে আমি অক্ষম।’ তাঁরা বললেন, ‘আমরা আপনার জন্য চড়া সহজ করে দেব।’ সুতরাং আমি চড়ে গেলাম। অবশেষে যখন পাহাড়ের চূড়ায় গিয়ে পৌঁছলাম তখন বেশ কিছু চিংকার-ধ্বনি শুনতে পেলাম। আমি জিজ্ঞাসা করলাম ‘এ চিংকার-ধ্বনি কাদের?’ তাঁরা বললেন, ‘এ হল জাহান্নামবাসীদের চিংকার-ধ্বনি।’ পুনরায় তাঁরা আমাকে নিয়ে চলতে লাগলেন। হঠাৎ দেখলাম একদল লোক তাদের পায়ের গোড়ালির উপর মোটা শিরায় (বাঁধা অবস্থায়) লটকানো আছে, তাদের কশগুলো কেটে ও ছিঁড়ে আছে এবং কশবেয়ে রক্তও বারছে। নবী ﷺ বলেন, আমি বললাম, ‘ওরা কারা?’ তাঁরা বললেন, ‘ওরা হল তারা; যারা সময় হওয়ার পূর্বে-পূর্বেই ইফতার করে নিত---।’ (ইবনে খুযাইমাহ, ইবনে হিব্বান, হাকেম, সহীহ তারগীব ৯৯১ নং)

❀ সুতরাং যারা রোযা মোটেই রাখে না অথবা ইচ্ছাকৃত ত্যাগ করে তাদের শাস্তি কি তা অনুমেয়।

## রোযা রেখে গীবত করা, অশ্লীল ও মিথ্যা বলা প্রভৃতি হতে ভীতি-প্রদর্শন

(৪৪৫) হযরত আবু হুরাইরা ؓ হতে বর্ণিত, নবী ﷺ বলেন, “যে (রোযাদার) মিথ্যা কথা এবং অসার কর্ম ত্যাগ করে না, তার পানাহার ত্যাগে আল্লাহর কোন প্রয়োজন নেই।” (বুখারী ১৯০৩নং, আসহাবে সুনান)

## শওযালের ছয় রোযার মাহাত্ম্য

(৪৪৬) হযরত আবু আইযুব رضي الله عنه হতে বর্ণিত, তিনি বলেন, আল্লাহর রসূল صلى الله عليه وسلم বলেছেন, যে ব্যক্তি রমযানের রোযা রাখার পরে-পরেই শওযাল মাসে ছয়টি রোযা পালন করে, সে ব্যক্তির পূর্ণ বৎসরের রোযা রাখার সমতুল্য সওয়াব লাভ হয়।” (মুসলিম ১১৬৪ নং, আবু দাউদ, তিরমিযী, নাসাঈ, ইবনে মাজাহ)

## অহাজীর জন্য আরাফার দিনে রোযা রাখার ফযীলত

(৪৪৭) হযরত আবু ক্বাতাদাহ رضي الله عنه হতে বর্ণিত, তিনি বলেন, আল্লাহর রসূল صلى الله عليه وسلم কে আরাফার দিনে রোযা সম্পর্কে জিজ্ঞাসা করা হলে তিনি বললেন, “(উক্ত রোযা) গত এক বছরের এবং আগামী এক বছরের কৃত পাপরাশিকে মোচন করে দেয়।” (মুসলিম ১১৬২ নং, আবু দাউদ, তিরমিযী, নাসাঈ, ইবনে মাজাহ)

(৪৪৮) হযরত সাহল বিন সা’দ رضي الله عنه হতে বর্ণিত, তিনি বলেন আল্লাহর রসূল صلى الله عليه وسلم বলেন, “যে ব্যক্তি আরাফার দিন রোযা রাখে তার উপর্যুপরি দুই বৎসরের পাপরাশি মাফ হয়ে যায়।” (আবু য্যা’লা, সহীহ তারগীব ৯৯৮-নং)

## মুহার্রম মাসে রোযা রাখার গুরুত্ব

(৪৪৯) হযরত আবু হুরাইরা رضي الله عنه হতে বর্ণিত, তিনি বলেন, আল্লাহর রসূল صلى الله عليه وسلم বলেছেন, “রমযান মাসের রোযার পরে পরেই শ্রেষ্ঠ রোযা হল আল্লাহর মাস মাহর্রমের রোযা। আর ফরয নামাযের পরে পরেই শ্রেষ্ঠ নামায হল রাত্রের (তাহাজ্জুদের) নামায।” (মুসলিম ১১৬৩ নং, আবু দাউদ, নাসাঈ, ইবনে মাজাহ)

## আশুরার রোযার ফযীলত

(৪৫০) হযরত আবু ক্বাতাদাহ رضي الله عنه হতে বর্ণিত, তিনি বলেন, আল্লাহর রসূল صلى الله عليه وسلم আশুরার (১০ই মুহার্রামের) দিন রোযা রাখা প্রসঙ্গে জিজ্ঞাসিত হলে তিনি বললেন, “(উক্ত রোযা) বিগত এক বছরের পাপরাশি মোচন করে দেয়।” (মুসলিম ১১৬২, প্রমুখ)

(৪৫১) হযরত ইবনে আক্বাস رضي الله عنه প্রমুখাৎ বর্ণিত, তিনি বলেন, ‘আল্লাহর রসূল صلى الله عليه وسلم রমযানের রোযার পর আশুরার দিন ছাড়া কোন দিনকে অন্য দিন অপেক্ষা মাহাত্ম্যপূর্ণ মনে করতেন না।’ (ত্বাবারানী আওসাত, সহীহ তারগীব ১০০৬ নং)

❀ ইবনে আক্বাস رضي الله عنه বলেন, মহানবী صلى الله عليه وسلم যখন মক্কা থেকে হিজরত করে মদীনায

এলেন, তখন দেখলেন, ইয়াহুদীরা আশুরার দিনে রোযা পালন করছে। তিনি তাদেরকে জিজ্ঞাসা করলেন, “এটা কি এমন দিন যে, তোমরা এ দিনে রোযা রাখছ?” ইয়াহুদীরা বলল, ‘এ এক উত্তম দিন। এ দিনে আল্লাহ বানী ইসরাঈলকে তাদের শত্রু থেকে পরিত্রাণ দিয়েছিলেন। তাই মুসা এরই কৃতজ্ঞতা জ্ঞাপনের উদ্দেশ্যে এই দিনে রোযা পালন করেছিলেন। (আর সেই জন্যই আমরাও এ দিনে রোযা রেখে থাকি।)’

এ কথা শুনে মহানবী ﷺ বললেন, “মুসার স্মৃতি পালন করার ব্যাপারে তোমাদের চাইতে আমি অধিক হকদার।” সুতরাং তিনি ঐ দিনে রোযা রাখলেন এবং সকলকে রোযা রাখতে আদেশ দিলেন। (বুখারী ২০০৪, মুসলিম ১১৩০নং)

অবশ্য যে ব্যক্তি আশুরার রোযা রাখবে তার জন্য তার একদিন আগে (৯ তারীখে)ও একটি রোযা রাখা সুন্নত। যেহেতু ইবনে আব্বাস ﷺ বলেন, আল্লাহর রসূল ﷺ যখন আশুরার রোযা রাখলেন এবং সকলকে রাখার আদেশ দিলেন, তখন লোকেরা বলল, ‘হে আল্লাহর রসূল! এ দিনটিকে তো ইয়াহুদ ও নাসারারা তা’যীম করে থাকে।’ তিনি বললেন, “তাহলে আমরা আগামী বছরে ৯ তারীখেও রোযা রাখব ইনশাআল্লাহ।” কিন্তু আগামী বছর আসার আগেই আল্লাহর রসূল ﷺ-এর ইত্তিকাল হয়ে গেল। (মুসলিম ১১৩৪, আবু দাউদ ২৪৪৫নং)

ইবনে আব্বাস ﷺ বলেন, ‘তোমরা ৯ ও ১০ তারীখে রোযা রাখা’ (বাইহাকী ৪/২৮-৭, আব্দুর রায়যাক ৭৮-৩৯নং)

পক্ষান্তরে “তোমরা এর একদিন আগে বা একদিন পরে একটি রোযা রাখ” -এই হাদীসে সহীহ নয়। (ইবনে খুযাইমা ২০৯৫নং, আলবানীর টীকা দ্রঃ) তদনুরূপ সহীহ নয় “তোমরা এর একদিন আগে একটি এবং একদিন পরেও একটি রোযা রাখ” - এই হাদীস। (যাদুল মাআদ ২/৭৬ টীকা দ্রঃ)

বলা বাহুল্য, ৯ ও ১০ তারীখেই রোযা রাখা সুন্নত। পক্ষান্তরে কেবল ১০ তারীখে রোযা রাখা মকরুহ। (ইবনে বায, ফাতাওয়া ইসলামিয়াহ ২/১৭০) যেহেতু তাতে ইয়াহুদীদের সাদৃশ্য সাধন হয় এবং তা মহানবী ﷺ-এর আশার প্রতিকূল। অবশ্য কেউ কেউ বলেন, ‘মকরুহ নয়। তবে কেউ একদিন (কেবল আশুরার দিন) রোযা রাখলে পূর্ণ সওয়াবের অধিকারী হবে না।’

জ্ঞাতব্য যে, হুসাইন ﷺ-এর এই দিনে শহীদ হওয়ার সাথে এ রোযার কোন নিকট অথবা দূরতম কোন সম্পর্ক নেই। কারণ, তার পূর্বে মহানবী ﷺ; বরং তাঁর পূর্বে মুসা নবী ﷺ এই দিনে রোযা রেখে গেছেন। আর এই দিনে শিয়া সম্প্রদায় যে মাতম ও শোক পালন, মুখ ও বুক চিরে, গালে থাপর মেরে, চুল-জামা ছিড়ে, পিঠে চাবুক মেরে আত্মপ্রহার ইত্যাদি করে থাকে, তা জঘন্যতম বিদআত। সুন্নহতে এ সবার কোন ভিত্তি নেই।







হয় না, তাদের জন্য তা হালাল কি?

### হজ্জ ও কুরবানী অধ্যায়

#### যুলহজ্জের প্রথম দশদিনের মাহাত্ম্য

(৪৬২) হযরত ইবনে আব্বাস رضي الله عنه কর্তৃক বর্ণিত, আল্লাহর রসূল ﷺ বলেছেন, “এই (যুলহজ্জ মাসের) দশটি দিন ছাড়া এমন কোন অন্য দিন নেই, যেদিনের নেক আমল আল্লাহ আয্যা অজাল্লার নিকট অধিক পছন্দনীয়।” লোকেরা বলল, ‘হে আল্লাহর রসূল! (অন্যান্য দিনে) আল্লাহর রাস্তায় জিহাদ করাও কি নয়?’ তিনি বললেন, “আল্লাহর রাস্তায় জিহাদ করাও নয়। তবে (হ্যাঁ, সেই ব্যক্তির আমল ঐ দিনগুলিতে আমলের চেয়েও শ্রেষ্ঠতর হবে), যে ব্যক্তি নিজের জান ও মাল নিয়ে বের হয়ে যায়, অতঃপর তার কিছুই নিয়ে সে আর ফিরে আসে না।” (বুখারী ৯৬৯নং, প্রমুখ)

#### সামর্থ্য থাকা সত্ত্বেও কুরবানী না করা হতে ভীতি- প্রদর্শন

আল্লাহ তাআলা বলেন,

( )

অর্থাৎ, অতএব তুমি নামায পড় তোমার প্রতিপালকের উদ্দেশ্যে এবং কুরবানী করা। (সূরা আসর ২ আয়াত)

(৪৬৩) হযরত আবু হুরাইরা رضي الله عنه হতে বর্ণিত, আল্লাহর রসূল ﷺ বলেন, “যে ব্যক্তি সামর্থ্য রাখা সত্ত্বেও কুরবানী করে না সে ব্যক্তি যেন আমাদের ঈদগাহে উপস্থিত না হয়। (হাফেজ, সহীহ তারগীব ১০৭২নং)

#### হজ্জ ও উমরার ফযীলত

(৪৬৪) হযরত আবু হুরাইরা رضي الله عنه কর্তৃক বর্ণিত, তিনি বলেন, আল্লাহর রসূল ﷺ-কে জিজ্ঞাসা করা হল, ‘কোন আমল সর্বশ্রেষ্ঠ? তিনি উত্তরে বললেন, “আল্লাহ ও তদীয় রসূলের প্রতি ঈমান (বিশ্বাস)। বলা হল, ‘অতঃপর কোনটি? তিনি বললেন, “আল্লাহর রাস্তায় জিহাদ।” বলা হল ‘অতঃপর কোনটি? তিনি বললেন, “গৃহীত (আল্লাহর নিকট কবুল হয় এমন) হজ্জ।” (বুখারী ২৬, ১৫১৯ নং, মুসলিম ৮৩ নং)

(৪৬৫) উক্ত আবু হুরাইরা رضي الله عنه হতেই বর্ণিত, আল্লাহর রসূল صلى الله عليه وسلم বলেন, “যে ব্যক্তি আল্লাহর সন্তুষ্টিলাভের উদ্দেশ্যে হজ্জ করতে যায় ও তাতে কোন প্রকারের যৌনাচার ও পাপাচরণ করে না, সে ব্যক্তি সেই দিনকার মত নিষ্পাপ হয়ে বাড়ি ফিরে আসে যেদিন তার মা তাকে ভূমিষ্ঠ করেছিল।” (বুখারী ১৫২১ নং, মুসলিম ১৩৫০ নং)

(৪৬৬) উক্ত আবু হুরাইরা رضي الله عنه হতেই বর্ণিত, আল্লাহর রসূল صلى الله عليه وسلم বলেন, “এক উমরাহ অপরাহ উমরাহ পর্যন্ত সময়ে সংঘটিত পাপরাশির কাফ্ফারাহ। আর গৃহীত হজ্জের বিনিময় জান্নাত বই কিছু নয়।” (বুখারী ১৭৭৩, মুসলিম ১৩৪৯ নং)

(৪৬৭) হযরত ইবনে আক্বাস رضي الله عنه হতে বর্ণিত, আল্লাহর রসূল صلى الله عليه وسلم বলেন, “তোমরা হজ্জকে উমরাহ ও উমরাহকে হজ্জের অনুগামী কর। (অর্থাৎ হজ্জ করলে উমরাহ ও উমরাহ করলে হজ্জ কর।) কারণ, হজ্জ ও উমরাহ উভয়েই দারিদ্র ও পাপরাশিকে সেইরূপ দূরীভূত করে যে রূপ (কামারের) হাপর লোহার ময়লাকে দূরীভূত করে ফেলে।” (সহীহ নাসাঈ ২৪৬৭ নং)

(৪৬৮) হযরত জাবের رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “হজ্জ ও উমরাহকারিগণ আল্লাহর বিশেষ প্রতিনিধিদল (অতিথি)। আল্লাহ তাদেরকে (কা’বা শরীফ যিয়ারতের জন্য) আহবান করলে তারা সারা দিয়ে (উপস্থিত হয়ে) থাকে। আর তারা তাঁর নিকট চাইলে তিনি তাদেরকে দান করে থাকেন।” (বায়যার, সিলসিলাহ সহীহাহ ১৮২০ নং, সহীহুল জামে ৩১৭৩ নং)

(৪৬৯) হযরত আয়েশা (রাঃ) কর্তৃক বর্ণিত, একদা তিনি বললেন, ‘হে আল্লাহর রসূল! আমরা দেখছি, জিহাদ হল সর্বশ্রেষ্ঠ আমল। অতএব আমরা (মহিলারা) কি জিহাদ করব না?’ উত্তরে তিনি বললেন, “না। সর্বশ্রেষ্ঠ জিহাদ হল, গৃহীত হজ্জ।” (বুখারী ১৫২০নং)

## সামর্থ্য থাকা সত্ত্বেও হজ্জ না করা হতে ভীতি- প্রদর্শন

মহান আল্লাহ বলেন,

﴿وَلِلَّهِ عَلَى النَّاسِ حُجُّ الْبَيْتِ مَنِ اسْتَطَاعَ إِلَيْهِ سَبِيلًا وَمَنْ كَفَرَ فَإِنَّ اللَّهَ غَنِيٌّ عَنِ الْعَالَمِينَ﴾

অর্থাৎ, মানুষের মধ্যে যার মক্কায় যাওয়ার সামর্থ্য আছে তার পক্ষে আল্লাহর উদ্দেশ্যে ঐ (কা’বা) গৃহের হজ্জ করা ফরয। আর যে তা অস্বীকার করবে সে জেনে রাখুক যে, আল্লাহ জগতের উপর নির্ভরশীল নন। (সূরা আ-লে ইমরান ৯৭ আয়াত)

(৪৭০) হযরত আবু সাঈদ খুদরী رضي الله عنه হতে বর্ণিত, নবী صلى الله عليه وسلم বলেছেন, আল্লাহ তাআলা বলেন, “যে বান্দাকে আমি দৈহিক সুস্থতা দিয়েছি এবং আর্থিক প্রাচুর্য দান করেছি, অতঃপর তার পাঁচ বছর অতিবাহিত হয়ে যায় অথচ আমার দিকে (হজ্জব্রত

পালন করতে) আগমন করে না, সে অবশ্যই বঞ্চিত।” (ইবনে হিব্বান ৩৬৯নং, বাইহাকী ৫/২৬২, আবু য্যা'না ১০৩১নং, সিলসিলাহ সহীহাহ ১৬৬২নং)

### তালবিয়্যাহ পড়ার ফযীলত

(৪৭১) হযরত সাহল বিন সা'দ ؓ প্রমুখাৎ বর্ণিত, আল্লাহর রসূল ﷺ বলেন, “যখনই কোন মুসলিম তালবিয়্যাহ পাঠ করে তখনই (তার সাথে) তার ডানে ও বামের পাথর, গাছপালা ও (পাথুরে) মাটি প্রত্যেকেই তালবিয়্যাহ পড়ে থাকে; এমন কি পূর্ব ও পশ্চিম হতে পৃথিবীর শেষ সীমান্তও (তালবিয়্যাহ পাঠ করে থাকে।)” (সহীহ তিরমিযী ৬৬২ নং, সহীহ ইবনে মাজাহ ২৩৬৩ নং)

❀ ‘তালবিয়্যাহ’ হল ইহরাম বাঁধার পর ‘লাকাইকা আল্লাহুম্মা---’ দুআ পড়া।

### আরাফাতে অবস্থানের গুরুত্ব

(৪৭২) হযরত আয়েশা কর্তৃক বর্ণিত, আল্লাহর রসূল ﷺ বলেন, “আরাফার দিন অপেক্ষা আর এমন কোন দিন নেই, যেদিনে আল্লাহ আয্যা অজাল্লা বান্দাদেরকে দোযখ হতে অধিকরূপে মুক্তি দিয়ে থাকেন। তিনি এদিনে (বান্দাদের) নিকটবর্তী হন, অতঃপর তাদেরকে নিয়ে ফিরিশ্বামন্ডলীর নিকট গর্ব করে বলেন, ‘ওরা কি চায়?’ (মুসলিম ১৩৪৮ নং)

### হাজরে আসওয়াদ চুম্বন বা স্পর্শ ও রুকনে য়ামানী স্পর্শ করার ফযীলত

(৪৭৩) হযরত আব্দুল্লাহ বিন আমর ؓ হতে বর্ণিত, তিনি বলেন, আমি আল্লাহর রসূল ﷺ এর নিকট শুনেছি, তিনি বলেছেন, “হাজরে আসওয়াদ ও মাকামে ইবরাহীম জান্নাতের পদারাগরাজির দুই পদারাগ। আল্লাহ এ দু'য়ের নূর (প্রভা)কে নিষ্প্রভ করে দিয়েছেন। যদি উভয়মণির প্রভাকে তিনি নিষ্প্রভ না করতেন তাহলে উদয় ও অস্তাচল (দিগদিগন্ত)কে উভয়ে জ্যোতির্ময় করে রাখত।” (সহীহ তিরমিযী ৬৯৬ নং, সহীহুল জামে ১৬৩৩ নং)

(৪৭৪) হযরত ইবনে আব্বাস ؓ কর্তৃক বর্ণিত, তিনি বলেন, আল্লাহর রসূল ﷺ বলেছেন, “অবশ্যই এই পাথর (হাজরে আসওয়াদ) কিয়ামতের দিন উপস্থিত হবে; এর হবে দুটি চক্ষু, যদ্বারা সে দর্শন করবে। এর হবে জিহ্বা, যদ্বারা সে কথা বলবে; সেদিন সেই ব্যক্তির জন্য সাক্ষ্য দান করবে যে ব্যক্তি যথার্থরূপে তাকে চুম্বন বা স্পর্শ করবে।” (তিরমিযী, ইবনে মাজাহ, দারেমী, ইবনে খুযাইমাহ ২৩৮২ নং)

(৪৭৫) হযরত ইবনে উমর ؓ হতে বর্ণিত, নবী ﷺ বলেন, “(হাজরে আসওয়াদ ও রুকনে য়ামানী) উভয়কে স্পর্শ পাপ মোচন করে।” (নাসাঈ, ইবনে খুযাইমাহ,

সহীহ নাসাঈ ২৭৩২ নং)

### তওয়াফের মাহাত্ম্য

(৪৭৬) হযরত আব্দুল্লাহ বিন উমার ؓ হতে বর্ণিত, আল্লাহর রসূল ﷺ বলেন, “যে ব্যক্তি কা’বাগৃহের তওয়াফ করে দুই রাকআত নামায পড়ে, সে ব্যক্তির একটি ক্রীতদাস মুক্ত করার সমপরিমাণ সওয়াব লাভ হয়।” (সহীহ ইবনে মাজাহ ২৩৯৩ নং, সিলসিলাহ সহীহাহ ২৭২৫ নং)

(৪৭৭) উক্ত ইবনে উমার ؓ হতেই বর্ণিত, নবী ﷺ বলেন, “সাত চক্র তওয়াফ করার সওয়াব একটি ক্রীতদাস স্বাধীন করার সমান।” (ইবনে খুযাইমাহ, সহীহ নাসাঈ ২৭৩২ নং)

### মুযদালিফায় অবস্থানের ফযীলত

(৪৭৮) হযরত বিলাল বিন রাবাহ ؓ হতে বর্ণিত, নবী ﷺ মুযদালিফার প্রভাতে তাঁকে বললেন, “হে বিলাল! জনমন্ডলীকে নীরব হতে আদেশ করা।” অতঃপর তিনি বলেন, “অবশ্যই আল্লাহ তোমাদের এই (মুযদালিফার) অবস্থান ক্ষেত্রে তোমাদের উপর অনুগ্রহ বর্ষণ করেছেন। ফলে তোমাদের মধ্যে সংশীলব্যক্তির কারণেই গোনাহগারকে প্রদান করেছেন (বহু কিছু)। আর সংশীল লোকদেরকে তাই প্রদান করেছেন যা তারা তাঁর নিকট প্রার্থনা করেছে। আল্লাহর নাম নিয়ে (মিনার দিকে) যাত্রা শুরু করা।” (ইবনে মাজাহ, সিলসিলাহ সহীহাহ ১৬২৪ নং)

### রমযানে উমরাহ করার গুরুত্ব

(৪৭৯) হযরত ইবনে আক্বাস ؓ হতে বর্ণিত, নবী ﷺ আনসার গোত্রের উম্মে সিনান নাম্নী এক মহিলাকে বললেন, “আমাদের সাথে হজ্জ করতে তোমাকে কে বাধা দিল?” মহিলাটি বলল, ‘অমূকের বাপের (স্বামীর) মাত্র দুটি সেচনকারী উট ছিল; তার মধ্যে একটি নিয়ে ওরা বাপ-বেটায় হজ্জ গিয়েছিল। আর অপরটি দিয়ে আমাদের এক খেজুর বাগান সেচতে হচ্ছিল। (তাই আমার সওয়ার হয়ে যাওয়ার মত আর উট ছিল না।) তিনি বললেন, “তাহলে রমযানে একটি উমরাহ একটি হজ্জের অথবা আমার সাথে একটি হজ্জ করার সমান সওয়াব রয়েছে। (অতএব তা তুমি করে ফেল।)” (মুসলিম ১২৫৬ নং)

### হজ্জ বা উমরায় কেশ মুন্ডন করার ফযীলত

(৪৮০) হযরত আবু হুরাইরা ؓ প্রমুখাৎ বর্ণিত, আল্লাহর রসূল ﷺ (হজ্জের সময়

দুআ করে) বললেন, “হে আল্লাহ! কেশমুন্ডনকারীদেরকে তুমি ক্ষমা করা।” সকলে বলল, ‘হে আল্লাহর রসূল! আর কেশকর্তন-কারীদেরকে?’ তিনি বললেন, “হে আল্লাহ! কেশমুন্ডনকারীদেরকে তুমি ক্ষমা করা।” লোকেরা বলল, ‘হে আল্লাহর রসূল! আর কেশ কর্তনকারী-দেরকে?’ তিনি পনুরায় বললেন, “হে আল্লাহ! কেশমুন্ডনকারীদেরকে তুমি ক্ষমা করা।” লোকেরা বলল, ‘হে আল্লাহর রসূল! আর কেশকর্তন-কারীদেরকে?’ এবারে তিনি বললেন, “আর কেশকর্তনকারীদেরকেও (ক্ষমা করা)।” (বুখারী ১৭২৮ নং, মুসলিম ১৩০২ নং)

### যমযমের পানির মাহাত্ম্য

(৪৮১) হযরত জাবের বিন আব্দুল্লাহ ؓ কর্তৃক বর্ণিত, তিনি বলেন, আমি আল্লাহর রসূল ﷺ এর নিকট শুনেছি, তিনি বলেন, “যমযমের পানি যে নিয়তে পান করা হবে সে নিয়ত পূর্ণ হওয়ায় ফলপ্রসূ।” (সহীহ ইবনে মাজাহ ২৮৮৪ নং, ইরওয়াউল গালীল ১১২৩ নং)

(৪৮২) হযরত আবু যার্ব ؓ হতে বর্ণিত, নবী ﷺ বলেন, “নিশ্চয় তা (যমযমের পানি) বর্কতপূর্ণ। তা তৃপ্তিকর খাদ্য এবং রোগনিরাময়ের ঔষধ।” (ত্বাবরানী, বাযযার, সহীহুল জামে’ ২৪৩৫ নং)

### তিন মসজিদ ও তাতে নামায পড়ার ফযীলত

(৪৮৩) হযরত আবু হুরাইরা ؓ প্রমুখাৎ বর্ণিত, আল্লাহর রসূল ﷺ বলেন, “তিন মসজিদ ছাড়া অন্য কোন (স্থানের বর্কতলাভ বা যিয়ারতের) উদ্দেশ্যে সফর করা যাবে না; আমার মসজিদ (মদীনা শরীফে মসজিদে নববী), মসজিদুল হারাম (কা’বা শরীফ) ও মসজিদে আকসা (প্যাঁলেষ্টাইনের জেরুজালেমের মসজিদ)।” (বুখারী ১৯৯৫, মুসলিম ১৩৯৭ নং)

(৪৮৪) উক্ত আবু হুরাইরা ؓ হতে বর্ণিত, আল্লাহর রসূল ﷺ বলেন, “আমার এই মসজিদে (নববীতে) একটি নামায মসজিদুল হারাম ছাড়া অন্যান্য মসজিদে এক হাজার নামায অপেক্ষা উত্তম।” (মুসলিম ১৩৯৫ নং)

(৪৮৫) হযরত জাবের ؓ কর্তৃক বর্ণিত, তিনি বলেন, আল্লাহর রসূল ﷺ বলেছেন, “আমার মসজিদে একটি নামায মসজিদে হারাম ছাড়া অন্যান্য মসজিদে এক হাজার নামায অপেক্ষা শ্রেষ্ঠ। আর মসজিদে হারামে (কা’বার মসজিদে) একটি নামায অন্যান্য মসজিদে এক লক্ষ নামায অপেক্ষা শ্রেষ্ঠ।” (আহমাদ, বাইহাকী, সহীহুল জামে’ ৩৮৩৮ নং)

(৪৮৬) হযরত আব্দুল্লাহ বিন আমর ؓ হতে বর্ণিত, আল্লাহর রসূল ﷺ বলেন, “সুলাইমান বিন দাউদ (আলাইহিমাস সালাম) যখন বায়তুল মাক্বদিস নির্মাণ করেন,

তখন তিনি আল্লাহ আযযা অজাল্লার নিকট তিনটি বিষয় প্রার্থনা করলেন; তিনি আল্লাহ আযযা অজাল্লার নিকট এমন বিচার মীমাংসা প্রার্থনা করলেন যা তাঁর মীমাংসার অনুরূপ হয়। তাঁকে তাই দেওয়া হল। তিনি আল্লাহ আযযা অজাল্লার নিকট এমন সাম্রাজ্য চাইলেন যা তাঁর পরে যেন কেউ পেতে না পারে। তাই তাঁকে প্রদান করা হল। আর তিনি যখন মসজিদ নির্মাণ শেষ করলেন, তখন আল্লাহ আযযা অজাল্লার নিকট প্রার্থনা করলেন যে, যে ব্যক্তি কেবলমাত্র নামাযের উদ্দেশ্যেই ঐ মসজিদে উপস্থিত হবে, সে ব্যক্তি যেন ঐ দিনকার মত নিষ্পাপ হয়ে ফিরে আসে; যেদিন তার মা তাকে প্রসব করেছিল।” (নাসাঈ, ইবনে মাজাহ ১৪০৮ নং, সহীহ নাসাঈ ৬৬৯ নং)

### কুবার মসজিদে নামায পড়ার ফযীলত

(৪৮৭) হযরত সাহল বিন হুনাইফ رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “যে ব্যক্তি (স্বগৃহ হতে ওয়ূ করে) বের হয়ে এই মসজিদে (কুবার) উপস্থিত হয়ে নামায আদায় করে, সে ব্যক্তির একটি উমরাহ আদায় করা সমান সওয়াব লাভ হয়।” (নাসাঈ, ইবনে মাজাহ ১৪১২ নং, সহীহ নাসাঈ ৬৭৫ নং)

(৪৮৮) হযরত উসাইদ বিন হুযাইর رضي الله عنه হতে বর্ণিত, নবী صلى الله عليه وسلم বলেন, কুবার মসজিদে নামায পড়ার সওয়াব একটি উমরাহ করার সমতুল্য।” (আহমাদ, তিরমিযী, বাইহাক্বী, হাকেম, সহীহুল জামে’ ৩৮৭২ নং)

### মক্কা মুকারামার মাহাত্ম্য

মহান আল্লাহ বলেন,

﴿ إِنَّ أَوَّلَ بَيْتٍ وُضِعَ لِلنَّاسِ لَلَّذِي بِبَكَّةَ مُبَارَكًا وَهُدًى لِّلْعَالَمِينَ ﴿١٢٥﴾ فِيهِ آيَاتٌ بَيِّنَاتٌ مَّقَامُ إِبْرَاهِيمَ ۚ وَمَنْ دَخَلَهُ كَانَ آمِنًا ۚ ﴾

অর্থাৎ, নিশ্চয় মানব জাতির জন্য সর্বপ্রথম যে গৃহ প্রতিষ্ঠিত হয়েছে তা তো বাক্কা (মক্কা)র (কা’বা গৃহ)। উহা আশিসপ্রাপ্ত ও বিশ্বজগতের দিশারী। ওতে বহু সুস্পষ্ট নিদর্শন রয়েছে; (যেমন) মাকামে ইবরাহীম (পাথরের উপর ইবরাহীমের দাঁড়ানোর পদচিহ্ন)। আর যে কেউ সেখানে প্রবেশ করে সে নিরাপদ। (সূরা আলে ইমরান ৯৬-৯৭ আয়াত)

﴿ وَمَنْ يَرُدْ فِيهِ بِالْحَادِ بِظُلْمٍ نُذِقْهُ مِنْ عَذَابِ أَلِيمٍ ﴿١٢٦﴾ ﴾

অর্থাৎ, আর যে ব্যক্তি সেখানে (মাসজিদুল হারামে) সীমানলংঘন করে পাপ কার্য করতে ইচ্ছা করে, তাকে আমি মর্মগুদ শাস্তির আশ্বাদ গ্রহণ করাব। (সূরা হাজ্জ ২৫)



“এমন কোন শহর নেই, যেখানে দাজ্জালের পদার্পণ হবে না। অবশ্য মক্কা ও মদীনা (সে প্রবেশ করতে সক্ষম হবে) না। কারণ, নগরীদ্বয়ের প্রতি প্রবেশ-পথে ফিরিশ্তারা কাতার বেঁধে পাহারা দেবেন। দাজ্জাল (মদীনার নিকটবর্তী এক জায়গা) ‘সাবাখা’য় অবতরণ করবে। তখন মদীনায় তিনবার কম্পন হবে এবং তার ফলে প্রত্যেক কাফের ও মুনাফিক তার দিকে বের হয়ে যাবে।” (মুসলিম ২৯৪৩নং)

(৪৯৭) হযরত আবু হুরাইরা رضي الله عنه প্রমুখাৎ বর্ণিত, আল্লাহর রসূল صلى الله عليه وسلم বলেন, “(মক্কা ও ) মদীনা প্রহরী ফিরিশ্তা দ্বারা নিরাপদ। সেখানে প্লেগ ও দাজ্জাল প্রবেশ করবে না।” (আহমাদ ২/৪৮৩, বুখারী, মুসলিম, মিশকাত ২৭৪১নং)

❀ উলামাগণ বলেন, মক্কা-মদীনায় ইবাদত কাজের সওয়াব যেমন বহুগুণ, ঠিক তেমনি পাপ কাজের গোনাহও বহুগুণ।

### মদীনাবাসীদেরকে সন্ত্রস্ত করা এবং তাদের ক্ষতিসাধনের ইচ্ছা পোষণ করা হতে ভীতি-প্রদর্শন

(৪৯৮) হযরত সাদ رضي الله عنه কর্তৃক বর্ণিত, নবী صلى الله عليه وسلم বলেছেন যে, “যে ব্যক্তিই মদীনাবাসীর বিরুদ্ধে চক্রান্ত করবে সেই ব্যক্তিই গলে যাবে; যেমন লবণ পানিতে গলে যায়।” (বুখারী ১৮৭৭, মুসলিম ১৩৮৭ নং)

(৪৯৯) হযরত উবাদাহ বিন সামেত رضي الله عنه হতে বর্ণিত, আল্লাহর রসূল صلى الله عليه وسلم বলেছেন, “হে আল্লাহ! যে ব্যক্তি মদীনাবাসীর উপর অত্যাচার করে এবং তাদেরকে সন্ত্রস্ত করে তুমি তাকে সন্ত্রস্ত করা আর এমন ব্যক্তির উপর আল্লাহ, ফিরিশ্তাবর্গ এবং সমগ্র মানবমন্ডলীর অভিশাপ। তার নিকট থেকে কোন তওবা (অথবা নফল ইবাদত) এবং মুক্তিপণ (অথবা ফরয ইবাদত) কবুল করা হবে না।” (আবারানীর আউসাত ও কাবীর, সিলসিলাহ সহীহাহ ৩৫১নং)

### জিহাদ অধ্যায়

#### আল্লাহর পথে (জিহাদে) বের হওয়ার ফযীলত

(৫০০) হযরত আনাস বিন মালেক رضي الله عنه হতে বর্ণিত, আল্লাহর রসূল صلى الله عليه وسلم বলেন, “অবশ্যই আল্লাহর পথে (জিহাদের) একটি সকাল অথবা সন্ধ্যা দুনিয়া এবং তন্মধ্যস্থিত সকল বস্তু অপেক্ষা উত্তম।” (বুখারী ২৭৯২ নং, মুসলিম ১৮৮০ নং)

(৫০১) হযরত আবু আইয়ুব رضي الله عنه কর্তৃক বর্ণিত, তিনি বলেন, আল্লাহর রসূল صلى الله عليه وسلم বলেছেন, “আল্লাহর রাস্তায় (জিহাদের) একটি সকাল অথবা সন্ধ্যা সেই (বিশ্বজাহান) অপেক্ষা উত্তম যার উপর সূর্য উদিত ও অস্তমিত হয়েছে।” (মুসলিম ১৮৮৩ নং)





“অবশ্যই জান্নাতে একশ’টি দর্জা (মর্যাদা) রয়েছে, যা আল্লাহ তাঁর পথে জিহাদকারীদের জন্য প্রস্তুত রেখেছেন; দুটি দর্জার মধ্যবর্তী ব্যবধান আসমান ও জমিনের মত।” (বুখারী ২৭৯০ নং)

(৫০৫) হযরত আব্দুল্লাহ বিন মাসউদ ؓ কর্তৃক বর্ণিত, তিনি বলেন, আমি আল্লাহর রসূল ﷺ কে জিজ্ঞাসা করলাম, ‘কোন আমল সর্বাপেক্ষা মাহাত্ম্যপূর্ণ?’ তিনি উত্তরে বললেন, “প্রথম অঙ্কে (নামাযের সময় শুরু হওয়ার সাথে সাথে) নামায আদায় করা।” আমি বললাম, ‘তারপর কোনটি?’ তিনি বললেন, “পিতামাতার সেবা-যত্ন করা।” আমি বললাম, ‘তারপর কোনটি?’ তিনি বললেন, “আল্লাহর রাস্তায় জিহাদ করা।” (বুখারী ২৭৮২ নং, মুসলিম ৯৫ নং)

(৫০৬) হযরত মুআয ؓ প্রমুখাৎ বর্ণিত, নবী ﷺ বলেন, “যে ব্যক্তি আল্লাহর রাস্তায় দুইবার উটের দুগ্ধ দোহন করার মধ্যবর্তী বিরতির সময়কাল পরিমাণ জিহাদ করে, তার পক্ষে জান্নাত অনিবার্য হয়ে যায়। যে ব্যক্তি সত্যনিষ্ঠার সহিত আল্লাহর নিকট তাঁর পথে শহীদী মত্ম প্রার্থনা (কামনা) করে, অতঃপর যদি সে (সাধারণ মরণে) মারা যায় অথবা খুন হয়ে যায়, তবুও সে শহীদের মতই সওয়াবের অধিকারী হয়। যে ব্যক্তির (দেহ) আল্লাহর রাস্তায় একটিবারও জখম হয় অথবা আঘাতে ক্ষত হয় (সে ব্যক্তির) ঐ জখম (বা ক্ষত) পূর্বের চেয়ে অধিক রক্তের ফিন্‌কি নিয়ে কিয়ামতে উপস্থিত হবে; যার রঙ হবে জাফরানের এবং গন্ধ হবে কস্তুরীর। আর আল্লাহর রাস্তায় (থাকা অবস্থায়) যে ব্যক্তির দেহে কোন ঘা বা ফোঁড়া বের হয়, (সেই ব্যক্তির দেহের) ঐ ঘায়ের উপর শহীদদের শীল-মোহর হবে।” (আহমাদ, আবু দাউদ, তিরমিযী, নাসাঈ, ইবনে হিব্বান, সহীহুল জামে ৬৪১৬ নং)

## জিহাদ অথবা তার নিয়ত না করা হতে ভীতি- প্রদর্শন

(৫০৭) হযরত আবু হুরাইরা ؓ কর্তৃক বর্ণিত, আল্লাহর রসূল ﷺ বলেন, “সে ব্যক্তি মারা গেল অথচ সে (জীবনে একটি বারও) জিহাদ করল না, অথবা জিহাদ করার ব্যাপারে নিজ মনে কোন নিয়ত (সংকল্প) করল না, সে ব্যক্তি মুনাফেকীর একটি শাখায় মৃত্যুবরণ করল।” (মুসলিম ১৯১০নং, আবুদাউদ ২৫০২নং, নাসাঈ)

(৫০৮) হযরত আবু হুরাইরা ؓ কর্তৃক বর্ণিত, আল্লাহর রসূল ﷺ বলেন, “যখন তোমরা ঈনাহ ব্যবসা করবে এবং গরুর লেজ ধরে কেবল চাষ-বাস নিয়েই সন্তুষ্ট থাকবে, আর জিহাদ ত্যাগ করে বসবে, তখন আল্লাহ তোমাদের উপর এমন হীনতা চাপিয়ে দেবেন; যা তোমাদের হৃদয় থেকে ততক্ষণ পর্যন্ত দূর করবেন না; যতক্ষণ পর্যন্ত না তোমরা তোমাদের দ্বীনের প্রতি প্রত্যাবর্তন করেছ।” (মুসনাদে আহমাদ ২/২৮, ৪২, ৮৪, আবু দাউদ ৩৪৬২, বাইহাকী ৫/৩১৬)

❀ ঈনাহ ব্যবসা হল, কাউকে ধারে কোন মাল দিয়ে সেই মাল কম দামে তারই নিকট থেকে ক্রয় করা। যেমন এক ব্যক্তির অর্থের প্রয়োজন হল। ঋণ কোথাও না পেয়ে এক গাড়ির ডিলারের নিকট গেল। ডিলারের নিকট থেকে ধারে ৫০ হাজার টাকায় একটি গাড়ি কিনল। অতঃপর সেই গাড়িকেই ঐ ডিলারের নিকট নগদ ৪০ হাজার টাকা নিয়ে বিক্রি করল। যার ফলে ১০ হাজার টাকা ডিলারের পকেটে অনায়াসে এসে গেল।

সত্যানুসঙ্গী উলামাগণ এই প্রকার ক্রয়-বিক্রয়কে সুদী কারবার বলে আখ্যায়ন করেছেন।

### আল্লাহর রাস্তায় প্রতিরক্ষা-কার্যের মাহাত্ম্য

(৫০৯) হযরত সালমান ফারেসী ❀ কর্তৃক বর্ণিত, নবী ❀ বলেন, “এক দিবারাত্রি (শত্রুবাহিনীর অনুপ্রবেশকে প্রতিহত করার উদ্দেশ্যে) প্রতিরক্ষা-কার্য এক মাসের রোযা ও নামাযের চেয়ে শ্রেষ্ঠ। (ঐ প্রতিরক্ষা কাজে রত ব্যক্তি) যদি মারা যায়, তাহলে তার সেই আমল জারী থেকে যায়; যা সে জীবিতাবস্থায় করত, তার জন্য তার রুজী জারী করা হয়; আর (কবরের) যাবতীয় ফিতনা থেকে সে নিরাপত্তা লাভ করে।” (মুসলিম ১৯ ১৩ নং)

(৫১০) হযরত আবু হুরাইরা ❀ হতে বর্ণিত, নবী ❀ বলেন, “যে ব্যক্তি (শত্রু সীমান্তে) প্রতিরক্ষার কাজে রত থাকা অবস্থায় আল্লাহর রাস্তায় মারা যাবে, সে ব্যক্তির জন্য আল্লাহ তার সেই আমল জারী রাখবেন; যা সে জীবিতাবস্থায় করত, তার রুজীও জারী করা হবে, (কবরের) সকল প্রকার ফিতনা হতে সে নিরাপদে থাকবে, আর আল্লাহ তাকে মহাত্ম্য থেকে নির্বিঘ্নে রেখে কিয়ামতের দিন পুনরুত্থিত করবেন।” (বাইহাঈ, সহিহুল জামে’ ৬৫৪৪ নং)

### জিহাদের খাতে দান করার ফযীলত

মহান আল্লাহ বলেন,

﴿ الَّذِينَ آمَنُوا وَهَجَرُوا وَجَاهَدُوا فِي سَبِيلِ اللَّهِ بِأَمْوَالِهِمْ وَأَنْفُسِهِمْ أَكْبَرُ دَرَجَةً عِنْدَ اللَّهِ وَأُولَئِكَ هُمُ الْفَائِزُونَ ﴾

﴿ يُبَيِّرُهُمْ رَبُّهُمْ بِرَحْمَةٍ مِّنْهُ وَرِضْوَانٍ وَجَنَّتْ لَهُمْ فِيهَا نَعِيمٌ مُّقِيمٌ ﴾ خَالِدِينَ

﴿ فِيهَا أَبَدًا إِنَّ اللَّهَ عِنْدَهُ أَجْرٌ عَظِيمٌ ﴾

অর্থাৎ, যারা ঈমান এনেছে, হিজরত করেছে এবং আল্লাহর পথে মাল ও জান দ্বারা জিহাদ করেছে তারা আল্লাহর নিকট মর্যাদায় শ্রেষ্ঠ। আর তারাই হল সফলকাম। তাদের প্রতিপালক তাদেরকে নিজ দয়া, সন্তোষ ও জান্নাতের সুসংবাদ দিচ্ছেন, যেখানে তাদের জন্য স্থায়ী সুখ-সমৃদ্ধি রয়েছে। সেখানে তারা চিরস্থায়ী বাস করবে।

নিশ্চয় আল্লাহর নিকট রয়েছে মহাপুরস্কার। (সূরা তাওবাহ ২০-২২ আয়াত)

﴿ إِنَّمَا الْمُؤْمِنُونَ الَّذِينَ آمَنُوا بِاللَّهِ وَرَسُولِهِ ثُمَّ لَمْ يَرْتَابُوا وَجَاهَدُوا بِأَمْوَالِهِمْ وَأَنْفُسِهِمْ فِي سَبِيلِ

اللَّهِ أُولَئِكَ هُمُ الصَّادِقُونَ ﴿٢٠﴾

অর্থাৎ, তারাই মুমিন; যারা আল্লাহ ও তাঁর রসূলের প্রতি ঈমান আনার পর সন্দেহ পোষণ করে না এবং নিজেদের মাল ও জন দ্বারা আল্লাহর পথে জিহাদ করে, তারাই সত্যনিষ্ঠ। (সূরা হুজুরাত ১৫ আয়াত)

(৫১১) হযরত আবু মাসউদ আনসারী رضي الله عنه কর্তৃক বর্ণিত, তিনি বলেন, এক ব্যক্তি একটি লাগামবিশিষ্ট উটনী সঙ্গে নিয়ে আল্লাহর রসূল ﷺ-এর নিকট উপস্থিত হয়ে বলল, ‘হে আল্লাহর রসূল! এটি আল্লাহর রাস্তায় (দান করলাম)।’ আল্লাহর রসূল ﷺ তাকে বললেন, “ওর বিনিময়ে কিয়ামতের দিন তুমি লাগামবিশিষ্ট সাতশ’ উটনী লাভ করবে।” (মুসলিম ১৮৯২ নং)

(৫১২) হযরত খুরাইম বিন ফাতেক رضي الله عنه হতে বর্ণিত, নবী ﷺ বলেন, “যে ব্যক্তি আল্লাহর রাস্তায় (জিহাদে) কিছুও অর্থ ব্যয় (দান) করে সে ব্যক্তির জন্য সাতশ’ গুণ সওয়াব লিপিবদ্ধ করা হয়।” (আহমাদ, তিরমিযী, নাসাই, হাকেম, সহীহুল জামে’ ৬১১০ নং)

### আল্লাহর রাস্তায় ধুলোর মাহাত্ম্য

(৫১৩) হযরত আব্দুর রহমান বিন জাবর رضي الله عنه হতে বর্ণিত, নবী ﷺ বলেন, “যে ব্যক্তির পদযুগল আল্লাহর রাস্তায় ধূলিধূসরিত হয়, সেই ব্যক্তির ঐ পদযুগলকে আল্লাহ আযযা অজাল্ল দোষখের জন্য হারাম করে দেন।” (বুখারী ৯০৭ নং)

(৫১৪) হযরত আবু হুরাইরা رضي الله عنه কর্তৃক বর্ণিত, নবী ﷺ বলেন, “কোনও বান্দার পেটে আল্লাহর রাস্তার ধুলো আর দোষখের ধূয়ো একত্রিত হবে না। আর কৃপণতা ও ঈমান কোন বান্দার অন্তরে একত্রিত হতে পারে না।” (নাসাই, হাকেম, সহীহুল জামে’ ৭৬১৬ নং)

### আল্লাহর রাস্তায় প্রহরার ফযীলত

(৫১৫) হযরত আবু হুরাইরা رضي الله عنه কর্তৃক বর্ণিত, নবী ﷺ বলেন, “দুটি চক্ষুর উপর (দোষখের) আগুনের স্পর্শকে হারাম করা হয়েছে; (প্রথমতঃ) সেই চক্ষু যা আল্লাহর ভয়ে কাঁদে, আর (দ্বিতীয়) সেই চক্ষু যা কাফেরদল থেকে ইসলাম ও মুসলিমদের রক্ষার্থে প্রহরায় রাত্রি কাটায়।” (হাকেম, বাইহাকীর শুআবুল ঈমান, সহীহুল জামে’ ৩১৩৬ নং)

## আল্লাহর রাস্তায় তীর নিক্ষেপের গুরুত্ব

(৫১৬) হযরত আমর বিন আবাসাহ رضي الله عنه হতে বর্ণিত, আল্লাহর রসূল ﷺ বলেছেন, “যে ব্যক্তি আল্লাহর রাস্তায় (জিহাদে) একটি মাত্র তীর শত্রুর প্রতি নিক্ষেপ করে, অতঃপর তার ঐ তীর শত্রুর নিকট পৌঁছে ঠিক লক্ষ্যে আঘাত করে অথবা লক্ষ্যচ্যুত হয়ে যায়, এর বিনিময়ে তার একটি ক্রীতদাস মুক্ত করার সমান সওয়াব লাভ হয়।” (আহমাদ, নাসাঈ, বাইহাকী, তাবারানী, হাকেম, সহীহুল জামে’ ৬২৬৭ নং)

(৫১৭) হযরত আবু নাজীহ সুলামী رضي الله عنه কর্তৃক বর্ণিত, আল্লাহর রসূল ﷺ বলেছেন, “আল্লাহর রাস্তায় যে ব্যক্তির তীর লক্ষ্যভেদ করে (শত্রুকে আঘাত করে) সেই ব্যক্তির জন্য তার বিনিময়ে জান্নাতে একটি দর্জালাভ হয়।” আর আমি সেদিন ষোলটি তীর দ্বারা লক্ষ্যভেদ করেছিলাম।

তিনি আরো বলেন, আমি আল্লাহর রসূল ﷺ-এর নিকট এ কথাও শুনেছি যে, “যে ব্যক্তি আল্লাহর রাস্তায় একটি তীর নিক্ষেপ করে সে ব্যক্তির জন্য একটি দাসমুক্ত করার সমান সওয়াব লাভ হয়।” (সহীহ নাসাঈ ২৯৪৬ নং)

(৫১৮) হযরত উকবাহ বিন আমের رضي الله عنه কর্তৃক বর্ণিত, আল্লাহর রসূল ﷺ বলেন, “যে ব্যক্তি তীরন্দাজী শিক্ষা করে অতঃপর তা উপেক্ষা (ত্যাগ) করে, সে ব্যক্তি আমাদের দলভুক্ত নয়। অথবা সে ব্যক্তি (আমার) নাফরমান।” (মুসলিম ১৯১৯, ইবনে মাজাহ ২৮১৪নং)

(৫১৯) হযরত উকবাহ বিন আমের رضي الله عنه কর্তৃক বর্ণিত, তিনি বলেন, আমি আল্লাহর রসূল ﷺ-কে তাঁর মিসরের উপর বলতে শুনেছি, তিনি বলেছেন, ( )

অর্থাৎ, (আল্লাহ বলেন,) তোমরা (কাফেরদের বিরুদ্ধে যুদ্ধের জন্য) যথাসাধ্য শক্তি প্রস্তুত কর। “শোন! তা হল ক্ষেপণই (তীর বা অন্য কোন অস্ত্র নিক্ষেপ)। শোন! তা হল ক্ষেপণই (তীর বা অন্য কোন অস্ত্র নিক্ষেপ)।” (মুসলিম ১৯১৭নং)

## আল্লাহর পথে জখমী হওয়ার মাহাত্ম্য

(৫২০) হযরত আবু হুরাইরা رضي الله عنه কর্তৃক বর্ণিত, আল্লাহর রসূল ﷺ বলেন, “যে ব্যক্তি আল্লাহর রাস্তায় জখমী হয়- আর আল্লাহই অধিক জানেন কে তাঁর রাস্তায় জখমী হয় - সে ব্যক্তি কিয়ামতের দিন এমন অবস্থায় উপস্থিত হবে যখন তার ঐ জখম হতে ফিন্কি ধরে রক্ত প্রবাহমান থাকবে; (রক্তের) রঙ তো হবে রক্তের মতই, কিন্তু তার গন্ধ হবে কস্তুরীর।” (বুখারী ২৮০৩ নং, মুসলিম ১৮৭৬ নং)

(৫২১) হযরত আবু উমামাহ رضي الله عنه হতে বর্ণিত, নবী ﷺ বলেন “দুটি বিন্দু ও চিহ্ন অপেক্ষা অন্য কিছুই আল্লাহর নিকট অধিক পছন্দনীয় নয়; আল্লাহর ভয়ে কান্নার

এক বিন্দু অশ্রু এবং আল্লাহর রাস্তায় (জিহাদে) বহানো একবিন্দু রক্ত। আর দুটি চিহ্নের একটি হল, আল্লাহর রাস্তায় (চলার) চিহ্ন এবং অপরটি হল, আল্লাহর ফরযসমূহের কোন ফরয (জিহাদ, নামায, হজ্জ, রোযা প্রভৃতি) পালন করার ফলে পড়া (পায়ের বা ক্ষতের) চিহ্ন।” (সহীহ তিরমিযী ১৩৬৩ নং)

### সামুদ্রিক জিহাদের মাহাত্ম্য

(৫২২) ইবনে আমর রা প্রমুখাৎ বর্ণিত, নবী সা বলেন, “সমুদ্রপথের একটি জিহাদ স্থলপথের দশটি জিহাদ অপেক্ষা শ্রেষ্ঠ। যে ব্যক্তি সমুদ্র অতিক্রম করে সে যেন সমস্ত উপত্যকা অতিক্রম করে। আর সমুদ্র মাঝে যার মাথা ঘোরে, সে ব্যক্তি রক্তমাখা (মুজাহিদের) মত।” (অর্থাৎ এরা সওয়াবে সমান।) (হাকেম সহীহুল জামে’ ৪১৫৪ নং)

### যোদ্ধা সাজানো ও তার পরিবারের দেখাশোনা করার গুরুত্ব

(৫২৩) হযরত যায়দ বিন খালেদ জুহানী রা হতে বর্ণিত, আল্লাহর রসূল সা বলেন, “যে ব্যক্তি আল্লাহর রাস্তায় কোন যোদ্ধাকে (তার রসদ-পথ্যের ব্যবস্থা করে) সাজিয়ে দেয় সে ব্যক্তি যেন নিজেই যুদ্ধ করে। আর যে ব্যক্তি কোন যোদ্ধার (তার অনুপস্থিতিতে তার) ঘর ও পরিবারের দেখাশোনা সৎভাবে করে সে ব্যক্তিও যেন সশরীরে যুদ্ধে অংশগ্রহণ করে।” (বুখারী ২৮৪৩ নং, মুসলিম ১৮৯৫ নং)

(৫২৪) উক্ত যায়দ বিন খালেদ রা হতেই বর্ণিত, নবী সা বলেন, “যে ব্যক্তি (জিহাদের জন্য) কোন যোদ্ধাকে (তার রসদ সহ) সাজিয়ে দেয়, সেই ব্যক্তিও ঐ যোদ্ধার সমপরিমাণই সওয়াব লাভ করে, এতে ঐ যোদ্ধার সওয়াবও কিছু পরিমাণ কম হয়ে যায় না।” (ইবনে মাজহ, বাইহকী, সহীহুল জামে’ ৬১৯৪ নং)

### আল্লাহর পথে শহীদ হওয়ার ফযীলত

(৫২৫) হযরত আবু হুরাইরা রা কর্তৃক বর্ণিত, আল্লাহর রসূল সা বলেন, “শহীদ খুন হওয়ার সময় ঠিক ততটুক ব্যথা পায়, যতটুক ব্যথা তোমাদের কেউ চিমটি কাটাতে পেয়ে থাকে।” (তিরমিযী ১৬৬৮, সহীহুল জামে’ ৫৮১৩নং)

(৫২৬) হযরত আব্দুল্লাহ বিন আমর রা প্রমুখাৎ বর্ণিত, নবী সা বলেন, “আল্লাহর রাস্তায় (শহীদী) মৃত্যু ঋণ ছাড়া সকল পাপের প্রায়শ্চিত্ত।” (মুসলিম ১৮৮৬ নং)

(৫২৭) হযরত আনাস রা হতে বর্ণিত, নবী সা বলেন, “পৃথিবীর যাবতীয় সম্পদ ও সুখ পেলেও জান্নাতে প্রবেশ হয়ে যাওয়ার পর তোমাদের কেউই পুনরায় পৃথিবীতে

ফিরে আসতে চাইবে না। কিন্তু শহীদ ব্যক্তি (জান্নাতে) বিশাল মর্যাদা দেখে এই কামনা করবে যে, সে যেন পুনরায় পৃথিবীতে ফিরে যায় এবং (জিহাদে) দশ দশবার শহীদ হয়ে আসে।” (বুখারী ২৮ ১৭ নং, মুসলিম ১৮ ৭৭ নং)

(৫২৮) হযরত মিকদাদ বিন মা'দীকারিব رضي الله عنه কর্তৃক বর্ণিত, নবী صلى الله عليه وسلم বলেন, “আল্লাহর নিকট শহীদের জন্য রয়েছে সাতটি মর্যাদা; রক্তক্ষরণের শুরুতেই তাকে ক্ষমা করে দেওয়া হয়, বেহেশ্তে সে তার নিজ স্থান দেখতে পায়, তাকে ঈমানের জুবা পরিধান করানো হয়, (বেহেশ্তে) ৭২টি সুনয়না হুরীর সহিত তার বিবাহ হবে, কবরের আযাব থেকে নিরাপত্তা লাভ করবে, (কিয়ামতে দিন) মহাত্রাস থেকে নিরাপদে থাকবে, তার মস্তকে গৌরবের মুকুট পরানো হবে, যার একটি মাত্র মণি (চুনি) পৃথিবী ও তন্মধ্যস্থিত সকল বস্তু অপেক্ষা শ্রেষ্ঠ, আর নিজ পরিবারের ৭০ জন লোকের জন্য (আল্লাহর দরবারে) তার সুপারিশ মঞ্জুর করা হবে।” (আহমাদ, তিরমিযী, ইবনে মাজাহ, বাইহাকী, সহীছল জামে' ৫ ১৮-২ নং)

(৫২৯) হযরত মাসরূক হতে বর্ণিত, তিনি বলেন, আমরা আব্দুল্লাহ (বিন মাসউদ رضي الله عنه)কে

﴿ وَلَا تَحْسَبَنَّ الَّذِينَ قُتِلُوا فِي سَبِيلِ اللَّهِ أَمْوَاتًا بَلْ أَحْيَاءٌ عِنْدَ رَبِّهِمْ يُرْزُقُونَ ﴿١٥٧﴾ ﴾

(অর্থাৎ, যারা আল্লাহর পথে নিহত হয়েছে তাদেরকে কখনই মৃত মনে করো না, বরং তারা তাদের প্রতিপালকের নিকট জীবিত ও জীবিকাপ্রাপ্ত।) (সূরা আলো ইমরান ১৬৯) এই আয়াত প্রসঙ্গে জিজ্ঞাসা করলাম। তিনি বললেন, -‘শোন! আমরাও এ বিষয়ে (নবী صلى الله عليه وسلم-কে) জিজ্ঞাসা করেছিলাম। তিনি উত্তরে বলেছিলেন, “তাদের (শহীদদের) আত্মসমূহ সবুজ পক্ষীকুলের দেহ মধ্যে অবস্থান করবে। ঐ পক্ষীকুলের অবস্থানক্ষেত্র হল (আল্লাহর) আরশে বুলন্ত দীপাবলী। তারা বেহেশ্তে যেখানে ইচ্ছা বিচরণ করে বেড়াবে। অতঃপর পুনরায় ঐ দীপাবলীতে ফিরে এসে আশ্রয় নেবে।

একদা তাদের প্রতিপালক তাদের প্রতি দৃষ্টি ফিরিয়ে বললেন, ‘তোমরা কি (আরো) কিছু কামনা কর?’ তারা বলল, ‘আমরা আর কি কামনা করব? আমরা তো বেহেশ্তে যেখানে খুশী সেখানে বিচরণ করে বেড়াচ্ছি!’ (আল্লাহ) অনুরূপভাবে তাদেরকে তিনবার প্রশ্ন করলেন। অতঃপর যখন তারা দেখল যে, কিছু না চাইলে তাদেরকে ছাড়াই হবে না, তখন তারা বলল, ‘হে আমাদের প্রতিপালক! আমরা কামনা এই করি যে, আপনি আমাদের আত্মসমূহকে আমাদের নিজ নিজ দেহে ফিরিয়ে দিন, যাতে আমরা আপনার রাহে দ্বিতীয়বার নিহত হয়ে আসতে পারি।’

অতঃপর আল্লাহ যখন দেখবেন যে, তাদের আর কোন প্রয়োজন (কামনা বা সাধ) নেই তখন তাদেরকে স্ব-অবস্থায় ছেড়ে দেওয়া হবে।” (মুসলিম ১৮৮৭)

## আল্লাহর রাহে ঘোড়া বাঁধার গুরুত্ব

(৫৩০) আবু হুরাইরা رضي الله عنه কর্তৃক বর্ণিত, নবী صلى الله عليه وسلم বলেছেন, “যে ব্যক্তি আল্লাহর প্রতি ঈমান রেখে ও তাঁর (দেওয়া) প্রতিশ্রুতিকে সতাজ্ঞান করে আল্লাহর রাহে ঘোড়া বেঁধে (প্রস্তুত) রাখে, সে ব্যক্তির (ঘোড়ার) খাদ্য, পানীয়, বিষ্ঠা, মূত্র কিয়ামতের দিন তার (নেকীর) পাল্লায় রাখা হবে।” (বুখারী ২৮৫৩ নং)

## যুদ্ধক্ষেত্র থেকে পলায়ন করা হতে ভীতি-প্রদর্শন

আল্লাহ তাআলা বলেন,

﴿ يَا أَيُّهَا الَّذِينَ آمَنُوا إِذَا لَقِيتُمُ الَّذِينَ كَفَرُوا زَحَفًا فَلَا تُولُوهُمُ الْآدْبَارَ ۗ وَمَنْ يُؤَلِّمِهِمْ يَوْمَئِذٍ دُرُودًا إِلَّا مَتَحَرِّفًا لِقِتَالٍ أَوْ مُتَحَرِّرًا إِلَىٰ فِتْنَةٍ فَكَذَّبَ بَاءً يَغْضَبُ مِنِّي ۗ اللَّهُ وَمَا وَهُ جَهَنَّمُ ۗ وَيَسَّسَ الْمَصِيرُ ۗ ﴾

অর্থাৎ, হে ঈমানদারগণ! তোমরা যখন (যুদ্ধক্ষেত্রে) কাফেরদের মুখোমুখি হবে, তখন তোমরা পৃষ্ঠ-প্রদর্শন করো না। সেদিন যুদ্ধ-কৌশল পরিবর্তন কিংবা নিজ সৈন্যদলে আশ্রয় নেওয়া ব্যতীত কেউ তার পৃষ্ঠ-প্রদর্শন করলে সে আল্লাহর গযব সাথে নিয়ে প্রত্যাবর্তন করবে। আর তার ঠিকানা হবে জাহান্নাম; বস্তুতঃ সেটা হল নিকৃষ্ট বাসস্থান। (সূরা আনফাল ১৫- ১৬ আয়াত)

(৫৩১) হযরত আবু হুরাইরাহ رضي الله عنه কর্তৃক বর্ণিত, নবী صلى الله عليه وسلم বলেন, “সাতটি সর্বনাশী কর্ম হতে দূরে থাক।” সকলে বলল, ‘হে আল্লাহর রসূল! তা কি কি?’ তিনি বললেন, “আল্লাহর সহিত শির্ক করা, যাদু করা, ন্যায় সঙ্গত অধিকার ছাড়া আল্লাহ যে প্রাণ হত্যা করা হারাম করেছেন তা হত্যা করা, সূদ খাওয়া, এতীমের মাল ভক্ষণ করা, (যুদ্ধক্ষেত্র হতে) যুদ্ধের দিন পলায়ন করা এবং সতী উদাসীনা মুমিনা নারীর চরিত্রে মিথ্যা অপবাদ দেওয়া।” (বুখারী ২৭৬৬, মুসলিম ৮৯নং, আবু দাউদ, নাসাঈ)

## যুদ্ধলব্ধ সম্পদে খেয়ানত করা হতে কঠোরভাবে ভীতি-প্রদর্শন

আল্লাহ তাআলা বলেন,

﴿ وَمَنْ يَغْلُلْ يَأْتِ بِمَا غَلَّ يَوْمَ الْقِيَامَةِ ثُمَّ تُوَفِّي كُلُّ نَفْسٍ مَّا كَسَبَتْ وَهُمْ لَا يُظْلَمُونَ ۗ ﴾

অর্থাৎ, আর যে (গনীমতে) খেয়ানত করবে সে কিয়ামতের দিন তা নিয়ে উপস্থিত হবে। অতঃপর (সেদিন) প্রত্যেকে যে যা আমল করেছে তার পূর্ণ মাত্রায় প্রতিদান লাভ করবে এবং তাদের প্রতি কোন জুলুম করা হবে না। (সূরা আ-লে ইমরান ১৬১ আয়াত)

(৫৩২) হযরত আব্দুল্লাহ বিন আমর বিন আস رضي الله عنه হতে বর্ণিত, তিনি বলেন, আল্লাহর রসূল صلى الله عليه وسلم-এর গনীমতের (যুদ্ধলব্ধ) মাল দেখাশুনা করার জন্য কারকার



নামক এক ব্যক্তি নিযুক্ত ছিল। সে মারা গেলে আল্লাহর রসূল ﷺ বললেন, “ও তো জাহান্নামী!” (একথা শুনে) তার ব্যাপার দেখতে সকলে তার নিকট উপস্থিত হল; দেখল, একটি আলখাল্লা সে খেয়ানত করে রেখে নিয়েছিল। (বুখারী ৩০৭৪, ইবনে মাজাহ ২৮৪৯নং)

(৫৩৩) হযরত উবাদাহ বিন সামেত ﷺ কর্তৃক বর্ণিত, তিনি বলেন, একদা নবী ﷺ হুনাইনের দিন গনীমতের একটি উটের পাশে আমাদেরকে নিয়ে নামায পড়লেন। অতঃপর তিনি হাত বাড়িয়ে উট থেকে কিছু গ্রহণ করলেন। বুঝা গেল, তিনি কিছু লোম হাতে নিয়েছেন। অতঃপর তা দুটি আঙ্গুলের মাঝে রেখে বললেন, “হে লোক সকল! এ হল তোমাদের গনীমতের মাল। সুতা অথবা ছুঁচ, এর চাইতে কোন বেশী দামের জিনিস অথবা কম দামের জিনিস তোমরা আদায় (জমা) করে দাও। কেন না, গনীমতের মালে খেয়ানত হল কিয়ামতের দিন লাঞ্ছনা, কলঙ্ক ও দোষখ যাওয়ার কারণ।” (ইবনে মাজাহ ২৮৫০, সিলসিলা সহীহাহ ৯৮৫নং)

(৫৩৪) যায়দ বিন খালেদ জুহানী ﷺ হতে বর্ণিত, খাইবারের দিন নবী ﷺ-এর এক সহচরের মৃত্যু হলে সে কথা তাঁর নিকট উল্লেখ করা হল। তিনি বললেন, “তোমরা তোমাদের সঙ্গীর জানাযা পড়ে নাও।” এ কথা শুনে লোকেদের চেহারা বিবর্ণ হয়ে গেল। তিনি বললেন, “তোমাদের ঐ সঙ্গী আল্লাহর পথে খেয়ানত করেছে। (তাই আমি ওর জানাযা পড়ব না।)” আমরা তার আসবাব-পত্রের তল্লাশী নিলাম, এর ফলে তাতে আমরা ইয়াহুদীদের ব্যবহৃত একটি মাত্র মালা পেলাম; যার মূল্য দুই দিরহামও নয়! (মালেক, আহমাদ ৪/১১৪, আবু দাউদ, নাসাঈ, ইবনে মাজাহ, আহকামুল জানাইয, আলবানী ৭৯ ৩৮৫পৃঃ)

(৫৩৫) হযরত আবু হুরাইরা ﷺ হতে বর্ণিত, তিনি বলেন, একদা আল্লাহর রসূল ﷺ আমাদের মাঝে দণ্ডায়মান হয়ে গনীমতের মালে খেয়ানতের কথা উল্লেখ করলেন এবং বিষয়টির প্রতি ভীষণ গুরুত্ব আরোপ করলেন। পরিশেষে তিনি বললেন, “আমি তোমাদের মধ্যে কাউকে যেন কিয়ামতের দিন চিহ্নি-রববিশিষ্ট উট ঘাড়ে করে বহন করা অবস্থায় উপস্থিত না পাই। যখন সে বলবে, ‘হে আল্লাহর রসূল! আমাকে বাঁচান!’ আর আমি বলব, ‘আমি তোমার কোন প্রকার সাহায্য করতে পারব না। আমি তো (দুনিয়াতে) তোমার নিকট এ (দুরবস্থার কথা) পৌঁছে দিয়েছিলাম।’

আমি তোমাদের মধ্যে কাউকে যেন কিয়ামতের দিন চিহ্নি-রববিশিষ্ট ঘোড়া ঘাড়ে করে বহন করা অবস্থায় উপস্থিত না পাই। যখন সে বলবে ‘আল্লাহর রসূল! আমাকে বাঁচান!’ তখন আমি বলব, ‘আমি তোমার কোন প্রকার উপকার করতে সমর্থ নই। আমি তো (পৃথিবীতে) তোমার নিকট (এ দুর্দিনের কথা) পৌঁছে দিয়েছিলাম।’

আমি তোমাদের মধ্যে কাউকে যেন কিয়ামতের দিন মৈ-মৈ রববিশিষ্ট ছাগল ঘাড়ে বহন করা অবস্থায় উপস্থিত না পাই। যখন সে বলবে, ‘হে আল্লাহর রসূল! আমাকে বাঁচান।’ আর আমি তখন বলব, ‘আমি তোমার কোন প্রকার সাহায্য করতে সক্ষম

নই। আমি তো তোমার নিকট (এ করুণ অবস্থার কথা দুনিয়াতে) পৌঁছে দিয়েছিলাম।’

আমি তোমাদের মধ্যে কাউকে যেন কিয়ামতের দিন চিৎকার আওয়াজ-বিশিষ্ট কোন জীব ঘাড়ে বহন করা অবস্থায় উপস্থিত না পাই। যখন সে বলবে, ‘হে আল্লাহর রসূল! আমাকে বাঁচান!’ আর আমি সে সময় বলব, ‘আমি তোমার কোন প্রকার সাহায্য করতে পারব না। আমি তো (দুনিয়াতে) তোমার নিকট (এ নিদারুণ অবস্থার কথা) পৌঁছে দিয়েছিলাম।’

আমি তোমাদের কাউকে যেন কিয়ামতের দিন উড়ন্ত কাপড় ঘাড়ে বহন করা অবস্থায় উপস্থিত না পাই। যখন সে বলবে, ‘হে আল্লাহর রসূল! আমাকে সাহায্য করুন!’ আর আমি তখন বলব, ‘আমি তোমার কোন প্রকার উপকার করতে পারব না। আমি তো (দুনিয়াতে) তোমার নিকট (এ দুর্দশার কথা) পৌঁছে দিয়েছিলাম।’

আমি তোমাদের মধ্যে কাউকে যেন কিয়ামতের দিন সোনা-চাঁদি ঘাড়ে বহন করা অবস্থায় উপস্থিত না পাই। যখন সে বলবে, ‘হে আল্লাহর রসূল! আমাকে সাহায্য করুন!’ আর আমি তখন বলব, ‘আমি তোমার কোন প্রকার সাহায্য করতে সমর্থ নই। আমি তো (পৃথিবীতে) তোমাকে (শরীয়তের কথা) পৌঁছে দিয়েছিলাম।’ (বুখারী ৩০৭৩, মুসলিম ১৮৩১নং, হাদীসের শব্দাবলী ইমাম মুসলিমের।)

## কুরআন অধ্যায়

### কুরআন শিক্ষা ও শিখানোর মাহাত্ম্য

(৫৩৬) হযরত উসমান বিন আফফান رضي الله عنه হতে বর্ণিত, তিনি বলেন, আল্লাহর রসূল ﷺ বলেছেন, “তোমাদের মধ্যে সেই ব্যক্তি সর্বশ্রেষ্ঠ, যে কুরআন শিখে অপরকে শিখায়।” (বুখারী ৫০২৭ নং)

(৫৩৭) হযরত উক্ববাহ বিন আমের رضي الله عنه কর্তৃক বর্ণিত, তিনি বলেন, একদা আমরা সুফ্ফাহ (মসজিদে নববীর এক বিশেষ মন্ডপ; যাতে দরিদ্র মুহাজিরগণ অবস্থান করতেন সেই স্থানে) ছিলাম। আল্লাহর রসূল ﷺ গৃহ হতে বের হয়ে আমাদের নিকট এসে বললেন, “তোমাদের মধ্যে কে পছন্দ করে যে, প্রত্যহ বাত্বহান (মদীনার নিকটবর্তী একটি জায়গা) অথবা আক্বীক্ব (মদীনার এক উপত্যকা) গিয়ে দুটি করে বড় বড় কুঁজবিশিষ্ট উটনী নিয়ে আসবে; যাতে কোন পাপ ও নাহক কারো অধিকার হরণও হবে না?” আমরা বললাম, ‘হে আল্লাহর রসূল! এতো আমাদের প্রত্যেকেই পছন্দ করে।’ তিনি বললেন, “তাহলে সে মসজিদে গিয়ে আল্লাহর কিতাব থেকে দুটি আয়াত শিক্ষা অথবা (বুরো) মুখস্থ করে না কেন? এটাই দুটি উষ্ট্রী অপেক্ষা শ্রেষ্ঠ! অনুরূপ ৩টি আয়াত ৩টি উষ্ট্রী, ৪টি আয়াত ৪টি উষ্ট্রী এবং এর চেয়ে





হয় এবং সেটাই হল মহা কুরআন।” (বুখারী ৪৭০৪ নং)

(৫৪৮) হযরত আবু সাঈদ বিন মুআল্লা رضي الله عنه হতে বর্ণিত, তিনি বলেন আমি মসজিদে নামায পড়ছিলাম। এমতাবস্থায় নবী صلى الله عليه وسلم আমাকে ডাকলেন। আমি সাড়া দিলাম না। অতঃপর নামায শেষ করে তাঁর নিকট এসে বললাম, ‘হে আল্লাহর রসূল! আমি নামায পড়ছিলাম।’ তিনি বললেন, “আল্লাহ কি বলেননি যে, তোমরা আল্লাহ ও রসূলের আহ্বানে সাড়া দাও যখন তোমাদেরকে (রসূল) ডাকে---?” (সূরা আনফাল ২৪ আয়াত) অতঃপর তিনি বললেন, “মসজিদ থেকে তোমার বের হয়ে যাওয়ার পূর্বেই তোমাকে কুরআনের মধ্যে মহত্তম সূরাটি শিখিয়ে দেব না কি?” অতঃপর তিনি আমার হাত ধরলেন। তারপর আমরা যখন বের হওয়ার ইচ্ছা করলাম তখন আমি বললাম, ‘হে আল্লাহর রসূল! আপনি বলেছিলেন “আমি তোমাকে কুরআনের মহত্তম সূরাটি শিখিয়ে দেব।” তিনি বললেন, “আলহামদু লিল্লাহি রাক্বিল আ-লামীন।” এটাই হল সেই সপ্তপদী (সূরা) যা নামাযে পুনঃপুনঃ আবৃত্ত হয়, আর সেটাই হল মহা কুরআন; যা আমাকে দান করা হয়েছে।” (বুখারী ৫০০৬ নং)

### সূরা বাক্বারাহ ও আয়াতুল কুরসীর মাহাত্ম্য

(৫৪৯) হযরত ইবনে মাসউদ رضي الله عنه কর্তৃক বর্ণিত, রসূল صلى الله عليه وسلم বলেন, “অবশ্যই প্রত্যেক বস্তুরই চূড়া আছে; আর কুরআনের চূড়া হল সূরা বাক্বারাহ---।” (সিলসিলাহ সহীহাহ ৫৮৮ নং)

(৫৫০) হযরত আবু হুরাইরা رضي الله عنه হতে বর্ণিত, আল্লাহর রসূল صلى الله عليه وسلم বলেন, “তোমাদের গৃহকে কবরস্থান বানিও না। যে গৃহে সূরা বাক্বারাহ পঠিত হয় সে গৃহ হতে শয়তান পলায়ন করে।” (মুসলিম ৭৮০ নং)

(৫৫১) হযরত উবাই বিন কা’ব رضي الله عنه প্রমুখাৎ বর্ণিত, আল্লাহর রসূল صلى الله عليه وسلم একদা তাঁকে বললেন, “হে আবুল মুনযির! তুমি কি জান, তোমার কাছে যে আল্লাহ তাআলার কিতাব রয়েছে তার মধ্যে কোন্ আয়াতটি মহত্তম?” আমি বললাম, ‘আল্লাহ ও তদীয় রসূলই অধিক জানেন।’ তিনি পুনরায় বললেন, “হে আবুল মুনযির! তুমি কি জান, তোমার কাছে যে আল্লাহ তাআলার কিতাব রয়েছে তার মধ্যে কোন্ আয়াতটি মহত্তম?” আমি বললাম, (( )) উবাই বলেন, একথা শুনে তিনি আমার বুক (মৃদু) আঘাত করে (শাবাশী দিয়ে) বললেন, “ইলম তোমার জন্য মোবারক হোক, হে আবুল মুনযির!” (মুসলিম ৮১০ নং)

(৫৫২) হযরত আবু উমামা رضي الله عنه হতে বর্ণিত, নবী صلى الله عليه وسلم বলেন, যে ব্যক্তি প্রত্যেক ফরয নামাযের পশ্চাতে ‘আয়াতুল কুরসী’ পাঠ করবে সে ব্যক্তির জন্য তার মৃত্যু ছাড়া আর অন্য কিছু জানাত প্রবেশের পথে বাধা হবে না। (নাসাঈ, ইবনে হিব্বান,

সহীহুল জামে ৬৪৬৪ নং)

### সূরা বাক্বারার শেষ দুই আয়াতের ফযীলত

(৫৫৩) হযরত আবু মাসউদ বদরী رضي الله عنه কর্তৃক বর্ণিত, নবী صلى الله عليه وسلم বলেন, “যে ব্যক্তি রাত্রে সূরা বাক্বারার শেষ দুটি আয়াত পাঠ করবে, তার জন্য সকল বস্তুর অনিষ্ট হতে এই দুটিই যথেষ্ট করবে।” (বুখারী ৫০০৮ নং, মুসলিম ৮০৭ নং)

(৫৫৪) হযরত ইবনে আব্বাস رضي الله عنه হতে বর্ণিত, তিনি বলেন, একদা জিবরীল عليه السلام নবী صلى الله عليه وسلم-এর নিকট উপবিষ্ট ছিলেন; এমন সময় উপর দিক হতে এক শব্দ শুনলেন। উপর দিকে মাথা তুলে তিনি বললেন, ‘এ শব্দটি আসমানের এক দরজার শব্দ যা আজ খোলা হল; যা আজ ছাড়া ইতিপূর্বে কক্ষনো খোলা হয়নি। এই দরজা দিয়ে এক ফিরিশ্তা অবতরণ করেন।’ অতঃপর তিনি বললেন, “তিনি এমন এক ফিরিশ্তা যিনি (আজ) পৃথিবীর প্রতি অবতরণ করলেন, আজ ছাড়া ইতি পূর্বে কোনদিন তিনি অবতরণ করেননি। অতঃপর তিনি সালাম দিয়ে বললেন, “(হে মুহাম্মাদ!) আপনি দুটি জ্যোতির সুসংবাদ নিন; যা আপনাকে দান করা হয়েছে এবং যা পূর্বে কোন নবীকেই দান করা হয়নি; (তা হল,) সূরা ফাতেহা ও বাক্বারার শেষ (দুই) আয়াত। যখনই আপনি উভয়কে পাঠ করবেন, তখনই আপনাকে উভয়ের প্রত্যেক বাক্যের (প্রার্থিত বিষয় অথবা সওয়াব) প্রদান করা হবে।” (মুসলিম ৮০৬ নং)

### সূরা বাক্বারাহ ও আ-লে ইমরানের মাহাত্ম্য

(৫৫৫) হযরত আবু উমামাহ বাহেলী رضي الله عنه হতে বর্ণিত, আল্লাহর রসূল صلى الله عليه وسلم বলেছেন, “তোমরা কুরআন পাঠ করা কেননা, তা কিয়ামতের দিন তার পাঠকারীদের জন্য সুপারিশকারীরূপে উপস্থিত হবে। তোমরা দুই জ্যোতির্ময় সূরা; বাক্বারাহ ও আ-লে ইমরান পাঠ করা কারণ উভয়েই মেঘ অথবা উড়ন্ত পাখীর ঝাঁকের ন্যায় কিয়ামতের দিন উপস্থিত হয়ে তাদের পাঠকারীদের হয়ে (আল্লাহর নিকট) হুজ্জত করবে। তোমরা সূরা বাক্বারাহ পাঠ করা কারণ তা গ্রহণ করায় বর্কত এবং বর্জন করায় পরিতাপ আছে। আর বাতেলপন্থীরা এর মোকাবেলা করতে পারে না।” মুআবিয়াহ বিন সাল্লাম বলেন, ‘আমি শুনেছি যে, বাতেলপন্থী অর্থাৎ যাদুকরদল।’ (মুসলিম ৮০৪ নং)

(৫৫৬) হযরত নাউওয়াস বিন সামআন কিলাবী رضي الله عنه বলেন, নবী صلى الله عليه وسلم বলেছেন, “কিয়ামতের দিন কুরআনকে হাজির করা হবে এবং আহলে কুরআনকেও; যারা তার মুতাবেক আমল করত। যার সর্বাগ্রে থাকবে সূরা বাক্বারাহ ও আ-লে ইমরান।”

আল্লাহর রসূল صلى الله عليه وسلم (সূরা দুটি যেরূপ হাজির হবে তার) তিনটি উদাহরণ দিয়েছেন,

আমি এখনও ভুলে যাইনি; তিনি বলেছেন, “যেন সে দুটি দুই খন্ড মেঘ অথবা কালো ছায়া যার মাঝে থাকবে দীপ্তি, অথবা যেন উড়ন্ত পাখীর ঝাঁক; উভয়েই তাদের সপক্ষে (পরিত্রাণের জন্য আল্লাহর নিকট) হুজ্জত করবো।” (মুসলিম ৮০৫নং)

## সূরা কাহফের ফযীলত

(৫৫৭) হযরত আবু দারদা رضي الله عنه প্রমুখাৎ বর্ণিত, আল্লাহর রসূল صلى الله عليه وسلم বলেন, “যে ব্যক্তি সূরা কাহফের শুরু দিকে দশটি আয়াত হিফয করবে, সে ব্যক্তি দাজ্জাল (এর অনিষ্ট) থেকে নিষ্কৃতি পাবে।” (মুসলিম ৮০৯ নং প্রমুখ)

(৫৫৮) হযরত আবু সাঈদ رضي الله عنه হতে বর্ণিত, নবী صلى الله عليه وسلم বলেন, “যে ব্যক্তি জুমআর দিন সূরা কাহফ পাঠ করে, সে ব্যক্তির জন্য দুই জুমআর মধ্যবর্তী কাল জ্যোতির্ময় হয়ে যায়।” (হাকেম, বাইহাক্বী, সহীহুল জামে’ ৬৪৭০নং)

(৫৫৯) হযরত বারা’ رضي الله عنه হতে বর্ণিত, তিনি বলেন, ‘এক ব্যক্তি সূরা কাহফ পাঠ করছিল। তার পাশে ছিল দুই লম্বা রশিতে বাঁধা এক (নর) ঘোড়া। ইত্যবসরে এক খন্ড মেঘ এসে ঘোড়াটিকে আচ্ছাদন করে ফেলল। মেঘখন্ডটি একটু একটু করে নিকটবর্তী হতে লাগল। আর ঐ লোকটির ঘোড়াটি লাগল চকতে। অতঃপর সকাল হলে লোকটি নবী صلى الله عليه وسلم-এর নিকট ঐ বৃত্তান্ত খুলে বলল। তা শুনে তিনি বললেন, “ওটা ছিল প্রশান্তি; যা কুরআনের কারণে অবতীর্ণ হয়েছিল।” (বুখারী ৫০১১ নং, মুসলিম ৭৯৫ নং)

## আদিতে তসবীহ-বিশিষ্ট সূরার ফযীলত

(৫৬০) হযরত ইরবায় বিন সারিয়াহ رضي الله عنه কর্তৃক বর্ণিত, তিনি বলেন, নবী صلى الله عليه وسلم শয়ন করার আগে শুরুতে তসবীহ (সুবহা-না, সাব্বাহা, য়ুসাক্বিহ, ও সাক্বিহ)বিশিষ্ট (বানী ইসরাঈল, হাদীদ, হাশ্ব, সাফফ, জুমুআহ, তাগাবুন, ও আ’লা এই সাতটি) সূরা পাঠ করতেন। তিনি বলেন, “ঐ সূরাগুলির মধ্যে এমন একটি আয়াত নিহিত আছে যা এক হাজার আয়াত অপেক্ষা শ্রেষ্ঠ।” (সহীহ তিরমিযী ২৩৩৩ নং)

## সূরা মুল্কের মাহাত্ম্য

(৫৬১) হযরত আবু হুরাইরা رضي الله عنه প্রমুখাৎ বর্ণিত, নবী صلى الله عليه وسلم বলেন, “কুরআনের মধ্যে ৩০টি আয়াত-বিশিষ্ট এমন একটি সূরা রয়েছে যা এক ব্যক্তির জন্য সুপারিশ





দয়ালু (আল্লাহর) গুণাবলী বর্ণিত হয়েছে। তাই আমি ওটাকে (বারবার) পড়তে ভালোবাসি।’ একথা শুনে তিনি বললেন, “ওকে সংবাদ দাও যে, আল্লাহ আয্যা অজাল্লও ওকে ভালো বাসেন।” (বুখারী ৭৩৭৫ নং, মুসলিম ৮ ১৩ নং)

(৫৬৭) হযরত মুআয বিন আনাস ؓ হতে বর্ণিত, নবী ﷺ বলেন, “যে ব্যক্তি ‘কুল হুঅল্লা-হু আহাদ’ শেষ পর্যন্ত ১০ বার পাঠ করবে, আল্লাহ সেই ব্যক্তির জন্য জান্নাতে এক মহল নির্মাণ করবেন।” (আহমাদ, প্রমুখ, সিসিলাহ সহীহাহ ৫৮৯নং)

(৫৬৮) হযরত আবু হুরাইরা ؓ বলেন, একদা নবী ﷺ-এর সহিত (একস্থানে) আগমন করলাম। তিনি এক ব্যক্তির নিকট শুনলেন, সে ‘কুল হুঅল্লা-হু আহাদ’ পড়ছে। অতঃপর তিনি বললেন, “অনিবার্ষা” আমি বললাম, ‘কি অনিবার্ষা?’ তিনি বললেন, “জান্নাত।” (সহীহ তিরমিযী ২৩২০নং)

## সূরা ‘ফালাক্ব’ ও ‘নাস’ এর মাহাত্ম্য

(৫৬৯) হযরত উক্ববাহ বিন আমের ؓ হতে বর্ণিত, তিনি বলেন, আল্লাহর রসূল ﷺ একদা বললেন, “তুমি কি দেখনি, আজ রাতে আমার উপর কতকগুলি আয়াত অবতীর্ণ হয়েছে; যার অনুরূপ আর কিছু দেখা যায় নি? (আর তা হল,) ‘কুল আউযু বিরাক্বিল ফালাক্ব’ ও ‘কুল আউযু বিরাক্বিন নাসা’ (মুসলিম ৮ ১৪ নং, তিরমিযী)

বিবাহ ও দাম্পত্য অধ্যায়



## বিবাহের গুরুত্ব

মহান আল্লাহ বলেন,

﴿فَأَنْكِحُوا مَا طَابَ لَكُمْ مِنَ النِّسَاءِ مَثْنَى وَثُلَاثَ وَرُبْعًا فَإِنْ خِفْتُمْ أَلَّا تَعْدِلُوا فَوَاحِدَةً أَوْ مَا مَلَكَتْ

أَيْمَانُكُمْ ذَٰلِكَ أَدْنَىٰ أَلَّا تَعُولُوا ﴿٥٦﴾﴾

অর্থাৎ, ---তবে বিবাহ কর নারীদের মধ্য হতে যাকে তোমাদের ভাল লাগে দুই, তিন অথবা চারটি। আর যদি আশঙ্কা কর যে (স্ত্রীদের মাঝে) সুবিচার করতে পারবে না, তাহলে একটি (বিবাহ কর) অথবা অধিকারভুক্ত দাসী (ক্রীতদাসী বা যুদ্ধবন্দিনী

দাসী ব্যবহার কর)। এতেই তোমাদের পক্ষপাতিত্ব না করার অধিক সম্ভাবনা আছে। (সূরা নিসা ৩ আয়াত)

﴿وَأَنْكِحُوا الْأَيِّمَىٰ مِنْكُمْ وَالصَّالِحِينَ مِنْ عِبَادِكُمْ وَإِمَائِكُمْ ۚ إِنَّ يَكُونُوا فُقَرَاءَ يُغْنِيهِمُ اللَّهُ مِنْ فَضْلِهِ ۗ وَاللَّهُ وَسِعُ عِلْمُهُ ۝﴾

অর্থাৎ, তোমাদের মধ্যে যাদের স্বামী-স্ত্রী নেই তাদের বিবাহ সম্পাদন কর এবং তোমাদের দাস-দাসীদের মধ্যে যারা সৎ তাদেরও। তারা অভাবগ্রস্ত হলে আল্লাহ নিজ অনুগ্রহে তাদেরকে অভাবমুক্ত করে দেবেন। আল্লাহ তো প্রাচুর্যময়, সর্বজ্ঞ। (সূরা নূর ৩২ আয়াত)

(৫৭০) হযরত আনাস رضي الله عنه হতে বর্ণিত, নবী صلى الله عليه وسلم বলেন, “বান্দা যখন বিবাহ করে তখন সে তার অর্ধেক দ্বীন পূর্ণ করে নেয়। অতএব তাকে তার অবশিষ্ট অর্ধেক দ্বীনের ব্যাপারে আল্লাহকে ভয় করা উচিত।” (বাইহাফী *শুআবুল ঈমান*, *সহীহুল জামে’* ৪৩০ নং)

(৫৭১) হযরত আবু হুরাইরা رضي الله عنه কর্তৃক বর্ণিত, নবী صلى الله عليه وسلم বলেন, “তিন ব্যক্তিকে সাহায্য করা আল্লাহর দায়িত্ব; আল্লাহর রাস্তায় জিহাদকারী মুজাহিদ, সেই ক্রীতদাস যে নিজেকে স্বাধীন করার জন্য তার প্রভুকে কিস্তিতে নির্দিষ্ট অর্থ দেওয়ার চুক্তি লিখে সেই অর্থ আদায় করার ইচ্ছা করে এবং সেই বিবাহকারী যে বিবাহের মাধ্যমে (অবৈধ যৌনাচার হতে) নিজের চরিত্রের পবিত্রতা কামনা করে।” (আহমাদ, *তিরমিযী*, *নাসাঈ*, *বাইহাফী*, *হাকেম*, *সহীহুল জামে’* ৩০৫০ নং)

## দাম্পত্যের ব্যবহার

মহান আল্লাহ বলেন,

﴿وَعَايَشُهُنَّ بِالْمَعْرُوفِ ۚ فَإِنْ كَرِهْتُمُوهُنَّ فَعَسَىٰ أَنْ تَكْرَهُنَّ شَيْئًا وَبِحَعْلِ اللَّهِ فِيهِ خَيْرٌ ۚ كَثِيرًا ۝﴾

অর্থাৎ, “আর তাদের (অর্থাৎ স্ত্রীদের) সহিত সদ্ভাবে জীবন-যাপন কর। তোমরা যদি তাদেরকে ঘৃণা কর তবে এমনও হতে পারে যে, তোমরা যা ঘৃণা করছ, আল্লাহ তার মধ্যেই প্রভূত কল্যাণ নিহিত রেখেছেন।” (সূরা নিসা ১৯ আয়াত)

(৫৭২) হযরত আবু হুরাইরা رضي الله عنه কর্তৃক বর্ণিত, নবী صلى الله عليه وسلم বলেন, “কোন মু’মিন পুরুষ যেন কোন মু’মিন স্ত্রীকে ঘৃণা না বাসে। কারণ সে তার একটা গুণ অপছন্দ করলেও অপর আর একটা গুণে মুগ্ধ হবে।” (মুসলিম, *মিশকাত* ৩২৪০নং)

(৫৭৩) হযরত খুয়াইলিদ বিন উমার খুযাঈ رضي الله عنه কর্তৃক বর্ণিত, নবী صلى الله عليه وسلم বলেন, “হে আল্লাহ! আমি দুই দুর্বল; এতীম ও নারীর অধিকার নষ্ট হওয়ার ব্যাপারে পাপ হওয়ার কথা ঘোষণা করছি।” (আহমাদ ২/৪৩৯, *ইবন মাজহ* ৩৬৭৮নং)

(৫৭৪) হযরত আবু হুরাইরা رضي الله عنه কর্তৃক বর্ণিত, নবী صلى الله عليه وسلم বলেন, “তোমরা নারীদের

জন্য হিতাকাঙ্ক্ষী হও। কারণ, নারী জাতি বন্ধিম পঞ্জরাস্থি হতে সৃষ্ট। (সুতরাং তাদের প্রকৃতিই বন্ধিম ও টেরা।) অতএব তুমি সোজা করতে গেলে হয়তো তা ভেঙ্গেই ফেলবে (তালুক দেবে)। আর নিজের অবস্থায় উপেক্ষা করলে তা বাঁকা থেকেই যাবে। অতএব তাদের জন্য মঙ্গলকামী হও।” (বুখারী, মুসলিম, মিশকাত ৩২৩৮-নং)

(৫৭৫) হযরত আবু হুরাইরা رضي الله عنه কর্তৃক বর্ণিত, নবী صلى الله عليه وسلم বলেন, “সবার চেয়ে পূর্ণ ঈমানদার ব্যক্তি সে, যার চরিত্র সবার চেয়ে সুন্দর এবং ওদের মধ্যে সর্বাপেক্ষা উত্তম ব্যক্তি সেই, যে তার স্ত্রীর নিকট উত্তম।” (তিরমিযী, ইবনে হিব্বান, সহীহুল জামে’ ১২৩২নং)

(৫৭৬) হযরত আয়েশা (রাঃ)কে জিজ্ঞাসা করা হল যে, নবী صلى الله عليه وسلم ঘরে কি করেন? উত্তরে তিনি বললেন, ‘তিনি সাংসারিক কাজ করতেন। অতঃপর নামাযের সময় হলে নামাযের জন্য বের হয়ে যেতেন।’ (বুখারী ৬৯৩৯নং)

(৫৭৭) মা আয়েশা (রাঃ) বলেন, ‘আল্লাহর রসূল صلى الله عليه وسلم নিজ হাতে কাউকে প্রহার করেননি; না কোন স্ত্রীকে, আর না-ই কোন দাস-দাসীকে। অবশ্য আল্লাহর রাস্তায় তিনি জিহাদ করেছেন। তাঁর প্রতি কেউ অন্যায় করলে কোনদিন তার প্রতিশোধ নেননি। অবশ্য আল্লাহর হারামকৃত কোন জিনিসের লংঘন হলে, তিনি আল্লাহ তাআলার জন্য প্রতিশোধ নিতেন।’ (মুসলিম ২৩২৮নং)

(৫৭৮) হযরত মুআবিয়া رضي الله عنه বলেন, একদা আমি জিজ্ঞাসা করলাম, ‘হে আল্লাহর রসূল! স্বামীর উপর স্ত্রীর হুক কি?’ উত্তরে তিনি বললেন, “তুমি যখন খাবে, তখন তাকেও খাওয়াবে, তুমি পরলে তাকেও পরাবে, তার চেহারা মারবে না, তার চেহারা বিকৃত হওয়ার বদ্দুআ করবে না এবং ঘরে ছাড়া (অন্য জায়গায় রাগে) তাকে বর্জন করবে না।” (আবু দাউদ ২ ১৪২নং)

(৫৭৯) হযরত আমর বিন আহওয়াস رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “শোন! তোমরা স্ত্রীদের ব্যাপারে মঙ্গলকামী হও। তারা তো তোমাদের নিকট বন্দিনী মাত্র। এ ছাড়া তোমরা তাদের অন্য কিছু মালিক নও।” (তিরমিযী ১১৬৩নং)

(৫৮০) হযরত আবু হুরাইরা رضي الله عنه বলেন, ‘নবী صلى الله عليه وسلم কখনো কোন খাবারের দোষ বর্ণনা করেননি। (খাবার সামনে এলে) রুচি (বা ইচ্ছা) হলে তিনি খেতেন, তা না হলে বর্জন করতেন।’ (বুখারী ৫৪০৯, মুসলিম ২০৬৪নং)

(৫৮১) মা আয়েশা (রাঃ) বলেন, ‘একদা এক সফরে আমি আল্লাহর রসূল صلى الله عليه وسلم-এর সাথে ছিলাম। এক জায়গায় আমরা দৌড় প্রতিযোগিতা করলাম এবং তাতে আমি তাঁকে হারিয়ে দিলাম। অতঃপর যখন আমি মোটা হয়ে গেলাম, তখন একবার প্রতিযোগিতা করলাম এবং তিনি আমাকে হারিয়ে দিলেন।’ (আবু দাউদ ২ ৫৭৮নং)

## পুণ্যময়ী স্ত্রীর মাহাত্ম্য

মহান আল্লাহ বলেন,

﴿فَالصَّالِحَاتُ قَنَاطَتْ حَفِظَتْ لَلْغَيْبِ بِمَا حَفِظَ اللَّهُ﴾

অর্থাৎ, “সুতরাং সাদ্বী নারীরা অনুগতা এবং পুরুষের অনুপস্থিতিতে লোকচক্ষুর অন্তরালে নিজেদের ইজ্জত রক্ষাকারিণী। আল্লাহর হিফায়তে তারা তা হিফায়ত করে।” (সূরা নিসা ৩৪ আয়াত)

(৫৮২) হযরত আবু হুরাইরা رضي الله عنه কর্তৃক বর্ণিত, আল্লাহর রসূল ﷺ বলেন, “মহিলার চারটি জিনিস দেখে বিবাহ করা হয়; তার সম্পদ, উচ্চ বংশ, রূপ ও দ্বীন দেখে। তুমি দ্বীনদার মহিলা পেতে সফল হও, তোমার হাত ধুলিধূসরিত হোক।” (বুখারী ৫০৯০নং)

(৫৮৩) হযরত আব্দুল্লাহ বিন আমর رضي الله عنه প্রমুখাৎ বর্ণিত, নবী ﷺ বলেন, “দুনিয়া (তার সবকিছু) উপভোগ্য বস্তু। আর দুনিয়ার উপভোগ্য বস্তুসমূহের মধ্যে সর্বাপেক্ষা শ্রেষ্ঠ বস্তু হল পুণ্যময়ী স্ত্রী।” (মুসলিম ১৪৬৭ নং)

(৫৮৪) হযরত সা’দ বিন আবী অক্কাস رضي الله عنه কর্তৃক বর্ণিত, আল্লাহর রসূল ﷺ বলেন, “পুরুষের জন্য সুখ ও সৌভাগ্যের বিষয় হল চারটি; সাদ্বী নারী, প্রশস্ত বাড়ি, সং প্রতিবেশী এবং সচল সওয়ারী (গাড়ি)। আর দুখ ও দুর্ভাগ্যের বিষয়ও চারটি; অসং প্রতিবেশী, অসতী স্ত্রী, অচল সওয়ারী (গাড়ি) এবং সংকীর্ণ বাড়ি।” (সিলসিলাহ সহীহাহ ২৮২নং)

(৫৮৫) হযরত সা’দ বিন আবী অক্কাস رضي الله عنه কর্তৃক বর্ণিত, আল্লাহর রসূল ﷺ বলেন, “সৌভাগ্যের স্ত্রী সেই; যাকে দেখে স্বামী মুগ্ধ হয় এবং সংসার ছেড়ে বাইরে গেলে স্ত্রী ও তার সম্পদের ব্যাপারে নিশ্চিন্ত থাকে। আর দুর্ভাগার স্ত্রী হল সেই; যাকে দেখে স্বামীর মন তিক্ত হয়, যে স্বামীর উপর জিভ লম্বা করে (লানতান করে) এবং সংসার ছেড়ে বাইরে গেলে ঐ স্ত্রী ও তার সম্পদের ব্যাপারে সে নিশ্চিন্ত হতে পারে না।” (ঐ ১০৪৭নং)

(৫৮৬) হযরত আবু হুরাইরা رضي الله عنه কর্তৃক বর্ণিত, আল্লাহর রসূল ﷺ বলেন, “শ্রেষ্ঠা রমণী সেই, যার প্রতি তার স্বামী দৃক্পাত করলে সে তাকে খোশ করে দেয়, কোন আদেশ করলে তা পালন করে এবং তার জীবন ও সম্পদে স্বামীর অপছন্দনীয় বিরুদ্ধাচরণ করে না।” (ঐ ১৮৩৮নং)

(৫৮৭) হযরত যাওবান رضي الله عنه কর্তৃক বর্ণিত, আল্লাহর রসূল ﷺ বলেন, “তোমাদের প্রত্যেককে কৃতজ্ঞ হৃদয়, (আল্লাহর) যিকরকারী জিহ্বা এবং আখেরাতের কাজে সহায়িকা মুমিন স্ত্রী গ্রহণ করা উচিত।” (আহমাদ, ইবনে মাজাহ ১৮৫৬নং)

## স্বামীর আনুগত্য করার গুরুত্ব

মহান আল্লাহ বলেন,

﴿الرِّجَالُ قَوَّامُونَ عَلَى النِّسَاءِ بِمَا فَضَّلَ اللَّهُ بَعْضَهُمْ عَلَى بَعْضٍ وَبِمَا أَنْفَقُوا مِنْ أَمْوَالِهِمْ﴾

অর্থাৎ, পুরুষ হল নারীর কর্তা। কারণ আল্লাহ তাদের এককে অপরের উপর শ্রেষ্ঠত্ব দান করেছেন এবং এ শ্রেষ্ঠত্ব এজন্য যে, পুরুষ (তাদের জন্য) ধন ব্যয় করে থাকে। (সূরা নিসা ৩৪ আয়াত)

﴿وَهُنَّ مِثْلُ الَّذِي عَلَيْنَّ بِالْمَعْرُوفِ وَلِلرِّجَالِ عَلَيْنَّ دَرَجَةٌ﴾

অর্থাৎ, “নারীদের তেমনি ন্যায্যসঙ্গত অধিকার আছে, যেমন আছে তাদের উপর পুরুষদের। কিন্তু নারীদের উপর পুরুষদের রয়েছে শ্রেষ্ঠত্ব। (সূরা বাক্বারাহ ২২৮ আয়াত)

(৫৮৮) হযরত আবু হুরাইরা رضي الله عنه হতে বর্ণিত, নবী صلى الله عليه وسلم বলেন, “মহিলা যখন তার পাঁচ ওয়াস্তের নামায আদায় করে, তার রমযান মাসের রোযা পালন করে, (অবৈধ যৌনাচার থেকে) তার যৌনাঙ্গকে সংযত রাখে এবং তার স্বামীর কথা ও আদেশমত চলে, তখন তাকে বলা হয়, জান্নাতের যে দরজা দিয়ে ইচ্ছা তুমি সেই দরজা দিয়েই জান্নাতে প্রবেশ করা।” (ইবনে হিব্বান, সহীহুল জামে’ ৬৬০ নং)

(৫৮৯) হযরত আব্দুল্লাহ বিন আব্বাস رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “---তোমাদের স্ত্রীরাও জান্নাতী হবে; যে স্ত্রী অধিক প্রণয়িনী, সন্তানদাত্রী, বার-বার ভুল করে বার-বার স্বামীর নিকট আত্মসমর্পণকারিণী, যার স্বামী রাগ করলে সে তার নিকট এসে তার হাতে হাত রেখে বলে, আপনি রাজি (ঠান্ডা) না হওয়া পর্যন্ত আমি ঘুমাবই না।” (সিলসিলাহ সহীহাহ ২৮৭ নং)

## স্বামীকে রাগান্বিত ও তার অবাধ্যাচরণ করা হতে স্ত্রীকে ভীতি-প্রদর্শন

(৫৯০) হযরত ইবনে উমার رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “তোমাদের প্রত্যেকেই দায়িত্বশীল এবং প্রত্যেকেই তার দায়িত্ব-বিষয়ে (কিয়ামতে) কৈফিয়ত করা হবে। ইমাম (রাষ্ট্রনায়ক তার রাষ্ট্রের) একজন দায়িত্বশীল, সে তার দায়িত্ব-সম্পর্কে জিজ্ঞাসিত হবে। পুরুষ তার পরিবারে দায়িত্বশীল, সে তার দায়িত্ব-বিষয়ে জিজ্ঞাসিত হবে। মহিলা তার স্বামী-গৃহের দায়িত্বশীলা, সে তার দায়িত্ব-বিষয়ে জিজ্ঞাসিতা হবে। চাকর তার মুনিবের অর্থের দায়িত্বশীল, সে তার দায়িত্ব-বিষয়ে জিজ্ঞাসিত হবে। তোমাদের প্রত্যেকেই এক একজন দায়িত্বশীল এবং প্রত্যেকেই তার দায়িত্ব-বিষয়ে জিজ্ঞাসিত হবে।” (বুখারী ৮৯৩, ৫১৮৮ প্রভৃতি, মুসলিম ১৮২৯নং)





শাইবাহু আবু দাউদ, বাইহাকী প্রভৃতি, আদাবুয ফিফাফ ১৪৩৭%)

### অকারণে তালাক চাওয়া হতে স্ত্রীকে ভীতি-প্রদর্শন

(৫৯৮) হযরত ষাউবান رضي الله عنه হতে বর্ণিত, “নবী ﷺ বলেন, “যে স্ত্রীলোক অকারণে তার স্বামীর নিকট থেকে তালাক চাইবে সে স্ত্রীলোকের জন্য জান্নাতের সুগন্ধও হারাম হয়ে যাবে।” (আবু দাউদ ২২২৬, তিরমিযী ১১৮৭, ইবনে মাজাহ ২০৫৫নং, ইবনে হিমান, বাইহাকী ৭/৩১৬, সহীছুল জামে’ ২৭০৬নং)

(৫৯৯) হযরত ষাউবান رضي الله عنه হতে বর্ণিত, “নবী ﷺ বলেন, “খোলা তালাক প্রার্থিনী এবং বিবাহ বন্ধন ছিন্নকারিণীরা মুনাফিক মেয়ে।” (আহমাদ, নাসাঈ, বাইহাকী, সিলসিলাহ সহীহাহ ৬৩২নং)

### নারীর ফিতনা হতে ভীতি-প্রদর্শন

(৬০০) হযরত উসামা বিন যায়দ رضي الله عنه কর্তৃক বর্ণিত, নবী ﷺ বলেন, “আমার গত হওয়ার পরে পুরুষের পক্ষে নারীর চেয়ে অধিকতর ক্ষতিকর কোন ফিতনা অন্য কিছু ছেড়ে যাচ্ছি না।” (আহমাদ, বুখারী ৫০৯৬, মুসলিম ২৭৪০নং, তিরমিযী, ইবনে মাজাহ)

(৬০১) হযরত আবু সাঈদ খুদরী رضي الله عنه কর্তৃক বর্ণিত, নবী ﷺ বলেন, “দুনিয়া হল সুমিষ্ট ও শ্যামলা। নিশ্চয় আল্লাহ তোমাদেরকে তাতে খলীফা বানিয়েছেন, যাতে তিনি দেখে নেন যে, তোমরা কেমন আমল কর। অতএব তোমরা দুনিয়া ও নারীর ব্যাপারে সতর্কতা অবলম্বন কর। আর জেনে রেখো যে, বনী ইসরাঈলের প্রথম ফিতনা যা ছিল, তা ছিল নারীকে কেন্দ্র করে।” (আহমাদ, মুসলিম ২৭৪২, তিরমিযী ২১৯১, ইবনে মাজাহ ৪০০০ নং)

❀ নারীঘটিত ফিতনা অনেক। তার সঙ্গে গম্য পুরুষের নির্জনবাস ফিতনা, একাকিনী সফর করা ফিতনা, অপ্রয়োজনে ঘর থেকে তার বের হওয়া ফিতনা, পুরুষের পক্ষে নারীর তাবেদারী করা ফিতনা, তার সুগন্ধি ব্যবহার করে বাইরে যাওয়া ফিতনা, তার বেপর্দা হওয়া ফিতনা, পর্দার ব্যাপারে তাদের সাথে অবহেলা প্রদর্শন ফিতনা। আল্লাহ আমাদেরকে সর্বপ্রকার ফিতনা থেকে রক্ষা করুন। আমীন।

### বেগানা মহিলার সহিত নির্জনবাস ও তাকে স্পর্শ করা হতে ভীতি-প্রদর্শন

(৬০২) হযরত উকবাহ বিন আমের رضي الله عنه কর্তৃক বর্ণিত, আল্লাহর রসূল ﷺ বলেন, “তোমরা মহিলাদের নিকট প্রবেশ করা হতে সাবধান থেকে।” এ কথা শুনে



আনসার গোত্রের এক ব্যক্তি বলল, ‘কিন্তু দেওর সম্বন্ধে আপনার মত কি?’ তিনি বললেন, “দেওর তো মৃত্যুস্বরূপ।” (বুখারী ৫২৩২, মুসলিম ২১৭২, তিরমিযী ১১৭১ নং)

❀ যেহেতু ভাবী-দেওরে অঘটন ঘটা অধিক সম্ভব, তাই সমাজ বিজ্ঞানী নবীর এই সতর্কবাণী।

(৬০৩) হযরত উমার رضي الله عنه কর্তৃক বর্ণিত, নবী صلى الله عليه وسلم বলেন, “যখনই কোন পুরুষ কোন মহিলার সহিত নির্জনতা অবলম্বন করে, তখনই শয়তান তাদের তৃতীয় সাথী (কেটনা) হয়।” (তিরমিযী, সহীহ তিরমিযী ৯৩৪নং)

(৬০৪) হযরত জাবের رضي الله عنه হতে বর্ণিত, নবী صلى الله عليه وسلم বলেন, “তোমরা এমন মহিলাদের নিকট গমন করো না যাদের স্বামী বর্তমানে উপস্থিত নেই। কারণ শয়তান তোমাদের প্রত্যেকের রক্ত-শিরায় প্রবাহিত হয়।” আমরা বললাম, ‘আর আপনারও রক্ত-শিরায়?’ তিনি বললেন, “হ্যাঁ, আমারও রক্ত-শিরায়। তবে আল্লাহ তার বিরুদ্ধে আমাকে সহায়তা করেন বলে আমি নিরাপদে থাকি।” (তিরমিযী, ইবনে মাজাহ ১৭৭৯, সহীহ তিরমিযী ৯৩৫নং)

(৬০৫) হযরত মা’কাল বিন য্যাসার رضي الله عنه কর্তৃক বর্ণিত, নবী صلى الله عليه وسلم বলেন, “যে মহিলা (স্পর্শ করা) হালাল নয় তাকে স্পর্শ করার চেয়ে তোমাদের কারো মাথায় লোহার ছুঁচ গুঁথে যাওয়া অনেক ভালো।” (তাবারানী, সহীহুল জামে’ ৫০৪৫নং)

❀ বলা বাহুল্য, মিশ্র শিক্ষা-প্রতিষ্ঠানে, ট্রেনে-বাসে, হাটে-বাজারে মুসলিমকে একথা খেয়াল রেখে চলা অবশ্যকর্তব্য। পর্দাহীনা বা আধুনিকা মহিলা নিজে সতর্ক না হলেও তাকে সতর্ক হতেই হবে। পরিবেশের স্রোতে গা ভাসিয়ে দিলে নিশ্চয় গোনাহগার হবে সে। চিকিৎসার ক্ষেত্রে চিকিৎসক অতি প্রয়োজনে রোগিণীর দেহ স্পর্শ করতে পারে। নচেৎ অপ্রয়োজনে স্পর্শ করলে সেও পাপী হবে। পুরুষ দর্জি মহিলার কোন জামা থেকে তার দেহের মাপ নেবে। সরাসরি তার দেহ থেকে মাপ নিতে পারে না। খেলাধুলার ক্ষেত্রেও কোন পুরুষ কোন বেগানা নারীর গায়ে হাত লাগাতে পারে না। আর ইচ্ছাকৃত কোন অবৈধ মহিলার দেহ স্পর্শ তো পাপ বটেই।

## সুসজ্জিতা ও সুবাসিতা হয়ে বাইরে যাওয়া হতে মহিলাকে ভীতি-প্রদর্শন

(৬০৬) হযরত আবু মুসা رضي الله عنه কর্তৃক বর্ণিত, নবী صلى الله عليه وسلم বলেন, “প্রত্যেক চক্ষুই ব্যভিচারী। আর মহিলা যদি (কোন প্রকার) সুগন্ধ ব্যবহার করে কোন (পুরুষদের) মজলিসের পাশ দিয়ে অতিক্রম করে তবে সে ব্যভিচারিণী (বেশ্যার মেয়ে)।” (আবু দাউদ, তিরমিযী, নাসাঈ, ইবনে হিব্বান, ইবনে খুযাইমাহ, হাকেম, সহীহুল জামে’ ৪৫৪০নং)

(৬০৭) হযরত আবু হুরাইরা رضي الله عنه কর্তৃক বর্ণিত, একদা চাশাতের সময় তিনি মসজিদ থেকে বের হলেন। দেখলেন, একটি মহিলা মসজিদ প্রবেশে উদ্যত। তার

দেহ বা লেবাস থেকে উৎকৃষ্ট সুগন্ধির সুবাস ছড়াচ্ছিল। আবু হুরাইরা মহিলাটির উদ্দেশ্যে বললেন, ‘আলাইকিস্ সালাম।’ মহিলাটি সালামের উত্তর দিল। তিনি তাকে প্রশ্ন করলেন, ‘কোথায় যাবে তুমি?’ সে বলল, ‘মসজিদে।’ বললেন, ‘কি জন্য এমন সুন্দর সুগন্ধি মেখেছ তুমি?’ বলল, ‘মসজিদের জন্য।’ বললেন, ‘আল্লাহর কসম?’ বলল, ‘আল্লাহর কসম।’ পুনরায় বললেন, ‘আল্লাহর কসম?’ বলল, ‘আল্লাহর কসম।’ তখন তিনি বললেন, ‘তবে শোন, আমাকে আমার প্রিয়তম আবুল কাসেম ﷺ বলেছেন যে, “সেই মহিলার কোন নামায কবুল হয় না, যে তার স্বামী ছাড়া অন্য কারোর জন্য সুগন্ধি ব্যবহার করে; যতক্ষণ না সে নাপাকীর গোসল করার মত গোসল করে নেয়।” অতএব তুমি ফিরে যাও, গোসল করে সুগন্ধি ধুয়ে ফেল। তারপর ফিরে এসে নামায পড়ো।’ (আবু দাউদ, নাসাঈ, ইবনে মাজাহ, বাইহাকী, সিলসিলাহ সহীহাহ ১০৩১নং)

(৬০৮) হযরত আবু হুরাইরা ﷺ কর্তৃক বর্ণিত, আল্লাহর রসূল ﷺ বলেন, “আল্লাহর বান্দীদেরকে মসজিদে আসতে বারণ করো না, তবে তারা যেন খোশবু ব্যবহার না করে সাদাসিধাভাবে আসে।” (আহমাদ, আবু দাউদ, সহীহুল জামে’ ৭৪৫৭নং)

❀ সুগন্ধি লাগিয়ে মহিলা নামাযের উদ্দেশ্যে মসজিদেও যেতে পারে না। সুতরাং যে সব মেয়েরা বিভিন্ন ধরনের প্রসাধন ও পারফিউম ব্যবহার করে বাইরে পুরুষদের ভিড় ঠেলে বাসে-ট্রেনে, হাটে-বাজারে বা স্কুল-কলেজে যায় তারা ও তাদের অভিভাবকরা সচেতন হবে কি?

## স্ত্রী-পরিজনের উপর ব্যয় করার ফযীলত

(৬০৯) হযরত আবু মসউদ ﷺ হতে বর্ণিত, নবী ﷺ বলেন, “কোন ব্যক্তি যখন তার পরিবারের উপর খরচ করে এবং এতে সওয়াবের আশা রাখে, তখন ঐ খরচ তার জন্য সদকার সমতুল্য হয়।” (বুখারী ৫৫ নং, মুসলিম ১০০২ নং)

(৬১০) হযরত আবু হুরাইরা ﷺ কর্তৃক বর্ণিত, তিনি বলেন, আল্লাহর রসূল ﷺ বলেছেন, “আল্লাহর পথে ব্যয়িত তোমার একটি দীনার, দাসমুক্তকরণে ব্যয়িত তোমার অপর একটি দীনার, নিঃস্ব ব্যক্তিকে দানকৃত তোমার আরো একটি দীনার এবং তোমার পরিবারের উপর খরচকৃত অপর আরো একটি দীনার; উক্ত দীনারগুলোর মধ্যে সওয়াবের দিক দিয়ে সবচেয়ে শ্রেষ্ঠ দীনার হল সেটাই, যেটা তুমি তোমার পরিবারের উপর খরচ করে থাকো।” (মুসলিম ৯৯৫ নং)

## যাদের ভরণ-পোষণের দায়িত্ব আছে তাদেরকে উপেক্ষা করা হতে ভীতি-প্রদর্শন

(৬১১) হযরত আব্দুল্লাহ বিন আমর ﷺ কর্তৃক বর্ণিত, নবী ﷺ বলেন, “মানুষের



## খারাপ নাম রাখা হতে ভীতি-প্রদর্শন

মহান আল্লাহ বলেন,

﴿ وَلَا تَلْمِزُوا أَنْفُسَكُمْ وَلَا تَنَابَزُوا بِاللِّغَابِ بِئْسَ الْأَلْسَمُ الْفُسُوقُ بَعْدَ الْإِيمَانِ وَمَنْ لَّمْ يَتُبْ فَأُولَئِكَ

﴿ هُمُ الظَّالِمُونَ ﴾

অর্থাৎ, এবং তোমরা এক অপরকে মন্দ নামে ডেকো না; ঈমানের পর ফাসেকী নামে ডাকা গর্হিত কাজ। যারা এ ধরনের আচরণ থেকে নিবৃত্ত না হয় তারা ই সীমালংঘনকারী। (সূরা হুজরাত ১১ আয়াত)

(৬১৫) হযরত আবু হুরাইরা رضي الله عنه হতে বর্ণিত, আল্লাহর রসূল ﷺ বলেন, “আল্লাহ আয্যা অজাল্লার নিকট সবচেয়ে নিকৃষ্ট নাম হল শাহানশাহ” (বুখারী ৬২০৬, মুসলিম ২১৪৩ নং)

❀ যে নামে আল্লাহর সমকক্ষতা, মানুষের অহংকার, আত্মপ্রশংসা প্রভৃতি প্রকাশ পায় সে নাম রাখা বৈধ নয়। ‘শাহানশাহ’ এর অর্থ হল রাজাধিরাজ। আর সার্বভৌম অধীশ্বর হলেন আল্লাহ। তাই এ নাম কোন মানুষের জন্য সমীচীন নয়। অনুরূপ আব্দুর রসূল, আব্দুলনী, রসূল বখশ, গোলাম নবী প্রভৃতি নামে শিক হয়। পিতা-মাতার উচিত, সন্তানের সুন্দর নামকরণ করা; নামের অর্থ না জানলে জ্ঞানীদেরকে জিজ্ঞাসা করে নাম রাখা।

## পরের বাপকে বাপ বলা অথবা অন্য প্রভুর প্রতি (মুক্ত দাসের) সম্বন্ধ জুড়া হতে ভীতি-প্রদর্শন

(৬১৬) হযরত সা’দ বিন আবী অক্কাস رضي الله عنه হতে বর্ণিত, আল্লাহর রসূল ﷺ বলেন, “যে ব্যক্তি পরের বাপকে নিজের বাপ বলে, অথচ সে জানে যে, সে তার বাপ নয় সে ব্যক্তির জন্য জান্নাত হারাম।” (বুখারী ৬৭৬৬, ৬৭৬৭, মুসলিম ৬৩নং, আবু দাউদ, ইবনে মাজাহ)

(৬১৭) হযরত আব্দুল্লাহ বিন আমর رضي الله عنه হতে বর্ণিত, আল্লাহর রসূল ﷺ বলেন, “যে ব্যক্তি পরের বাপকে নিজের বাপ বলে দাবী করে, সে ব্যক্তি জান্নাতের সুগন্ধিও পাবে না। অথচ তার সুগন্ধি ৫০০ বছরের দূরবর্তী স্থান থেকেও পাওয়া যাবে।” (আহমাদ ২/১৭১, ইবনে মাজাহ ২৬১১, সহীহুল জামে’ ৫৯৮৮নং)

(৬১৮) হযরত আনাস رضي الله عنه হতে বর্ণিত, নবী ﷺ বলেন, সে ব্যক্তি পরের বাপকে নিজের বাপ বলে দাবী করে অথবা তার (স্বাধীনকারী) প্রভু ছাড়া অন্য প্রভুর প্রতি সম্বন্ধ জুড়ে, সে ব্যক্তির উপর কিয়ামত পর্যন্ত আল্লাহর অবিরাম অভিশাপ।” (আবু দাউদ, সহীহুল জামে’ ৫৯৮৭নং)

(৬১৯) মুসলিম শরীফের এক বর্ণনায় আছে যে, “এমন ব্যক্তির উপর আল্লাহ,

ফিরিশ্বামন্ডলী এবং সমগ্র মানবমন্ডলীর অভিষাপ। আল্লাহ কিয়ামতের দিন তার নিকট থেকে কোন নফল অথবা ফরয ইবাদতই গ্রহণ করবেন না।” (মুসলিম ১৩৭০নং)

(৬২০) হযরত আব্দুল্লাহ বিন আমর رضي الله عنه হতে বর্ণিত, নবী صلى الله عليه وسلم বলেন, অজ্ঞাত বংশের সম্বন্ধ দাবী করা অথবা ছোট বা নীচু হলে তা অস্বীকার করা মানুষের জন্য কুফরী।” (আহমাদ প্রমুখ, সহীহুল জামে’ ৪৪৮-৬নং)

## কোন স্ত্রীকে তার স্বামীর বিরুদ্ধে ও কোন দাসকে তার প্রভুর বিরুদ্ধে প্ররোচনা দেওয়া হতে ভীতি-প্রদর্শন

(৬২১) হযরত বুরাইদাহ رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “সে ব্যক্তি আমাদের দলভুক্ত নয়, যে আমানতের কসম খায়। আর যে ব্যক্তি কোন স্ত্রীকে তার স্বামীর বিরুদ্ধে অথবা কোন দাসকে তার প্রভুর বিরুদ্ধে প্ররোচিত করে সে ব্যক্তিও আমাদের দলভুক্ত নয়।” (আহমাদ ৫/৩৫২, বাযযার, ইবনে হিব্বান, হাকেম ৪/২৮৯, সহীহুল জামে’ ৫৪৩৬নং)

ব্যবসা-বাণিজ্য ও লেন-দেন অধ্যায়

### পরিশ্রম করে অর্থোপার্জনের ফযীলত

(৬২২) হযরত মিকদাম বিন মা’দীকারিব رضي الله عنه হতে বর্ণিত, আল্লাহর রসূল صلى الله عليه وسلم বলেছেন, “স্বহস্তে উপার্জন করে যে খায় তার চেয়ে উত্তম খাদ্য অন্য কেউ ভক্ষণ করে না। আল্লাহর নবী দাউদ عليه السلام স্বহস্তে উপার্জিত খাদ্য ভক্ষণ করতেন।” (বুখারী ২০৭২ নং)

(৬২৩) হযরত আয়েশা رضي الله عنها প্রমুখাৎ বর্ণিত, নবী صلى الله عليه وسلم বলেন, “তোমরা যে খাদ্য ভক্ষণ কর তার মধ্যে সবচেয়ে উত্তম খাদ্য হল তোমাদের নিজের হাতে কামাই করা খাদ্য। আর তোমাদের সন্তানগণ তোমাদের উপার্জিত ধনের পর্যায়ভুক্ত।” (বুখারীর তারীখ, তিরমিযী, নাসাঈ, বাইহাকী, সহীহুল জামে’ ১৫৬৬ নং)

### সংব্যবসায়ীর ব্যবসায় বর্কত

(৬২৪) হযরত হাকীম বিন হিয়াম رضي الله عنه বলেন, আল্লাহর রসূল صلى الله عليه وسلم বলেন, “(বিক্রয়-স্থল হতে) ক্রেতা-বিক্রেতা পৃথক না হওয়া পর্যন্ত (উক্ত ক্রয়-বিক্রয়ে) উভয়ের এখতিয়ার রয়েছে। সুতরাং যদি উভয়ে (ক্রয়-বিক্রয়ে) সত্য বলে ও (পণদ্রব্যের

দোষ-গুণ) প্রকাশ করে বলে, তাহলে তাদের ক্রয়-বিক্রয়ে বর্কত লাভ হয়। অন্যথা যদি তারা মিথ্যা বলে ও (পণ্যদ্রব্যের দোষ-গুণ) গোপন করে, তাহলে তাদের ক্রয়-বিক্রয়ের বর্কত নিশ্চিহ্ন হয়ে যায়।” (বুখারী ২০৭৯ নং, মুসলিম ১৫৩২ নং)

## হারাম উপার্জন করা ও খাওয়া হতে ভীতি-প্রদর্শন

(৬২৫) হযরত আবু হুরাইরা رضي الله عنه হতে বর্ণিত, প্রিয় নবী صلى الله عليه وسلم বলেছেন, “অবশ্যই আল্লাহ পবিত্র এবং তিনি পবিত্র (মালই) কবুল করে থাকেন। আল্লাহ মুমিনদেরকে সেই আদেশ করেছেন, যে আদেশ করেছেন আশ্বিয়াগণকে। সুতরাং তিনি আশ্বিয়াগণের উদ্দেশ্যে বলেছেন,

﴿يَأَيُّهَا الرُّسُلُ كُلُّوْا مِنَ الطَّيِّبَاتِ وَأَعْمَلُوا صَالِحًا إِنِّي بِمَا تَعْمَلُونَ عَلِيمٌ﴾

অর্থাৎ, হে রসূলগণ! তোমরা পবিত্র বস্তুসমূহ থেকে আহার কর এবং সংকাজ কর। তোমরা যা কর সে সম্বন্ধে আমি সবিশেষ অবহিত। (সূরা মু'মিনুন ৫১ আয়াত)

আর তিনি (মুমিনদের উদ্দেশ্যে) বলেন,

﴿يَأَيُّهَا الَّذِينَ آمَنُوا كُلُّوْا مِنَ الطَّيِّبَاتِ مَا رَزَقْنَاكُمْ﴾

অর্থাৎ, হে মুমিনগণ! আমি তোমাদেরকে যে সব রুজী দান করেছি তা থেকে পবিত্র বস্তু আহার কর---। (সূরা বাক্বারাহ ১৭২ আয়াত)

অতঃপর তিনি সেই ব্যক্তির কথা উল্লেখ করলেন, যে লম্বা সফর করে আনুথালু ধূলিমলিন বেশে নিজ হাত দু'টিকে আকাশের দিকে লম্বা করে তুলে দুআ করে, ‘হে আমার প্রতিপালক! হে আমার প্রভু!’ কিন্তু তার আহায হারাম, তার পানীয় হারাম, তার পরিধেয় লেবাস হারাম এবং হারাম দ্বারাই তার পুষ্টিবিধান হয়েছে। অতএব তার দুআ কিভাবে কবুল হতে পারে? (মুসলিম ১০১৫, তিরমিযী ২৯৮৯নং)

(৬২৬) হযরত জাবের رضي الله عنه হতে বর্ণিত, আল্লাহর রসূল صلى الله عليه وسلم একদা কা'ব বিন উজরার উদ্দেশ্যে বললেন, “হে কা'ব বিন উজরাহ! সে মাংস কোন দিন বেহেগু প্রবেশ করতে পারবে না, যার পুষ্টিসাধন হারাম খাদ্য দ্বারা করা হয়েছে।” (দারেমী ২৬৭৪ নং)

হাদীসটিকে ইমাম তিরমিযী হযরত কা'ব বিন উজরা رضي الله عنه কর্তৃক বর্ণনা করেছেন। কা'ব বলেন, আমাকে আল্লাহর রসূল صلى الله عليه وسلم বলেছেন, “--- হে কা'ব বিন উজরাহ! যে মাংস হারাম খাদ্য দ্বারা প্রতিপালিত হবে, তার জন্য জাহান্নামই উপযুক্ত।” (সহীহ তিরমিযী ৫০১নং)

## লোককে ঠকানো ও ধোকা দেওয়া হতে ভীতি-



(৬৩৩) হযরত আবু যার্ন رضي الله عنه হতে বর্ণিত, নবী صلى الله عليه وسلم বলেন, “তিন ব্যক্তির সহিত আল্লাহ কিয়ামতের দিন কথা বলবেন না, তাদের প্রতি তাকিয়েও দেখবেন না, তাদেরকে পবিত্র করবেন না এবং তাদের জন্য হবে যন্ত্রণাপ্রদ শাস্তি।” তিনি এ কথাটি পুনঃপুনঃ তিনবার বললেন। আমি বললাম, ‘ব্যর্থ ও ক্ষতিগ্রস্ত হবে, তারা কারা হে আল্লাহর রসূল?’ তিনি বললেন, “তারা হল, যে ব্যক্তি গাঁটের নিচে কাপড় বুলিয়ে পরে, দান করে যে ‘দিয়েছি-দিয়েছি’ বলে প্রচার করে বেড়ায় এবং মিথ্যা কসম করে যে তার পণ্যদ্রব্য বিক্রয় করে।” (মুসলিম ১০৬, আবু দাউদ ৪০৮৭, তিরমিযী ১২১১, নাসাঈ, ইবনে মাজাহ ২২০৮নং)

(৬৩৪) হযরত আবু হুরাইরা رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “চার ব্যক্তিকে আল্লাহ ঘৃণা করেন; (আর তারা হল,) কথায় কথায় শপথকারী ব্যবসায়ী, অহংকারী গরীব, ব্যভিচারী বৃদ্ধ এবং অত্যাচারী শাসক।” (নাসাঈ ৫/৮৬, ইবনে হিব্বান ৫৫৩২, সহীহুল জামে’ ৮৮০নং)

## মিথ্যা কসম খাওয়া হতে ভীতি-প্রদর্শন

(৬৩৫) হযরত ইবনে মাসউদ رضي الله عنه কর্তৃক বর্ণিত, নবী صلى الله عليه وسلم বলেন, “যে ব্যক্তি কোন মুসলিমের মাল অনধিকার আত্মসাৎ করার উদ্দেশ্যে কসম করে, সে ব্যক্তি এমন অবস্থায় আল্লাহর সহিত সাক্ষাৎ করবে, যখন তিনি তার উপর ক্রোধান্বিত থাকবেন।” আব্দুল্লাহ বিন মাসউদ رضي الله عنه বলেন, অতঃপর আল্লাহর রসূল صلى الله عليه وسلم এ কথার সমর্থনে আল্লাহর কিতাব থেকে এই আয়াত আমাদের জন্য পাঠ করলেন,

﴿ إِنَّ الَّذِينَ يَشْتَرُونَ بِعَهْدِ اللَّهِ وَأَيْمَانِهِمْ ثَمَنًا قَلِيلًا أُولَٰئِكَ لَا خَلْقَ لَهُمْ فِي الْأَخْرَةِ وَلَا يُكَلِّمُهُمُ اللَّهُ

وَلَا يَنْظُرُ إِلَيْهِمْ يَوْمَ الْقِيَامَةِ وَلَا يُزَكِّيهِمْ وَلَهُمْ عَذَابٌ أَلِيمٌ ﴿٥٥﴾

অর্থাৎ, যারা আল্লাহর প্রতিশ্রুতি এবং নিজেদের শপথকে স্বল্পমূল্যে বিক্রয় করে পরকালে তাদের কোন অংশ নেই। কিয়ামতের দিন আল্লাহ তাদের সঙ্গে কথা বলবেন না, তাদের দিকে তাকিয়ে দেখবেন না এবং তাদেরকে পরিশুদ্ধও করবেন না। আর তাদের জন্য রয়েছে যন্ত্রণাদায়ক শাস্তি। (সূরা আ-লি ইমরান ৭৭ আয়াত) (বুখারী ৬৬৭৬, ৬৬৭৭, মুসলিম ১১০নং, আবু দাউদ, তিরমিযী, ইবনে মাজাহ)

(৬৩৬) হযরত আব্দুল্লাহ বিন আমর বিন আস رضي الله عنه কর্তৃক বর্ণিত, নবী صلى الله عليه وسلم বলেন, “কাবীরা গোনাহ হল, আল্লাহর সহিত শরীক করা, মা-বাপের অবাধ্যাচরণ করা এবং মিথ্যা কসম করা।” (বুখারী ৬৬৭৫, তিরমিযী ৩০২১নং, নাসাঈ)

(৬৩৭) হযরত ইমরান বিন হুসাইন رضي الله عنه হতে বর্ণিত, আল্লাহর রসূল صلى الله عليه وسلم বলেন, “যে ব্যক্তি কোন এমন বিষয়ে (জেনে-শুনে) মিথ্যা কসম খেল; যে বিষয়ে কাফফারা অথবা গোনাহ অনিবার্য, সে যেন নিজের ঠিকানা দোষখে বানিয়ে নিল।” (আবু দাউদ ৩২৪২নং, হাকেম ৪/২৯৪, সিলসিলাহ সহীহাহ ২৩৩২নং)



(৬৩৮) হযরত আবু উমামাহ رضي الله عنه হতে বর্ণিত, আল্লাহর রসূল صلى الله عليه وسلم বলেন, “যে ব্যক্তি নিজের কসম দ্বারা কোন মুসলিমের অধিকার হরণ করে, সে ব্যক্তির জন্য আল্লাহ দোযখ ওয়াজেব এবং বেহেশ্ত হারাম করে দেন।” লোকেরা বলেন, ‘যদিও সামান্য কিছু হয় তাও, হে আল্লাহর রসূল?!’ বললেন, “যদিও বা পিল্লু (গাছের) একটি ডালও হয়।” (মালেক, মুসলিম ১৩৭, নাসাঈ, ইবনে মাজাহ ২৩২৪নং)

### ক্রয়-বিক্রয়ে সরলতা অবলম্বনের ফযীলত

(৬৩৯) হযরত উসমান বিন আফফান رضي الله عنه কর্তৃক বর্ণিত, তিনি বলেন, আল্লাহর রসূল صلى الله عليه وسلم বলেছেন, “আল্লাহ আযযা অজল্ল এক ব্যক্তিকে জান্নাতে প্রবেশ করিয়েছেন, যে ক্রয়-বিক্রয়, বিচার ও ঋণ আদায় করার সময় ছিল অতি সরল।” (নাসাঈ, ইবনে মাজাহ, সহীহুল জামে’ ২৪৩ নং)

(৬৪০) হযরত জাবের বিন আব্দুল্লাহ رضي الله عنه হতে বর্ণিত, আল্লাহর রসূল صلى الله عليه وسلم বলেন, “আল্লাহ সেই ব্যক্তিকে রহম করেন, যে ক্রয়-বিক্রয় ও ঋণ আদায়কালে অতি সরল মানুষ।” (বুখারী ২০৭৬ নং)

### প্রয়োজনে ক্রয়-বিক্রয়ের চুক্তি বাতিল করার ফযীলত

(৬৪১) হযরত আবু হুরাইরা رضي الله عنه প্রমুখাৎ বর্ণিত, তিনি বলেন, আল্লাহর রসূল صلى الله عليه وسلم বলেছেন, “যে ব্যক্তি কোন মুসলিমের ক্রয়-বিক্রয় চুক্তি বাতিল করে দেয়, (অর্থাৎ তার পছন্দ না হলে মূল্য ফিরিয়ে দিয়ে বস্তু ফেরৎ নেয়) আল্লাহ সেই ব্যক্তির অপরাধকে কিয়ামতের দিন ক্ষমা করে দেবেন।” (আবু দাউদ, ইবনে মাজাহ, সিলসিলাহ সহীহাহ ২৬১৪ নং)

### খাদ্যবস্তু মাপার মাহাত্ম্য

(৬৪২) হযরত মিকদাম বিন মা’দীকারিব رضي الله عنه হতে বর্ণিত, আল্লাহর রসূল صلى الله عليه وسلم বলেছেন, “তোমরা তোমাদের খাদ্যদ্রব্য মেপে রাখ, এতে তোমাদের জন্য বর্কত দান করা হবে।” (বুখারী ২১২৮ নং)

### সকাল-সকাল কর্ম করার গুরুত্ব

(৬৪৩) হযরত সখর গামেদী رضي الله عنه হতে বর্ণিত, নবী صلى الله عليه وسلم বলেন, “হে আল্লাহ! তুমি আমার উম্মতের প্রত্যুষে বর্কত দাও।” আর তিনি কোন সৈন্যবাহিনী প্রেরণ করলে

সকাল-সকাল প্রেরণ করতেন। সখর ﷺ একজন ব্যবসায়ী ছিলেন। তিনিও সকাল-সকাল ব্যবসায় (লোক) পাঠাতেন। ফলে তিনি ধনবান হয়েছিলেন এবং তাঁর মাল-ধন হয়েছিল প্রচুর। (আবু দাউদ, তিরমিযী, নাসাঈ, ইবনে মাজাহ, সহীহ আবু দাউদ ২২৭০নং)

## ঋণ করা হতে ভীতি-প্রদর্শন

(৬৪৪) হযরত উকবাহ বিন আমের ﷺ হতে বর্ণিত, তিনি নবী ﷺ কে বলতে শুনেছেন যে, “নিরাপত্তা লাভের পর তোমরা তোমাদের আত্মকে ভীত-সন্ত্রস্ত করো না।” সকলে বলল, ‘তা কি (দ্বারা) হে আল্লাহর রসূল?!’ তিনি বললেন, “ঋণ (দ্বারা)।” (আহমাদ ৪/১৪৬, তাবারানীর কাবীর, আবু য্যা’লা ১৭৩৯, বাইহাকীর শুআবুল ইমান, হাকেম ২/২৬, সহীহুল জামে’ ৭২৫৯নং)

(৬৪৫) হযরত আবু হুরাইরা ﷺ কর্তৃক বর্ণিত, আল্লাহর রসূল ﷺ বলেন, “যে ব্যক্তি লোকের মাল (ঋণ) নিয়ে তা আদায় করার সংকল্প রাখে, সে ব্যক্তির তরফ থেকে আল্লাহ তা আদায় করে দেন। (অর্থাৎ পরিশোধের উপায় সহজ করে দেন।) আর যে ব্যক্তি আত্মসাৎ করার উদ্দেশ্য রেখে লোকেদের মাল গ্রহণ করে আল্লাহ তাকে ধ্বংস করেন।” (বুখারী ২৩৮৭, ইবনে মাজাহ ২৪১১নং)

(৬৪৬) হযরত আব্দুল্লাহ বিন উমার ﷺ হতে বর্ণিত, প্রিয় নবী ﷺ বলেন, “যে ব্যক্তির সুপারিশ আল্লাহর ‘হদ্দ’ (দন্ডবিধি) সমূহের কোন হদ্দ কায়েমের ক্ষেত্রে প্রতিবন্ধক হল সে ব্যক্তি আল্লাহর অনুশাসনের বিরোধিতা করল।

যে ব্যক্তি ঋণ পরিশোধ না করে মারা গেল (সে ব্যক্তি পরকালে তা পরিশোধ করবে)। কিন্তু সেদিন দীনার বা দিরহাম (টাকা-পয়সা) দ্বারা নয় বরং নেকী ও গোনাহ দ্বারা (পরিশোধ করতে হবে)।

যে ব্যক্তি জেনেশুনে কোন বাতিল (অন্যায়) বিষয়ে তর্কাতর্কি করে সে ব্যক্তি ততক্ষণ পর্যন্ত আল্লাহর রোষে থাকে; যতক্ষণ পর্যন্ত সে তা বর্জন না করে।

আর যে ব্যক্তি কোন মুমিন মানুষের চরিত্রে এমন কথা বলে যা তার মধ্যে নেই সে ব্যক্তিকে আল্লাহ জাহান্নামের নর্দমায় বাস করতে দেবেন; যতক্ষণ পর্যন্ত না সে যা বলেছে তা হতে বের হয়ে এসেছে, কিন্তু তখন আর সে বের হতে পারবে না।” (আবু দাউদ ৩৫৯৭, হাকেম ২/২৭, তাবারানী, বাইহাকী, সহীহুল জামে’ ৬১৯৬নং)

(৬৪৭) হযরত আবু হুরাইরা ﷺ এবং অন্যান্য সাহাবী ﷺ কর্তৃক বর্ণিত, তাঁরা বলেন যে, আল্লাহর রসূল ﷺ-এর নিকট জানাযা পড়ার জন্য যখন কোন ঋণগ্রস্ত মূর্দাকে হাযির করা হত, তখন তিনি জিজ্ঞাসা করতেন, “ঋণ পরিশোধ করার মত কোন মাল ও ছেড়ে যাচ্ছে কি?” সুতরাং উত্তরে যদি তাঁকে বলা হত যে, ‘হ্যাঁ,

পরিশোধ করার মত মাল ছেড়ে যাচ্ছে’ তাহলে তিনি তার জানাযা পড়তেন। নচেৎ বলতেন, “তোমরা তোমাদের সাথীর জানাযা পড়ে নাও।”

অতঃপর আল্লাহ যখন তাঁর জন্য বিভিন্ন বিজয় দান করলেন তখন তিনি বললেন, “মুমিনদের জন্য তাদের নিজেদের চাইতে আমিই অধিক হকদার (দায়িত্বশীল)। সুতরাং যে ব্যক্তি ঋণগ্রস্ত অবস্থায় মারা যাবে তার ঋণ পরিশোধের দায়িত্ব আমার উপর এবং যে সম্পদ রেখে মারা যাবে তার অধিকারী হবে তার ওয়ারেসীনরা।”  
(মুসলিম ১৬১৯নং)

## সমর্থ ব্যক্তিকে ঋণ পরিশোধে টালবাহানা করা হতে ভীতি-প্রদর্শন

(৬৪৮) হযরত আবু হুরাইরা رضي الله عنه হতে বর্ণিত, নবী صلى الله عليه وسلم বলেছেন, “ঋণ পরিশোধে সামর্থ্যবান ব্যক্তির টালবাহানা করা যুলুম। আর যখন কোন (ঋণদাতা) ব্যক্তিকে কোন ধনীরা বরাত দেওয়া হয় তখন সে যেন তার অনুসরণ করে।” (বুখারী ২২৮৮, মুসলিম ১৫৬৪নং, আসহাবে সুন্নান)

(৬৪৯) হযরত শারীদ বিন সুয়াইদ رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “(ঋণ পরিশোধে) সক্ষম ব্যক্তির টালবাহানা করা তার সম্মত ও শান্তিকে হালাল করে দেয়া।” (আহমাদ ৪/২২২, আবু দাউদ ৩৬২৮, নাসাঈ, ইবনে মাজাহ ২৪২৭, ইবনে হিব্বান ৫০৮৯, হাকেম ৪/১০২, সহীহুল জামে’ ৫৪৮-৭নং)

❀ ঋণ করে তা পরিশোধ করার ক্ষমতা থাকা সত্ত্বেও কোন স্বার্থে তা পরিশোধ করতে টালবাহানা ও ছেঁচড়ামি করলে ঋণদাতার পক্ষে তার এই দুর্ব্যবহারের চর্চা করা বৈধ হয়ে যায়। যেমন বিচার-বিভাগ কর্তৃক তার ঐ টালবাহানার উপর শাস্তি বা জেল দেওয়া ন্যায়সঙ্গত।

(৬৫০) হযরত আবু সাঈদ খুদরী رضي الله عنه হতে বর্ণিত, আল্লাহর রসূল صلى الله عليه وسلم বলেন, “সে জাতি পবিত্র হবে না, যে জাতির দুর্বল ব্যক্তি নিজ অধিকার অনায়াসে অর্জন না করতে পেরেছে।” (ইবনে মাজাহ ২৪২৬, বাযযার হযরত আয়েশা (রাঃ) হতে, তাবারানী হযরত ইবনে رضي الله عنه মাসউদ হতে, আবু য্যা’লা, সহীহুল জামে’ ২৪২ ১নং)

## উত্তমরূপে ঋণ পরিশোধ করার ফযীলত

(৬৫১) হযরত আবু রাফে’ رضي الله عنه হতে বর্ণিত, আল্লাহর রসূল صلى الله عليه وسلم এক ব্যক্তির নিকট হতে একটি তরুণ উট খার নিয়েছিলেন। অতঃপর যখন তাঁর নিকট সদকার উট এল তখন তিনি আবু রাফে’কে ঐ লোকটির তরুণ উট পরিশোধ করে দিতে আদেশ করলেন। আবু রাফে’ তার নিকট এসে বললেন, ‘সপ্তবর্ষীয় বাছাই করা ভালো ভালো উট ছাড়া অন্য কিছু পেলাম না।’ নবী صلى الله عليه وسلم বললেন, “ঐ একটিই ওকে দিয়ে দাও।

কারণ, লোকদের মধ্যে উত্তম ব্যক্তি সে, যে পরিশোধ করায় উত্তম।” (মুসলিম ১৬০০ নং)

(৬৫২) হযরত আবু হুরাইরা رضي الله عنه কর্তৃক বর্ণিত, তিনি বলেন, আল্লাহর রসূল صلى الله عليه وسلم একটি উট খার করেছিলেন। তিনি যে বয়সের উট নিয়েছিলেন তার চেয়ে বেশী বয়সের উট দিয়ে খার পরিশোধ করলেন। আর বললেন, “তোমাদের মধ্যে শ্রেষ্ঠ সেই ব্যক্তি যে ঋণ পরিশোধে শ্রেষ্ঠ।” (বুখারী ২৩৯০ নং, মুসলিম ১৬০১ নং)

❀ জ্ঞাতব্য যে, ঋণ দিয়ে শর্তের সাথে বেশী নিলে-দিলে সুদ নেওয়া-দেওয়া হয়। কিন্তু শর্ত ও আশা না করে ঋণী যদি পরিশোধের সময় স্বতঃস্ফূর্তভাবে কিছু বেশী দেয়, তাহলে তা সুদ নয়; বিধায় ঋণদাতার তা গ্রহণ করা বৈধ।

## ঋণীকে পরিশোধে অবকাশ দেওয়ার মাহাত্ম্য

মহান আল্লাহ বলেন,

﴿ وَإِنْ كَانَتْ ذُو عُسْرَةٍ فَنَظِرَةٌ إِلَىٰ مَيْسَرَةٍ وَأَنْ تَصَدَّقُوا خَيْرٌ لَّكُمْ إِنْ كُنْتُمْ تَعْلَمُونَ ﴿٢٠٦﴾ ﴾

অর্থাৎ, যদি ঋণী অভাবগ্রস্ত হয়, তাহলে তাকে সম্মততা আসা পর্যন্ত সময় দেওয়া উচিত। আর যদি দান করে (ঋণ মকুব করে) দাও, তবে তা খুবই উত্তম; যদি তোমরা উপলব্ধি কর। (সূরা বাক্বারাহ ২৮০ আয়াত)

(৬৫৩) হযরত হুযাইফা رضي الله عنه, আবু মাসউদ رضي الله عنه ও উকবাহ বিন আমের رضي الله عنه হতে বর্ণিত, আল্লাহর রসূল صلى الله عليه وسلم বলেন, “কিয়ামতের দিন আল্লাহ আয্যা অজাঞ্জার নিকট এক বান্দাকে আনা হবে, যাকে তিনি ধন দান করেছিলেন। তিনি তাকে প্রশ্ন করবেন, ‘তুমি দুনিয়াতে কি কি আমল করেছিলে?’ লোকটি বলবে, ‘হে আমার প্রতিপালক! আমি এমন কিছু আমল করতে পারি নি। তবে আপনি আমাকে যে ধন দান করেছিলেন, তদ্বারা আমি ব্যবসা-বাণিজ্য করতাম। আর তাতে আমার চরিত্র এই ছিল যে, আমি সামর্থ্যবান ব্যক্তির প্রতি সরলতা প্রদর্শন করতাম এবং সামর্থ্যহীন ব্যক্তিকে (আমার পাওনা আদায়ে) সময় দিতাম।’ তখন মহান আল্লাহ বলবেন, ‘এ ব্যাপারে আমি তোমার থেকে বেশী হকদার। (হে ফিরিশ্তামন্ডলী!) আমার বান্দাকে তোমরা মুক্তি দাও।’ (হাকেম, সহীহুল জামে’ ১২৫নং)

(৬৫৪) হযরত আবু হুরাইরা رضي الله عنه হতে বর্ণিত, আল্লাহর রসূল صلى الله عليه وسلم বলেন, “এক ব্যক্তি কোন দিন কোন নেক আমল করেনি। তবে সে লোককে ঋণ দান করত এবং নিজের তহসীলদার দূতকে বলত, ‘সামর্থ্যবান ব্যক্তির নিকট থেকে আদায় কর, অসামর্থ্যবান ব্যক্তিকে অবকাশ দাও এবং মাফ করে দাও। সম্ভবতঃ আল্লাহ আমাদেরকে মাফ করে দেবেন।’ অতঃপর লোকটি যখন মারা গেল, তখন আল্লাহ তাকে বললেন, ‘তুমি কি কোন দিন কোন ভাল কাজ করেছ?’ লোকটি বলল, ‘না। তবে আমার একজন (তহসীলদার) কিশোর ছিল। আমি মানুষকে ঋণ দান করতাম।

আর আমি যখন তাকে সেই ঋণ আদায় করতে পাঠাতাম, তখন বলতাম, ‘সামর্থ্যবান ব্যক্তির নিকট থেকে আদায় কর, অসামর্থ্যবান ব্যক্তিকে অবকাশ দাও এবং মাফ করে দাও। সম্ভবতঃ আল্লাহ আমাদেরকে মাফ করে দেবেন।’ আল্লাহ বললেন, ‘আমিও তোমাকে মাফ করে দিলাম।’ (নাসাঈ, ইবনে হিব্বান, হাকেম, সহীহুল জামে’ ২০৭৮ নং)

(৬৫৫) হযরত ছয়াইফা ❀ ও আবু মাসউদ ❀ হতে বর্ণিত, আল্লাহর রসূল ❀ বলেন, “তোমাদের পূর্ববর্তী জাতির একটি লোকের জান কবয করতে মালাকুল মওত উপস্থিত হয়ে তাকে বললেন, ‘তুমি কি কোন নেক আমল করেছ?’ সে বলল, ‘আমি (কোন ভাল কাজ করেছি বলে) জানি না।’ ফিরিশ্তা বললেন, ‘ভেবে দেখা’ লোকটি বলল, ‘আমি এমন কিছু জানি না। তবে আমি লোকের সাথে ব্যবসা-বাণিজ্য ও শিল্পের কাজ করতাম। আর অসামর্থ্যবান ব্যক্তিকে (পাওনা আদায়ে) সময় দিতাম এবং সামর্থ্যবান ব্যক্তিকে মাফ করে দিতাম।’ সুতরাং আল্লাহ এই আমলের অসীলায় তাকে জান্নাতে প্রবেশ করালেন।” (আহমাদ, বুখারী, মুসলিম, ইবনে মাজাহ, সহীহুল জামে’ ২০৭৯ নং)

(৬৫৬) হযরত আবুল ইউসুফ ❀ ও আবু হুরাইরা ❀ হতে বর্ণিত, আল্লাহর রসূল ❀ বলেন, “যে ব্যক্তি ঋণ-পরিশোধে অক্ষম ব্যক্তিকে সময় দেবে, অথবা তার ঋণ মকুব করে দেবে, সে ব্যক্তিকে আল্লাহ সেই দিন তাঁর আরশের ছায়া দান করবেন, যে দিন তাঁর সেই ছায়া ছাড়া আর কোন ছায়া থাকবে না।” (আহমাদ, মুসলিম, তিরমিযী, সহীহুল জামে’ ৬১০৬, ৬১০৭ নং)

(৬৫৭) হযরত আবু কাতাদাহ ❀ হতে বর্ণিত, আল্লাহর রসূল ❀ বলেন, “যে ব্যক্তি খুশীর সাথে এই কামনা করে যে, আল্লাহ তাকে কিয়ামতের দুঃখ-কষ্ট থেকে রেহাই দেন, সে ব্যক্তির উচিত, ঋণ পরিশোধে অক্ষম ব্যক্তির ঋণ পরিশোধ সহজ করে দেওয়া অথবা তার ঋণ মকুব করে দেওয়া।” (মুসলিম, মিশকাত ২৯০২ নং)

(৬৫৮) হযরত আবু কাতাদাহ ❀ হতে বর্ণিত, আল্লাহর রসূল ❀ বলেন, “যে ব্যক্তি কোন ঋণ-পরিশোধে অক্ষম ব্যক্তিকে অবকাশ দেবে অথবা তার ঋণ মাফ করে দেবে, সে ব্যক্তিকে আল্লাহ কিয়ামতের দুঃখ-কষ্ট থেকে মুক্তি দেবেন।” (মুসলিম, মিশকাত ২৯০৩ নং)

(৬৫৯) হযরত আবু হুরাইরা ❀ হতে বর্ণিত, আল্লাহর রসূল ❀ বলেন, “যে ব্যক্তি কোন ঋণ-পরিশোধে অক্ষম ব্যক্তির ঋণ আসান করে দেবে, সে ব্যক্তিকে আল্লাহ দুনিয়া ও আখেরাতে আসান করে দেবেন।” (ইবনে মাজাহ, সহীহুল জামে’ ৬৬১৪ নং)

(৬৬০) হযরত বুরাইদাহ ❀ হতে বর্ণিত, আল্লাহর রসূল ❀ বলেন “যে ব্যক্তি ঋণ-পরিশোধে অসমর্থ খাতককে (ঋণ পরিশোধ করতে) সময় দেবে, সে ব্যক্তি

প্রত্যহ তার ঋণ-পরিমাণ সদকাহ করার সওয়াব লাভ করবে। আর এ সওয়াব সে ঋণ পরিশোধের মেয়াদ শেষ হওয়ার আগে পাবে। পক্ষান্তরে মেয়াদ অতিক্রম হওয়ার পরও যদি সে তাকে আরো সময় দিয়ে থাকে, তাহলে সে তার বিনিময়ে তার ঋণের দ্বিগুণ পরিমাণ সদকাহ করার সমান সওয়াব প্রত্যহ অর্জন করবে।” (আহমাদ, ইবনে মাজাহ, হাকেম, সহীহুল জামে’ ৬১০৮ নং)

## সুদ খাওয়া হতে ভীতি-প্রদর্শন

মহান আল্লাহ বলেন,

﴿الَّذِينَ يَأْكُلُونَ الرِّبَا لَا يَقُومُونَ إِلَّا كَمَا يَقُومُ الَّذِي يَتَخَبَّطُهُ الشَّيْطَانُ مِنَ الْمَسِّ ذَٰلِكَ بِأَنَّهُمْ قَالُوا إِنَّمَا الْبَيْعُ مِثْلُ الرِّبَا وَأَحَلَّ اللَّهُ الْبَيْعَ وَحَرَّمَ الرِّبَا فَمَنْ جَاءَهُ مَوْعِظَةٌ مِنْ رَبِّهِ فَاتْتَهَىٰ فَلَهُ مَا سَلَفَ وَأَمْرُهُ إِلَى اللَّهِ وَمَنْ عَادَ فَأُولَٰئِكَ أَصْحَابُ النَّارِ هُمْ فِيهَا خَالِدُونَ ﴿٢٣٥﴾

﴿يَمْحَقُ اللَّهُ الرِّبَا وَيُزَيِّبُ الصَّدَقَاتِ وَاللَّهُ لَا يُحِبُّ كُلَّ كَفَّارٍ أَثِيمٍ ﴿٢٣٦﴾﴾

অর্থাৎ, যারা সুদ খায় তারা সেই ব্যক্তির মত দণ্ডায়মান হবে যাকে শয়তান স্পর্শ দ্বারা পাগল করে দিয়েছে। তা এ জন্য যে, তারা বলে, ‘বেচা-কেনা তো সুদের মতই।’ অথচ আল্লাহ বেচা-কেনাকে বৈধ ও সুদকে অবৈধ করেছেন। সুতরাং যার কাছে তার প্রতিপালকের উপদেশ এসেছে, তারপর সে বিরত হয়েছে, অতীতে যা হয়েছে তা তারই এবং তার ব্যাপার আল্লাহর অধিকারভুক্ত। আর যারা পুনরায় (সুদ) নিতে আরম্ভ করবে, তারাই দোষখবাসী। সেখানে তারা চিরকাল থাকবে। আল্লাহ সুদকে নিশ্চিহ্ন করেন এবং দানকে বৃদ্ধি করেন। আল্লাহ কোন অকৃতজ্ঞ পাপীকে ভালোবাসেন না। (সূরা বাক্বারাহ ২৭৫-২৭৬ আয়াত)

﴿يَأْتِيهَا الَّذِينَ ءَامَنُوا اتَّقُوا اللَّهَ وَذَرُوا مَا بَقِيَ مِنَ الرِّبَا إِن كُنْتُمْ مُؤْمِنِينَ ﴿٢٣٧﴾ فَإِن لَّمْ تَفْعَلُوا فَأْذَنُوا بِحَرْبٍ مِنَ اللَّهِ وَرَسُولِهِ وَإِن تُبْتِغُوا فَلَئِمَّ رُءُوسُ أَمْوَالِكُمْ لَا تَظْلُمُونَ وَلَا تُظْلَمُونَ ﴿٢٣٨﴾﴾

﴿٢٣٧﴾

অর্থাৎ, হে ঈমানদারগণ! তোমরা আল্লাহকে ভয় কর এবং বকেয়া সুদ ছেড়ে দাও; যদি তোমরা মু’মিন হও। যদি তোমরা না ছাড় তাহলে জেনে রাখ যে, এ হল আল্লাহ ও তার রসূলের বিরুদ্ধে যুদ্ধ করার শামিল। কিন্তু যদি তোমরা তওবা কর, তবে তোমাদের মূলধন তোমাদেরই। তোমরা অত্যাচারী হবে না এবং অত্যাচারিতও না। (ঐ ২৭৮ আয়াত)

﴿يَأْتِيهَا الَّذِينَ ءَامَنُوا لَا تَأْكُلُوا الرِّبَا أَضْعَافًا مُّضَاعَفَةً وَاتَّقُوا اللَّهَ لَعَلَّكُمْ تُفْلِحُونَ ﴿٢٣٩﴾ وَاتَّقُوا

﴿النَّارَ الَّتِي أُعِدَّتْ لِلْكَافِرِينَ ﴿٢٤٠﴾﴾

অর্থাৎ, হে ঈমানদারগণ! তোমরা চক্রবৃদ্ধিহারে সূদ খেয়ো না এবং আল্লাহকে ভয় কর, তবেই তোমরা সফলকাম হতে পারবে। আর তোমরা সেই আগুনকে ভয় কর, যা কাফেরদের জন্য প্রস্তুত রাখা হয়েছে। (সূরা আ-লি ইমরান ১৩০ আয়াত)

(৬৬১) হযরত আবু হুরাইরা رضي الله عنه কর্তৃক বর্ণিত, নবী صلى الله عليه وسلم বলেন, “সাতটি ধ্বংসকারী কর্ম হতে দূরে থাকা” সকলে বলল, ‘হে আল্লাহর রসূল! তা কি কি?’ তিনি বললেন, “আল্লাহর সহিত শির্ক করা, যাদু করা, ন্যায় সঙ্গত অধিকার ছাড়া আল্লাহ যে প্রাণ হত্যা করা হারাম করেছেন তা হত্যা করা, সূদ খাওয়া, এতীমের মাল ভক্ষণ করা, (যুদ্ধক্ষেত্র হতে) যুদ্ধের দিন পলায়ন করা এবং সতী উদাসীনা মুমিনা নারীর চরিত্রে মিথ্যা কলঙ্ক দেওয়া।” (বুখারী ২৭৬৬, মুসলিম ৮৯নং, আবু দাউদ, নাসাঈ)

(৬৬২) হযরত জাবের رضي الله عنه কর্তৃক বর্ণিত, তিনি বলেন, আল্লাহর রসূল صلى الله عليه وسلم সূদখোর, সূদদাতা, সূদের লেখক এবং তার উভয় সাক্ষ্যদাতাকে অভিশাপ করেছেন। আর বলেছেন, “(পাপে) ওরা সকলেই সমান।” (মুসলিম ১৫৯৮নং)

(৬৬৩) হযরত আবু জুহাইফা رضي الله عنه কর্তৃক বর্ণিত, আল্লাহর রসূল صلى الله عليه وسلم চামড়ায় দেগে নকশা করায় ও করে এমন মহিলাকে, সূদখোর ও সূদদাতাকে অভিশাপ করেছেন। কুকুর বিক্রয়ের মূল্য, বেশ্যাবৃত্তির উপার্জন গ্রহণ করতে তিনি নিষেধ করেছেন। আর মূর্তি (বা ছবি) নির্মাণকারীদেরকেও অভিশাপ করেছেন। (বুখারী ২২৩৮, আবু দাউদ ৩৪৩৩নং সংক্ষিপ্তভাবে)

(৬৬৪) যাকে ফিরিশ্তা শেষ গোসল দিয়েছিলেন সেই হানযালার পুত্র আব্দুল্লাহ رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “জেনেশুনে মানুষের মাত্র এক দিরহাম খাওয়া সূদ আল্লাহর নিকটে ৩৬ ব্যভিচার অপেক্ষা অধিক গুরুতর।” (আহমাদ ৫/৩৩৫; আবু যান্নাবের কবীর ও আউসাতুল সহীহুল জামে’ ৩৩৭নং)

❀ অর্থাৎ, এক দিরহাম পরিমাণ সূদ খাওয়ার গোনাহ ৩৬ বার ব্যভিচার করার গোনাহ অপেক্ষা অধিক গুরুতর ও বড়। বরং সূদ খাওয়ার সবচেয়ে ছোট গোনাহ হল নিজ মায়ের সহিত ব্যভিচার করার সমান!!

(৬৬৫) হযরত আবু হুরাইরা رضي الله عنه হতে বর্ণিত, আল্লাহর রসূল صلى الله عليه وسلم বলেন, “সূদ খাওয়ায় রয়েছে ৭০ প্রকার পাপ। এর মধ্যে সবচেয়ে ছোট পাপ হল নিজ মায়ের সাথে ব্যভিচার করার মত!” (ইবনে মাজাহ ২২৭৮, সহীহ ইবনে মাজাহ ১৮-৪৪নং)

(৬৬৬) হযরত আব্দুল্লাহ বিন মসউদ رضي الله عنه হতে বর্ণিত, নবী صلى الله عليه وسلم বলেন, “যে ব্যক্তিই বেশী-বেশী সূদ খাবে তারই (মালের) শেষ পরিণাম হবে অল্পতা।” (ইবনে মাজাহ ২২৭৯, হাকেম ২/৩৭, সহীহ ইবনে মাজাহ ১৮-৪৮নং)

❀ সূদখোর সূদ খেয়ে তার মালের পরিমাণ যত বেশীই করুক না কেন পরিণামে তা কম হতে বাধ্য। আপাতদৃষ্টিতে তা প্রচুর মনে হলেও বাস্তবে তার কোন মান ও বর্কত থাকবে না। এ শাস্তি হবে আল্লাহর তরফ হতে।

## ভেঁড়া-ছাগল ইত্যাদি গৃহপালিত পশুপালনের ফযীলত

(৬৬৭) হযরত উম্মে হানী রাঃ কতৃক বর্ণিত, নবী সঃ তাঁকে বলেছেন, “বাড়িতে ছাগল পাল। কারণ তাতে বর্কত আছে।” (ইবনে মাজাহ, সিলসিলাহ সহীহাহ ৭৭৩ নং)

(৬৬৮) হযরত উরওয়াহ বারেকী রাঃ হতে বর্ণিত, নবী সঃ বলেছেন, “উট তার পালনকারীর জন্য সম্মান ও ইজ্জত, ভেঁড়া-ছাগল হল বর্কত। আর কিয়ামত পর্যন্ত ঘোড়ার কপালে বাঁধা আছে কল্যাণ।” (ইবনে মাজাহ, সিলসিলাহ সহীহাহ ১৭৬৩ নং)

## ত্রীতদাস মুক্ত করার ফযীলত

﴿ فَلَا أَفْتَحَمَ الْعَقَبَةَ ﴿١﴾ وَمَا أَدْرَاكَ مَا الْعَقَبَةُ ﴿٢﴾ فَكُ رَقَبَةٍ ﴿٣﴾ أَوْ إِطْعَمْتُ فِي يَوْمٍ ذِي مَسْعَبَةٍ ﴿٤﴾

يَيْمًا ذَا مَقْرَبَةٍ ﴿٥﴾ أَوْ مَسَّ كَيْنًا ذَا مَقْرَبَةٍ ﴿٦﴾ ثُمَّ كَانَ مِنَ الَّذِينَ ءَامَنُوا وَتَوَاصَوْا بِالصَّبْرِ وَتَوَاصَوْا

بِالْمَرْحَمَةِ ﴿٧﴾ أُولَئِكَ أَصْحَابُ الْيَمِينَةِ ﴿٨﴾

অর্থাৎ, কিন্তু সে গিরি সংকটে প্রবেশ করলো না (কষ্টসাধ্য পরিত্রাণ ও মঙ্গলের পথ অবলম্বন করল না)। তুমি কি জান যে, গিরি সংকট কি? এটা হচ্ছে দাসকে মুক্তি প্রদান; অথবা দুর্ভিক্ষের দিনে আহার্য দান; পিতৃহীন আত্মীয়কে, অথবা ধূল্য লুপ্তিত দরিদ্রকে। তদুপরি তাদের অন্তর্ভুক্ত হওয়া যারা মুমিন এবং পরস্পরকে উপদেশ দেয় ধৈর্যধারণের ও দয়া দান্ধিগ্যের; তারাই সৌভাগ্যশালী। (সূরা বালাদ ১১- ১৮ আয়াত)

(৬৬৯) হযরত আবু হুরাইরা রাঃ হতে বর্ণিত, নবী সঃ বলেন, “যে ব্যক্তি একটি মুমিন দাস স্বাধীন করে আল্লাহ ঐ দাসের প্রত্যেক অঙ্গের পরিবর্তে ঐ ব্যক্তির অঙ্গসমূহকে জাহান্নাম থেকে মুক্ত করবেন। এমনকি তার লজ্জাস্থানের বিনিময়ে তারও লজ্জাস্থানকে দোষখ-মুক্ত করে দেবেন।” (বুখারী ৬৭ ১৫নং, মুসলিম ১৫০৯ নং)

## খাদ্য গুদামজাত করা হতে ভীতি-প্রদর্শন

(৬৭০) হযরত মা'মার বিন আবী মা'মার রাঃ হতে বর্ণিত, আল্লাহর রসূল সঃ বলেন, “পাপী ছাড়া অন্য কেউ (দুপ্রাপ্যতার সময়) খাদ্য গুদামজাত করে না।”

(মুসলিম ১৬০৫, আবু দাউদ ৩৪৪৭, তিরমিযী ১২৬৭, ইবনে মাজাহ ২ ১৫৪নং)



❀ বিশেষ করে দুশ্চাপ্যতার সময় খাদ্য গুদামজাত করে রেখে দাম বাড়ানো বৈধ নয়। মানুষ যখন খাদ্যের অভাবে পয়সা দিয়েও খাদ্য পায় না, তখন তা আটকে রাখা অবশ্যই হারাম। অবশ্য দুশ্চাপ্যতার বাজার না হলে খাদ্য-শস্য বেঁধে রেখে মূল্য বৃদ্ধি হওয়া পর্যন্ত অপেক্ষা করে তা বিক্রয় করা অবৈধ নয়।

## জমি ইত্যাদি জবর-দখল করা হতে ভীতি-প্রদর্শন

(৬৭১) হযরত আয়েশা (রাযিয়াল্লাহু আনহা) কর্তৃক বর্ণিত, আল্লাহর রসূল ﷺ বলেন, “যে ব্যক্তি (অন্যের) অর্ধহাত পরিমাণও জমি জবরদখল করবে (কিয়ামতের দিন) সে ব্যক্তির ঘাড়ে ঐ জমির (নীচের) সাত (তবক) জমিনকে বেড়িস্বরূপ ঝুলিয়ে দেওয়া হবে।” (বুখারী ২৪৫৩, মুসলিম ১৬১২নং)

(৬৭২) হযরত য্যা'লা বিন মুরাহ ﷺ হতে বর্ণিত, তিনি বলেন, আমি নবী ﷺ কে বলতে শুনেছি যে, “যে ব্যক্তি অর্ধহাত পরিমাণও জমি জবর-দখল (আত্মসাৎ) করবে সে ব্যক্তিকে আল্লাহ তাআলা কিয়ামতের দিন ঐ জমির সাত তবক পর্যন্ত খুঁড়তে আদেশ করবেন। অতঃপর তা তার গলায় বেড়িস্বরূপ ঝুলিয়ে দেওয়া হবে; যতক্ষণ পর্যন্ত না সমস্ত লোকদের বিচার-নিষ্পত্তি শেষ হয়েছে (ততক্ষণ পর্যন্ত ঐ সাত তবক আধ হাত জমি তার গলায় লটকানো থাকবে)!” (আহমাদ ৪/১৭৩, তাবারানীর কাবীর, ইবনে হিব্বান ৫১৪২, সহীহুল জামে' ২৭২২নং)

## আপোসে গর্ব-প্রকাশের উদ্দেশ্যে প্রয়োজনের অতিরিক্ত ঘর-বানানো হতে ভীতি-প্রদর্শন

(৬৭৩) হারেসাহ বিন মুযারিব বলেন, আমরা খাক্বাব ﷺ-এর নিকট তাঁর অসুখে জিজ্ঞাসাবাদ করতে এলাম। তখন তিনি (চিকিৎসার জন্য) দেহে সাত সাত বার দাগা নিয়েছেন। তিনি আমাদেরকে বললেন, ‘আমার অসুখ লম্বা সময় ধরে রয়ে গেল। যদি আমি আল্লাহর রসূল ﷺ-কে এ কথা বলতে না শুনতাম যে, “তোমরা মৃত্যু কামনা করো না।” তাহলে আমি মৃত্যু কামনা করতাম।’

তিনি আরো বলেছেন, “মানুষের সমস্ত প্রকার খরচে সওয়াব লাভ হয়, কিন্তু মাটি অথবা ঘর-বাড়ির খরচে নয়।” (তিরমিহী ২৪৮৩নং)

ইমাম তাবারানী হযরত খাক্বাব ﷺ কর্তৃক হাদীসটিকে এই শব্দে বর্ণনা করেছেন, “ঘর-বাড়ি ছাড়া অন্যান্য বিষয়ে বান্দা যে অর্থই ব্যয় করে সেই অর্থই সে সওয়াবপ্রাপ্ত হয়।” (সহীহুল জামে' ৪৫৬৬ ও ৮০০৭ নং)

## মজুরকে মজুরী না দেওয়া হতে ভীতি-প্রদর্শন

(৬৭৪) হযরত আবু হুরাইরা رضي الله عنه কর্তৃক বর্ণিত, নবী صلى الله عليه وسلم বলেছেন, “আল্লাহ তাআলা বলেন, ‘কিয়ামতের দিন আমি তিন ব্যক্তির প্রতিবাদী। আর আমি যার প্রতিবাদী হব অবশ্যই তাকে পরাজিত করব। তন্মধ্যে প্রথম হল সেই ব্যক্তি, যে আমার নামে কিছু দেওয়ার প্রতিশ্রুতি করল অতঃপর তা ভঙ্গ করল। দ্বিতীয় হল সেই ব্যক্তি, যে কোন স্বাধীন ব্যক্তিকে বিক্রয় করে তার মূল্য ভক্ষণ করল। আর তৃতীয় হল সেই ব্যক্তি, যে কোন মজুর খাটিয়ে তার নিকট থেকে পুরোপুরি কাজ নিল; অথচ সে তার মজুরী (পূর্ণরূপে) আদায় করল না।” (আহমাদ ২/৩৫৮; বুখারী ২২২৭ ও ২২৭০নং, ইবনে মাজাহ ২৪৪২নং)

(৬৭৫) হযরত ইবনে উমার رضي الله عنه কর্তৃক বর্ণিত, নবী صلى الله عليه وسلم বলেন, “আল্লাহর নিকট সব চাইতে বড় পাপিষ্ঠ সে) ব্যক্তি, যে কোন মহিলাকে বিবাহ করে, অতঃপর তার নিকট থেকে মজা লুটে নিয়ে তাকে তালাক দেয় এবং তার মোহরও আত্মসাৎ করে। (দ্বিতীয় হল) সেই ব্যক্তি, যে কোন লোককে মজুর খাটায়, অতঃপর তার মজুরী আত্মসাৎ করে এবং (তৃতীয় হল) সেই ব্যক্তি, যে খামাকা পশু হত্যা করে।” (হাকেম, বাইহাকী, সহীছল জামে’ ১৫৬৭ নং)

(৬৭৬) হযরত আবু হুরাইরা, ইবনে উমার, আনাস ও জাবের رضي الله عنهم কর্তৃক বর্ণিত, নবী صلى الله عليه وسلم বলেছেন, “মজুরকে তার ঘাম শুকাবার পূর্বে তোমরা তার মজুরী দিয়ে দাও।” (সহীছল জামে’ ১০৫৫নং)

পরিচ্ছদ ও সৌন্দর্য অধ্যায়

## গাঁটের নীচে পরিহিত কাপড় ঝুলানো হতে পুরুষকে ভীতি-প্রদর্শন

মহান আল্লাহ বলেন,

﴿ إِنَّ اللَّهَ لَا يُحِبُّ كُلَّ مُخْتَالٍ فَخُورٍ ﴾

অর্থাৎ, নিশ্চয় আল্লাহ কোন দান্ভিক অহংকারীকে ভালোবাসেন না। (সূরা লুক্‌মান ১৮ আয়াত)

(৬৭৭) হযরত আব্দুল্লাহ বিন উমার رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “সে ব্যক্তির দিকে আল্লাহ তাকিয়েও দেখবেন না, যে ব্যক্তি অহংকারবশে নিজ পরিহিত কাপড় (গাঁটের নিচে) ছেঁচড়ে নিয়ে বেড়ায়।” (বুখারী ৫৭৮৩, মুসলিম ৫৭৮৩নং)

(৬৭৮) হযরত আবু হুরাইরা رضي الله عنه হতে বর্ণিত, নবী صلى الله عليه وسلم বলেন, “লুঙ্গির যেটুকু অংশ গাঁটের নীচে হবে সেটুকু (অঙ্গ) দোষখে যাবে।” (বুখারী ৫৮৮৭নং, নাসাঈ)

(৬৭৯) হযরত আবু যার গিফারী رضي الله عنه কর্তৃক বর্ণিত, নবী صلى الله عليه وسلم বলেন, “তিন ব্যক্তির সহিত আল্লাহ পাক কিয়ামতের দিন কথা বলবেন না, তাদের দিকে চেয়ে দেখবেন না, তাদেরকে (পাপ হতে) পবিত্রও করবেন না এবং তাদের জন্য হবে যন্ত্রণাদায়ক

শাস্তি।” তিনি এ কথাটি পুনঃপুনঃ তিনবার বললেন। আমি বললাম, ‘ব্যর্থ ও ক্ষতিগ্রস্ত হবে, তারা কারা হে আল্লাহর রসূল?’ তিনি বললেন, “তারা হল, যে ব্যক্তি গাঁটের নিচে কাপড় ঝুলিয়ে পরে, দান করে যে ‘দিয়েছি-দিয়েছি’ বলে প্রচার করে বেড়ায় এবং মিথ্যা কসম করে যে তার পণ্যদ্রব্য বিক্রয় করো।” (মুসলিম ১০৬, আবু দাউদ ৪০৮৭, তিরমিযী ১২১১, নাসাঈ, ইবনে মাজাহ ২২০৮-নং)

❀ অহংকারবশে যে পুরুষ তার পরনের কাপড় গাঁটের নিচে ঝুলিয়ে পরবে তার শাস্তি হল, আল্লাহ পাক কিয়ামতের দিন তার সাথে কথা বলবেন না, তার দিকে চেয়ে দেখবেন না, তাকে (পাপ হতে) পবিত্রও করবেন না এবং তার জন্য হবে যন্ত্রণাদায়ক জাহান্নাম। পক্ষান্তরে যে অহংকারের সাথে নয়; বরং অভ্যাসগতভাবে তা পরবে তার শাস্তি হল, প্যান্ট, পায়জামা বা লুঙ্গির যেটুকু অংশ গাঁটের নীচে হবে কেবল সেটুকু (অঙ্গ) দোযখে যাবে। কিন্তু অতীব দুঃখের বিষয় যে, অধিকাংশ মানুষ উক্ত পাপে জেনেশুনেও লিপ্ত থাকে। গাঁটের উপর তুলে কাপড় পরে মানুষের কাছে হ্যাংলা হওয়ার ভয় করে, অথচ জাহান্নামের আগুনকে ভয় করে না! পক্ষান্তরে মহিলারা ঐ আমল করে এবং হাঁটু পর্যন্ত সূর্যের আলো দেখিয়ে ‘আলোকপ্রাপ্ত’ সাজে!

## চামড়া বুঝা যায় এমন পাতলা কাপড় পরা হতে মহিলাকে ভীতি-প্রদর্শন

মহান আল্লাহ বলেন,

﴿ وَقُلْ لِلْمُؤْمِنَاتِ يَغْضُضْنَ مِنْ أَبْصَرِهِنَّ وَيَحْفَظْنَ فُرُوجَهُنَّ وَلَا يُبْدِينَ زِينَتَهُنَّ إِلَّا مَا ظَهَرَ مِنْهَا ۗ  
وَلْيَضْرِبْنَ خُمُرِهِنَّ عَلَىٰ جُيُوبِهِنَّ ۗ ﴾

অর্থাৎ, “মুমিন নারীদেরকে বল, তারা যেন নিজেদের দৃষ্টি সংযত করে ও লজ্জাস্তান হিফায়ত করে এবং যা প্রকাশ পায় তা ছাড়া তাদের (অন্যান্য) সৌন্দর্য প্রদর্শন না করে, তাদের গ্রীবা ও বক্ষদেশ যেন মাথার কাপড় (উড়না অথবা চাদর) দ্বারা আবৃত করে। (সূরা নূর ৩১ আয়াত)

(৬৮০) হযরত আবু হুরাইরা رضي الله عنه হতে বর্ণিত, আল্লাহর রসূল ﷺ বলেছেন, “দুই শ্রেণীর মানুষ জাহান্নামবাসী হবে যাদেরকে এখনো আমি দেখিনি। তন্মধ্যে প্রথম শ্রেণী হল সেই লোক, যাদের সঙ্গে থাকবে গরুর লেজের মত চাবুক; যদ্বারা তারা লোকেদেরকে প্রহার করবে। আর দ্বিতীয় শ্রেণী হল সেই মহিলাদল, যারা কাপড় পরা সত্ত্বেও যেন উলঙ্গ থাকবে, (যারা পাতলা অথবা খোলা লেবাস পরিধান করবে।) এরা (পর পুরুষকে নিজের প্রতি) আকৃষ্ট করবে এবং নিজেরাও (তার প্রতি) আকৃষ্ট হবে; তাদের মাথা হবে হিলে যাওয়া উটের কুঁজের মত। তারা জান্নাত প্রবেশ করবে না

এবং তার সুগন্ধও পাবে না। অথচ তার সুগন্ধ এত-এত দূরবর্তী স্থান হতে পাওয়া যাবে।” (মুসলিম ২১২৮নং)

(৬৮১) হযরত আব্দুল্লাহ বিন আমর رضي الله عنه কর্তৃক বর্ণিত, আল্লাহর রসূল صلى الله عليه وسلم বলেছেন, “আমার শেষ যামানার উম্মতের মধ্যে কিছু এমন লোক হবে যারা ঘরের মত জিন্ (মোটর গাড়ি)তে সওয়ার হয়ে মসজিদের দরজায় দরজায় নামবে। (গাড়ি করে নামায পড়তে আসবে।) আর তাদের মহিলারা হবে অর্ধনগ্না; যাদের মাথা কৃশ উটের কুঁজের মত (খোঁপা) হবে। তোমরা তাদেরকে অভিশাপ করো। কারণ, তারা অভিশপ্তা!---” (আহমাদ, ২/২২৩, ইবনে হিব্বান, তাবারানী, সিলসিলাহ সহীহাহ ২৬৮৩নং)

## রেশমবস্ত্র ও সোনা ব্যবহার করা হতে পুরুষকে ভীতি-প্রদর্শন

(৬৮২) হযরত উমার বিন খাত্তাব رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “তোমরা রেশমের কাপড় পরো না। কারণ, যে ব্যক্তি তা দুনিয়াতে পরবে সে ব্যক্তি আখেরাতে পরতে পাবে না।” (বুখারী ৫৮৩৩, মুসলিম ২০৬৯নং, তিরমিযী, নাসাঈ)

(৬৮৩) হযরত ইবনে আক্বাস رضي الله عنه হতে বর্ণিত, একদা আল্লাহর রসূল صلى الله عليه وسلم এক ব্যক্তির হাতে সোনার আংটি দেখলেন। তিনি তার হাত হতে তা খুলে ছুঁড়ে ফেলে দিলেন এবং বললেন, “তোমাদের কেউ কি ইচ্ছাকৃত দোষখের আঙ্গরকে হাতে নিয়ে ব্যবহার করে?”

অতঃপর নবী صلى الله عليه وسلم চলে গেলে লোকটিকে বলা হল, ‘তোমার আংটিটা কুড়িয়ে নিয়ে অন্য কাজে লাগাও। (অথবা তা বিক্রয় করে মূল্যটা কাজে লাগাও।)’ কিন্তু লোকটি বলল, ‘আল্লাহর কসম! আমি আর কক্ষনো তা গ্রহণ করব না, যা আল্লাহর রসূল صلى الله عليه وسلم ছুঁড়ে ফেলে দিয়েছেন।’ (মুসলিম ২০৯০নং)

❀ আংটিটা কুড়িয়ে তা বিক্রি করে তার মূল্য কাজে লাগানোতে অথবা আত্মীয় মহিলাকে দেওয়াতে কোন গোনাহ ছিল না। তবুও সাহাবী رضي الله عنه রসূল صلى الله عليه وسلم এর তা’যীমে তা গ্রহণ করলেন না। বলা বাহুল্য, এটা হল রসূলের চরম আনুগত্যের প্রকৃষ্ট নমুনা।

## চাল-চলন, কথাবার্তা অথবা লেবাসে নারী- পুরুষের পরস্পর সাদৃশ্য অবলম্বন করা হতে ভীতি-প্রদর্শন











দেয় এবং যে নিজের মাথায় তা বাঁধে, এমন উভয় মহিলাকেই নবী ﷺ অভিশাপ করেছেন।’ (বুখারী ৫৯৪১, মুসলিম ২ ১২২, ইবনে মাজাহ ১৯৮৮নং)

(৭০৪) হযরত ইবনে মসউদ ﷺ কর্তৃক বর্ণিত, তিনি বলতেন, ‘(হাত বা চেহারা) দেগে যারা নকশা করে দেয় অথবা করায়, চেহারা থেকে যারা লোম তুলে ফেলে (ক্র চাঁছে), সৌন্দর্য আনার জন্য যারা দাঁতের মাঝে ঘসে (ফাঁক ফাঁক করে) এবং আল্লাহর সৃষ্টি-প্রকৃতিতে পরিবর্তন ঘটায় (যাতে তাঁর অনুমতি নেই) এমন সকল মহিলাদেরকে আল্লাহ অভিশাপ করুন।’

বনী আসাদ গোত্রের উম্মে ইয়াকুব নামক এক মহিলার নিকট এ খবর পৌঁছলে সে এসে ইবনে মাসউদ ﷺ-কে বলল, ‘আমি শুনলাম, আপনি অমুক অমুক (কাজের) মহিলাদেরকে অভিশাপ করেছেন।’ তিনি বললেন, ‘যাদেরকে আল্লাহর রসূল ﷺ অভিশাপ করেছেন এবং যার উল্লেখ আল্লাহর কিতাবে রয়েছে তাদেরকে অভিশাপ করতে আমার বাধা কিসের?’ উম্মে ইয়াকুব বলল, ‘আমি (কুরআন মাজীদের) আদ্যোপান্ত পাঠ করেছি, কিন্তু আপনি যে কথা বলছেন তা তো কোথাও পাইনি।’ ইবনে মসউদ ﷺ বললেন, ‘তুমি যদি (গভীরভাবে) পড়তে, তাহলে অবশ্যই সে কথা পেয়ে যেতো। তুমি কি এ আয়াত পড়নি?’

﴿ وَمَا آتَاكُمُ الرَّسُولُ فَخُذُوهُ وَمَا نَهَاكُمْ عَنْهُ فَانْتَهُوا ﴾

অর্থাৎ, রসূল তোমাদেরকে যা(র নির্দেশ) দেয় তা গ্রহণ (ও পালন) কর এবং যা নিষেধ করে তা হতে বিরত থাক।’ (সূরা হাশর ৭ আয়াত)

উম্মে ইয়াকুব বলল, ‘অবশ্যই পড়েছি।’ ইবনে মসউদ ﷺ বললেন, ‘তাহলে শোন, তিনি ঐ কাজ করতে নিষেধ করেছেন।’ মহিলাটি বলল, ‘কিন্তু আপনার পরিবারকে তো ঐ কাজ করতে দেখেছি।’ ইবনে মসউদ ﷺ বললেন, ‘আচ্ছা তুমি গিয়ে দেখ তো।’

মহিলাটি তাঁর বাড়ি গিয়ে নিজ দাবী অনুযায়ী কিছুই দেখতে পেল না। পরিশেষে ইবনে মসউদ ﷺ তাকে বললেন, ‘যদি তাই হত তাহলে আমি তার সহিত সঙ্গমই করতাম না।’ (বুখারী ৪৮৮৬নং, মুসলিম ২ ১২৫নং, আসহাবে সুনান)

(৭০৫) হুমাইদ বিন আব্দুর রহমান বিন আওফ ﷺ হতে বর্ণিত, তিনি মুআবিয়া ﷺ এর হজ্জের বছরে মিসরের উপর তাঁকে বলতে শুনেছেন। তিনি এক প্রহরীর হাত থেকে এক গোছা পরচুলা নিয়ে বললেন, ‘হে মদীনাবাসী! কোথায় তোমাদের উলামাগণ? আমি আল্লাহর রসূল ﷺ-এর মুখে শুনেছি, তিনি এ জিনিস ব্যবহার করতে নিষেধ করেছেন এবং বলেছেন, “বনী ইসরাঈল তখনই ধ্বংস হল যখনই তাদের মেয়েরা এই (পরচুলা) ব্যবহার শুরু করল।” (মালেক, বুখারী ৩৪৬৮, মুসলিম ২ ১২৭নং, আবু দাউদ, তিরমিযী, নাসাঈ)

বুখারী ও মুসলিমে ইবনুল মুসাইয়িব কর্তৃক এক বর্ণনায় আছে যে, হযরত মুআবিয়া

মদীনায় এসে আমাদের মাঝে ভাষণ দিলেন। আর (তারই মাঝে) এক গোছা পরচুলা বের করে বললেন, ‘ইয়াহুদীরা ছাড়া অন্য কোন (মুসলিম) ব্যক্তি এ জিনিস ব্যবহার করে বলে আমার ধারণা ছিল না। আল্লাহর রসূল ﷺ এর নিকট এই (পরচুলা ব্যবহারের) খবর পৌঁছলে তিনি এর নাম দিয়েছিলেন, ‘জালিয়াতি!’ (বুখারী ৫৯৩৮-নং)

পানাহার অধ্যায়

## সোনা-রূপার পাত্র ব্যবহার করা হতে ভীতি- প্রদর্শন

(৭০৬) হযরত হুযাইফা বিন ইয়ামান ؓ হতে বর্ণিত, আল্লাহর রসূল ﷺ বলেন, “তোমরা সোনা-রূপার পাত্রে পানাহার করো না। কারণ, তা দুনিয়াতে কাফেরদের জন্য এবং আখেরাতে তোমাদের জন্য।” (বুখারী ৫৬৩৩, মুসলিম ২০৬৭নং)

(৭০৭) হযরত উম্মে সালামাহ (রাযিয়াল্লাহু আনহা) কর্তৃক বর্ণিত, আল্লাহর রসূল ﷺ বলেন, “যে ব্যক্তি সোনা-চাঁদির পাত্রে পান করে, আসলে সে ব্যক্তি নিজ উদরে জাহান্নামের আগুন ঢকঢক করে পান করে।” (বুখারী ৫৬৩৪, মুসলিম ২০৬৫নং)

## বামহাতে পানাহার করা হতে ভীতি-প্রদর্শন

(৭০৮) হযরত ইবনে উমার ؓ হতে বর্ণিত, আল্লাহর রসূল ﷺ বলেন, “তোমাদের মধ্যে কেউ যেন তার বাম হাত দ্বারা অবশ্যই না খায় এবং পানও না করে। কারণ, শয়তান তার বাম হাত দিয়ে পানাহার করে থাকে।”

বর্ণনাকারী বলেন, (ইবনে উমার ؓ এর স্বাধীনকৃত দাস তাবেয়ী) নাফে’ (রঃ) দুটি কথা আরো বেশী বলতেন, “কেউ যেন বাম হাত দ্বারা কিছু গ্রহণ না করে এবং অনুরূপ তদ্বারা কিছু প্রদানও না করে।” (মুসলিম ২০২০, তিরমিযী ১৮০০, মালেক, আবু দাউদ ৩৭৭৬ নং)

(৭০৯) হযরত উমার বিন আবী সালামাহ ؓ বলেন, আমি শিশুবেলায় আল্লাহর রসূল ﷺ-এর কোলে (বসে খাবার সময়) আমার হাত পাত্রের যেখানে-সেখানে পড়লে তিনি আমাকে বললেন, “ওহে বৎস! আল্লাহর নাম নাও, তোমার ডান হাত দিয়ে খাও এবং নিজের তরফে একধার থেকে খাও।” (বুখারী, মুসলিম ২০২২নং)

(৭১০) হযরত সালামাহ বিন আকওয়া’ ؓ হতে বর্ণিত, একদা এক ব্যক্তি আল্লাহর রসূল ﷺ-এর নিকট বাম হাত দিয়ে কিছু খাচ্ছিল। তিনি তা লক্ষ্য করে তাকে বললেন, “তুমি ডান হাত দিয়ে খাও।” সে বলল, ‘আমি পারি না।’ রসূল ﷺ বললেন, “তুমি যেন না পার। অহংকারই ওকে (আদেশ পালনে বিরত রেখেছে)।” সালামাহ বলেন, ‘সুতরাং (এই বদুআর ফলে) সে আর তার হাতকে মুখ পর্যন্ত

উঠাতে পারেনি।’ (মুসলিম ২০২ ১নং)

### খাওয়ার শুরুতে ‘বিসমিল্লাহ’ বলার গুরুত্ব

(৭১১) হযরত হুযাইফা رضي الله عنه হতে বর্ণিত, আল্লাহর রসূল صلى الله عليه وسلم বলেন, “অবশ্যই শয়তান (মুসলিমের) খাবার খেতে সক্ষম হয়; যদি খাওয়ার শুরুতে ‘বিসমিল্লাহ’ না বলা হয়।---” (মুসলিম ২০১৭, আবু দাউদ ৩৭৬৬নং)

(৭১২) হযরত আয়েশা (রাঃ) হতে বর্ণিত, আল্লাহর রসূল صلى الله عليه وسلم বলেন, “যখন তোমাদের কেউ কোন খাবার খাবে, তখন সে যেন ‘বিসমিল্লাহ’ বলে। প্রথমে কেউ তা বলতে ভুলে গেলে সে যেন (মনে পড়লে বা) শেষে বলে, ‘বিসমিল্লাহি আওয়ালাহু আখিরাহি।’” (আবু দাউদ ৩৭৬৭, তিরমিযী ১৮৫৮নং)

(৭১৩) হযরত জাবের رضي الله عنه হতে বর্ণিত, আল্লাহর রসূল صلى الله عليه وسلم বলেন, “তোমাদের কেউ যখন নিজ বাড়ি প্রবেশ করার সময় এবং খাবার সময় ‘বিসমিল্লাহ’ বলে, তখন শয়তান (তার সঙ্গীদেরকে) বলে, ‘তোমাদের জন্য রাত্রিযাপনের স্থানও নেই এবং রাতের খাবারও নেই।’ যখন সে বাড়ি প্রবেশ করার সময় আল্লাহর নাম নেয় এবং রাতে খাবার সময় না নেয়, তাহলে শয়তান বলে, ‘তোমরা রাতের খাবার পেলে, কিন্তু রাত্রিযাপনের জায়গা নেই।’ আর যখন সে খাবার সময়েও আল্লাহর নাম না নেয়, তখন শয়তান বলে, ‘তোমরা রাত্রিযাপনের জায়গাও পেলে এবং খাবারও পেলে।’” (মুসলিম ২০১৮, আবু দাউদ ৩৭৬৫নং)

❀ খাবার সময় আরো মান্য আদব এই যে, খাবার পর ‘আল-হামদু লিল্লাহ’ বা নির্দিষ্ট দুআ পড়তে হয়। খাবার পাত্রের মাঝখান হতে খেতে হয় না। খাবার যেমনই হোক তার কোন দোষ বর্ণনা করতে হয় না। খাদ্যাংশ নিচে পড়ে গেলে তা পরিষ্কার করে খেয়ে ফেলা কর্তব্য। কারণ, তাতেই বর্কত নিহিত থাকতে পারে। এ ছাড়া খাবার শেষে পাত্র ও আঙ্গুল চেষ্টে খেতেও শরীয়ত আমাদেরকে শিক্ষা দেয়।

### দাঁড়িয়ে পানাহার করা হতে ভীতি-প্রদর্শন

(৭১৪) হযরত আবু হুরাইরা رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “তোমাদের মধ্যে কেউ যেন দাঁড়িয়ে পান না করে। কেউ ভুলে গিয়ে পান করে থাকলে সে যেন তা বমি করে ফেলে।” (মুসলিম ২০২৬নং)

(৭১৫) হযরত আনাস رضي الله عنه বলেন, নবী صلى الله عليه وسلم নিষেধ করেছেন যে, কোন লোক যেন দাঁড়িয়ে পান না করে। আনাস رضي الله عنه-কে দাঁড়িয়ে খাওয়া সম্পর্কে জিজ্ঞাসা করা হলে উত্তরে তিনি বললেন, ‘এটা তো আরো খারাপ ও আরো নোংরা।’ (মুসলিম ২০২৪নং)

❀ পানি পান করলে তিন শ্বাসে পান করতে হয় এবং দাঁড়িয়ে পান করতে হয় না। যেমন পানপাত্রের ভিতরে নিঃশ্বাস ত্যাগ করাও নিষিদ্ধ। কিন্তু বসার জায়গা না

থাকলে অথবা অন্য কোন অসুবিধায় বা প্রয়োজনে দাঁড়িয়ে পানাহার করা হারাম নয়।  
যেহেতু দাঁড়িয়ে পান বৈধ হওয়ার হাদীসও বর্ণিত হয়েছে।

## উদর পূর্ণ করে খাওয়া হতে ভীতি-প্রদর্শন

(৭১৬) হযরত আবু হুরাইরা رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “মুসলিম একটি মাত্র অল্পে খায়, পক্ষান্তরে কাফের খায় সাত অল্পে।” (বুখারী ৫৩৯৬, মুসলিম ২০৬২নং, ইবনে মাজাহ)

(৭১৭) হযরত মিকদাম বিন মা'দীকারিব رضي الله عنه কর্তৃক বর্ণিত, তিনি বলেন, আমি আল্লাহর রসূল صلى الله عليه وسلم-কে বলতে শুনেছি যে, “উদর অপেক্ষা নিকৃষ্টতর কোন পাত্র মানুষ পূর্ণ করে না। আদম সন্তানের জন্য ততটুকুই খাদ্য যথেষ্ট যতটুকুতে তার পিঠ সোজা করে রাখে। আর যদি এর চেয়ে বেশী খেতেই হয়, তাহলে সে যেন তার পেটের এক তৃতীয়াংশ আহারের জন্য, এক তৃতীয়াংশ পানের জন্য এবং অন্য আর এক তৃতীয়াংশ শ্বাস-প্রশ্বাসের জন্য ব্যবহার করে।” (তিরমিযী ২৩৮০, ইবনে মাজাহ ৩৩৪৯, ইবনে হিব্বান, হাকেম ৪/ ১২১, সহীহুল জামে' ৫৬৭৪নং)

## গরীবদেরকে ছেড়ে কেবল ধনীদেরকে দাওয়াত দেওয়া এবং দাওয়াত কবুল না করা হতে ভীতি-প্রদর্শন

(৭১৮) হযরত আবু হুরাইরা رضي الله عنه বলেন, ‘সবচেয়ে নিকৃষ্টতম খাবার হল সেই অলীমার খাবার যার জন্য ধনীদেরকে দাওয়াত দেওয়া হয় এবং বাদ দেওয়া হয় গরীবদেরকে। আর যে ব্যক্তি দাওয়াত গ্রহণ করল না সে ব্যক্তি আল্লাহ ও তাঁর রসূলের নাফরমানী করল।’ (বুখারী ৫১৭৭, মুসলিম ১৪৩২নং)

মুসলিমের এক বর্ণনায় আছে যে, আবু হুরাইরা رضي الله عنه বলেন, নবী صلى الله عليه وسلم বলেছেন, “সবচেয়ে নিকৃষ্টতম খাবার হল সেই অলীমার খাবার; যাতে তাদেরকে আসতে নিষেধ করা হয় (বা দাওয়াত দেওয়া হয় না), যারা তা খেতে চায় এবং যার প্রতি তাদেরকে আহ্বান করা হয়, যারা তা খেতে চায় না। আর যে ব্যক্তি দাওয়াত গ্রহণ করে না সে ব্যক্তি আল্লাহ ও তদীয় রসূলের না ফরমানী করে।”

(৭১৯) হযরত আবু হুরাইরা رضي الله عنه হতে বর্ণিত, আল্লাহর রসূল صلى الله عليه وسلم বলেন, “মুসলিমের উপর মুসলিমের ৫টি অধিকার রয়েছে; সালামের জবাব দেওয়া, রোগীকে সাক্ষাৎ করে সান্ত্বনা দেওয়া, জানাযায় অংশগ্রহণ করা, দাওয়াত কবুল করা এবং হাঁচির পর ‘আল-হামদু লিল্লাহ’ বললে তার জবাবে ‘য্যারহামুকাল্লাহ’ বলা।” (বুখারী ১২৪০, মুসলিম ২১৬২নং)

(৭২০) হযরত জাবের رضي الله عنه হতে বর্ণিত, আল্লাহর রসূল صلى الله عليه وسلم বলেন, “যখন তোমাদের কাউকে অলীমার দাওয়াত দেওয়া হয়, তখন সে যেন তা কবুল করে। অতঃপর তার ইচ্ছা হলে খেতে পারে, না হলে না খেতে পারে।” (মুসলিম ১৪৩০নং)

❀ মুসলিম ভায়ের দাওয়াত গ্রহণ করা ওয়াজেব। অবশ্য দাওয়াত-স্থলে কোন প্রকার আপত্তিকর অবৈধ কিছু থাকলে এবং উপদেশের মাধ্যমে তা অপসারণ না করতে পারলে ভিন্ন কথা।

### শাসন ও বিচার অধ্যায়

## ন্যায়পরায়ণ বিচারক বা শাসকের মাহাত্ম্য

মহান আল্লাহ বলেন,

﴿ إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَىٰ ﴾

অর্থাৎ, আল্লাহ অবশ্যই ন্যায়পরায়ণতা, সদাচরণ ও আত্মীয়-স্বজনকে দানের নির্দেশ দেন। (সূরা নাহল ৯০ আয়াত)

﴿ يَأْتِيهَا الَّذِينَ ءَامَنُوا كُوفُوا قَوْمِينَ لِلَّهِ شُهَدَاءَ بِالْقِسْطِ وَلَا يَجْرِمَنَّكُمْ شَنَاٰنُ قَوْمٍ عَلَىٰ ءَلَّا تَعْدِلُوا ﴾

﴿ أَعْدِلُوا هُوَ أَقْرَبُ لِلتَّقْوَىٰ وَاتَّقُوا اللَّهَ إِنَّ اللَّهَ خَبِيرٌ بِمَا تَعْمَلُونَ ﴿٢٠﴾ ﴾

অর্থাৎ, হে ঈমানদারগণ! তোমরা আল্লাহর জন্য ন্যায় সাক্ষ্যদানে অবিচল থাক। কোন সম্প্রদায়ের প্রতি বিদ্বেষ যেন তোমাদেরকে কখনও সুবিচার না করাতে প্ররোচিত না করে। সুবিচার কর, এটা তাকওয়ার নিকটতর এবং আল্লাহকে ভয় কর। তোমরা যা কর, আল্লাহ তার খবর রাখেন। (সূরা মাইদাহ ৮ আয়াত)

﴿ وَإِذَا قُلْتُمْ فَاعْدِلُوا وَلَوْ كَانَ ذَا قُرْبَىٰ ﴾

অর্থাৎ, আর তোমরা যখন কথা বলবে, তখন তা আত্মীয়ের বিরুদ্ধে হলেও ন্যায্যভাবে বলবে। (সূরা আনআম ১৫২ আয়াত)

﴿ يَأْتِيهَا الَّذِينَ ءَامَنُوا كُوفُوا قَوْمِينَ بِالْقِسْطِ شُهَدَاءَ لِلَّهِ وَلَوْ عَلَىٰ أَنفُسِكُمْ أَوِ الْوَالِدِينَ وَالْأَقْرَبِينَ ۚ إِنَّ

يَكُنْ غَنِيًّا أَوْ فَقِيرًا فَاللَّهُ أَوْلَىٰ بِهِمَا ۖ فَلَا تَتَّبِعُوا الْهَوَىٰ أَن تَعْدِلُوا ۚ وَإِن تَلَوُّرًا أَوْ تَعْرِضُوا فَإِنَّ اللَّهَ كَانَ

﴿ بِمَا تَعْمَلُونَ خَبِيرًا ﴿٢١﴾ ﴾

অর্থাৎ, হে ঈমানদারগণ! তোমরা ন্যায় বিচারে দৃঢ় প্রতিষ্ঠিত থাক, আল্লাহর উদ্দেশ্যে সাক্ষ্য দাও; যদিও তা তোমাদের নিজেদের অথবা পিতা-মাতা এবং আত্মীয়-স্বজনের বিরুদ্ধে হয়; সে বিভবান হোক অথবা বিভবহীনই হোক আল্লাহ উভয়েরই যোগ্যতম অভিভাবক। সুতরাং তোমরা ন্যায় বিচার করতে খেয়াল-খুশীর

অনুগামী হয়ো না। যদি তোমরা প্যাঁচালো কথা বল অথবা পাশ কেটে চল, তবে (জেনে রাখ) যে, তোমরা যা কর আল্লাহ তার সম্যক খবর রাখেন। (সূরা নিসা ১৩৫ আয়াত)

﴿ فَإِنْ فَاءَتْ فَأَصْلِحُوا بَيْنَهُمَا بِالْعَدْلِ وَأَقْسِطُوا إِنَّ اللَّهَ يُحِبُّ الْمُقْسِطِينَ ﴾

অর্থাৎ, (বিবদমান দুই গোষ্ঠী) যদি আত্মসমর্পণ করে, তাহলে তাদের মধ্যে ন্যায়ের সঙ্গে মীমাংসা কর এবং সুবিচার কর। আল্লাহ ন্যায় বিচারকদেরকে ভালোবাসেন। (সূরা হুজুরাত ৯ আয়াত)

(৭২১) হযরত আমর বিন আস رضي الله عنه কর্তৃক বর্ণিত, আল্লাহর ﷺ বলেছেন, “বিচারক যদি সুবিচারের প্রয়াস রেখে বিচার করে অতঃপর তা সঠিক হয়, তবে তার জন্য রয়েছে দুটি সওয়াব। আর সুবিচারের প্রয়াস রেখে যদি বিচারে ভুল করেও বসে, তবে তার জন্যও রয়েছে একটি সওয়াব।” (বুখারী ৭৩৫২ নং, মুসলিম ১৭১৬ নং)

(৭২২) হযরত আব্দুল্লাহ বিন আমর رضي الله عنه প্রমুখাৎ বর্ণিত, নবী ﷺ বলেন, “আল্লাহর নিকট যারা ন্যায়পরায়ণ তারা দয়াময়ের ডান পার্শ্বে জ্যোতির মিসরের উপর অবস্থান করবে। আর তাঁর উভয় হস্তই ডান। (এ ন্যায়পরায়ণ তারা) যারা তাদের বিচারে, পরিবারে এবং তার কর্তৃত্ব ও নেতৃত্বাধীন ব্যক্তিবর্গের ব্যাপারে ন্যায়নিষ্ঠ।” (মুসলিম ১৮২৭ নং)

❀ প্রত্যেক ব্যাপারেই ইনসাফ ও ন্যায়পরায়ণতায় উদ্বুদ্ধ করে ইসলাম। নিজের সন্তানদের জন্যও মহানবী ﷺ-এর নির্দেশ হল, “তোমরা আল্লাহকে ভয় কর এবং তোমাদের সন্তানদের মাঝে ইনসাফ কর।” (বুখারী ২৬৫০, মুসলিম ১৬২৩নং)

## বিচার শাসন ও রাজকার্য গ্রহণ করা হতে বিশেষ করে দুর্বল ব্যক্তিকে ভীতি-প্রদর্শন

(৭২৩) হযরত আবু হুরাইরা رضي الله عنه হতে বর্ণিত, আল্লাহর রসূল ﷺ বলেন, “যে ব্যক্তি বিচারক-পদ গ্রহণ করল অথবা যাকে লোকেদের (কাযী বা) বিচারক নিযুক্ত করা হল তাকে যেন বিনা ছুরিতে যবাই করা হল।” (আবু দাউদ ৩৫৭১, তিরমিযী ১৩২৫, ইবনে মাজাহ ২৩০৮, হাকেম ৪/৯১, সহীহুল জামে' ৬৫৯৪ নং)

(৭২৪) হযরত বুরাইদা رضي الله عنه কর্তৃক বর্ণিত, নবী ﷺ বলেন, “কাযী (বিচারক) তিন প্রকার। এদের মধ্যে একজন জান্নাতী এবং অপর দু'জন জাহান্নামী।

জান্নাতী হল সেই বিচারক যে 'হক' (সত্য) জানল এবং সেই অনুযায়ী বিচার করল। আর যে বিচারক 'হক' জানা সত্ত্বেও অবিচার করল সে জাহান্নামী এবং যে বিচারক না জেনে (বিনা ইলমে) লোকেদের বিচার করল সেও জাহান্নামী।” (আবু দাউদ ৩৫৭৩, তিরমিযী ১৩২২, ইবনে মাজাহ ২৩১৫, সহীহুল জামে' ৪৪৪৬নং)



ব্যক্তিই জাহেলিয়াতের মরণ মরবে।” (বুখারী ৭০৫৪, মুসলিম ১৮৪৯নং)

❀ প্রকাশ যে উক্ত হাদীস শরীফে বর্ণিত, আমীর ও জামাআতের অর্থ বর্তমানের কোন দলনেতা, জমাত, সংগঠন বা দল নয়। ঐ আমীরের অর্থ হল, ক্ষমতাসীন মুসলিম গভর্নর বা শাসক। আর জামাআতের অর্থ হল, সেই শাসনের অধীনে ঐক্যবদ্ধ মুসলিমদল।

(৭৩০) হযরত আবু হুরাইরা رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “যে ব্যক্তি শাসকের আনুগত্য থেকে বের হয়ে এবং জামাআত থেকে পৃথক হয়ে মারা যাবে সে ব্যক্তি জাহেলিয়াতের মরণ মরবে।

যে ব্যক্তি অন্ধ ফিতনার পতাকাতে (হক-নাহক না জেনেই) যুদ্ধ করবে, অন্ধ পক্ষপাতিত্ব বা গৌড়ামির ফলে ক্রুদ্ধ হবে অথবা অন্ধ পক্ষপাতিত্বের প্রতি আহ্বান করবে অথবা অন্ধ পক্ষপাতিত্বকে সাহায্য করবে, অতঃপর সে খুন হলে তার খুন জাহেলিয়াতের খুন।

আর যে ব্যক্তি আমার উম্মতের বিরুদ্ধে তরবারি বের করে ভালো-মন্দ সকল মানুষকে হত্যা করবে এবং তার মুমিনকেও হত্যা করতে ছাড়বে না, চুক্তিবদ্ধ মানুষের চুক্তিও পূরণ করবে না, সে ব্যক্তি আমার দলভুক্ত নয় এবং আমিও তার দলভুক্ত নই।” (মুসলিম ১৮৪৮ নং)

(৭৩১) হযরত আব্দুল্লাহ বিন উমার رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “যে ব্যক্তি (শাসকের) আনুগত্য থেকে দূরে সরে যাবে সে ব্যক্তি কিয়ামতের দিন যখন আল্লাহর সহিত সাক্ষাৎ করবে তখন তার (ঐ কাজের) কোন দলীল বা ওজর থাকবে না।

আর যে ব্যক্তি নিজ ঘাড়ে বায়াত না রেখে মারা যাবে, সে ব্যক্তি জাহেলিয়াতের মরণ মরবে।” (মুসলিম ১৮৫১নং)

❀ প্রকাশ যে, এখানে বায়াত বলতে মুসলিম রাষ্ট্রনেতার হাতে হাত মিলিয়ে তার আনুগত্যে প্রতিশ্রুতিবদ্ধ হওয়াকে বুঝানো হয়েছে, তথাকথিত কোন পীরের হাতে বায়াত করা বা মুরীদ হওয়ার কথা উদ্দেশ্য নয়।

(৭৩২) হযরত হারেস আশআরী رضي الله عنه হতে বর্ণিত, আল্লাহর রসূল صلى الله عليه وسلم বলেন, “আমি তোমাদেরকে পাঁচটি কর্মের আদেশ দিচ্ছি; জামাআতবদ্ধ ভাবে (একই শাসকের শাসনাধীনে ঐক্যবদ্ধ হয়ে সাহাবা ও তাঁদের অনুগামীদের অনুসারী হয়ে) বাস কর, শাসকের আদেশ পালন কর, তাঁর অনুগত হও, (প্রয়োজনে) হিজরত কর এবং আল্লাহর রাস্তায় জিহাদ কর। আর যে ব্যক্তি জামাআত থেকে আধ হাত পরিমাণ বিচ্ছিন্ন হল সে যেন ইসলামের রশিকে নিজ গলা হতে খুলে ফেলল। তবে যদি সে পুনরায় জামাআতে ফিরে আসে তবে ভিন্ন কথা।

যে ব্যক্তি জাহেলিয়াতের (অন্ধপক্ষপাতিত্বের) ডাক দেবে সে ব্যক্তি জাহান্নামীদের



দলভুক্ত; যদিও সে রোযা রাখে, নামায পড়ে এবং নিজেকে মুসলিম বলে ধারণা করে।” (আহমাদ, সহীহ তিরমিযী ২২৯৮, সহীহল জামে’ ১৭২৮নং)

## বিচ্ছিন্নতা ও মতভেদ সৃষ্টি করা হতে ভীতি-প্রদর্শন

মহান আল্লাহ বলেন,

﴿وَأَعْتَصِمُوا بِحَبْلِ اللَّهِ جَمِيعًا وَلَا تَفَرَّقُوا﴾

অর্থাৎ, তোমরা আল্লাহর রশি (দ্বীন বা কুরআন)কে শক্ত করে ধর এবং পরস্পর বিচ্ছিন্ন হয়ো না। (সূরা আলে ইমরান ১০৩ আয়াত)

(৭৩৩) হযরত উমার رضي الله عنه কর্তৃক বর্ণিত, আল্লাহর রসূল ﷺ বলেন, “তোমরা জামাআতবদ্ধভাবে বাস কর এবং বিচ্ছিন্নতা থেকে সাবধান থেকে। সুতরাং যে জান্নাতের মধ্যস্থল পেতে চায়, সে যেন জামাআতের সাথে থাকে।” (কিতাবুস সুন্নাহ শায়বানী ৮৯৭নং)

(৭৩৪) হযরত নু’মান বিন বাশীর رضي الله عنه কর্তৃক বর্ণিত, আল্লাহর রসূল ﷺ বলেন, “জামাআত (ঐক্য) হল রহমত এবং বিচ্ছিন্নতা হল আযাব।” (মুসনাদে আহমাদ, কিতাবুস সুন্নাহ শায়বানী ৮৯৫, সহীহল জামে’ ৩১০৯নং)

(৭৩৫) হযরত ইরবায় বিন সারিয়াহ رضي الله عنه কর্তৃক বর্ণিত, আল্লাহর রসূল ﷺ বলেন, “তোমাদের মধ্যে যে আমার পরে জীবিত থাকবে, সে বহু মতভেদ দেখতে পারে। অতএব তোমরা আমার সুন্নাহ (পথ ও আদর্শ) এবং আমার পরবর্তী সুপথপ্রাপ্ত খুলাফায়ে রাশেদীনের সুন্নাহ অবলম্বন করো। তা দৃঢ়ভাবে ধারণ করো, দাঁতে কামড়ে ধরো। আর দ্বীনে নবরচিত কর্ম থেকে সাবধান থেকে। কারণ প্রত্যেক নবরচিত (দ্বীনী) কর্মই হল ‘বিদআত’। আর প্রত্যেক বিদআতই হল ভ্রষ্টতা।” (আহমাদ, আবু দাউদ ৪৬০৭, তিরমিযী ২৮১৫ নং, ইবনে মাজাহ, মিশকাত ১৬৫নং)

(৭৩৬) হযরত আব্দুল্লাহ বিন আমর رضي الله عنه ও মুআবিয়া رضي الله عنه কর্তৃক বর্ণিত, আল্লাহর রসূল ﷺ বলেন, “ইয়াহুদী একান্তর দলে এবং খ্রিষ্টান বাহান্তর দলে দ্বিধাবিভক্ত হয়েছে। আর এই উম্মত তিয়ান্তর দলে বিভক্ত হবে। যার মধ্যে একটি ছাড়া বাকী সব ক’টি জাহান্নামী যাবো।” অতঃপর ঐ একটি দল প্রসঙ্গে জিজ্ঞাসিত হলে তিনি বললেন, “তারা হল জামাআত। যে জামাআত আমি ও আমার সাহাবা যে মতাদর্শের উপর আছি তার উপর প্রতিষ্ঠিত থাকবে।” (সুনান আরবাতাহ মিশকাত ১৭১-১৭২, সিলসিলাহ সহীহাহ ২০৩, ১৪৯২নং)

(৭৩৭) হযরত আব্দুল্লাহ বিন মাসউদ رضي الله عنه বলেন, ‘হকের অনুসারীই হল জামাআত; যদিও তুমি একা হও।’ (ইবনে আসাকের, মিশকাত ১/৬১ টীকা নং ৫)

(৭৩৮) হযরত আব্দুল্লাহ বিন মাসউদ বলেন, একদা রসূল ﷺ স্বহস্তে একটি (সরল) রেখা টানলেন, অতঃপর বললেন, “এটা আল্লাহর সরল পথ।” তারপর ঐ

রেখাটির ডানে ও বামে আরো অনেক রেখা টেনে বললেন, “এই হচ্ছে বিভিন্ন পথ; যার প্রত্যেকটির উপর রয়েছে শয়তান, যে ঐ পথের দিকে আহ্বান করে (দাওয়াত দিতে) থাকে।” অতঃপর তিনি এই আয়াতটি পাঠ করলেন :-

﴿ وَأَنَّ هَذَا صِرَاطِي مُسْتَقِيمًا فَاتَّبِعُوهُ وَلَا تَتَّبِعُوا السُّبُلَ فَتَفَرَّقَ بِكُمْ عَن سَبِيلِهِ ۚ ذَٰلِكُمْ وَصْنُكُمْ

بِهِ لَعَلَّكُمْ تَتَّقُونَ ﴿١٥٧﴾

অর্থাৎ, নিশ্চয় এটিই আমার সরল পথ, সুতরাং এরই অনুসরণ কর ও বিভিন্ন পথের অনুসরণ করো না। করলে তা তোমাদেরকে তাঁর পথ হতে বিচ্ছিন্ন করে ফেলবে। এভাবে আল্লাহ তোমাদেরকে নির্দেশ দান করেছেন যেন তোমরা সাবধান হও। (সূরা আনআম ১৫৩ আয়াত, আহমাদ, হাকেম, মিশকাত ১/৫৯)

(৭৩৯) হযরত আবু হুরাইরা رضي الله عنه কর্তৃক বর্ণিত, আল্লাহর রসূল ﷺ বলেন, “নিশ্চয় আল্লাহ তোমাদের জন্য ৩টি কাজ পছন্দ করেন এবং ৩টি কাজ অপছন্দ করেন। তিনি তোমাদের জন্য এই পছন্দ করেন যে, তোমরা তাঁর ইবাদত কর এবং তাঁর সাথে অন্য কিছুকে শরীক করো না, সকলে একতাবদ্ধ হয়ে আল্লাহর রশি (কুরআন বা দ্বীন)কে দৃঢ়ভাবে ধারণ কর এবং আল্লাহ তোমাদের উপর যাকে নেতৃত্ব প্রদান করেছেন তার আনুগত্য কর। আর তিনি তোমাদের জন্য ভিত্তিহীন বাজে কথা বলা (বা জনরবে থাকা), অধিক (অনাবশ্যক) প্রশ্ন করা (অথবা প্রয়োজনের অধিক যাত্রণ করা) এবং ধন-মাল বিনষ্ট (অপচয়) করাকে অপছন্দ করেন।” (মুসলিম ১৮৫২নং)

(৭৪০) হযরত আরফাজাহ رضي الله عنه কর্তৃক বর্ণিত, আল্লাহর রসূল ﷺ বলেন, “অদূর ভবিষ্যতে বড় ফিতনা ও ফাসাদের প্রাদুর্ভাব ঘটবে। সুতরাং যে ব্যক্তি এই উম্মতের ঐক্য ও সংহতিকে (নষ্ট করে) বিচ্ছিন্নতা আনতে চাইবে সে ব্যক্তিকে তোমরা তরবারি দ্বারা হত্যা করে ফেলো; তাতে সে যেই হোক না কেন।” (মুসলিম ১৮৫২নং)

(৭৪১) উক্ত সাহাবী رضي الله عنه কর্তৃক বর্ণিত, আল্লাহর রসূল ﷺ বলেন, “যখন তোমাদের রাজনৈতিক পরিস্থিতি একই শাসকের শাসনাধীনে ঐক্যপূর্ণ, তখন যদি আর এক (শাসক) ব্যক্তি এসে তোমাদের সংহতি নষ্ট করতে চায় এবং জামাআতের মাঝে বিচ্ছিন্নতা সৃষ্টি করতে চায়, তাহলে তাকে হত্যা করো।” (মুসলিম ১৮৫২নং)

(৭৪২) হযরত আব্দুল্লাহ বিন আমর رضي الله عنه কর্তৃক বর্ণিত, আল্লাহর রসূল ﷺ বলেন, “যে ব্যক্তি কোন রাষ্ট্রনায়কের হাতে বায়াত করল এবং এতে তাকে নিজ প্রতিশ্রুতি ও অন্তস্তল থেকে অঙ্গীকার প্রদান করল তার উচিত, যথাসাধ্য তার (সেই নায়কের সংবিষয়ে) আনুগত্য করা। এরপর যদি অন্য এক (নায়ক) তার ক্ষমতা দখল করতে চায়, তাহলে ঐ দ্বিতীয় নায়কের গর্দান উড়িয়ে দাও।” (মুসলিম ১৮৪৪নং প্রমুখ)

**মহিলার হাতে ক্ষমতা তুলে দেওয়া হতে ভীতি-**

## প্রদর্শন

(৭৪৩) হযরত আবু বাকরাহ رضي الله عنه কর্তৃক বর্ণিত, তিনি বলেন, আল্লাহর রসূল ﷺ-এর নিকট যখন এ খবর পৌঁছল যে, পারস্যবাসীগণ তাদের রাজক্ষমতা কেসরা (রাজ) কন্যার হাতে তুলে দিয়েছে, তখন তিনি বললেন, “সে জাতি কোন দিন সফলকাম হতে পারে না, যে জাতি তাদের শাসন ক্ষমতা একজন নারীর হাতে তুলে দেয়।” (বুখারী ৪৪২ নং)

## দেশের রাজা বা শাসককে অপমানিত করা হতে ভীতি-প্রদর্শন

(৭৪৪) যিয়াদ বিন কুসাইব আদাবী হতে বর্ণিত, তিনি বলেন, একদা আমি আবু বাকরাহ رضي الله عنه-এর সাথে ইবনে আমেরের মিস্বরের নিচে ছিলাম। সে সময় ইবনে আমের ভাষণ দিচ্ছিলেন, আর তাঁর পরনে ছিল পাতলা কাপড়। তা দেখে আবু বিলাল বললেন, ‘আমাদের আমীরকে দেখ, ফাসেকদের লেবাস ব্যবহার করে!’ তা শুনে আবু বাকরাহ رضي الله عنه বললেন, ‘চুপ করো। আমি আল্লাহর রসূল ﷺ-কে বলতে শুনেছি যে, “যে ব্যক্তি পৃথিবীতে আল্লাহর (বানানো) বাদশাকে অপমানিত করবে, আল্লাহ তাকে লাঞ্ছিত করবেন।” (সহীহ তিরমিযী ১৮১২, সিলসিলাহ সহীহাহ ২২৯৭ নং)

## সাহাবাগণ رضي الله عنهم-কে গালি দেওয়া হতে ভীতি-প্রদর্শন

মহান আল্লাহ বলেন,

﴿وَالسَّبِقُونَ الْأَوْلُونَ مِنَ الْمُهَاجِرِينَ وَالْأَنْصَارِ وَالَّذِينَ اتَّبَعُوهُمْ بِإِحْسَانٍ رَضِيَ اللَّهُ عَنْهُمْ وَرَضُوا

عَنْهُ وَأَعَدَّ لَهُمْ جَنَّاتٍ تَجْرِي مِنْ تَحْتِهَا الْأَنْهَارُ خَالِدِينَ فِيهَا أَبَدًا

ذَٰلِكَ الْفَوْزُ الْعَظِيمُ ﴿٥٧﴾

অর্থাৎ, মুহাজির ও আনসারদের মধ্যে যারা প্রাথমিক অগ্রানুসারী এবং যারা সৎ-বিশুদ্ধভাবে তাদের অনুগমন করে আল্লাহ তাদের প্রতি প্রসন্ন এবং তারাও তাতে সন্তুষ্ট। তিনি তাদের জন্য জান্নাত প্রস্তুত রেখেছেন; যার পাদদেশে নদী প্রবাহিত, সেখানে তারা চিরকাল থাকবে। আর এ হল মহা সাফল্য। (সূরা তাওবাহ ১০০ আয়াত)

(৭৪৫) হযরত ইবনে আব্বাস رضي الله عنه কর্তৃক বর্ণিত, নবী ﷺ বলেন, “সে ব্যক্তি আমার সাহাবাগণকে গালি দেবে তার উপর আল্লাহ, ফিরিশ্তাবর্গ এবং সমগ্র মানবজাতির অভিশাপ হোক।” (আবারানীর কাবীর, সিলসিলাহ সহীহাহ ৩৩৪০ নং)

(৭৪৬) হযরত আলী رضي الله عنه হতে বর্ণিত, তিনি বলেন, “আমার ব্যাপারে দুই ব্যক্তি

ধ্বংস হবে। প্রথম হল, আমার ভালোবাসায় সীমা অতিক্রমকারী এবং দ্বিতীয় হল, আমার বিদ্বেষে সীমা অতিক্রমকারী। (শাইবানীর কিতাবুস সুমাহ ৯৭৪ নং, মুহাদ্দিস আলবানী হাদীসটিকে হাসান বলেছেন।)

## প্রজার উপর অত্যাচার করা হতে রাজাদেরকে ভীতি-প্রদর্শন

(৭৪৭) হযরত আবু হুরাইরা رضي الله عنه কর্তৃক বর্ণিত, আল্লাহর রসূল ﷺ বলেন, “চার ব্যক্তিকে আল্লাহ ঘৃণা করেন; অত্যধিক কসম খেয়ে পণ্য বিক্রয়কারী ব্যবসায়ী, অহংকারী গরীব, ব্যভিচারী বৃদ্ধ এবং অত্যাচারী রাজা (শাসক)। (নাসাঈ, ইবনে হিব্বান, সহীহুল জামে’ ৮৮০নং)

(৭৪৮) উক্ত আবু হুরাইরা رضي الله عنه কর্তৃক বর্ণিত, নবী ﷺ বলেন, “যে কোন দশ ব্যক্তির আমীরকে কিয়ামতের দিন বেড়ি পরানো অবস্থায় উপস্থিত করা হবে। পরিশেষে হয় তাকে তার (কৃত) ন্যায়পরায়ণতা বেড়ি-মুক্ত করবে, নচেৎ তার (কৃত) অত্যাচারিতা ধ্বংসের মুখে ঠেলে দেবে।” (আহমাদ, বাইহাকী, সহীহুল জামে’ ৫৬৯৫নং)

(৭৪৯) হযরত মা’কাল বিন য়াসার رضي الله عنه হতে বর্ণিত, আল্লাহর রসূল ﷺ বলেন, “যে বান্দাকে আল্লাহ আয্যা অজাল্ল কোন প্রজাদলের রাজা মনোনীত করেন, সে বান্দা যদি তার মৃত্যুর দিনে নিজ প্রজাদের প্রতি প্রতারণা করা অবস্থায় মারা যায়, তাহলে আল্লাহ তাআলা তার জন্য জান্নাত হারাম করে দেবেন।”

বুখারীর এক বর্ণনায় আছে, “বান্দা যদি হিতাকাঙ্ক্ষিতার সাথে (প্রজাদের) তদ্বাবধান না করে, তাহলে সে জান্নাতের সুগন্ধও পাবে না।” (বুখারী ৭১৫০, মুসলিম ১৪২ নং)

## ফিতনা থেকে ভীতি-প্রদর্শন

মহান আল্লাহ বলেন,

﴿ وَأَنْفِقُوا فِتْنَةً لَا تُصِيبَنَّ الَّذِينَ ظَلَمْتُمْ مِنْكُمْ خَاصَّةً وَعَلَّمُوا أَنَّ شَدِيدَ اللَّهِ الْعِقَابِ ﴾

অর্থাৎ- তোমরা সেই ফিতনা (পরীক্ষা বা আযাব) থেকে সাবধান থেকে যা বিশেষ করে তোমাদের মধ্যে যারা যালেম (অত্যাচারী) কেবল তাদেরকেই ক্লিষ্ট করবে না। (বরং সকলকেই করবে।) আর জেনে রেখে যে, আল্লাহ শাস্তিদানে বড় কঠোর।” (সূরা আনফাল ২৫ আয়াত)

(৭৫০) হযরত হুযাইফা رضي الله عنه হতে বর্ণিত, আল্লাহর রসূল ﷺ বলেন, “মানুষের হৃদয়ে চাটাইয়ের পাতা (বা ছিলকার) মত একটির পর একটি করে ক্রমান্বয়ে ফিতনা প্রাদুর্ভূত হবে। সুতরাং যে হৃদয়ে সে ফিতনা সঞ্চারিত হবে সে হৃদয়ে একটি কালো

দাগ পড়ে যাবে এবং যে হৃদয় তার নিন্দা ও প্রতিবাদ করবে সে হৃদয়ে একটি সাদা দাগ অঙ্কিত হবে। পরিশেষে (সকল মানুষের) হৃদয়গুলি দুই শ্রেণীর হৃদয়ে পরিণত হবে। প্রথম শ্রেণীর হৃদয় হবে মসৃণ পাথরের ন্যায় সাদা; এমন হৃদয় আকাশ-পৃথিবী অবশিষ্ট থাকা অবধি-কাল পর্যন্ত কোন ফিতনা দ্বারা ক্ষতিগ্রস্ত হবে না। আর দ্বিতীয় শ্রেণীর হৃদয় হবে উবুড় করা কলসীর মত ছাই রঙের; এমন হৃদয় তার সঞ্চারিত ধারণা ছাড়া কোন ভালোকে ভালো বলে জানবে না এবং মন্দকে মন্দ মনে করবে না (তার প্রতিবাদও করবে না)।” (মুসলিম ১৪৪ নং)

(৭৫১) হযরত ইবনে মসউদ رضي الله عنه বলেন, ‘তোমাদের তখন কি অবস্থা হবে যখন তোমাদেরকে ফিতনা-ফাসাদ গ্রাস করে ফেলবে। যাতে শিশু প্রতিপালিত (বড়) হবে এবং বড় বৃদ্ধ হবে, (তা সকলের অভ্যাসে পরিণত হবে) আর তাকে সূন্য (দ্বীনের তরীকা) মনে করা হবে। পরন্তু তার যদি কোনদিন পরিবর্তন সাধন করা হয় তাহলে লোকেরা বলবে, ‘এ কাজ গর্হিত!’

তাঁকে প্রশ্ন করা হল, ‘(হে ইবনে মসউদ!) এমনটি কখন ঘটবে?’ তিনি বললেন, ‘যখন তোমাদের মধ্যে আমানতদার লোক কম হবে ও আমীর (বা নেতার সংখ্যা) বেশী হবে, ফকীহ (বা প্রকৃত আলেমের সংখ্যা) কম হবে ও ক্বারী (কুরআন পাঠকারীর) সংখ্যা বেশী হবে, দ্বীন ছাড়া ভিন্ন উদ্দেশ্যে জ্ঞান অন্বেষণ করা হবে এবং আখেরাতের আমল দ্বারা পার্থিব সামগ্রী অনুসন্ধান করা হবে।’ (আব্দুর রাযযাক এটিকে ইবনে মসউদের উক্তি হিসাবে বর্ণনা করছেন। সহীহ তারগীব ১০৫নং)

(৭৫২) হযরত আনাস رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “মানুষের মাঝে যে যুগ আসবে তার চেয়ে তার পরবর্তী যুগ হবে অধিকতর মন্দ। আর এইভাবে মন্দ হতে হতে প্রতিপালকের সহিত সাক্ষাতের সময় এসে উপস্থিত হয়ে পড়বে।” (আহমাদ, বুখারী, ইবনে মাজাহ, সহীহুল জামে’ ৭৫৭৬নং)

(৭৫৩) হযরত আবু হুরাইরা رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “মানুষের নিকট এমন ধোকাব্যঞ্জক যুগ আসবে, যাতে মিথ্যাবাদীকে সত্যবাদীরূপে এবং সত্যবাদীকে মিথ্যাবাদীরূপে পরিগণিত করা হবে। যখন খেয়ানতকারীকে আমানতদার মনে করা হবে এবং আমানতদার আমানতে খেয়ানত করবে। যখন জনসাধারণের ব্যাপারে তুচ্ছ লোক মুখ চালাবে।” (আহমাদ, ইবনে মাজাহ, হাকেম, সহীহুল জামে’ ৩৬৫০ নং)

(৭৫৪) হযরত যাওবান رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “অনতি দূরে সকল বিজাতি তোমাদের বিরুদ্ধে এক্যবদ্ধ হবে, যেমন ভোজনকারীরা ভোজপাত্রের উপর একত্রিত হয়। (এবং চারিদিক থেকে ভোজন করে থাকে।)” একজন বলল, ‘আমরা কি তখন সংখ্যায় কম থাকব, হে আল্লাহর রসূল?’ তিনি বললেন, “বরং তখন তোমরা সংখ্যায় অনেক থাকবে। কিন্তু তোমরা হবে তরঙ্গতাড়িত আবর্জনার

ন্যায় (শক্তিহীন, মূল্যহীন)। আল্লাহ তোমাদের শত্রুদের বক্ষ থেকে তোমাদের প্রতি ভীতি তুলে নেবেন এবং তোমাদের হৃদয়ে দুর্বলতা সঞ্চার করবেন।” একজন বলল, ‘হে আল্লাহর রসূল! দুর্বলতা কি?’ তিনি বললেন, “দুনিয়াকে ভালোবাসা এবং মরতে না চাওয়া।” (আবু দাউদ ৪২৯৭, মুসনাদে আহমাদ ৫/২৭৮)

(৭৫৫) হযরত আবু হুরাইরা رضي الله عنه কর্তৃক বর্ণিত, আল্লাহর রসূল ﷺ বলেন, “ভবিষ্যতে বহু ফিতনা দেখা দেবে। যাতে উপবেশনকারী ব্যক্তি দন্ডায়মান অপেক্ষা উত্তম হবে, দন্ডায়মান ব্যক্তি বিচরণকারী অপেক্ষা উত্তম হবে এবং বিচরণকারী ব্যক্তি ধাবমান অপেক্ষা উত্তম হবে। নিদ্রিত ব্যক্তি জাগ্রত অপেক্ষা উত্তম হবে এবং জাগ্রত ব্যক্তি দন্ডায়মান অপেক্ষা উত্তম হবে। যে ব্যক্তি তার প্রতি উঁকি দিয়ে দেখবে, সে (ফিতনা) তাকে গ্রাস করে ফেলবে। অতএব যে কেউ সে সময় কোন আশ্রয়স্থল পায়, সে যেন সেখানে গিয়ে আশ্রয় গ্রহণ করে।” (মুসলিম ২৮৮৬, মিশকাত ৫৩৮-৪নং)

(৭৫৬) হযরত আবু সাঈদ খুদরী رضي الله عنه কর্তৃক বর্ণিত, আল্লাহর রসূল ﷺ বলেন, “মানুষের উপর এমন এক যুগ আসছে, যখন মুসলিমের জন্য শ্রেষ্ঠ সম্পদ হবে ভেঁড়া-ছাগল; তাই নিয়ে পর্বত-শিখরে ও পানির জায়গাতে চলে যাবে; ফিতনা থেকে নিজ দীন নিয়ে পলায়ন করবে।” (বুখারী ৩৬০০নং)

(৭৫৭) হযরত উহবান رضي الله عنه বলেন, আল্লাহর রসূল ﷺ আমাকে অসিয়াত করে বলেন, “ভবিষ্যতে ফিতনা ও বিচ্ছিন্নতা দেখা দিবে। সুতরাং সে সময় এলে তুমি তোমার তরবারি ভেঙ্গে ফেলো এবং কাষ্ঠের তরবারি বানিয়ে নিয়ো।” (আহমাদ)

(৭৫৮) হযরত আবু যার رضي الله عنه কর্তৃক বর্ণিত, আল্লাহর রসূল ﷺ বলেন, “ফিতনার সময় যদি তুমি ভয় কর যে, তরবারির চমক তোমার চোখ ঝলসে দেবে, তাহলে তুমি তোমার চেহারা আবৃত করে নাও।” (আহমাদ, আবু দাউদ ৪২৬১নং, ইবনে মাজাহ) “তুমি তাতে আল্লাহর হত বান্দা হও এবং হত্যাকারী হয়ো না।” (আহমাদ, হাকেম, তাবরানী, আবু যার’লা)

(৭৫৯) হযরত হুযাইফাহ বিন য়ামান বলেন, লোকেরা আল্লাহর রসূল ﷺ-কে ইস্ট ও মঙ্গল বিষয়ে জিজ্ঞাসাবাদ করত, আর আমি ভুক্তভোগী হওয়ার আশঙ্কায় অনিষ্ট ও অমঙ্গল বিষয়ে তাঁকে জিজ্ঞাসাবাদ করতাম। একদা আমি বললাম, ‘হে আল্লাহর রসূল! আমরা মূর্খতা ও অমঙ্গলে ছিলাম। অতঃপর আল্লাহ আমাদেরকে এই মঙ্গল দান করলেন। কিন্তু এই মঙ্গলের পর আর অমঙ্গল আছে কি?’ তিনি বললেন, “হ্যাঁ আছে।” আমি বললাম, ‘অতঃপর ঐ অমঙ্গলের পর আর মঙ্গল আছে কি?’ তিনি বললেন, “হ্যাঁ, আর তা হবে ধোঁয়াটে।” (অর্থাৎ, বিশুদ্ধ ও খাঁটি মঙ্গল থাকবে না। বরং তার সাথে অমঙ্গল, বিঘ্ন, মতানৈক্য এবং চিত্ত-বিকৃতির ধোঁয়াটে পরিবেশ থাকবে।) আমি বললাম, ‘তার মধ্যে ধোঁয়াটা কি?’ তিনি বললেন, “এক সম্প্রদায়

হবে, যারা আমার সুন্নাহ (তরীকা) ছাড়া অন্যের সুন্নাহ (তরীকা) অনুসরণ করবে এবং আমার হেদায়াত (পথনির্দেশ) ছাড়াই (মানুষকে) পথপ্রদর্শন করবে। যাদের কিছু কাজকে চিনতে পারবে (ও ভালো জানবে) এবং কিছু কাজকে অদ্ভুত (ও মন্দ) জানবে।” আমি বললাম, ‘ঐ মঙ্গলের পর আর অমঙ্গল আছে কি?’ তিনি বললেন, “হ্যাঁ, (সে যুগে) জাহান্নামের দরজাসমূহে দন্ডায়মান আহবানকারী (আহবান করবে)। যে ব্যক্তি তাদের আহবানে সাড়া দেবে, তাকে তারা ওর মধ্যে নিষ্কিপ্ত করবে।” আমি বললাম, ‘ইয়া রাসূলুল্লাহ! আমাদেরকে তাদের পরিচয় বলে দিন।’ তিনি বললেন, “তারা আমাদেরই চর্মের (স্বজাতি) হবে এবং আমাদেরই ভাষায় কথা বলবে।” আমি বললাম, ‘আমাকে কি আদেশ করেন -যদি আমি সে সময় পাই?’ তিনি বললেন, “মুসলিমদের জামাআত ও ইমাম (নেতা)র পক্ষাবলম্বন করবে।” আমি বললাম, ‘কিন্তু যদি ওদের জামাআত ও ইমাম না থাকে?’ তিনি বললেন, “ঐ সমস্ত দল থেকে দূরে থাকবে; যদিও তোমাকে কোন গাছের শিকড় কামড়ে থাকতে হয়, যতক্ষণ পর্যন্ত না তোমার ঐ অবস্থাতেই মৃত্যু এসে উপস্থিত হয়েছে।” (বুখারী, মুসলিম, মিশকাত ৫৩৮-২নং)

(৭৬০) হযরত মা’কাল বিন ইয়াসার رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “ফিতনার সময় ইবাদত করা, আমার দিকে হিজরত করার সমান (সওয়াব)।” (মুসলিম ২৯৪৮নং)

## ঘুষ নেওয়া ও দেওয়া হতে ভীতি-প্রদর্শন

মহান আল্লাহ বলেন,

﴿ وَلَا تَأْكُلُوا أَمْوَالَكُمْ بَيْنَكُمْ بِالْبِطْلِ وَتُدْخُلُوا بِهَا إِلَىٰ الْحُكَّامِ لِنَأْكُلُوا فَرِيقًا مِّنْ أَمْوَالِ النَّاسِ ﴾

﴿ بِالْإِثْمِ وَأَنْتُمْ تَعْلَمُونَ ﴾

অর্থাৎ, তোমরা একে অন্যের ধন অন্যায়ভাবে গ্রাস করো না এবং লোকেদের ধন-সম্পদের কিয়দংশ জেনে-শুনে অন্যায়ভাবে গ্রাস করার উদ্দেশ্যে বিচারকগণকে ঘুষ দিও না। (সূরা বাকারাহ ১৮৮ আয়াত)

﴿ يَتَأَيُّهَا الَّذِينَ ءَامَنُوا لَا تَأْكُلُوا أَمْوَالَكُمْ بَيْنَكُمْ بِالْبِطْلِ إِلَّا أَنْ تَكُونَ تِجَارَةً عَنْ تَرَاضٍ مِّنْكُمْ ﴾

﴿ وَلَا تَقْتُلُوا أَنْفُسَكُمْ إِنَّ اللَّهَ كَانَ بِكُمْ رَحِيمًا ﴾

অর্থাৎ, হে ঈমানদারগণ! তোমরা একে অন্যের সম্পত্তি অন্যায়ভাবে গ্রাস করো না। তবে তোমাদের পরস্পর রাজী হয়ে ব্যবসার মাধ্যমে (গ্রহণ করলে তা বৈধ)। আর আত্মহত্যা করো না; নিশ্চয় আল্লাহ তোমাদের প্রতি পরম দয়ালু। (সূরা নিসা ২৯ আয়াত)





থাকে, তাহলে সেদিন আসার পূর্বেই সে যেন আজই তার নিকট হতে (ক্ষমা চাওয়া অথবা প্রতিশোধ দেওয়ার মাধ্যমে) নিজেকে মুক্ত করে নেয়; যেদিন (ক্ষতিপূরণ দেওয়ার জন্য) না দীনার হবে না দিরহাম। (সেদিন) যালেমের নেক আমল থাকলে তার যুলুম অনুপাতে নেকী তার নিকট থেকে কেটে নিয়ে (মযলুমকে দেওয়া) হবে। পক্ষান্তরে যদি তার নেকী না থাকে (অথবা নিঃশেষ হয়ে যায়) তাহলে তার (মযলুম) প্রতিবাদীর গোনাহ নিয়ে তার ঘাড়ে চাপানো হবে।” (বুখারী ৩৫৩৪, তিরমিযী ২৪১৯নং)

(৭৬৬) উক্ত আবু হুরাইরা رضي الله عنه হতে বর্ণিত, একদা আল্লাহর রসূল ﷺ বললেন, “তোমরা কি জানো, নিঃস্ব কাকে বলে?” সকলে বলল, ‘আমাদের মধ্যে নিঃস্ব তো সেই ব্যক্তি যার টাকা-পয়সা নেই এবং কোন সম্পদও নেই।’ তিনি বললেন, “কিন্তু আমার উম্মতের মধ্য হতে (প্রকৃত) নিঃস্ব সেই ব্যক্তি, যে কিয়ামতের দিন নামায, রোযা, যাকাত নিয়ে উপস্থিত হবে, পক্ষান্তরে সে একে গালি দিয়ে থাকবে, ওকে মিথ্যা অপবাদ দিয়ে থাকবে, এর ধন আত্মসাৎ করে থাকবে, ওর রক্তপাত ঘটিয়ে থাকবে এবং একে মেরে থাকবে (ইত্যাদি)। ফলে সেদিন তার নেকী তার প্রতিবাদীকে প্রদান করে (প্রতিশোধ) দেওয়া হবে। অনুরূপ দেওয়া হবে অন্যান্য (মযলুম) প্রতিবাদীকেও। এতে যদি তার বিচার নিষ্পত্তি শেষ হওয়ার পূর্বেই তার সমস্ত নেকী নিঃশেষ হয়ে যায়, তাহলে তার প্রতিবাদীদের গোনাহ নিয়ে তার ঘাড়ে চাপানো হবে এবং পরিশেষে তাকে জাহান্নামে নিক্ষেপ করা হবে।” (মুসলিম ২৫৮ ১, তিরমিযী ২৮ ১৮নং)

(৭৬৭) হযরত ইবনে আব্বাস رضي الله عنه কর্তৃক বর্ণিত, আল্লাহর রসূল ﷺ মুআয رضي الله عنه-কে ইয়ামান প্রেরণকালে বলেছিলেন, “তুমি মযলুম (অত্যাচারিতের) (বদ) দুআ থেকে সাবধান থাকো। কারণ, অত্যাচারিতের দুআ ও আল্লাহর মাঝে কোন অন্তরাল থাকে না।” (অর্থাৎ, সত্বর কবুল হয়ে যায়।) (বুখারী ১৪৯৬, মুসলিম ১৯নং, আবু দাউদ, নাসাঈ, তিরমিযী)

(৭৬৮) হযরত জাবের رضي الله عنه কর্তৃক বর্ণিত, একদা নবী ﷺ কা’ব বিন উজরাহকে বললেন, “আল্লাহ তোমাকে নির্বোধ (আমীর)দের শাসনকাল থেকে আশ্রয় দিন।” কা’ব বললেন, ‘নির্বোধ (আমীর)দের শাসনকাল কি?’ তিনি বললেন, “আমার পরবর্তীকালে এক শ্রেণীর আমীর হবে; যারা আমার আদর্শে আদর্শবান হবে না এবং আমার তরীকাও অবলম্বন করবে না। সুতরাং যারা (তাদের দ্বারে দ্বারস্থ হয়ে) তাদের মিথ্যাবাদিতা সত্ত্বেও তাদেরকে সত্যবাদী মনে করবে এবং অত্যাচারে (ফতোয়া ইত্যাদি দ্বারা) তাদেরকে সহযোগিতা করবে তারা আমার দলভুক্ত নয় এবং আমিও তাদের দলভুক্ত নই। তারা আমার ‘হওয়’ (কওসারের) পানি পান করার জন্য উপস্থিত হতে পারবে না।

আর যারা তাদের মিথ্যাবাদিতায় তাদেরকে সত্যবাদী জানবে না এবং অত্যাচারে তাদেরকে সহযোগিতা করবে না তারা আমার দলভুক্ত, আমিও তাদের দলভুক্ত এবং আমার ‘হওয়’ (কওসারের) পানি পান করার জন্য উপস্থিত হতে পারবে।

হে কা'ব বিন উজরাহ! রোযা হল ঢাল স্বরূপ, সদকাহ (দান-খয়রাত) পাপ মোচন করে এবং নামায হল (আল্লাহর) নৈকট্যদাতা অথবা তোমার (ঈমানের) দলীল।

হে কা'ব বিন উজরাহ! সে মাংস (দেহ) বেহেস্তে প্রবেশ করবে না; যা হারাম খাদ্যে প্রতিপালিত হয়েছে। তার জন্য তো দোষখই উপযুক্ত।

হে কা'ব বিন উজরাহ! মানুষের প্রাত্যহিক কর্মপ্রচেষ্টা দুই ধরনের হয়ে থাকে; কিছু মানুষ তো নিজেদেরকে (সৎকর্মের মাধ্যমে) ক্রয় করে (দোষখ থেকে) মুক্ত করে নেয়। আর কিছু মানুষ (অসৎকর্মের মাধ্যমে) নিজেদেরকে বিক্রয় করে ধ্বংস করে দেয়।” (আহমাদ ৩/৩২ ১, বায্য়ার ১৬০৯ নং, আব্বারানী, ইবনে হিব্বান, সহীহ তিরমিযী ৫০১ নং)

## অপরাধীকে সহযোগিতা করা ও ‘হদ্দ’ রোধকারী (অন্যায়) সুপারিশ করা হতে ভীতি-প্রদর্শন

আল্লাহ তাআলা বলেন,

﴿مَنْ يَشْفَعْ شَفْعَةً حَسَنَةً يَكُنْ لَهُ نَصِيبٌ مِّمَّهَا وَمَنْ يَشْفَعْ شَفْعَةً سَيِّئَةً يَكُنْ لَهُ كِفْلٌ مِّنْهَا وَكَانَ اللَّهُ

عَلَىٰ كُلِّ شَيْءٍ مُّقِيبًا ﴿٥٧﴾

অর্থাৎ, কেউ কোন ভাল কাজের সুপারিশ করলে ওতে তার অংশ থাকবে এবং কেউ কোন মন্দ কাজের সুপারিশ করলে ওতেও তার অংশ থাকবে। বস্তুতঃ আল্লাহ সর্ব বিষয়ে লক্ষ্য রাখেন। (সূরা নিসা ৮৫ আয়াত)

(৭৬৯) হযরত ইবনে উমার رضي الله عنه কর্তৃক বর্ণিত, আল্লাহর রসূল ﷺ বলেন, “যে ব্যক্তির সুপারিশ আল্লাহর ‘হদ্দ’ (দণ্ডবিধি) সমূহ হতে কোন ‘হদ্দ’ কায়েম করাতে বাধা সৃষ্টি করে সে ব্যক্তি আল্লাহ আয্যা অজাল্লার বিরোধিতা করে।” (আবু দাউদ ৩৫৯৭, হাকেম ২/২৭, আব্বারানী, বাইহাকী, সহীহুল জামে’ ৬১৯৬নং)

(৭৭০) হযরত ইবনে মাসউদ رضي الله عنه হতে বর্ণিত, আল্লাহর রসূল ﷺ বলেন, “যে ব্যক্তি অন্যায়ে নিজ গোত্রকে সহযোগিতা করে (সর্বনাশিতায়) সে ব্যক্তির উদাহরণ সেই উটের মত যে কোন কুয়াতে পড়ে যায়। অতঃপর তাকে তার লেজ ধরে তোলার অপচেষ্টা করা হয়। (যা অসম্ভব।)” (আহমাদ, আবু দাউদ ৫১১৭নং, ইবনে হিব্বান প্রমুখ, সহীহুল জামে’ ৫৮৩৮নং)

❀ বলা বাহুল্য, অন্ধ পক্ষপাতিত্বের ফলে নিজের গোত্রের বা বংশের বা বাড়ির লোকের অন্যায় জেনেও যে তাদেরকে তাদের অন্যায়ে সহযোগিতা করে সে এমন সর্বনাশগ্রস্ত; যার কবল থেকে বাঁচা দুশ্কার।

## আল্লাহকে অসন্তুষ্ট করে মানুষকে সন্তুষ্ট করা হতে



শোনো! আর মিথ্যা সাক্ষি দেওয়া ও মিথ্যা কথা বলা।”

ইতিপূর্বে তিনি হেলান দিয়ে বসেছিলেন, কিন্তু শেষোক্ত কথাটি বলার সময় হেলান ছেড়ে উঠে বসলেন। অতঃপর এ কথা তিনি বারবার পুনরাবৃত্তি করতে লাগলেন, শেষ অবধি আমরা বললাম, ‘হায় যদি তিনি চুপ হতেন!’ (বুখারী ৫৯৭৬, মুসলিম ৮৭নং, তিরমিযী)

### দন্ডবিধি প্রভৃতি অধ্যায়

## সৎকাজের আদেশ ও অসৎকাজে বাধাদান করার মাহাত্ম্য

মহান আল্লাহ বলেন,

﴿ كُنْتُمْ خَيْرَ أُمَّةٍ أُخْرِجَتْ لِلنَّاسِ تَأْمُرُونَ بِالْمَعْرُوفِ وَيَنْهَوْنَ عَنِ الْمُنْكَرِ وَتُؤْمِنُونَ بِاللَّهِ ﴾

অর্থাৎ, তোমরাই শ্রেষ্ঠ জাতি; মানুষের জন্য তোমাদের অভ্যুত্থান হয়েছে; তোমরা সৎকার্যের নির্দেশ দান করবে, অসৎ কার্যে বাধা দান করবে এবং আল্লাহর প্রতি ঈমান রাখবে। (সূরা আলে ইমরান ১১০ আয়াত)

﴿ وَلَنْ تَكُنْ مِنْكُمْ أُمَّةٌ يَدْعُونَ إِلَى الْخَيْرِ وَيَأْمُرُونَ بِالْمَعْرُوفِ وَيَنْهَوْنَ عَنِ الْمُنْكَرِ وَأُولَئِكَ هُمُ

﴿ الْمُفْلِحُونَ ﴾

অর্থাৎ, তোমাদের মধ্যে এমন একটি দল থাকা উচিত, যারা (মানুষকে) কল্যাণের দিকে আহ্বান করবে এবং সৎকার্যের নির্দেশ দেবে ও অসৎকার্যে বাধা দান করবে। আর তারা হইবে সফলকাম। (সূরা আ-লে ইমরান ১০৪ আয়াত)

﴿ وَالْمُؤْمِنُونَ وَالْمُؤْمِنَاتُ بَعْضُهُمْ أَوْلِيَاءُ بَعْضٍ يَأْمُرُونَ بِالْمَعْرُوفِ وَيَنْهَوْنَ عَنِ الْمُنْكَرِ

﴿ وَيُقِيمُونَ الصَّلَاةَ وَيُؤْتُونَ الزَّكَاةَ وَيُطِيعُونَ اللَّهَ وَرَسُولَهُ أُولَئِكَ سَيَرْحَمُهُمُ اللَّهُ إِنَّ اللَّهَ عَزِيزٌ

﴿ حَكِيمٌ ﴾

অর্থাৎ, মুমিন নর-নারী একে অপরের বন্ধু; এরা (লোককে) ভালো কাজের আদেশ দেয় এবং মন্দ কাজ করতে নিষেধ করে, নামায কয়েম করে, যাকাত আদায় করে এবং আল্লাহ ও তাঁর রসূলের আনুগত্য করে। এদের প্রতিই আল্লাহ কৃপা করবেন। নিশ্চয় আল্লাহ পরাক্রমশালী প্রজ্ঞাময়। (সূরা তাওবাহ ৭১ আয়াত)

(৭৭৩) হযরত আবু যার্ব رضي الله عنه কর্তৃক বর্ণিত, কিছু লোক বলল, ‘হে আল্লাহর রসূল? ধনী ব্যক্তিরাই সমস্ত নেকীগুলো লুটে নিল! ওরা নামায পড়ে, যেমন আমরা পড়ি। ওরা রোযাও রাখে, যেমন আমরা রাখি। উপরন্তু ওরা ওদের উদ্বৃত্ত অর্থাৎ সদকাহ করে থাকে।’ তিনি বললেন, “আল্লাহ কি তোমাদেরকে এমন কিছু প্রদান করেননি



নির্ধারিত সীমায় অবস্থানকারী (সংকাজে আদেশ ও অসংকাজে বাধাদানকারী) এবং ঐ সীমা লংঘনকারী (উক্ত কাজে তোষামোদকারীর) উপমা হল এক সম্প্রদায়ের মত; যারা একটি দ্বিতলবিশিষ্ট পানি-জাহাজে লটারি করে কিছু লোক উপর তলায় এবং কিছু লোক নিচের তলায় স্থান নিল। (নিচের তলা সাধারণতঃ পানির ভিতরে ডুবে থাকে। তাই পানির প্রয়োজন হলে নিচের তলার লোকদেরকে উপর তলায় যেতে হয় এবং সেখান হতে সমুদ্র বা নদীর পানি তুলে আনতে হয়।) সুতরাং পানির প্রয়োজনে নিচের তলার লোকেরা উপর তলায় যেতে লাগল। (উপর তলার লোকদের উপর পানি পড়লে তারা তাদের উপর ভাগে আসা অপছন্দ করল। তারা বলেই দিল, ‘তোমরা নিচে থেকে আমাদেরকে কষ্ট দিতে এসো না।’) নিচের তলার লোকেরা বলল, ‘আমরা যদি আমাদের ভাগে (নিচের তলায় কোন স্থানে) ছিদ্র করে দিই, তাহলে (দেখি আমরা পানি ব্যবহার করতে পারব) আর উপর তলার লোকদেরকে কষ্টও দেব না। (এই পরিকল্পনার পর তারা যখন ছিদ্র করতে শুরু করল) তখন যদি উপর তলার লোকেরা তাদেরকে নিজ ইচ্ছার উপর ছেড়ে দেয় (এবং সে কাজে বাধা না দেয়), তাহলে সকলেই (পানিতে ডুবে) ধ্বংস হয়ে যায়। (উপর তলার লোকেরা সে অন্যায় না করলেও রেহাই পেয়ে যাবে না।) পক্ষান্তরে উপর তলার লোকেরা যদি তাদের হাত ধরে (জাহাজে ছিদ্র করতে) বাধা দেয়, তাহলে তারা নিজেরাও বেঁচে যায় এবং সকলকেই বাঁচিয়ে নেয়।” (বুখারী ২৪৯৩, ২৬৮৬, তিরমিযী ২ ১৭৩নং)

(৭৭৭) হযরত ইবনে মসউদ رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “আমার পূর্বে যে উম্মতের মাঝেই আল্লাহ নবী প্রেরণ করেছেন সেই নবীরাই তাঁর উম্মতের মধ্য হতে খাস ভক্ত ও সহচর ছিল; যারা তাঁর তরীকার অনুগামী ও প্রত্যেক কর্মের অনুসারী ছিল। অতঃপর তাদের পর এমন অসং উত্তরসুরীদের আবির্ভাব হয়; যারা তা বলে যা নিজে করে না এবং তা করে যা করতে তারা আদিষ্ট নয়। সুতরাং যে ব্যক্তি তাদের বিরুদ্ধে নিজ হস্ত দ্বারা জিহাদ (সংগ্রাম) করে সে মুমিন, যে ব্যক্তি তাদের বিরুদ্ধে নিজ জিহ্বা দ্বারা জিহাদ করে সে মুমিন এবং যে ব্যক্তি তাদের বিরুদ্ধে নিজ হৃদয় দ্বারা সংগ্রাম করে (ঘৃণা করে) সে মুমিন। আর এর পশ্চাতে (অর্থাৎ ঘৃণা না করলে কারো হৃদয়ে) সরিষা দানা পরিমাণও ঈমান থাকতে পারে না।” (মুসলিম ৫০নং)

(৭৭৮) হযরত যয়নাব বিস্তে জাহশ (রাযিয়াল্লাহু আনহা) কর্তৃক বর্ণিত, একদা নবী صلى الله عليه وسلم শঙ্কিত অবস্থায় তাঁর নিকট প্রবেশ করে বললেন, “লা ইলাহা ইল্লাল্লাহ’ (আল্লাহ ছাড়া কোন সত্য উপাস্য নেই।) আসন্ন বিপদের দরুন আরবের মহাসর্বনাশ। আজই ইয়াজ্জের-মাজ্জের প্রাচীরে এই পরিমাণ ছিদ্র হয়ে গেছে।” এ কথা বলার সাথে সাথে তিনি তাঁর বৃদ্ধা ও তর্জনী আঙ্গুল দ্বারা গোলাকার বৃত্ত



(৭৮৩) হযরত জরীর رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “যে কোন সম্প্রদায়ে যখন পাপাচার চলতে থাকে তখন তারা প্রভাব-প্রতিপত্তিশালী হওয়া সত্ত্বেও যদি বন্ধ করার লক্ষ্যে কোন চেষ্টা-সাধনা না করে, তাহলে আল্লাহ ব্যাপকভাবে তাদের মাঝে আযাব প্রেরণ করে থাকেন।” (সহীহ ইবনে মাজাহ ৩২৩৮নং)

(৭৮৪) হযরত হুযাইফা رضي الله عنه হতে বর্ণিত, আল্লাহর রসূল صلى الله عليه وسلم বলেন, “মানুষের হৃদয়ে চাটাইয়ের পাতা (বা ছিলকার) মত একটির পর একটি করে ক্রমান্বয়ে ফিতনা প্রাদুর্ভূত হবে। সুতরাং যে হৃদয়ে সে ফিতনা সঞ্চারিত হবে, সে হৃদয়ে একটি কালো দাগ পড়ে যাবে এবং যে হৃদয় তার নিন্দা ও প্রতিবাদ করবে সে হৃদয়ে একটি সাদা দাগ অঙ্কিত হবে। পরিশেষে (সকল মানুষের) হৃদয়গুলি দুই শ্রেণীর হৃদয়ে পরিণত হবে। প্রথম শ্রেণীর হৃদয় হবে মসৃণ পাথরের ন্যায় সাদা; এমন হৃদয় আকাশ-পৃথিবী অবশিষ্ট থাকা অবধি-কাল পর্যন্ত কোন ফিতনা দ্বারা ক্ষতিগ্রস্ত হবে না। আর দ্বিতীয় শ্রেণীর হৃদয় হবে উবুড় করা কলসীর মত ছাই রঙের; এমন হৃদয় তার সঞ্চারিত ধারণা ছাড়া কোন ভালোকে ভালো বলে জানবে না এবং মন্দকে মন্দ মনে করবে না (তার প্রতিবাদও করবে না)।” (মুসলিম ১৪৪ নং)

❁ বলা বাহুল্য, ‘যে কাঠ খাবে সে আঙ্গুর হাগবে’ বলে কেউ রেহাই পাবে না। বরং কাউকে কাঠ খেতে দেখে চুপ থাকলে, বাধা না দিলে, প্রতিবাদ না করলে, অথবা কমপক্ষে ঘৃণা না জানলে দেখেনে-ওয়ালাকেও আঙ্গুর হাগতে হবে। পেষণ যখন আসবে তখন ‘হেঁটকার সাথে মসুরিও পেষা’ যাবে। মহান আল্লাহ বলেন,

﴿ وَأَتَقُوا فِتْنَةً لَا تُصِيبَنَّ الَّذِينَ ظَلَمُوا مِنْكُمْ خَاصَّةً وَاعْلَمُوا أَنَّ شَدِيدُ اللَّهِ الْعِقَابِ ﴾

অর্থাৎ- তোমরা সেই ফিতনা (পরীক্ষা বা আযাব) থেকে সাবধান থাকো যা বিশেষ করে তোমাদের মধ্যে যারা যালেম (অত্যাচারী) কেবল তাদেরকেই ক্লিষ্ট করবে না। (বরং সকলকেই করবে।) আর জেনে রেখো যে, আল্লাহ শাস্তিদানে বড় কঠোর।” (সূরা আনফাল ২৫ আয়াত)

সুতরাং অনাচারীর বিরুদ্ধে সদাচারীকে প্রতিবাদে নামতে হবে। নচেৎ,

‘অন্যায় যে করে আর অন্যায় যে সহে

তব ঘৃণা তারে যেন তৃণসম দহো’

**সৎকাজের আদেশ ও মন্দকাজে বাধা দেওয়া এবং নিজে তার বিপরীত কর্ম করা হতে ভীতি-প্রদর্শন**

আল্লাহ তাআলা বলেন,

﴿ يَا أَيُّهَا الَّذِينَ آمَنُوا لِمَ تَقُولُونَ مَا لَا تَفْعَلُونَ ۚ كَبُرَ مَقْتًا عِنْدَ اللَّهِ

أَنْ تَقُولُوا مَا لَا تَفْعَلُونَ ۚ ﴾



অর্থাৎ, হে ঈমানদারগণ! তোমরা যা (নিজে) কর না তা (অপরকে করতে) বল কেন? তোমরা যা (নিজে) কর না তোমাদের তা (অপরকে করতে) বলা আল্লাহর নিকট অতিশয় অসন্তোষজনক। (সূরা সূফ ২-৩ আয়াত)

(৭৮৫) হযরত উসামাহ বিন যায়েদ رضي الله عنه কর্তৃক বর্ণিত, আল্লাহর রসূল صلى الله عليه وسلم বলেছেন, “কিয়ামতের দিন এক ব্যক্তিকে উপস্থিত করে জাহান্নামে নিক্ষেপ করা হবে। তাতে তার নাড়ি-ভুঁড়ি বের হয়ে যাবে এবং সে তার চারিপাশে সেইরূপ ঘুরতে থাকবে, যেরূপ গাধা তার চাকির (ঘানির) চারিপাশে ঘুরতে থাকে। এ দেখে দোষখবাসীরা তার আশে-পাশে সমবেত হয়ে বলবে, ‘ওহে অমুক! কি ব্যাপার তোমার? তুমি কি আমাদেরকে সংকাজের আদেশ ও মন্দ কাজে বাধা দিতে না?’ সে বলবে, ‘(হ্যাঁ!) আমি তোমাদেরকে সংকাজের আদেশ দিতাম; কিন্তু আমি নিজে তা করতাম না। আর মন্দ কাজে বাধা দিতাম কিন্তু আমি তা নিজে করতাম।” (বুখারী ৩২৬৭, মুসলিম ২৯৮৯নং)

## মুসলিমের সম্ভ্রম লুটা এবং তার দোষ খোঁজা হতে ভীতি-প্রদর্শন

(৭৮৬) হযরত আবু বারযাহ আসলামী رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “হে সেই মানুষের দল; যারা মুখে ঈমান এনেছে এবং যাদের হৃদয়ে ঈমান স্থান পায়নি (তারা শোন)! তোমরা মুসলিমদের গীবত করো না এবং তাদের দোষ খুঁজে বেড়ায়ো না। কারণ, যে ব্যক্তি তাদের দোষ খুঁজবে, আল্লাহ তার দোষ ধরবেন। আর আল্লাহ যার দোষ ধরবেন তাকে তার ঘরের ভিতরেও লাঞ্ছিত করবেন।” (আহমাদ ৪/৪২০, আবু দাউদ ৪৮৮০, আবু য়া'লা, সহীহুল জামে' ৭৯৮-৪নং)

## আল্লাহর নির্ধারিত সীমা লংঘন করা এবং নিষিদ্ধ আইন অমান্য করা হতে ভীতি-প্রদর্শন

আল্লাহ তাআলা বলেন,

﴿ تِلْكَ حُدُودُ اللَّهِ فَلَا تَعْتَدُوهَا وَمَنْ يَتَعَدَّ حُدُودَ اللَّهِ فَأُولَئِكَ هُمُ الظَّالِمُونَ ﴾

অর্থাৎ, ---এ সব আল্লাহর সীমারেখা। অতএব তা তোমরা লংঘন করো না। আর যারা আল্লাহর (নির্ধারিত) সীমারেখা লংঘন করে তারাই অত্যাচারী। (সূরা বাক্বারাহ ২২৯ আয়াত)

﴿ وَمَنْ يَعْصِ اللَّهَ وَرَسُولَهُ وَيَتَعَدَّ حُدُودَهُ يُدْخِلْهُ نَارًا خَالِدًا فِيهَا ﴾

﴿ وَهُوَ عَذَابٌ مُهِينٌ ﴾

অর্থাৎ, আর যে আল্লাহ ও তাঁর রসূলের অবাধ্য হবে এবং তাঁর নির্ধারিত সীমা লংঘন করবে তিনি তাকে দোষখে নিক্ষেপ করবেন; সেখানে সে চিরকাল থাকবে এবং

তার জন্য রয়েছে লাঞ্ছনা-দায়ক শাস্তি। (সূরা নিসা ১৪ আয়াত)

(৭৮৭) হযরত সওবান رضي الله عنه কর্তৃক বর্ণিত, নবী صلى الله عليه وسلم বলেন, আমি নিঃসন্দেহে আমার উম্মতের কয়েক দল লোককে চিনি যারা কিয়ামতের দিন তিহামা (মক্কা ও ইয়ামানের মধ্যবর্তী এক বিশাল লম্বা শ্রেণীবদ্ধ) পর্বতমালার সমপরিমাণ বিশুদ্ধ নেকী নিয়ে উপস্থিত হবে; কিন্তু আল্লাহ তাদের সে সমস্ত নেকীকে উড়ন্ত ধূলিকণাতে পরিণত করে দেবেন।”

সওবান رضي الله عنه বললেন, ‘হে আল্লাহর রসূল! সে লোকেরা কেমন হবে তা আমাদের জন্য খুলে বলুন ও তাদের ছলিয়া বর্ণনা করুন, যাতে আমরা আমাদের অজান্তে তাদের দলভুক্ত না হয়ে পড়ি।’

আল্লাহর রসূল صلى الله عليه وسلم বললেন, “শোন! তারা তোমাদেরই ভাই এবং তোমাদেরই সম্প্রদায়ভুক্ত হবে। তোমরা যেমন রাত্রি জাগরণ করে ইবাদত কর তেমনি তারাও করবে। কিন্তু যখনই তারা আল্লাহর নিষিদ্ধ বস্তু নিয়ে লোকচক্ষুর অন্তরালে থাকবে তখনই তা অমান্য ও লংঘন করবে।” (সহীহ ইবনে মাজাহ ৩৪২৩ নং)

## দন্ডবিধি কার্যকর করতে বৈষম্যমূলক আচরণ করা হতে ভীতি-প্রদর্শন

(৭৮৮) হযরত আয়েশা (রাযিয়াল্লাহু আনহা) কর্তৃক বর্ণিত, একদা (এক উচ্চবংশীয়) মাখযুমী মহিলা চুরি করার ফলে ধরা পড়লে তাকে নিয়ে কুরাইশ বংশের লোকেরা বড় উদ্দিগ্ন হয়ে পড়ল। (তার হাত যাতে কাটা না হয় সেই চেষ্টায়) তারা বলাবলি করল, ‘ওর ব্যাপারে আল্লাহর রসূল صلى الله عليه وسلم এর সঙ্গে কে কথা বলবে?’ পরিশেষে তারা বলল, ‘আল্লাহর রসূল صلى الله عليه وسلم-এর প্রিয়পাত্র উসামাহ বিন যায়দ ছাড়া আর কে (এ ব্যাপারে) তাঁর সহিত কথা বলার দুঃসাহস করবে?’ সুতরাং (তাদের অনুরোধ মতে) উসামাহ তাঁর সহিত কথা বললেন (এবং ঐ মহিলার হাত যাতে কাটা না যায় সে ব্যাপারে সুপারিশ করলেন)।

এর ফলে আল্লাহর রসূল صلى الله عليه وسلم বললেন, “হে উসামাহ! তুমি কি আল্লাহর দন্ডবিধিসমূহের এক দন্ডবিধি (কায়েম না হওয়ার) ব্যাপারে সুপারিশ করছ?!” অতঃপর তিনি দন্ডায়মান হয়ে ভাষণে বললেন, “তোমাদের পূর্ববর্তী উম্মতরা এ জন্যই ধ্বংস হয়েছিল যে, তাদের মধ্যে কোন উচ্চবংশীয় (বা ধনী) লোক চুরি করলে তারা তাকে (দন্ড না দিয়ে) ছেড়ে দিত। আর কোন (নিম্নবংশীয়, গরীব বা) দুর্বল লোক চুরি করলে তারা তার উপর দন্ডবিধি প্রয়োগ করত। পক্ষান্তরে আল্লাহর শপথ! মুহাম্মাদের কন্যা ফাতেমা যদি চুরি করত, তাহলে আমি তারও হাত কেটে দিতাম।” (বুখারী ৬৭৮৮, মুসলিম ১৬৮৮-নং, আসহাবে সুনান)

## মদ পান করা, ক্রয়-বিক্রয় ও তৈরী করা, তা পরিবেশন করা ও তার মূল্য খাওয়া হতে ভীতি- প্রদর্শন

আল্লাহ তাআলা বলেন,

﴿يَسْأَلُونَكَ عَنِ الْخَمْرِ وَالْمَيْسِرِ قُلْ فِيهِمَا إِثْمٌ كَبِيرٌ وَمَنْفَعَةٌ لِلنَّاسِ  
وَإِنَّهُمْ لَكَاذِبُونَ ۝ إِنَّمَا يُرِيدُ الشَّيْطَانُ أَنْ يُوقِعَ بَيْنَكُمُ الْعَدَاوَةَ وَالْبَغْضَاءَ فِي الْخَمْرِ وَالْمَيْسِرِ  
وَيَصُدَّكُمْ عَنْ ذِكْرِ اللَّهِ وَعَنِ الصَّلَاةِ فَهَلْ أَنْتُمْ مُنْتَهُونَ ۝﴾

অর্থাৎ, লোকেরা তোমাকে মদ ও জুয়া প্রসঙ্গে জিজ্ঞাসা করে। বল, উভয়ের মধ্যে  
মহাপাপ এবং মানুষের জন্য (যৎকিঞ্চিৎ) উপকারও রয়েছে, তবে ওগুলোর পাপ  
উপকার অপেক্ষা অধিক বড়।” (সূরা বাক্বারাহ ২:১৯ আয়াত)

﴿يَأْتِيَا الَّذِينَ آمَنُوا مِنْ خَمْرٍ وَالمَيْسِرِ وَالْأَنْصَابِ وَالْأَزْلَمِ رِجْسٌ مِنْ عَمَلِ الشَّيْطَانِ فَاجْتَنِبُوهُ  
لَعَلَّكُمْ تَفْلِحُونَ ۝ إِنَّمَا يُرِيدُ الشَّيْطَانُ أَنْ يُوقِعَ بَيْنَكُمُ الْعَدَاوَةَ وَالْبَغْضَاءَ فِي الْخَمْرِ وَالْمَيْسِرِ  
وَيَصُدَّكُمْ عَنْ ذِكْرِ اللَّهِ وَعَنِ الصَّلَاةِ فَهَلْ أَنْتُمْ مُنْتَهُونَ ۝﴾

অর্থাৎ, হে ঈমানদারগণ! মদ জুয়া, মূর্তিপূজার বেদী ও ভাগ্যানির্গায়ক শর তো ঘৃণ্য  
বস্তু ও শয়তানী কাজ। সুতরাং সে সব হতে তোমরা দূরে থাক; যাতে তোমরা  
সফলকাম হতে পার। শয়তান তো মদ-জুয়া দ্বারা তোমাদের মাঝে শত্রুতা ও বিদ্বেষ  
ঘটাতে চায় এবং তোমাদেরকে আল্লাহর স্মরণ ও নামাযে বাধা দিতে চায়! অতএব  
তোমরা কি নিবৃত্ত হবে না? (সূরা মা-ইদা ৯০-৯১ আয়াত)

(৭৮৯) হযরত আবু হুরাইরা رضي الله عنه হতে বর্ণিত, আল্লাহর রসূল ﷺ বলেন, “কোন  
ব্যভিচারী যখন ব্যভিচার করে তখন মুমিন থাকা অবস্থায় সে ব্যভিচার করতে পারে  
না। কোন চোর যখন চুরি করে তখন মুমিন থাকা অবস্থায় সে চুরি করতে পারে না  
এবং কোন মদ্যপায়ী যখন মদ্যপান করে তখন মুমিন থাকা অবস্থায় সে মদ্যপান  
করতে পারে না।” (বুখারী ২৪৭৫, মুসলিম ৫৭নং, আসহাবে সুনান)

❀ কবীরা গোনাহ করা অবস্থায় মুমিনের ঈমান বুক থেকে উড়ে যায়। পুনরায় পাপ  
থেকে বিরত হলে ঈমান ফিরে আসে। অন্যথা কবীরা গোনাহের গোনাহগার ব্যক্তি  
পূর্ণ মুমিন নয়।

(৭৯০) হযরত ইবনে উমার رضي الله عنه হতে বর্ণিত, আল্লাহর রসূল ﷺ বলেন, “মদ  
পানকারীকে, মদ পরিবেশনকারীকে, তার ক্রেতা ও বিক্রেতাকে, তার  
প্রস্তুতকারককে, যার জন্য প্রস্তুত করা হয় তাকে, তার বাহককে ও যার জন্য বহন  
করা হয় তাকে আল্লাহ অভিশাপ করেছেন।” (আবু দাউদ ৩৬৭৪, ইবনে মাজাহ ৩৩৮০নং)

ইবনে মাজার বর্ণনায় আছে, “তার মূল্য ভক্ষণকারীও (অভিশপ্ত)।” (সহীছুল জামে’

৫০৯১নং)

(৭৯১) উক্ত ইবনে উমার رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “প্রত্যেক প্রমত্ততা (জ্ঞানশূন্যতা) আনয়নকারী বস্তুই হল মদ এবং প্রত্যেক প্রমত্ততা আনয়নকারী বস্তুই হল হারাম। আর যে ব্যক্তি দুনিয়াতে মদ পান করতে করতে তাতে অভ্যাসী হয়ে মারা যায়, সে ব্যক্তি আখেরাতে (জান্নাতে পবিত্র) মদ পান করতে পারে না।” (বেহেশ্তে যেতে পারবে না।) (বুখারী ৫৫৭৫, মুসলিম ২০০৩নং প্রমুখ)

❀ উক্ত হাদীস থেকে প্রমাণিত হয় যে, সর্বপ্রকার মাদকদ্রব্য মাত্রই হারাম। হিরোইন, মদ, ভাং, আফিং, তাড়ি ছাড়াও গুল, তামাক, গাঁজা, হাঁকা প্রভৃতি (বেশী পরিমাণ সেবন করলে) মাদকতা আনে। অন্যান্য হাদীসে বর্ণিত যে, “যে বস্তুর বেশী পরিমাণ মাদকতা আনে তার অল্প পরিমাণও হারাম।”

বিড়ি-সিগারেট অধিকমাত্রায় কোন অনভ্যস্ত ব্যক্তি পান করলে যদি তাতে তার মধ্যে মাদকতা আসে তবে তাও উক্ত বিধান অনুসারে হারাম। তাছাড়া এসব বস্তুতে রয়েছে নিশ্চিতভাবে অর্থ ও স্বাস্থ্যগত নানান ক্ষতি। আর ক্ষতিকর বস্তু সেবন করাও ইসলামে নিষিদ্ধ।

(৭৯২) হযরত আবু দারদা رضي الله عنه কর্তৃক বর্ণিত, তিনি বলেন, আমাকে আমার বন্ধু رضي الله عنه বিশেষ নির্দেশ দিয়েছেন যে, “তুমি আল্লাহর সহিত কোন কিছুকে শরীক করো না -যদিও (এ ব্যাপারে) তোমাকে হত্যা করা হয় অথবা জ্বালিয়ে দেওয়া হয়। ইচ্ছাকৃত ফরয নামায ত্যাগ করো না। কারণ যে ব্যক্তি স্বেচ্ছায় নামায ত্যাগ করে, তার উপর থেকে (আল্লাহর) দায়িত্ব উঠে যায়। আর মদ পান করো না, কারণ মদ হল প্রত্যেক অমঙ্গলের (পাপাচারের) চাবিকাঠি।” (ইবনে মাজাহ ৩০৪৩, সহীহ ইবনে মাজাহ ৩২৫৯নং)

❀ নামায ত্যাগ করলে ‘দায়িত্ব’ উঠে যায়, অর্থাৎ সে কাফেরদের মত হয়ে যায়। কারণ, কাফেরদের উপর আল্লাহর দায়িত্ব থাকে না।

(৭৯৩) হযরত জাবের رضي الله عنه কর্তৃক বর্ণিত, তিনি বলেন, এক ব্যক্তি ইয়ামানের এক শহর জাইশান থেকে (মদীনায়) আগমন করল। সে আল্লাহর রসূল صلى الله عليه وسلم-কে তার দেশের লোকেরা পান করে এমন ভুট্টা থেকে প্রস্তুত ‘মিয়র’ নামক এক পানীয় সম্পর্কে জিজ্ঞাসা করল। আল্লাহর রসূল صلى الله عليه وسلم বললেন, “তা কি মাদকতা আনে?” লোকটি বলল, ‘জী হ্যাঁ।’ আল্লাহর রসূল صلى الله عليه وسلم বললেন, “প্রত্যেক মাদকতা আনয়নকারী বস্তু মাত্রই হারাম। আর যে ব্যক্তি মাদকদ্রব্য সেবন করবে তার জন্য আল্লাহর প্রতিশ্রুতি আছে যে, তাকে তিনি জাহান্নামীদের ঘাম অথবা পুঁজ পান করাবেন।” (মুসলিম ২০০২নং, নাসাঈ)

(৭৯৪) হযরত মুআবিয়া رضي الله عنه হতে বর্ণিত, আল্লাহর রসূল صلى الله عليه وسلم বলেন, “যে ব্যক্তি মদ পান করবে তাকে চাবুক লাগাও। (তিনবার চাবুক মারার পরও) যদি চতুর্থবার পুনরায় পান করে তবে তাকে হত্যা করে দাও।” (তিরমিযী ১৪৪৪, আবু দাউদ ৪৪৮-২, ইবনে হিব্বান ৪৪২নং, অনুরূপ, ইবনে মাজাহ ২৫৭৩, হাকেম ৪/৩৭২, সহীহুল জামে’ ৬৩০৯নং, হাদীসটি মনসূখ)

(৭৯৫) হযরত ইবনে উমার رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “যে ব্যক্তি মদ পান করবে সে ব্যক্তির ৪০ দিনের নামায কবুল হবে না। কিন্তু এরপর যদি সে তওবা করে তবে আল্লাহ তার তওবা গ্রহণ করে নেবেন। অন্যথা যদি সে পুনরায় পান করে তাহলে অনুরূপ তার ৪০ দিনের নামায কবুল হবে না। যদি এর পরেও সে তওবা করে তবে আল্লাহ তার তওবা কবুল করে নেবেন। অন্যথা যদি সে তৃতীয়বার পান করে তাহলে অনুরূপ তার ৪০ দিনের নামায কবুল হবে না। কিন্তু এর পরেও যদি সে তওবা করে তবে আল্লাহ তার তওবা গ্রহণ করে নেবেন। অন্যথা যদি সে চতুর্থবার তা পান করে তাহলে অনুরূপ তার ৪০ দিনের নামায কবুল হবে না। কিন্তু এরপরে সে যদি তওবা করে তবে আল্লাহ তার তওবা কবুল করেন না, তিনি তার প্রতি ক্রোধান্বিত হন এবং (পরকালে) তাকে ‘খাবাল নদী’ থেকে পানীয় পান করাবেন।”

ইবনে উমার رضي الله عنه-কে জিজ্ঞাসা করা হল, ‘হে আবু আব্দুর রহমান! ‘খাবাল-নদী’ কি?’ উত্তরে তিনি বললেন, ‘তা হল জাহান্নামবাসীদের পূঁজ দ্বারা প্রবাহিত (জাহান্নামের) এক নদী।’ (তিরমিযী, হাকেম ৪/১৪৬, নাসাঈ, সহীছল জামে’ ৬৩১২-৬৩১৩নং)

(৭৯৬) হযরত ইবনে আক্বাস رضي الله عنه কর্তৃক বর্ণিত, নবী صلى الله عليه وسلم বলেন, “যে ব্যক্তি মদ্যপানে অভ্যাস থাকা অবস্থায় মারা যাবে সে ব্যক্তি মূর্তিপূজকের মত (পাপী) হয়ে আল্লাহর সহিত সাক্ষাৎ করবে।” (তাবারানীর কাবীর, সিলসিলাহ সহীহাহ ৬৭৭নং)

### আল্লাহর ভয়ে যৌনাঙ্গের হিফায়ত করার মাহাত্ম্য

(৭৯৭) হযরত সহল বিন সা’দ رضي الله عنه হতে বর্ণিত, তিনি বলেন, আল্লাহর রসূল صلى الله عليه وسلم বলেছেন, “যে ব্যক্তি আমার জন্য দুই চিবুকের মধ্যবর্তী অঙ্গের (জিহ্বার) ও দুই পায়ের মধ্যবর্তী অঙ্গের (যৌনাঙ্গের) জামিন হবে (যাতে হারামে ব্যবহার না হয়।) তাহলে আমি তার জন্য জান্নাতের জামিন হব।” (বুখারী ৬৪৭৪ নং)

(৭৯৮) হযরত আবু হুরাইরা رضي الله عنه প্রমুখাৎ বর্ণিত, আল্লাহর রসূল صلى الله عليه وسلم বলেছেন, “সাত ব্যক্তিকে আল্লাহ কিয়ামতের দিন তাঁর (আরশের) ছায়া দান করবেন যেদিন তাঁর (এ) ছায়া ভিন্ন অন্য কোন ছায়া থাকবে না; তন্মধ্যে--- একজন সেই ব্যক্তি যাকে কোন সম্ভ্রান্ত সুন্দরী (ব্যভিচারের উদ্দেশ্যে) আহ্বান করে কিন্তু সে বলে, আমি আল্লাহকে ভয় করি।” (বুখারী ৬৬০ নং মুসলিম ১০৩১ নং)

(৭৯৯) হযরত ইবনে উমার رضي الله عنه কর্তৃক বর্ণিত, তিনি বলেন, আল্লাহর রসূল صلى الله عليه وسلم বলেছেন, “তোমাদের পূর্ববর্তী উম্মতের তিনজন লোক সফরে বের হল। এক স্থানে তারা এক পর্বত-গুহায় আশ্রয় নিয়ে রাত্রি কাটাতে বাধ্য হল। তারা গুহায় প্রবেশ করার কিছুক্ষণ পর পর্বতের চূড়া থেকে একটি পাথর গড়িয়ে পড়ে গুহার মুখ বন্ধ করে দিল। তারা থেকে গেল ভিতরে। তাদের মধ্যে একজন বলল, হে আল্লাহ!

আমার ছিল এক চাচাতো বোন। সে ছিল আমার নিকট সকল মানুষের চেয়ে প্রিয়া। একদিন আমি তার সহিত ব্যভিচার করতে চাইলে সে সম্মত হল না। অতঃপর এক বছর দুর্ভিক্ষ দেখা দিলে বাধ্য হয়ে সে আমার নিকট এল। আমি তাকে একশত বিশ দীনার এই শর্তে দিলাম যে, সে আমাকে তার দেহ সমর্পণ করে দেবে। একদা সে তাই করল। অতঃপর যখন আমি তাকে আমার আয়ত্তে পেলাম (অন্য এক বর্ণনায় বলা হয়েছে, অতঃপর আমি যখন তার দুই পায়ে ফাঁকে বসলাম) তখন সে আমাকে বলল, ‘আল্লাহকে ভয় কর। আর অবৈধভাবে তুমি আমার কৌমার্য নষ্ট করে দিও না।’ এই কথা শুনামাত্র আমি তার সহিত যৌন-মিলন করতে দ্বিধাবোধ করলাম। আমি তাকে ছেড়ে সরে গেলাম অথচ সে আমার নিকট একান্ত প্রিয়পাত্রী ছিল। আর যে স্বর্ণমুদ্রা আমি তাকে প্রদান করেছিলাম তাও ছেড়ে দিলাম। আল্লাহ গো! যদি তুমি জান যে, আমি একাজ কেবলমাত্র তোমার সন্তুষ্টিলাভের আশায় করেছি তাহলে আমরা যে বিপদে পড়েছি তা হতে আমাদেরকে রক্ষা কর। এরপর পাথরটি (একটু) সরে গেল।---” (বুখারী ২২৭২ নং মুসলিম ২৭৪০ নং)

## ব্যভিচার করা হতে এবং বিশেষ করে প্রতিবেশীর স্ত্রীর সহিত তা করা হতে ভীতি-প্রদর্শন

মহান আল্লাহ বলেন,

﴿ وَلَا تَقْرُبُوا الزَّوْجِيْنَ اِنَّهُ كَانَ فَحِشَةً وَسَاءَ سَبِيْلًا ۝۲۱ ﴾

অর্থাৎ, ব্যভিচারের নিকটবর্তী হয়ো না। কারণ, তা অশ্লীল ও নিকষ্ট আচরণ। (সূরা ইসরা ৩২ আয়াত)

﴿ الزَّوْجِيَّةُ وَالزَّوْجَانِي فَاجْلِدُوْهُمۡ كُلَّ وَاحِدٍ مِّنْهُمَا مِائَةً جَلْدَةٍ وَلَا تَأْخُذْكُمْ بِهِمَا رَأْفَةٌ فِي دِيْنِ اللّٰهِ اِنَّ كُنْتُمْ

تُؤْمِنُوْنَ بِاللّٰهِ وَالْيَوْمِ الْآخِرِ وَلَيْشِهَدَّ عَذَابُهُمَا طَآئِفَةٌ مِّنَ الْمُؤْمِنِيْنَ ۝۲۲ ﴾

অর্থাৎ- ব্যভিচারিণী ও ব্যভিচারী ওদের প্রত্যেককেই (অবিবাহিত হলে) একশত কশাঘাত কর। যদি তোমরা আল্লাহতে ও পরকালে বিশ্বাসী হও তাহলে আল্লাহর বিধান কার্যকরীকরণে ওদের প্রতি দয়া যেন তোমাদেরকে অভিভূত না করে ফেলে। আর মুমিনদের একটি দল যেন ওদের (এ) শাস্তি প্রত্যক্ষ করে। (সূরা নূর ২ আয়াত)

(৮০০) হযরত আব্দুল্লাহ বিন মাসউদ رضي الله عنه হতে বর্ণিত, আল্লাহর রসূল صلى الله عليه وسلم বলেন, “তিন ব্যক্তি ছাড়া ‘আল্লাহ ব্যতীত কেউ সত্য উপাস্য নেই এবং আমি আল্লাহর রসূল’ এ কথায় সাক্ষ্যদাতা কোন মুসলিমের খুন (কারো জন্য) বৈধ নয়; বিবাহিত ব্যভিচারী, খুনের বদলে হত্যাযোগ্য খুনী এবং দ্বীন ও জামাআত ত্যাগী।” (বুখারী ৬৮৭৮; মুসলিম ১৬৭৬নং আবু দাউদ, তিরমিযী, নাসাই)

(৮০১) উক্ত ইবনে মাসউদ رضي الله عنه হতে বর্ণিত, তিনি বলেন, আমি আল্লাহর রসূল

ﷺ-কে জিজ্ঞাসা করলাম, ‘আল্লাহর নিকট সবচেয়ে বড় পাপ কি?’ উত্তরে তিনি বললেন, “এই যে, তুমি তাঁর কোন শরীক নির্ধারণ কর -অথচ তিনিই তোমাকে সৃষ্টি করেছেন।” আমি বললাম, ‘এটা তো বিরাট! অতঃপর কোন্ পাপ?’ তিনি বললেন, “এই যে, তোমার সাথে খাবে -এই ভয়ে তোমার নিজ সন্তানকে হত্যা করা।” আমি বললাম, ‘অতঃপর কোন পাপ?’ তিনি বললেন, “প্রতিবেশীর স্ত্রীর সহিত তোমার ব্যভিচার করা।”

আর এ ব্যাপারে অবতীর্ণ হয়েছে,

﴿ وَالَّذِينَ لَا يَدْعُونَ مَعَ اللَّهِ إِلَهًا آخَرَ وَلَا يَقْتُلُونَ النَّفْسَ الَّتِي حَرَّمَ اللَّهُ إِلَّا بِالْحَقِّ وَلَا يَزْنُونَ ۚ وَمَنْ يَفْعَلْ ذَلِكَ يَلْقَ أَثَامًا ۖ يُضْعَفُ لَهُ الْعَذَابُ يَوْمَ الْقِيَامَةِ وَيَخَذُّ فِيهِ مَهْمًا ۗ ﴾

অর্থাৎ, (আল্লাহর বান্দারা) আল্লাহর সঙ্গে কোন উপাস্যকে অংশী করে না, আল্লাহ যাকে যথার্থ কারণ ব্যতিরেকে হত্যা নিষেধ করেছেন তাকে হত্যা করে না এবং ব্যভিচার করে না। যারা এ সব করে তারা শাস্তি ভোগ করবে। কিয়ামতের দিন ওদের আযাব বর্ধিত করা হবে এবং সেখানে তারা হীন অবস্থায় স্থায়ী হবে। (সূরা ফুরকান ৬৮-৬৯ আয়াত) (বুখারী ৪৪৭৭, ৭৫৩২ প্রভৃতি, মুসলিম ৮৬নং, তিরমিযী, নাসাঈ)

(৮০২) হযরত বুরাইদাহ رضي الله عنه কর্তৃক বর্ণিত, আল্লাহর রসূল ﷺ বলেন, “যারা জিহাদে না গিয়ে ঘরে থাকে তাদের পক্ষে মুজাহিদগণের স্ত্রীরা তাদের মায়ের মত অবৈধ। যারা ঘরে থাকে তাদের মধ্যে কোন ব্যক্তি যখন কোন মুজাহিদের পরিবারে তার প্রতিনিধিত্ব (তদ্ভাবধান) করে অতঃপর তাদের ব্যাপারে তার খেয়ানত (বিশ্বাসঘাতকতা) করে, সে ব্যক্তিকে কিয়ামতের দিন ঐ মুজাহিদের সামনে খাড়া করা হবে, অতঃপর সে (মুজাহিদ) নিজের ইচ্ছা ও খুশীমত তার নেকীসমূহ নিতে পারবে।”

অতঃপর আল্লাহর রসূল ﷺ আমাদের প্রতি লক্ষ্য করে বললেন, “অতএব কি ধারণা তোমাদের?” (তার কোন নেকী আর অবশিষ্ট থাকবে কি?) (মুসলিম ১৮৯৭, আবু দাউদ ২৪৯৬নং, নাসাঈ)

## সমকাম, পশুগমন এবং স্ত্রীর পায়ু-মৈথুন করা হতে ভীতি-প্রদর্শন

আল্লাহ তাআলা বলেন,

﴿ وَلَوْ طَ إِذْ قَالَ لِقَوْمِهِ أَتَأْتُونَ الْفَجِشَةَ مَا سَبَقَكُمْ بِهَا مِنْ أَحَدٍ مِنَ الْعَالَمِينَ ۗ إِنَّكُمْ لَتَأْتُونَ الرِّجَالَ شَهْوَةً مِنْ دُونِ الْبَنَاتِ ۗ بَلْ أَنْتُمْ قَوْمٌ مُّسْرِفُونَ ۗ ﴾ وَمَا كَانَ جَوَابَ قَوْمِهِ إِلَّا أَنْ قَالُوا أَخْرِجُوهُمْ مِنْ قَرْيَتِكُمْ ۖ إِنَّهُمْ أَنَاسٌ يَتَطَهَّرُونَ ۗ فَأَنْجَيْنَاهُ وَأَهْلَهُ ۗ إِلَّا





(৮০৭) উক্ত ইবনে আব্বাস رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, আল্লাহ আযযা অজাল্ল (কিয়ামতের দিন) সেই ব্যক্তির দিকে চেয়েও দেখবেন না, যে ব্যক্তি কোন পুরুষের মলদ্বারে অথবা কোন স্ত্রীর পায়খানা-দ্বারে সঙ্গম করে।” (তিরমিযী, ইবনে হিব্বান, নাসাঈ, সহীহুল জামে’ ৭৮০ ১নং)

(৮০৮) উক্ত ইবনে আব্বাস رضي الله عنه হতে আরো বর্ণিত, আল্লাহর রসূল صلى الله عليه وسلم বলেন, “যে ব্যক্তি কোন খাতুমতী স্ত্রী (মাসিক অবস্থায়) সঙ্গম করে অথবা কোন স্ত্রীর গুহা দ্বারা সহবাস করে, অথবা কোন গণকের নিকট উপস্থিত হয়ে (সে যা বলে তা) বিশ্বাস করে, সে ব্যক্তি মুহাম্মাদ صلى الله عليه وسلم-এর অবতীর্ণ কুরআনের সাথে কুফরী করে।” (অর্থাৎ কুরআনকেই সে অবিশ্বাস ও অমান্য করে। কারণ, কুরআনে এ সব কুকর্মকে নিষিদ্ধ ঘোষণা করা হয়েছে।) (আহমাদ ২/৪০৮, ৪৭৬, তিরমিযী, সহীহ ইবনে মাজাহ ৫২২নং)

## যথার্থ অধিকার ছাড়া নিষিদ্ধ প্রাণহত্যা করা হতে ভীতি-প্রদর্শন

মহান আল্লাহ বলেন,

﴿ مِنْ أَجْلِ ذَلِكَ كَتَبْنَا عَلَىٰ بَنِي إِسْرَائِيلَ أَنَّهُمْ مَنْ قَتَلَ نَفْسًا بِغَيْرِ نَفْسٍ أَوْ فَسَادٍ فِي الْأَرْضِ فَكَأَنَّمَا قَتَلَ النَّاسَ جَمِيعًا وَمَنْ أَحْيَاهَا فَكَأَنَّمَا أَحْيَا النَّاسَ جَمِيعًا وَلَقَدْ جَاءَتْهُمْ رُسُلُنَا بِالْبَيِّنَاتِ ثُمَّ إِنْ كَثِيرًا مِنْهُمْ بَعَدَ ذَلِكَ فِي الْأَرْضِ لُمُسْرِفُونَ ﴿١٥٧﴾ ﴾

অর্থাৎ, এ কারণেই বানী ইসরাঈলকে এ বিধান দিয়েছিলাম যে, যে কেউ প্রাণের বদলে প্রাণ অথবা পৃথিবীতে ধ্বংসাত্মক কাজের বদলা নেওয়া ছাড়া কাউকে (অন্যায়ভাবে) হত্যা করে সে যেন (পৃথিবীর) সকল মানুষকেই হত্যা করে এবং যে কারো প্রাণ রক্ষা করে সে যেন পৃথিবীর) সকল মানুষের প্রাণ রক্ষা করে। (সূরা মায়েদাহ ৩২ আয়াত)

﴿ وَمَنْ يَقْتُلْ مُؤْمِنًا مُتَعَمِدًا فَجَزَاءُؤُهُ جَهَنَّمُ خَالِدًا فِيهَا وَغَضِبَ اللَّهُ عَلَيْهِ وَوَعَدَ لَهُ عَذَابًا

﴿ عَظِيمًا ﴿١٥٨﴾ ﴾

অর্থাৎ- “আর যে ব্যক্তি কোন মুমিনকে ইচ্ছাকৃতভাবে হত্যা করবে তার শাস্তি হবে জাহান্নাম, সেখানেই সে চিরকাল থাকবে এবং আল্লাহ তার প্রতি রুষ্ট হবেন, তাকে অভিসম্পাত করবেন এবং তার জন্য মহাশাস্তি প্রস্তুত করে রাখবেন।” (সূরা নিসা ৯৩ আয়াত)

(৮০৯) হযরত ইবনে মাসউদ رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, কিয়ামতের দিন মানুষের যে বিষয়ে সর্বপ্রথম বিচার-নিষ্পত্তি হবে তা হল খুন।” (বুখারী ৬৫৩৩নং, মুসলিম ১৬৭৮, তিরমিযী, নাসাঈ, ইবনে মাজাহ)

❀ প্রকাশ যে, বান্দার অধিকার-বিষয়ক সর্ব প্রথম বিচার হবে খুনের। আর আল্লাহর অধিকার-বিষয়ক সর্ব প্রথম বিচার হবে নামাযের। নিয়ামত বিষয়ক সর্বপ্রথম প্রশ্ন হবে সুস্থাস্থ্য ও ঠান্ডা পানি সম্পর্কে।

(৮১০) হযরত মুআবিয়া ❀ কতৃক বর্ণিত, আল্লাহর রসূল ❀ বলেন, “যে ব্যক্তি মুশরিক হয়ে মারা যায় অথবা ইচ্ছাকৃতভাবে কোন মুমিনকে হত্যা করে, সে ব্যক্তির পাপ ছাড়া অন্যান্য ব্যক্তির পাপকে আল্লাহ মফ করে দিতে পারেন।” (আহমাদ, নাসাঈ, হাকেম ৪/৩৫১, আবু দাউদ আবু দারদা হতে, সহীছল জামে’ ৪৫২৪নং)

(৮১১) হযরত আব্দুল্লাহ বিন আমর ❀ কতৃক বর্ণিত, আল্লাহর রসূল ❀ বলেন, “একজন মুসলিমকে খুন করার চাইতে জগৎ ধ্বংস হয়ে যাওয়া আল্লাহর নিকট অধিক সহজ।” (তিরমিযী ১৩৯৫, নাসাঈ ৩৯৮৭নং)

(৮১২) হযরত ইবনে আব্বাস ❀ কতৃক বর্ণিত, নবী ❀ বলেন, “কিয়ামতের দিন খুন হয়ে নিহত ব্যক্তি তার খুনীকে তার মাথা ও কপালের চুল ধরে উপস্থিত করবে। আর সে সময় তার শিরাগুলো থেকে রক্তের ফিনকি ছুটবে। সে বলবে, ‘হে আমার প্রতিপালক! আপনি একে জিজ্ঞাসা করুন, ও কেন আমাকে খুন করেছে?’ পরিশেষে সে তাকে আরশের নিকটবর্তী করবে।” (তিরমিযী, নাসাঈ, ইবনে মাজাহ, সহীছল জামে’ ৮০৩১নং)

(৮১৩) হযরত উবাদাহ বিন সামেত ❀ কতৃক বর্ণিত, আল্লাহর রসূল ❀ বলেন, “যে ব্যক্তি কোন মুমিনকে হত্যা করে তা নিয়ে আনন্দ উপভোগ করবে সে ব্যক্তির নফল, ফরয কোন ইবাদতই আল্লাহ কবুল করবেন না।” (আবু দাউদ, সহীছল জামে’ ৬৪৫৪নং)

(৮১৪) হযরত আব্দুল্লাহ বিন আমর ❀ কতৃক বর্ণিত, আল্লাহর রসূল ❀ বলেন, “যে ব্যক্তি কোন (মুসলিম রাষ্ট্রে বসবাসকারী) যিম্মী (অথবা সন্ধিচুক্তির পর বিপক্ষের কাউকে) হত্যা করবে সে ব্যক্তি বেহেশ্বের সুবাসও পাবে না। অথচ তার সুবাস ৪০ বছরে অতিক্রম্য দূরবর্তী স্থান হতে পাওয়া যাবে।” (আহমাদ, বুখারী ৩১৬৬, নাসাঈ, ইবনে মাজাহ)



## আত্মহত্যা করা হতে ভীতি-প্রদর্শন

মহান আল্লাহ বলেন,

﴿ وَلَا تَقْتُلُوا أَنْفُسَكُمْ إِنَّ اللَّهَ كَانَ بِكُمْ رَحِيمًا ﴾

অর্থাৎ, আর আত্মহত্যা করো না; নিশ্চয় আল্লাহ তোমাদের প্রতি পরম দয়ালু। (সূরা নিসা ২৯ আয়াত)



ছোট ছোট তুচ্ছ পাপ থেকেও দূরে থেকে। কেননা, ছোট ও তুচ্ছ গোনাহসমূহের উপমা হল এরূপ, যেরূপ একদল লোক (সফরে গিয়ে) এক উপত্যকার মাঝে (বিশ্রাম নিতে) নামল। অতঃপর এ একটা কাঠ, ও একটা কাঠ এনে জমা করল। এভাবে অবশেষে তারা এত কাঠ জমা করল, যদ্বারা তারা তাদের রুটি পাকিয়ে নিতে পারল। আর ছোট ছোট তুচ্ছ পাপের পাপীকে যখন ধরা হবে তখন তা তাকে ধ্বংস করে ছাড়বে।” (আহমাদ, তাবারানী, বাইহাকীর শুআবুল ইমান, সহীহুল জামে’ ২৬৮-৬নং)

❀ বলাই বাহুল্য যে, বিন্দু বিন্দু পানি দ্বারাই সিঙ্কুর সৃষ্টি। এক বিন্দু পানিতে একটি ফুলের কোমল পাপড়ীরও কোন ক্ষতি সাধন করতে পারে না। কিন্তু একটার পর একটা বিন্দু জমে জমে কখনো দেশও ভাসিয়ে দেয়। এ জন্যই জ্ঞানীরা সর্বপ্রকার পাপ থেকে সতর্ক থাকেন। ছোট হলেও তা তো পাপই বটে।

(৮২০) হযরত আনাস رضي الله عنه বলেন, “তোমরা এমন কতকগুলো কাজ করছ যা তোমাদের দৃষ্টিতে চুল হতেও তুচ্ছ। কিন্তু আল্লাহর রসূল صلى الله عليه وسلم এর যুগে ঐ কাজগুলোকেই আমরা সর্বনাশী কার্যসমূহের শ্রেণীভুক্ত মনে করতাম।” (বুখারী ৬৪৯২নং)



## পাপ করে তা প্রচার করে বেড়ানো হতে ভীতি- প্রদর্শন


(৮২১) হযরত আবু হুরাইরা رضي الله عنه কতৃক বর্ণিত, আল্লাহর রসূল صلى الله عليه وسلم বলেছেন, “আমার প্রত্যেক উম্মতের পাপ মাফ করে দেওয়া হবে, তবে যে প্রকাশ্যে পাপ করে (অথবা পাপ করে বলে বেড়ায়) তার পাপ মাফ করা হবে না। আর পাপ প্রকাশ করার এক ধরন এও যে, একজন লোক রাত্রে কোন পাপ করে ফেলে, অতঃপর আল্লাহ তা গোপন করে নেন। (অর্থাৎ, কেউ তা জানতে পারে না।) কিন্তু সকাল বেলায় উঠে সে লোকের কাছে বলে বেড়ায়, ‘হে অমুক! গত রাতে আমি এই এই কাজ করেছি।’

রাতের বেলায় আল্লাহ তার পাপকে গোপন রেখে দেন; কিন্তু সে সকাল বেলায় আল্লাহর সে গোপনীয়তাকে নিজে নিজেই ফাঁস করে ফেলো।” (বুখারী ৬০৬৯নং, মুসলিম)

❀ পাপ করা এক অপরাধ। তারপর তা প্রচার ও প্রকাশ করে বেড়ানো বরং তা নিয়ে গর্ব প্রদর্শন ও আশ্ফালন করা ডবল অপরাধ। অতএব যারা প্রকাশ্যে লোকের

সামনে বড় বড় পাপ করে; যেমন গান-বাজনা করে ও লোকমাঝে শোনে, মাদকদ্রব্য লোকের সামনে বসে খেয়ে আমেজ দেখায়, লোকের সামনেই অশ্লীলতা প্রদর্শন করে, অবৈধ প্রণয়ের কথা মজিয়ে মজিয়ে বলে, তাদের ধৃষ্টতা কত বড় - তা বলাই বাহুল্য।

অনুরূপ আর একদল মানুষ যারা গোপনে পাপ করে জনসমক্ষে, বন্ধুমহলে গর্বের সাথে সে পাপের কথা, খুন ও ব্যভিচারের কথা প্রকাশ করে তাদের পাপ নিশ্চয় কঠিনতর।



জ্ঞাতি-বন্ধন ও পরোপকারিতা বিষয়ক অধ্যায়

## পিতা-মাতার প্রতি সদ্যবহার ও তাদের বাধ্য হওয়ার ফযীলত

মহান আল্লাহ বলেন,

﴿وَقَضَىٰ رَبُّكَ أَلَّا تَعْبُدُوا إِلَّا إِيَّاهُ وَيَالِ الَّذِينَ أَحْسَنُوا لِمَا يَتْلُونَ عِنْدَكَ الْكُتُبَ أَحَدُهُمَا أَوْ كِلَاهُمَا فَلَا تَقُلْ هُمَا أَفْوَىٰ وَلَا تَنْهَرَهُمَا وَقُلْ لَهُمَا قَوْلًا كَرِيمًا ﴿٢٣﴾ وَأَخْفِضْ لَهُمَا جَنَاحَ الذَّلِيلِ مِنَ الرَّحْمَةِ وَقُلْ رَبِّ أَرْحَمُهُمَا كَمَا رَبَّيْتَنِی صَغِيرًا ﴿٢٤﴾﴾

অর্থাৎ, তোমার প্রতিপালক নির্দেশ দিয়েছেন যে, তোমরা তিনি ছাড়া অন্য কারো ইবাদত করবে না এবং পিতা-মাতার সহিত সদ্যবহার করবে, তাদের একজন অথবা উভয়েই তোমার জীবদ্দশায় বার্ষিক্যে উপনীত হলেও তাদেরকে বিরক্তিসূচক কিছু (উঃ) বলো না এবং তাদেরকে ভৎসনা করো না। তাদের সাথে বলো সম্মানসূচক নম্র কথা। আর অনুকম্পায় তাদের প্রতি বিনয়ানত থেকে এবং বলো, 'হে আমার প্রতিপালক! তাদের উভয়ের প্রতি দয়া করুন, যেভাবে শৈশবে তাঁরা আমাকে প্রতিপালন করেছিলেন।' (সূরা বনী ইস্রাঈল ২৩-২৪ আয়াত)

(৮-২২) হযরত আব্দুল্লাহ বিন আমর رضي الله عنه হতে বর্ণিত, তিনি বলেন, এক ব্যক্তি আল্লাহর রসূল ﷺ-এর নিকট উপস্থিত হয়ে বলল, 'আমি হিজরত ও জিহাদের

উপর আপনার নিকট বায়াত করতে চাই। আর এতে আমি আল্লাহর নিকট সওয়াব কামনা করি।’ তিনি বললেন, “আচ্ছা, তোমার পিতামাতার মধ্যে কেউ জীবিত আছে কি?” লোকটি বলল, ‘হ্যাঁ, বরং উভয়েই জীবিত।’ তিনি বললেন, “আর তুমি আল্লাহর নিকট সওয়াব কামনা কর?” লোকটি বলল, ‘জী হ্যাঁ।’ তিনি বললেন, “তাহলে তুমি তোমার পিতা-মাতার নিকট ফিরে যাও এবং তাদের সহিত সদ্ভাবে বসবাস কর।” (মুসলিম ২৫৪৯ নং)

(৮২৩) হযরত জাহেমাহ رضي الله عنه হতে বর্ণিত, তিনি নবী صلى الله عليه وسلم-এর নিকট এসে বললেন, ‘হে আল্লাহর রসূল! আমি জিহাদ করব মনস্থ করেছি, তাই আপনার নিকট পরামর্শ নিতে এসেছি।’ একথা শুনে তিনি বললেন, “তোমার মা আছে কি?” জাহেমাহ رضي الله عنه বললেন, ‘হ্যাঁ।’ তিনি বললেন, “তাহলে তুমি তার খিদমতে অবিচল থাক। কারণ, তার পদতলে তোমার জান্নাত রয়েছে।” (ইবনে মাজাহ, সহীহ নাসাঈ ২৯০৮ নং)

## পিতা-মাতার অবাধ্যাচরণ করা হতে ভীতি- প্রদর্শন

(৮২৪) হযরত আবু হুরাইরা رضي الله عنه কর্তৃক বর্ণিত, আল্লাহর রসূল صلى الله عليه وسلم বলেছেন, “সেই ব্যক্তির নাক ধূলিধূসরিত হোক, অতঃপর তার নাক ধূলিধূসরিত হোক, আবারও তার নাক ধূলিধূসরিত হোক, যে ব্যক্তি তার পিতা-মাতার একজনকে অথবা উভয়কে বৃদ্ধ অবস্থায় পেল, অথচ সে (তাদের সেবার মাধ্যমে আল্লাহর) ক্ষমা লাভ করতে পারল না।” (মুসলিম ২৫৫১ নং)

(৮২৫) হাসান বিন মালেক বিন হুয়াইরিস তাঁর পিতা হতে, তিনি (মালেক) তাঁর (হাসানের) পিতামহ (হুয়াইরিস) হতে বর্ণনা করে বলেন, একদা আল্লাহর রসূল صلى الله عليه وسلم মিসরে চড়েন। প্রথম ধাপে চড়েই বললেন, “আমীন।” অতঃপর দ্বিতীয় ধাপে চড়ে বললেন, “আমীন” অনুরূপ তৃতীয় ধাপেও চড়ে বললেন, “আ-মীন।” অতঃপর তিনি (এর রহস্য ব্যক্ত করে) বললেন, “আমার নিকট জিবরীল উপস্থিত হয়ে বললেন, ‘হে মুহাম্মাদ! যে ব্যক্তি রমযান পেল অথচ পাপমুক্ত হতে পারল না, আল্লাহ তাকে দূর করেন।’ তখন আমি (প্রথম) ‘আ-মীন’ বললাম। তিনি আবার বললেন, ‘যে ব্যক্তি তার পিতা-মাতাকে অথবা তাদের একজনকে জীবিতাবস্থায় পেল অথচ তাকে দোষখে যেতে হবে, আল্লাহ তাকেও দূর করুন।’ এতে আমি (দ্বিতীয়) ‘আ-মীন’ বললাম। অতঃপর তিনি বললেন, ‘যার নিকট আপনার (নাম) উল্লেখ করা হয় অথচ সে আপনার উপর দরুদ পাঠ করে না, আল্লাহ তাকেও দূর করুন।’ এতে আমি (তৃতীয়) ‘আমীন’ বললাম।” (ইবনে হিব্বান, সহীহ তারগীব ৯৮২ নং)

❀ এটি একটি বিশাল দুআ। ফিরিশ্বাশ্রেষ্ঠ জিবরীল দুআ করেছেন এবং সৃষ্টির শ্রেষ্ঠ তথা শ্রেষ্ঠ নবী তার উপর ‘আমীন’ বলেছেন। এই দুআ কি আল্লাহর দরবারে কবুল হওয়ার ব্যাপারে কোন সন্দেহ থাকতে পারে?

(৮-২৬) হযরত মুগীরাহ বিন শু’বাহ ❀ কর্তৃক বর্ণিত, নবী ❀ বলেন, “অবশ্যই আল্লাহ তোমাদের জন্য (তিনটি কর্মকে) হারাম করেছেন; মায়ের অবাধ্যাচরণ করা, কন্যা জীবন্ত প্রোথিত করা এবং অধিকার প্রদানে বিরত থাকা ও অনধিকার কিছু প্রার্থনা করা।

আর তিনি তোমাদের জন্য অপছন্দ করেছেন (তিনটি কর্ম); ভিত্তিহীন বাজে কথা বলা (বা জনরবে থাকা), অধিক (অনাবশ্যক) প্রশ্ন করা (অথবা প্রয়োজনের অধিক যাত্রণ করা) এবং ধন-মাল বিনষ্ট (অপচয়) করা।” (বুখারী ৫৯৭৫)

(৮-২৭) হযরত আব্দুল্লাহ বিন আমর ❀ কর্তৃক বর্ণিত, নবী ❀ বলেন, “কাবীরা গোনাহ হল, আল্লাহর সহিত শির্ক করা, মা-বাপের নাফরমানী করা, প্রাণ হত্যা করা এবং মিথ্যা কসম খাওয়া।” (বুখারী ৬৬৭৫নং)

(৮-২৮) হযরত ইবনে উমার ❀ কর্তৃক বর্ণিত, আল্লাহর রসূল ❀ বলেন, “তিন ব্যক্তির প্রতি আল্লাহ কিয়ামতের দিন তাকিয়ে দেখবেন না; পিতা-মাতার অবাধ্য সন্তান, পুরুষবেশিনী বা পুরুষের সাদৃশ্য অবলম্বনকারিণী মহিলা এবং মেড়া পুরুষ; (যে তার স্ত্রী, কন্যা ও বোনের চরিত্রহীনতা ও নোংরামিতে চুপ থাকে এবং বাধা দেয় না।)

আর তিন ব্যক্তি বেহেস্তে যাবে না; পিতা-মাতার নাফরমান ছেলে, মদপানে অভ্যাসী মাতাল এবং দান করার পর যে বলে ও গর্ব করে বেড়ায় এমন খোঁটাদানকারী ব্যক্তি।” (আহমাদ, নাসাঈ, হাকেম, সহীহুল জামে’ ৩০৭ ১নং)

(৮-২৯) হযরত আব্দুল্লাহ বিন আমর ❀ কর্তৃক বর্ণিত, আল্লাহর রসূল ❀ বলেন, “পিতা-মাতাকে গালি দেওয়া অন্যতম কাবীরা গোনাহ।” লোকেরা বলল, ‘হে আল্লাহর রসূল কেউ কি তার পিতা-মাতাকে গালি দেয়?!’ তিনি বললেন, “হ্যাঁ, (সরাসরি না দিলেও) সে অপরের পিতাকে গালি দেয়, ফলে সে তার পিতাকে গালি দেয় এবং এভাবে অপরের মাতাকে গালি দেয়, ফলে সে তার মাতাকে গালি দেয়।” (বুখারী ৫৯৭৩, মুসলিম ৯০নং, আবু দাউদ, তিরমিহী)

## জ্ঞাতিবন্ধন অক্ষুন্ন রাখার মাহাত্ম্য

(৮-৩০) হযরত আবু হুরাইরা ❀ কর্তৃক বর্ণিত, আল্লাহর রসূল ❀ বলেছেন, “আল্লাহ তাআলা সৃষ্টি রচনা করলেন। অতঃপর যখন তিনি তা শেষ করলেন, তখন ‘জ্ঞাতিবন্ধন’ উঠে বলল, ‘(আমার এই দণ্ডায়মান হওয়াটা) আপনার নিকট বিচ্ছিন্নতা থেকে আশ্রয়প্রার্থীর দণ্ডায়মান হওয়া।’ আল্লাহ বললেন, ‘আচ্ছা। তুমি কি

রাজি নও যে, তোমাকে যে অক্ষুন্ন রাখবে আমিও তার সহিত সম্পর্ক রাখব, আর তোমাকে যে ছিন্ন করবে আমিও তার সহিত সম্পর্ক ছিন্ন করব?’ ‘জ্ঞাতিবন্ধন’ বলল, ‘অবশ্যই।’ আল্লাহ বললেন, তাহলে তাই তোমাকে দেওয়া হল।’ অতঃপর আল্লাহর রসূল ﷺ বললেন, ‘তোমরা চাইলে পড়ে নাও,

﴿ فَهَلْ عَسَيْتُمْ إِنْ تَوَلَّيْتُمْ أَنْ تُفْسِدُوا فِي الْأَرْضِ وَتُقَطِّعُوا أَرْحَامَكُمْ ﴾ ۝ أُولَٰئِكَ الَّذِينَ لَعَنَهُمُ اللَّهُ

﴿ فَأَصْمَمُوهُمْ وَأَعَمَّىٰ أَنْصَرَهِمْ ﴾ ۝

অর্থাৎ, ক্ষমতায় অধিষ্ঠিত হলে সম্ভবতঃ তোমরা পৃথিবীতে বিপর্যয় সৃষ্টি করবে ও জ্ঞাতিবন্ধন ছিন্ন করবে। আল্লাহ এদেরকেই অভিশাপ করেছেন, আর করেছেন বধির ও দৃষ্টি-শক্তিহীন।” (সূরা মুহাম্মাদ ২২-২৩ আয়াত) (বুখারী ৫৯৮-৭ নং মুসলিম ২৫৫৪ নং)

(৮৩১) হযরত আব্দুল্লাহ বিন সালাম ﷺ কর্তৃক বর্ণিত, আল্লাহর রসূল ﷺ বলেন, “হে মানুষ! তোমরা সালাম প্রচার কর, অন্নদান কর, জ্ঞাতি-বন্ধন অক্ষুন্ন রাখ এবং লোকেরা যখন ঘুমিয়ে থাকে তখন তোমরা নামায পড়া এতে তোমরা নির্বিঘ্নে জান্নাতে প্রবেশ করতে পারবে।” (তিরমিযী, ইবনে মাজাহ, হাকেম, সহীহ তারগীব ৬১০নং)

(৮৩২) খাযআম গোত্রের এক ব্যক্তি হতে বর্ণিত, নবী ﷺ বলেন, “আল্লাহর নিকট সবচেয়ে বেশী পছন্দনীয় আমল হল, আল্লাহর প্রতি ঈমান। অতঃপর আত্মীয়তার বন্ধন বজায় রাখা। অতঃপর সৎ কাজে আদেশ ও মন্দ কাজে বাধা দান করা। আর আল্লাহর নিকট সবচেয়ে বেশী ঘৃণিত আমল হল, তাঁর সাথে শিক করা। অতঃপর আত্মীয়তার বন্ধন ছিন্ন করা।” (সহীহুল জামে’ ১৬৬নং)

(৮৩৩) হযরত আবু সাঈদ ﷺ কর্তৃক বর্ণিত, আল্লাহর রসূল ﷺ বলেন, “গোপনে দান প্রতিপালকের ক্রোধ দূরীভূত করে, জ্ঞাতি-বন্ধন অক্ষুন্ন রাখতে আয়ু বৃদ্ধি হয়। আর পুণ্যকর্ম সর্বপ্রকার কুমরণ থেকে রক্ষা করে।” (বাইহায্বীর শূআবুল ঈমান, সহীহুল জামে ৩৭৬০ নং)

(৮৩৪) হযরত আনাস ﷺ কর্তৃক বর্ণিত, আল্লাহর রসূল ﷺ বলেন, “যে ব্যক্তি পছন্দ করে যে, তার রুযী প্রশস্ত হোক এবং আয়ুষ্কাল বৃদ্ধি হোক, সে যেন আত্মীয়তার সম্পর্ক বজায় রাখে।” (বুখারী + মুসলিম)

## রক্তের সম্পর্ক ছিন্ন করা হতে ভীতি-প্রদর্শন

আল্লাহ তাআলা বলেন,

﴿ فَهَلْ عَسَيْتُمْ إِنْ تَوَلَّيْتُمْ أَنْ تُفْسِدُوا فِي الْأَرْضِ وَتُقَطِّعُوا أَرْحَامَكُمْ ﴾ ۝ أُولَٰئِكَ الَّذِينَ لَعَنَهُمُ اللَّهُ

﴿ فَأَصْمَمُوهُمْ وَأَعَمَّىٰ أَنْصَرَهِمْ ﴾ ۝

অর্থাৎ, ক্ষমতায় অধিষ্ঠিত হলে সম্ভবতঃ তোমরা পৃথিবীতে বিপর্যয় সৃষ্টি করবে এবং আত্মীয়তার বন্ধন ছিন্ন করবে। আল্লাহ এদেরকেই অভিসম্পাত করেন এবং



করেন কালা ও অন্ধ। (সূরা মুহাম্মাদ ২২-২৩ আয়াত)

তিনি আরো বলেন,

﴿وَالَّذِينَ يَنْقُضُونَ عَهْدَ اللَّهِ مِنْ بَعْدِ مِيثَاقِهِ وَيَقْطَعُونَ مَا أَمَرَ اللَّهُ بِهِ أَنْ يُوصَلَ وَيُفْسِدُونَ فِي الْأَرْضِ أُولَئِكَ لَهُمُ اللَّعْنَةُ وَهُمْ سُوءُ الدَّارِ ﴿٢٤﴾﴾

অর্থাৎ, যারা আল্লাহর সাথে দৃঢ় অঙ্গীকারে আবদ্ধ হওয়ার পর তা ভঙ্গ করে, যে সম্পর্ক অক্ষুণ্ণ রাখতে আল্লাহ আদেশ করেছেন তা ছিন্ন করে এবং পৃথিবীতে অশান্তি সৃষ্টি করে বেড়ায় তাদেরই জন্য রয়েছে অভিশাপ এবং তাদেরই জন্য আছে নিকৃষ্ট আবাস। (সূরা রা'দ ২৫ আয়াত)

(৮৩৫) হযরত আবু হুরাইরা رضي الله عنه কর্তৃক বর্ণিত, আল্লাহর রসূল ﷺ বলেন, “যে ব্যক্তি আল্লাহতে ও পরকালে ঈমান রাখে, সে যেন তার আত্মীয়তার বন্ধন বজায় রাখে।” (বুখারী)

(৮৩৬) হযরত আয়েশা (রাযিয়াল্লাহু আনহা) কর্তৃক বর্ণিত, নবী ﷺ বলেন, “জ্ঞাতিবন্ধন (আল্লাহর) আরশে বুলানো আছে; সে বলে, ‘যে ব্যক্তি আমাকে বজায় রাখবে, সে ব্যক্তির সহিত আল্লাহ সম্পর্ক বজায় রাখবেন এবং যে ব্যক্তি আমাকে ছিন্ন করবে, সে ব্যক্তির সহিত আল্লাহও সম্পর্ক ছিন্ন করবেন।’” (বুখারী ৫৯৮৯, মুসলিম ২৫৫৫ নং)

(৮৩৭) হযরত আবু বাকরাহ رضي الله عنه কর্তৃক বর্ণিত, আল্লাহর রসূল ﷺ বলেন, “যুলুমবাজী ও (রক্তের) আত্মীয়তা ছিন্ন করা ছাড়া এমন উপযুক্ত আর কোন পাপাচার নেই যার শাস্তি পাপাচারীর জন্য দুনিয়াতেই আল্লাহ অবিলম্বে প্রদান করে থাকেন এবং সেই সাথে আখেরাতের জন্যও জমা করে রাখেন।” (আহমাদ, বুখারীর আল-আদাবুল মুফরাদ, আবু দাউদ, তিরমিযী, ইবনে মাজাহ ৪২ ১১নং, হাকেম, ইবনে হিব্বান, সহীছল জামে' ৫৭০৪নং)

(৮৩৮) হযরত জুবাইর বিন মুতইম رضي الله عنه কর্তৃক বর্ণিত, নবী ﷺ বলেন, “ছিন্নকারী জান্নাতে যাবে না।” সুফয়্যান বলেন, ‘অর্থাৎ (রক্ত-সম্পর্কীয়) আত্মীয়তার বন্ধন ছিন্নকারী।’ (বুখারী ৫৯৮৪, মুসলিম ২৫৫৬ নং, তিরমিযী)

## প্রতিবেশীর সাথে সদ্ব্যবহার করার মাহাত্ম্য

(৮৩৯) হযরত আয়েশা (রাঃ) থেকে বর্ণিত আল্লাহর রসূল ﷺ বলেন, “আত্মীয়তার বন্ধন বজায় রাখা, সুন্দর চরিত্র অবলম্বন করা এবং প্রতিবেশীর সাথে সদ্ব্যবহার রাখায় দেশ আবাদ থাকে এবং আয়ু বৃদ্ধি পায়।” (আহমাদ, সহীছল জামে' ৩৭৬৭নং)

(৮৪০) হযরত সা'দ رضي الله عنه কর্তৃক বর্ণিত, আল্লাহর রসূল ﷺ বলেন, “পুরুষের জন্য সুখ ও সৌভাগ্যের বিষয় হল চারটি; সঙ্গী নারী, প্রশস্ত বাড়ি, সৎ প্রতিবেশী এবং সচল

সওয়ারী (গাড়ি)। আর দুখ ও দুর্ভাগ্যের বিষয়ও চারটি; অসৎ প্রতিবেশী, অসতী স্ত্রী, অচল সওয়ারী (গাড়ি) এবং সংকীর্ণ বাড়ি। (সিলসিলাহ সহীহাহ ২৮-২নং)

(৮৪১) হযরত আবু হুরাইরা رضي الله عنه কর্তৃক বর্ণিত, এক ব্যক্তি বলল, ‘হে আল্লাহর রসূল! অমুক মহিলা বেশী বেশী (নফল) নামায পড়ে, রোযা রাখে ও দান-খয়রাত করে বলে উল্লেখ করা হয়; কিন্তু সে নিজ জিভ দ্বারা (অসভ্য কথা বলে বা গালি দিয়ে) প্রতিবেশীকে কষ্ট দেয়। (তার ব্যাপারে আপনার অভিমত কি?)’ তিনি বললেন, “সে দোযখে যাবে।” লোকটি আবার বলল, ‘হে আল্লাহর রসূল! অমুক মহিলা অল্প (নফল) নামায পড়ে, রোযা রাখে ও দান-খয়রাত করে বলে উল্লেখ করা হয়; কিন্তু সে নিজ জিভ দ্বারা (অসভ্য কথা বলে বা গালি দিয়ে) প্রতিবেশীকে কষ্ট দেয় না। (তার ব্যাপারে আপনার অভিমত কি?)’ তিনি বললেন, “সে বেহেশ্তে যাবে।” (আহমাদ ২/৪৪০, ইবনে হিব্বান, হাকেম ৪/১৬৬, সহীহ তারগীব ২৫৬০নং)

## প্রতিবেশীকে কষ্ট দেওয়া হতে ভীতি-প্রদর্শন

(৮৪২) হযরত আবু হুরাইরা رضي الله عنه কর্তৃক বর্ণিত, একদা আল্লাহর রসূল ﷺ বললেন, “আল্লাহর কসম! সে (পূর্ণ) মুমিন হতে পারে না। আল্লাহর কসম! সে মুমিন হতে পারে না। আল্লাহর কসম! সে মুমিন হতে পারে না!” তাঁকে জিজ্ঞাসা করা হল, ‘সে কে, হে আল্লাহর রসূল?’ তিনি উত্তরে বললেন, “যে ব্যক্তির অনিষ্টকারিতা থেকে তার প্রতিবেশী নিরাপদে থাকে না।” (বুখারী ৬০ ১৬, মুসলিম ৪৬ নং, আহমাদ ২/২৮৮)


(৮৪৩) উক্ত আবু হুরাইরা رضي الله عنه কর্তৃক বর্ণিত, আল্লাহর রসূল ﷺ বলেন, “সেই সত্তার শপথ, যাঁর হাতে আমার প্রাণ আছে! কোন বান্দা ততক্ষণ পর্যন্ত (পূর্ণ) মুমিন হতে পারে না, যতক্ষণ পর্যন্ত না সে তার প্রতিবেশী অথবা (কোন) ভায়ের জন্য তাই পছন্দ করেছে যা সে নিজের জন্য করে।” (মুসলিম ৪৫নং)

(৮৪৪) হযরত ফুয়ালাহ বিন উবাইদ رضي الله عنه কর্তৃক বর্ণিত, আল্লাহর রসূল ﷺ বলেন, “আমি কি তোমাদেরকে মুমিন কে তা বলে দেব না? (প্রকৃত মুমিন হল সেই), যার (অত্যাচার) থেকে লোকেরা নিজেদের জান-মালের ব্যাপারে নিরাপত্তা লাভ করতে পারে। (প্রকৃত) মুসলিম হল সেই ব্যক্তি, যার জিব ও হাত হতে লোকেরা শান্তি লাভ করতে পারে। (প্রকৃত) মুজাহিদ হল সেই ব্যক্তি, যে আল্লাহর আনুগত্য করতে নিজের মনের বিরুদ্ধে জিহাদ করে। আর (প্রকৃত) মুহাজির (হিজরতকারী) হল সেই ব্যক্তি, যে সমস্ত পাপাচরণকে হিজরত (বর্জন) করে।” (আহমাদ ৬/২ ১, প্রমুখ, সিলসিলাহ সহীহাহ ৫৪৯নং)

(৮৪৫) হযরত আব্দুল্লাহ বিন আমর বিন আস رضي الله عنه কর্তৃক বর্ণিত, আল্লাহর রসূল ﷺ বলেন, “যে ব্যক্তি পছন্দ করে যে, সে দোযখ থেকে নিস্তার লাভ করে বেহেশ্তে

প্রবেশ করবে সে ব্যক্তির জন্য উচিত, যেন তার মৃত্যু তার কাছে সেই সময় আসে, যে সময় সে আল্লাহতে ও পরকালে ঈমান রাখে। আর লোকেদের সাথে সেইরূপ ব্যবহার করে যে রূপ ব্যবহার সে নিজের জন্য পছন্দ করে।” (মুসলিম ১৮৪৪নং)

(৮৪৬) হযরত শুরাইহ খুযায়ী رضي الله عنه কর্তৃক বর্ণিত, নবী صلى الله عليه وسلم বলেন, “যে ব্যক্তি আল্লাহতে ও পরকালে বিশ্বাস রাখে, সে যেন নিজ প্রতিবেশীর সাথে সদ্যবহার করে। যে ব্যক্তি আল্লাহতে ও পরকালে ঈমান রাখে, সে যেন নিজ মেহমানের উত্তম কথা বলে; নচেৎ চুপ থাকে।” (মুসলিম ৪৮নং)



## বিধবা ও দুঃস্থদের দেখাশুনা করার ফযীলত

(৮৪৭) হযরত আবু হুরাইরা رضي الله عنه কর্তৃক বর্ণিত, নবী صلى الله عليه وسلم বলেন, “বিধবা ও দুঃস্থ মানুষকে দেখাশুনাকারী ব্যক্তি আল্লাহর রাস্তায় জিহাদকারীর সমতুল্য।” এক বর্ণনাকারী বলেন, আর আমার মনে হচ্ছে যে, তিনি এ কথাও বললেন, “বিরামহীন নামাযী ও বিরতিহীন রোযাদারেরও সমতুল্য।” (বুখারী ৬০০৭নং মুসলিম ২৯৮২নং)

## অনাথের তত্ত্বাবধান করার মাহাত্ম্য

মহান আল্লাহ বলেন,

﴿ فَأَمَّا الْيَتِيمَ فَلَا تَنْهَرْ ﴾

অর্থাৎ, তুমি এতীমের প্রতি রুঢ় হয়ো না। (সূরা যুহা ৯ আয়াত)

(৮৪৮) হযরত আবু দারদা কর্তৃক বর্ণিত, একদা আল্লাহর রসূল صلى الله عليه وسلم তাঁকে বললেন, “তুমি কি চাও, তোমার হৃদয় নরম হোক এবং তোমার প্রয়োজন পূরণ হোক? এতীমের প্রতি দয়া প্রদর্শন কর, তার মাথায় (সল্লেহে) হাত বুলাও, তাকে তোমার নিজের খাবার খাওয়াও, তাহলে তোমার হৃদয় নরম হবে এবং তোমার প্রয়োজন পূরণ হবে।” (ভাবারানী, সহীহুল জামে’ ৮০নং)

(৮৪৯) হযরত আয়েশা (রাযিয়াল্লাহু আনহা) কর্তৃক বর্ণিত, নবী صلى الله عليه وسلم বলেন “আমি এবং নিজের অথবা অপরের অনাথ (এতীমের) তত্ত্বাবধায়ক জান্নাতে (পাশাপাশি) থাকব। আর বিধবা ও দুঃস্থ মানুষকে দেখাশুনাকারী ব্যক্তি আল্লাহর রাস্তায় জিহাদকারীর সমতুল্য।” (ভাবারানীর আওসাত, সহীহুল জামে’ ১৪৭৬নং)

(৮৫০) হযরত সহল বিন সা’দ رضي الله عنه হতে বর্ণিত, তিনি বলেন, আল্লাহর রসূল صلى الله عليه وسلم বলেছেন, “আমি ও অনাথ (এতীমের) তত্ত্বাবধায়ক জান্নাতে এরূপ (পাশাপাশি) বাস করব।” এর সাথে তিনি তাঁর তর্জনী ও মধ্যমা অঙ্গুলি দ্বারা ইঙ্গিত করলেন এবং দুটির মাঝে একটু ফাঁক করলেন।” (বুখারী ৫৩০৪নং)

(৮৫১) হযরত খুযাইলিদ বিন উমার খুযায়ী رضي الله عنه প্রমুখাৎ বর্ণিত, নবী صلى الله عليه وسلم বলেন, “হে আল্লাহ! আমি দুই দুর্বল; এতীম ও নারীর অধিকার লংঘনে গোনাহর কথা ঘোষণা করছি।” (আহমাদ, নাসাঈ, ইবনে মাজাহ, ইবনে হিব্বান, হাকেম, সিলসিলাহ সহীহাহ ১০১৫নং)

## লিল্লাহী ভাইকে সাক্ষাৎ করার ফযীলত

(৮৫২) হযরত আবু হুরাইরা رضي الله عنه কর্তৃক বর্ণিত, আল্লাহর রসূল صلى الله عليه وسلم বলেছেন, “যে ব্যক্তি কোন রোগীকে সাক্ষাৎ করে জিজ্ঞাসাবাদ করে অথবা তার কোন লিল্লাহী (আল্লাহর সন্তষ্টি লাভের উদ্দেশ্যে ভ্রাতৃত্বস্থাপন করে সেই) ভাইকে সাক্ষাৎ করে, সে ব্যক্তিকে এক (গায়বী) আহবানকারী আহবান করে বলে, ‘সুখী হও তুমি, সুখকর

হোক তোমার ঐ যাত্রা (সাক্ষাতের জন্য যাওয়া)। আর তোমার স্থান হোক জান্নাতের প্রাসাদো” (তিরমিযী, ইবনে মাজাহ, ইবনে হিব্বান, সহীহ তিরমিযী ১৬৩৩ নং)

## মুসলিমদের প্রয়োজন পূর্ণ করার ফযীলত

(৮৫৩) হযরত আব্দুল্লাহ বিন উমার رضي الله عنه প্রমুখাৎ বর্ণিত, আল্লাহর রসূল صلى الله عليه وسلم বলেন, “আল্লাহর নিকট সবচেয়ে প্রিয়তম লোক হল সেই ব্যক্তি যে মানুষের জন্য সবচেয়ে বেশী উপকারী। আল্লাহর নিকট সবচেয়ে প্রিয়তম আমল হল, একজন মুসলিমের হৃদয়কে খুশীতে পরিপূর্ণ করা অথবা তার কোন কষ্ট দূর করে দেওয়া অথবা তার তরফ থেকে তার ঋণ আদায় করে দেওয়া অথবা (কাপড় দান করে তার ইজ্জত ঢেকে দেওয়া অথবা) তার নিকট থেকে তার ক্ষুধা দূর করে দেওয়া। মসজিদে একমাস ধরে ই’তিকার করার চাইতে আমার মুসলিম ভায়ের কোন প্রয়োজন মিটাতে যাওয়া আমার নিকট অধিক পছন্দনীয়। যে ব্যক্তি নিজ ক্রোধ সংবরণ করে নেবে, আল্লাহ তার দোষ গোপন করে নেবেন। যে ব্যক্তি নিজ রাগ সামলে নেবে; অথচ সে ইচ্ছা করলে তা প্রয়োগ করতে পারত, সে ব্যক্তির হৃদয়কে আল্লাহ কিয়ামতের দিন সন্তুষ্ট করবেন। যে ব্যক্তি তার মুসলিম ভায়ের প্রয়োজন পূর্ণ করার জন্য যাবে এবং তা পূর্ণ করে দেবে, আল্লাহ সেদিন তার পদযুগলকে সুদৃঢ় রাখবেন, যেদিন পদযুগল পিছল কাটবে। আর মন্দ চরিত্র আমলকে নষ্ট করে, যেমন সিকাঁ মধুকে নষ্ট করে ফেলে।” (সহীহ তারগীব ২০৯০, সিলসিলাহ সহীহাহ ১৪৯৪নং, সহীহুল জামে’ ১৭৬নং)

(৮৫৪) হযরত আবু হুরাইরা رضي الله عنه প্রমুখাৎ বর্ণিত, নবী صلى الله عليه وسلم বলেন, “যে ব্যক্তি কোন মুসলিম হতে তার পার্থিব বহু দুঃখ-কষ্টের মধ্যে একটিও দূর করে দেবে, আল্লাহ সেই ব্যক্তি হতে তার কিয়ামতের বহু দুঃখ-কষ্টের মধ্যে একটিকে দূরীভূত করবেন। যে (ঋণদাতা) ব্যক্তি কোন নিঃস্ব ঋণগ্রস্তকে অবকাশ (বা সহজ করে) দেবে, আল্লাহ তার জন্য ইহকাল ও পরকালে (সবকিছু) সহজ করে দেবেন। যে ব্যক্তি দুনিয়াতে কোন মুসলিমের দোষত্রুটি গোপন করে নেবে, আল্লাহ তার দোষত্রুটিকে দুনিয়া ও আখেরাতে গোপন করে নেবেন। আর আল্লাহ তাঁর বান্দার সহায় থাকেন যতক্ষণ বান্দা তার ভায়ের সাহায্যে থাকে।---” (মুসলিম ২৬৯৯ নং)

## রোগীকে সাক্ষাৎ করে সান্ত্বনা দেওয়ার ফযীলত

(৮৫৫) হযরত আবু হুরাইরা رضي الله عنه হতে বর্ণিত, আল্লাহর রসূল صلى الله عليه وسلم বলেছেন, “আল্লাহ আযযা অজাল্ল কিয়ামতের দিন বলবেন, ‘হে আদম সন্তান! আমি অসুস্থ ছিলাম অথচ তুমি আমাকে সাক্ষাৎ করনি!’ মানুষ বলবে, ‘হে আমার প্রতিপালক! কেমন করে আপনার (অসুস্থতা ও) সাক্ষাৎ সম্ভব ছিল, কারণ আপনি তো

বিশ্বজাহানের পালনকর্তা!’ আল্লাহ বলবেন, ‘তুমি কি জানতে না, আমার অমুক বান্দা অসুস্থ ছিল? তুমি তো তাকে সাক্ষাৎ করে সান্ত্বনা দাও নি। তুমি কি জানতে না যে, যদি তুমি তাকে সাক্ষাৎ করতে তাহলে তার নিকটেই আমাকেও পেতে?’

(আল্লাহ আরো বলবেন,) ‘হে আদম সন্তান! আমি তোমার নিকট অন্ন ভিক্ষা করেছিলাম, কিন্তু তুমি আমাকে অন্নদান করনি!’ মানুষ বলবে, ‘হে প্রভু! কেমন করে আপনাকে অন্নদান করতাম? আপনি তো সারা জাহানের পালনকর্তা!’ আল্লাহ বলবেন, ‘তুমি কি জানতে না, আমার অমুক বান্দা তোমার নিকট অন্ন ভিক্ষা করেছিল? কিন্তু তুমি তাকে অন্ন দান করনি। তুমি কি জানতে না যে, যদি তুমি তাকে অন্ন দান করে থাকতে তাহলে তা আমার নিকট পেয়ে যেতে?’

(আল্লাহ আরো বলবেন,) ‘হে আদম সন্তান! আমি তোমার নিকট পিপাসায় পানি চেয়েছিলাম। কিন্তু তুমি আমাকে পানি পান করাওনি!’ মানুষ বলবে, ‘হে আমার প্রতিপালক! কেমন করে আপনাকে পানি পান করাতাম? আপনি তো সারা বিশ্বের পালনকর্তা!’ আল্লাহ বলবেন, ‘আমার অমুক বান্দা তোমার নিকট পিপাসায় পানি ভিক্ষা করেছিল। কিন্তু তুমি তাকে পান করাওনি। তুমি কি জানতে না যে, যদি তুমি তাকে পানি পান করাতে তাহলে তা আমার নিকট পেয়ে যেতে?’ (মুসলিম ২৫৬৯ নং)

(৮৫৬) হযরত আলী رضي الله عنه কর্তৃক বর্ণিত, নবী صلى الله عليه وسلم বলেন, “যখনই কোন ব্যক্তি সন্ধ্যাবেলায় কোন রোগীকে সাক্ষাৎ করতে যায়, তখনই তার সহিত ৭০ হাজার ফিরিশ্তা বের হয়ে সকাল পর্যন্ত তার জন্য আল্লাহর নিকট ক্ষমা প্রার্থনা করতে থাকে। আর যে ব্যক্তি সকালবেলায় রোগীকে দেখা করতে আসে সে ব্যক্তির সহিতও ৭০ হাজার ফিরিশ্তা বের হয়ে সন্ধ্যা পর্যন্ত তার জন্য আল্লাহর নিকট ক্ষমা প্রার্থনা করতে থাকে।” (আহমাদ, ইবনে মাজাহ, বাইহাকী, প্রমুখ, সহীহুল জামে’ ৫৭১৭ নং)

## রোগীর নিকট রোগীর জন্য বিশেষ দুআর ফযীলত

(৮৫৭) হযরত ইবনে আক্বাস رضي الله عنه হতে বর্ণিত, নবী صلى الله عليه وسلم বলেছেন, “মৃত্যু উপস্থিত হয়নি এমন রোগীকে সাক্ষাৎ করে ৭ বার নিম্নের দুআ বললে, আল্লাহ ঐ রোগ থেকে ঐ রোগীকে নিরাপত্তা দান করেন;

উচ্চারণঃ- আসআলুলা-হাল আযীম, রাব্বাল আরশিল আযীম, আই য্যাশফিয়াক।”

অর্থাৎ-আমি মহান আল্লাহ, মহা আরশের অধিপতির নিকট প্রার্থনা করি যে, তিনি তোমাকে (এই রোগ হতে) নিরাময় করুন। (আবু দাউদ, তিরমিযী, ইবনে হিব্বান হাকেম, সহীহ আবু দাউদ ২৬৬৩ নং)



“অশ্লীলতা (নির্লজ্জতা) যে বিষয়ে থাকে সে বিষয়কে তা সৌন্দর্যহীন (ম্লান) করে ফেলে। আর লজ্জাশীলতা যে বিষয়ে থাকে সে বিষয়কে তা সৌন্দর্যময় (মনোহর) করে তোলে।” (সহীহ তিরমিযী ১৬০৭ নং, ইবনে মাজাহ)

(৮৬৫) হযরত আবু মাসউদ رضي الله عنه হতে বর্ণিত, আল্লাহর রসূল ﷺ বলেন, “প্রথম নবুঅতের বাণীসমূহের যা লোকেরা পেয়েছে তার মধ্যে একটি বাণী এই যে, তোমার লজ্জা না থাকলে যা মন তাই করা।” (আহমাদ, বুখারী, আবু দাউদ, ইবনে মাজাহ, সহীহুল জামে ২২৩০নং)

(৮৬৬) হযরত আনাস رضي الله عنه ও ইবনে আব্বাস رضي الله عنه হতে বর্ণিত, আল্লাহর রসূল ﷺ বলেন, “প্রত্যেক ধর্মে সচ্চরিত্রতা আছে, ইসলামের সচ্চরিত্রতা হল লজ্জাশীলতা।” (ইবনে মাজাহ, সহীহুল জামে ২১৪৯নং)

(৮৬৭) হযরত ইমরান বিন হুসাইন رضي الله عنه হতে বর্ণিত, আল্লাহর রসূল ﷺ বলেন, “লজ্জার সবটুকুই মঙ্গলময়।” “লজ্জা কেবল মঙ্গলই আনয়ন করে।” (বুখারী, মুসলিম, সহীহুল জামে ৩১৯৬, ৩২০২নং)

## বিনয়-নম্রতার মাহাত্ম্য

মহান আল্লাহ বলেন,

﴿فَبِمَا رَحْمَةٍ مِّنَ اللَّهِ لِنْتَ لَهُمْ ۗ وَلَوْ كُنْتَ فَظًّا غَلِيظَ الْقَلْبِ لَانفَضُّوا مِن حَوْلِكَ﴾

অর্থাৎ, আল্লাহর রহমতে তুমি তাদের প্রতি কোমল-চিন্ত হয়েছিলে, অন্যথা যদি তুমি রূঢ় ও কঠোর-হৃদয় হতে, তাহলে তারা তোমার আশপাশ হতে সরে পড়ত। (সূরা আলে ইমরান ১৫৯ আয়াত)

(৮৬৮) হযরত আয়েশা (রাঃ) প্রমুখাৎ বর্ণিত, আল্লাহর রসূল ﷺ বলেন, “নিশ্চয় আল্লাহ কৃপাময়। তিনি সকল বিষয়ে নম্রতা ও কৃপা পছন্দ করেন।” (বুখারী ৬০২৪, মুসলিম ২১৬৫নং)

মুসলিম শরীফের এক বর্ণনায় তিনি বলেন, “নিশ্চয় আল্লাহ কৃপাময়। তিনি নম্রতা পছন্দ করেন। আর নম্রতার উপর যা প্রদান করেন তা কঠোরতার উপর বরং এ ব্যতীত অন্য কিছু উপর প্রদান করেন না।” (মুসলিম ২৫৯৩ নং)

(৮৬৯) হযরত আয়েশা (রাঃ) প্রমুখাৎ বর্ণিত, নবী ﷺ বলেন, “নম্রতা যে বিষয়ে থাকে সে বিষয়কে তা সৌন্দর্যমন্ডিত (মনোহর) করে তোলে। আর যে বিষয় থেকে তা তুলে নেওয়া হয়, সে বিষয়কে সৌন্দর্যহীন (ম্লান) করে ফেলে।” (মুসলিম ২৫৯৪, আবু দাউদ ৪৮০৮নং)

(৮৭০) হযরত জারীর বিন আব্দুল্লাহ رضي الله عنه কর্তৃক বর্ণিত, আল্লাহর রসূল ﷺ বলেন, “যে নম্রতা থেকে বঞ্চিত, সে সকল মঙ্গল থেকে বঞ্চিত।” (মুসলিম ২৫৯২, আবু দাউদ ৪৮০৯নং)



(৮৭১) হযরত ইবনে মাসউদ رضي الله عنه থেকে বর্ণিত, আল্লাহর রসূল ﷺ বলেন, “আমি কি তোমাদেরকে এমন লোকের কথা বলে দেব না, যে জাহান্নামের জন্য অথবা জাহান্নাম যার জন্য হারাম হবে? প্রত্যেক জনপ্রিয়, সরল, বিনম্র ও অকুটিল লোকের জন্য জাহান্নাম হারাম।” (তিরমিযী ২৪৮৮, সহীহুল জামে’ ২৬০৯নং)

(৮৭২) হযরত আয়েয বিন আমর رضي الله عنه হতে বর্ণিত, আল্লাহর রসূল ﷺ বলেন, “নিকৃষ্ট রাখাল হল সেই, যে রাখালিতে বড় কঠোর।” (মুসলিম ১৮৩০নং)

(৮৭৩) হযরত আবু হুরাইরা رضي الله عنه প্রমুখাৎ বর্ণিত, আল্লাহর রসূল ﷺ বলেন, “দান-খয়রাত ধন-সম্পদ কমিয়ে দেয় না। বান্দা (অপরকে) ক্ষমা প্রদর্শন করলে আল্লাহ তার সম্মান বর্ধন করেন। আর আল্লাহর ওয়াস্তে যে ব্যক্তি বিনয়াবনত হয় আল্লাহ তাকে সুউন্নত করেন।” (মুসলিম ২৫৮৮ নং প্রমুখ)

(৮৭৪) হযরত আবু হুরাইরা رضي الله عنه (ও ইবনে আব্বাস رضي الله عنه) প্রমুখাৎ বর্ণিত, আল্লাহর রসূল ﷺ বলেন, “প্রত্যেক মানুষের মাথায় লাগামের কড়িয়াল (মর্যাদা) আছে এক ফিরিশ্তার হাতে। যখন মানুষ বিনয়ী হয়, তখন ফিরিশ্তাকে বলা হয় যে, তুমি ওর (কড়িয়াল তুলে ধর, অর্থাৎ ওকে নিয়ন্ত্রণে রাখ এবং ওর) মর্যাদা উন্নীত কর। আর যখন সে অহংকারী হয়, তখন তাঁকে বলা হয় যে, ওর (কড়িয়াল ছেড়ে দাও, অর্থাৎ ওকে নিয়ন্ত্রণে রেখ না এবং ওর) মর্যাদা অবনত কর।” (বখযার, আবাবানী, সহীহুল জামে’ ৫৬৭নং)

## গর্ব ও অহংকার হতে ভীতি-প্রদর্শন

আল্লাহ তাআলা বলেন,

﴿ إِنَّهُ لَا يُحِبُّ الْمُسْتَكْبِرِينَ ﴾

অর্থাৎ, তিনি অহংকারীকে পছন্দ করেন না। (সূরা নাহল ২৩ আয়াত)

﴿ وَلَا تُصَعِّرْ خَدَّكَ لِلنَّاسِ وَلَا تَمْشِ فِي الْأَرْضِ مَرَحًا إِنَّ اللَّهَ لَا يُحِبُّ كُلَّ مُخْتَالٍ فَخُورٍ ﴾

অর্থাৎ, তুমি (অহংকারবশে) মানুষকে মুখ বাঁকায়ো না (অবজ্ঞা করো না) এবং পৃথিবীতে উদ্ধতভাবে বিচরণ করো না। নিশ্চয় আল্লাহ কোন দাম্ভিক অহংকারীকে ভালোবাসেন না। (সূরা নুহুমান ১৮ আয়াত)

(৮৭৫) হযরত আবু সাঈদ খুদরী رضي الله عنه ও হযরত আবু হুরাইরা رضي الله عنه প্রমুখাৎ বর্ণিত, আল্লাহর রসূল ﷺ বলেছেন, “আল্লাহ আযযা অজাল্ল বলেন, “গৌরব ও গর্ব খাস আমার গুণ। সুতরাং যে তাতে আমার অংশী হতে চাইবে আমি তাকে শাস্তি দেব।” (মুসলিম ২৬২০নং)

(৮৭৬) হযরত হারেসাহ বিন অহাব رضي الله عنه কর্তৃক বর্ণিত, তিনি বলেন, আমি আল্লাহর রসূল ﷺ-কে বলতে শুনেছি যে, “আমি তোমাদেরকে দোষখবাসী কারা তা বলে দেব না কি? প্রত্যেক রূঢ়-স্বভাব, দাম্ভিক, অহংকারী ব্যক্তি।” (বুখারী ৪৯১৮, মুসলিম ২৮৫৩ নং)



﴿وَلَمَن صَبَرَ وَغَفَرَ إِنَّ ذَٰلِكَ لَمِنَ عَزْمِ الْأُمُورِ﴾

অর্থাৎ, কেউ স্বেচ্ছা ধারণ করলে এবং ক্ষমা করে দিলে, তা হবে বীরত্বের কাজ। (সূরা শূরা ৪৩ আয়াত)

(৮৮১) হযরত ইবনে আব্বাস رضي الله عنه হতে বর্ণিত, তিনি বলেন, আল্লাহর রসূল صلى الله عليه وسلم আব্দুল কাইস গোত্রের সর্দার আশাজ্জকে বললেন, “তোমার মধ্যে এমন দুটি গুণ রয়েছে যা আল্লাহ তাআলা পছন্দ করেন; সুবিবেক বা (সহনশীলতা) ও ধীরতা।” (মুসলিম ১৮ নং)

(৮৮২) হযরত সহল বিন মুআয তাঁর পিতা হতে বর্ণনা করেন যে, আল্লাহর রসূল صلى الله عليه وسلم বলেছেন, “যে ব্যক্তি কোন প্রকার ক্রোধ সংবরণ করে, যা সে প্রয়োগ করতে সমর্থ, আল্লাহ তাকে সৃষ্টির মাঝে আহ্বান করবেন এবং তার ইচ্ছামত (বেহেশুর) সুনয়না হুরী গ্রহণ করতে এখতিয়ার দেবেন।” (তিরমিযী, ইবনে মাজাহ, সহীহ আবু দাউদ ৩৯৯৭ নং)

(৮৮৩) হযরত আবু হুরাইরা رضي الله عنه প্রমুখাৎ বর্ণিত, আল্লাহর রসূল صلى الله عليه وسلم বলেছেন, “শক্তিশালী (বা বীর) সে নয় যে কুস্তীতে জয়লাভ করে। বরং প্রকৃত শক্তিশালী (বা বীর) হল সেই ব্যক্তি যে ক্রোধের সময় নিজেকে সামলে নিতে পারে।” (আহমাদ, বুখারী, মুসলিম ২৬০৯, মিশকাত ৫১০৫নং)

(৮৮৪) হযরত আবু হুরাইরা رضي الله عنه প্রমুখাৎ বর্ণিত, একদা এক ব্যক্তি নবী صلى الله عليه وسلم-এর নিকট এসে আরজ করল, ‘(হে আল্লাহর রসূল!) আমাকে অসিয়ত (খাস উপদেশ) করুন।’ আল্লাহর রসূল صلى الله عليه وسلم বললেন, “তুমি রাগ করো না।” অতঃপর দ্বিতীয় ও তৃতীয়বার অসিয়ত চাইলে তিনি তাকে ঐ একই অসিয়ত করে বলেন, “তুমি রাগ করো না।” (বুখারী ৬১১৬নং)

(৮৮৫) হযরত আবু যার رضي الله عنه প্রমুখাৎ বর্ণিত, আল্লাহর রসূল صلى الله عليه وسلم বলেছেন, “তোমাদের মধ্যে যখন কেউ রেগে যাবে, তখন সে দাঁড়িয়ে থাকলে যেন বসে যায়। এতে তার রাগ দূরীভূত হলে ভাল, নচেৎ সে যেন শুয়ে যায়।” (আহমাদ, আবু দাউদ, ইবনে হিব্বান, সহীহুল জামে ৬৯৪নং)

(৮৮৬) হযরত ইবনে আব্বাস رضي الله عنه প্রমুখাৎ বর্ণিত, আল্লাহর রসূল صلى الله عليه وسلم বলেছেন, “যখন তোমাদের কেউ রেগে যাবে, তখন সে যেন চুপ থাকে।” (আহমাদ, সহীহুল জামে ৬৯৩নং)

(৮৮৭) হযরত সুলাইমান বিন সুরাদ رضي الله عنه প্রমুখাৎ বর্ণিত, একদা নবী صلى الله عليه وسلم-এর কাছে দুই ব্যক্তি গালাগালি করলে ওদের মধ্যে একজনের রাগ চরমে উঠে সে লাল হয়ে গেল। তিনি বললেন, “আমি এমন একটি মন্ত্র জানি, তা পাঠ করলে ওর রাগ দূর হয়ে যাবে; ‘আউযু বিল্লাহি মিনাশ শায়তানির রাজীম।’” (বুখারী ৫১১৫, মুসলিম ২৬১০নং)

## অপরাধীকে ক্ষমা করার মাহাত্ম্য

(৮৮৮) হযরত উবাদাহ বিন সামেত رضي الله عنه হতে বর্ণিত, তিনি বলেন, আমি আল্লাহর

রসূল ﷺ-এর নিকট শুনেছি, তিনি বলেছেন, “যে ব্যক্তির দেহ (কারো অত্যাচারের ফলে) ক্ষতবিক্ষত হয়, অতঃপর তা সে সদকা করে দেয়, (অর্থাৎ, অত্যাচারীকে ক্ষমা করে দেয়) আল্লাহ তাআলা অনুরূপ তার পাপ খন্ডন করে দেন যেরূপ সে (ক্ষমা প্রদর্শন করে যে পরিমাণে) সদকা করে থাকে।” (আহমাদ, সহীছল জামে’ ৫৭১২নং)

## দুর্বলশ্রেণীর মানুষ ও জীব-জন্তুর প্রতি দয়া প্রদর্শনের মাহাত্ম্য

(৮৮৯) হযরত আব্দুল্লাহ বিন আমর বিন আস رضي الله عنه কর্তৃক বর্ণিত, আল্লাহর রসূল ﷺ বলেন, “দয়র্দ্র মানুষদেরকে পরম দয়াময় (আল্লাহ) দয়া করেন। তোমরা জগদ্বাসীর প্রতি দয়া প্রদর্শন কর তাহলে তিনি তোমাদের প্রতি দয়া করবেন যিনি আকাশে আছেন।” (তিরমিযী, সহীহ আবু দাউদ ৪১৩২ নং)

(৮৯০) হযরত আবু হুরাইরা رضي الله عنه হতে বর্ণিত, আল্লাহর রসূল ﷺ বলেন, “এক ব্যক্তি এক কুয়ার নিকটবর্তী হয়ে তাতে অবতরণ করে পানি পান করল। অতঃপর উঠে দেখল, কুয়ার পাশে একটি কুকুর (পিপাসায়) জিহ্বা বের করে হাঁপাচ্ছে। তার প্রতি লোকটির দয়া হল। সে তার পায়ের একটি (চর্মনির্মিত) মোজা খুলে (কুয়াতে নেমে তাতে পানি ভরে এনে) কুকুরটিকে পান করাল। ফলে আল্লাহ তার এই কাজের প্রতিদান স্বরূপ তাকে জান্নাতে প্রবেশ করালেন।”

লোকেরা বলল, ‘হে আল্লাহর রসূল! জীব-জন্তুর প্রতি দয়াপ্রদর্শনেও কি আমাদের সওয়াব আছে? তিনি বললেন, “প্রত্যেক সজীব প্রাণবিশিষ্ট জীবের (প্রতি দয়াপ্রদর্শনে) সওয়াব বিদ্যমান।” (বুখারী ২৪৬৬ নং মুসলিম ২২৪৪ নং)

## শরয়ী কারণ ছাড়া অকারণে আল্লাহর সৃষ্টিকে কষ্ট দেওয়া হতে ভীতি-প্রদর্শন

(৮৯১) হযরত জারীর বিন আব্দুল্লাহ رضي الله عنه কর্তৃক বর্ণিত, আল্লাহর রসূল ﷺ বলেন, “যে ব্যক্তি মানুষকে দয়া প্রদর্শন করে না, সে ব্যক্তিকে আল্লাহও দয়া করেন না।” (বুখারী ৬০১৩, মুসলিম ২৩১৯ নং, তিরমিযী)

(৮৯২) হযরত আবু হুরাইরা رضي الله عنه হতে বর্ণিত, তিনি বলেন, আমি সত্যনিষ্ঠ ও বিশ্বস্ত এই হুজরা-ওয়াল্লা আবুল কাসেম رضي الله عنه-কে বলতে শুনেছি যে, “দুর্ভাগা ছাড়া অন্য কারো (হৃদয়) থেকে দয়া, ছিনিয়ে নেওয়া হয় না।” (আহমাদ, ২/৩০১, আবু দাউদ ৪৯৪২, তিরমিযী, ইবনে হিব্বান, সহীছল জামে’ ৭৪৬৭নং)

(৮৯৩) হযরত ইবনে উমার رضي الله عنه কর্তৃক বর্ণিত, তিনি কুরাইশের একদল তরুণের নিকট বেয়ে পার হয়ে (কোথাও) যাচ্ছিলেন; সে সময় তারা একটি পাখি অথবা

মুরগীকে বেঁধে রেখে তাকে লক্ষ্যবস্তু বানিয়ে তীর ছুঁড়ে হাতের নিশান ঠিক করা শিক্ষা করছিল। আর (মুরগী বা) পাখি-ওয়ালার সাথে এই চুক্তি করেছিল যে, যে তীর লক্ষ্যচ্যুত হবে সে তীর তার হয়ে যাবে। ওরা ইবনে উমার رضي الله عنه-কে দেখতে পেয়ে এদিক-ওদিক সরে পড়ল। ইবনে উমার رضي الله عنه বললেন, ‘কে এ কাজ করেছে? যে এ কাজ করেছে আল্লাহ তাকে অভিশাপ করুন। অবশ্যই আল্লাহর রসূল صلى الله عليه وسلم সেই ব্যক্তিকে অভিশাপ করেছেন, যে ব্যক্তি কোন জীবকে (অকারণে তার তীরের) নিশানা বানায়া। (বুখারী ৫৫১৫, মুসলিম ১৯৫৮ নং, হাদীসের শব্দগুচ্ছ ইমাম মুসলিমেরা)

(৮৯৪) উক্ত ইবনে উমার رضي الله عنه হতে বর্ণিত, আল্লাহর রসূল صلى الله عليه وسلم বলেন, “একজন মহিলা একটি বিড়ালের কারণে জাহান্নামে গেছে; যাকে সে বেঁধে রেখে খেতে দেয়নি এবং ছেড়েও দেয়নি; যাতে সে নিজে স্থলচর কীটপতঙ্গ ধরে খেত।”

অন্য এক বর্ণনায় আছে যে, “একটি বিড়ালের কারণে একজন মহিলাকে আযাব দেওয়া হয়েছে; যাকে সে বেঁধে রেখেছিল এবং অবশেষে মারাও গিয়েছিল। সে যখন তাকে বেঁধে রেখেছিল তখন খেতেও দেয়নি ও পান করতেও দেয়নি। আর তাকে ছেড়েও দেয়নি; যাতে সে নিজে স্থলচর কীটপতঙ্গ (গঙ্গাফড়িং) ধরে খেত।” (বুখারী ২৩৬৫, ৩৪৮-২, মুসলিম ২২৪২নং)

(৮৯৫) হযরত ইবনে আব্বাস رضي الله عنه কর্তৃক বর্ণিত, একদা নবী صلى الله عليه وسلم একটি গাধার পাশ বেয়ে পার হলেন। গাধাটির মুখে দাগার দাগ দেখে তিনি বললেন, “আল্লাহ তাকে অভিশাপ করুন, যে একে দেগেছে।” (মুসলিম ২১১৬নং)

(৮৯৬) হযরত আবু হুরাইরা رضي الله عنه কর্তৃক বর্ণিত, তওবার নবী আবুল কাসেম رضي الله عنه বলেন, “যে ব্যক্তি তার অধিকারভুক্ত দাসকে কিছুর অপবাদ দেয় -অথচ সে যা বলছে তা হতে দাস পবিত্র- সে ব্যক্তিকে কিয়ামতের দিন কোড়া মারা হবে। তবে সে যা বলেছে তা সত্য হলে (এ শাস্তি তার হবে না)।” (বুখারী ৬৮৫৮, মুসলিম ১৬৬০ নং, তিরমিযী, আবু দাউদ)

(৮৯৭) হযরত মা'রুর বিন সুয়াইদ বলেন, একদা আবু যার رضي الله عنه-কে (মদীনার নিকটবর্তী একটি জায়গা) রাবাযায় দেখলাম, তাঁর গায়ে ছিল মোটা চাদর। আর তাঁর গোলামের গায়েও ছিল অনুরূপ চাদর। তা দেখে সকলে বলল, ‘হে আবু যার! আপনি যদি গোলামের গায়ের ঐ চাদরটাও নিতেন এবং দু’টিকে একত্রে করতেন তাহলে একটি জোড়া হয়ে যেত। আর গোলামকে অন্য একটি কাপড় দিয়ে দিতেন।’

আবু যার رضي الله عنه বললেন, ‘আমি একজন (গোলাম)কে গালি দিয়েছিলাম। তার মা ছিল অনারবীয়। ঐ মা ধরে তাকে বিদ্রূপ করেছিলাম। সে আল্লাহর রসূল صلى الله عليه وسلم-এর নিকট আমার বিরুদ্ধে নালিশ করল। এর ফলে তিনি আমাকে বললেন, “হে আবু যার! নিশ্চয় তুমি এমন লোক; যার মধ্যে জাহেলিয়াত আছে।” অতঃপর তিনি বললেন, “ওরা (দাসগণ) তো তোমাদের ভাই। (তোমাদের মতই মানুষ।) আল্লাহ ওদের উপর তোমাদেরকে শ্রেষ্ঠত্ব দান করেছেন। অতএব যে দাস তোমাদের মনমত

হবে না তাকে বিক্রয় করে দাও। আর আল্লাহর সৃষ্টিকে কষ্ট দিও না।” (আবু দাউদ ৫১৫৭নং)

অন্য এক বর্ণনায় আছে, আল্লাহর রসূল ﷺ ঐ সময় আবু যার্ব ﷺ-কে বলেছিলেন, “নিশ্চয় তুমি এমন লোক; যার মধ্যে জাহেলিয়াত আছে।” আবু যার্ব বললেন, ‘আমার বৃদ্ধ বয়সের এই সময়েও?’ তিনি বললেন, “হ্যাঁ, ওরা তোমাদের ভাই স্বরূপ। আল্লাহ তাদেরকে তোমাদের মালিকানাধীন করে দিয়েছেন। সুতরাং যে ব্যক্তির ভাইকে আল্লাহ তার মালিকানাধীন করেছেন, সে ব্যক্তি যেন তাকে (দাসকে) তাই খাওয়ায়; যা সে নিজে খায়, তাই পরায় যা সে নিজে পরে এবং এমন কাজের যেন ভার না দেয়, যা করতে সে সক্ষম নয়। পরন্তু যদি সে এমন দুঃসাধ্য কাজের ভার দিয়েই ফেলে, তবে তাতে যেন তাকে সহযোগিতা করে।” (বুখারী ৬০৫০, মুসলিম ১৬৬১নং)

(৮৯৮) হযরত আব্দুল্লাহ বিন উমার ﷺ কর্তৃক বর্ণিত, তাঁর নিকট তাঁর খাজাঞ্চী এলে তিনি তাকে জিজ্ঞাসা করলেন, “গোলামদেরকে তাদের আহর দিয়েছে কি?’ খাজাঞ্চী বলল, ‘না।’ তিনি বললেন, ‘যাও, তাদেরকে তা দিয়ে দাও। আল্লাহর রসূল ﷺ বলেছেন, “মানুষের পাপী হওয়ার জন্য এতটুকুই যথেষ্ট যে, সে যার আহরের দায়িত্বশীল তাকে তা (না দিয়ে) আটকে রাখে।” (মুসলিম ৯৯৬নং)

❀ বলা বাহুল্য, আল্লাহর সৃষ্টিকে কষ্ট দেওয়ার এ তো কতিপয় নমুনামাত্র। এ ছাড়াও যত রকমের কষ্ট দেওয়া হয় সবই হারাম। দাস-দাসী কোন অসাধ্য কাজ না পারলে তাকে মারধর করা, গরু-মহিষ গাড়ি টানতে বা হাল বইতে না পারলে অতিরিক্ত মারপিট করা ইত্যাদি হারাম। যেমন, যে কথা দ্বারা কষ্ট পাবে তাকে কথা দ্বারা আঘাত করাও আল্লাহর সৃষ্টিকে কষ্ট দেওয়ায় শামিল।

বলাই বাহুল্য যে, ইসলাম হল দয়া ও রহমতের ধর্ম। আমাদের প্রতিপালক দয়াবান, আমাদের নবী দয়াবান এবং মুসলিমরা আপোসেও একে অন্যের প্রতি দয়াবান। আর দয়াবান আল্লাহ দয়াবান মানুষকে দয়া করে থাকেন।



## মুসলিমের দোষ-ত্রুটি গোপন করার মাহাত্ম্য

(৮৯৯) হযরত আবু হুরাইরা ﷺ কর্তৃক বর্ণিত, আল্লাহর রসূল ﷺ বলেন, “দুনিয়াতে বান্দা (অপরের) দোষ-ত্রুটি গোপন করলে কিয়ামতের দিন আল্লাহ তার দোষ-ত্রুটি গোপন করে নেবেন।” (মুসলিম ২৫৯০ নং)

(৯০০) হযরত ইবনে উমার ﷺ বলেন, একদা আল্লাহর রসূল ﷺ মিশরে চড়ে উচ্চশব্দে বলেন, “হে (মুনাফেকের দল!) যারা মুখে মুসলমান হয়েছ এবং যাদের

অন্তরে এখনও ঈমান প্রবেশ করেনি (তারা শোন), তোমরা মুসলিমদেরকে কষ্ট দিও না, তাদেরকে লাঞ্ছিত করো না ও তাদের ছিদ্রান্বেষণ করো না। যেহেতু যে ব্যক্তি তার মুসলিম ভায়ের দোষ অনুসন্ধান করে আল্লাহ তার দোষ অনুসন্ধান করেন। আর আল্লাহ যার দোষ অনুসন্ধান করেন (অর্থাৎ গোপন না করেন) তিনি তাকে অপদম্ব করেন; যদিও সে নিজ গৃহাভ্যন্তরে থাকে।” (তিরমিযী ২০৩২নং)

(৯০১) হযরত আবু হুরাইরা رضي الله عنه কর্তৃক বর্ণিত, আল্লাহর রসূল ﷺ বলেন, “তোমরা ধারণা করা থেকে দূরে থাক। কারণ, ধারণা সবচেয়ে বড় মিথ্যা কথা। তোমরা জাসুসী করো না, গুপ্ত খবর জানার চেষ্টা করো না, পরস্পর প্রতিদ্বন্দ্বিতা করো না, হিংসা করো না, বিদ্বেষ রেখো না, একে অন্যের পিছনে পড়ো না (পরস্পর শত্রুভাবাপন্ন হয়ে না), তোমরা আল্লাহ বান্দা ভাই-ভাই হয়ে যাও।---” (মালেক, আহমাদ, বুখারী, মুসলিম, আবু দাউদ, তিরমিযী, সহীহুল জামে ২৬৭৯নং)

### কারো মুখোমুখি প্রশংসা করা হতে ভীতি-প্রদর্শন

(৯০২) হযরত আবু বাকরাহ رضي الله عنه বলেন, নবী ﷺ-এর নিকট এক ব্যক্তি এক জনের মুখোমুখি প্রশংসা করলে তিনি বললেন, “হায় হায়! তুমি তোমার সাথীর গর্দান কেটে ফেললে!” এইরূপ বারবার বলার পর তিনি বললেন, “তোমাদের মধ্যে যদি কাউকে একান্তই তার সাথীর প্রশংসা করতে হয়, তাহলে সে যেন বলে, আমি ওকে এইরূপ মনে করি’ -যদি জানে যে সে প্রকৃতই এরূপ- ‘এবং আল্লাহ ওর হিসাবগ্রহণকারী।’ আর আল্লাহর জ্ঞানের উপর কারো প্রশংসা (সার্টিফাই) করি না।” (বুখারী, মুসলিম ৩০০০নং)

(৯০৩) হযরত আবু মুসা رضي الله عنه বলেন, একদা নবী ﷺ এক ব্যক্তিকে অপর এক ব্যক্তির (সামনা-সামনি) অতিরিক্ত সীমাহীন তারীফ করতে শুনে বললেন, “তুমি লোকটার পৃষ্ঠ কর্তন অথবা তাকে ধ্বংস করে ফেললে।” (মুসলিম ৩০০১নং)

(৯০৪) হযরত হাম্মাম বিন হারেষ (রঃ) বলেন, এক ব্যক্তি হযরত ওযমান رضي الله عنه-এর সামনেই তাঁর প্রশংসা শুরু করলে মিকদাদ হাঁটুর উপর ভর করে চলে তার মুখে কঁাকর ছিটাতে শুরু করলেন। ওযমান তাঁকে বললেন, ‘কি ব্যাপার তোমার?’ বললেন, ‘রসূল ﷺ বলেছেন, “তোমরা (মুখোমুখি) প্রশংসাকারীদের দেখলে তাদের মুখে ধুলো ছিটিয়ে দিও।” (মুসলিম ৩০০২নং)

(৯০৫) হযরত মুআবিয়া رضي الله عنه কর্তৃক বর্ণিত, আল্লাহর রসূল ﷺ বলেন, “মুখোমুখি প্রশংসা করা ও নেওয়া হতে দূরে থাক, কারণ তা যবাই।” (সহীহুল জামে ২৬৭৪নং)

### সন্ধি-স্থাপনের গুরুত্ব





﴿وَإِذَا حُيِّمُ بِتَحِيَّةٍ فَحَيُّوا بِأَحْسَنَ مِنْهَا أَوْ رُدُّوهَا﴾

অর্থাৎ, আর যখন তোমাদেরকে অভিবাদন করা হয়, তখন তোমরাও তা অপেক্ষা উত্তম অভিবাদন করবে অথবা অনুরূপই করবে। (সূরা নিসা ৮৬)

(৯০৯) হযরত আনাস رضي الله عنه প্রমুখাৎ বর্ণিত, তিনি বলেন আল্লাহর রসূল صلى الله عليه وسلم আমাকে বলেন, “বেটা! তুমি তোমার পরিবারে প্রবেশ করলে সালাম দিও; এতে তোমার ও তোমার পরিবারের জন্য বর্কত হবে।” (তিরমিযী ২৬৯৮-নং)

(৯১০) হযরত আমর বিন আস رضي الله عنه হতে বর্ণিত, এক ব্যক্তি আল্লাহর রসূল صلى الله عليه وسلم-কে জিজ্ঞাসা করল যে, ‘কোন ইসলাম উত্তম? (ইসলামের কোন কোন কাজ উত্তম কাজ?) উত্তরে তিনি বললেন, “(অভাবীকে) খাদ্যাদান করা এবং পরিচিত-অপরিচিত সবাইকে সালাম দেওয়া।” (বুখারী ৬২৩৬, মুসলিম ৩৯নং)

(৯১১) হযরত আবু হুরাইরা رضي الله عنه প্রমুখাৎ বর্ণিত, আল্লাহর রসূল صلى الله عليه وسلم বলেন, “তোমরা ততক্ষণ পর্যন্ত বেহেস্তে প্রবেশ করবে না, যতক্ষণ পর্যন্ত না মু’মিন হয়েছ; আর ততক্ষণ পর্যন্ত মু’মিন হতেও পারবে না, যতক্ষণ পর্যন্ত না আপোসে সম্প্রীতি কায়েম করেছ। আমি কি তোমাদেরকে এমন এক কাজের সংবাদ দেব না, যা করলে তোমাদের আপোসে সম্প্রীতি কায়েম হবে? তোমরা তোমাদের আপোসের মধ্যে সালাম প্রচার করা।” (মুসলিম ৫৪ নং)

(৯১২) হযরত ইমরান বিন হুসাইন رضي الله عنه হতে বর্ণিত, তিনি বলেন, এক ব্যক্তি নবী صلى الله عليه وسلم-এর নিকট এসে বলল, ‘আসসালা-মু আলাইকুম।’ তিনি তার জওয়াব দিলেন। অতঃপর লোকটি বসলে নবী صلى الله عليه وسلم বললেন, “১০টি সওয়াব এর জন্য। অতঃপর দ্বিতীয় এক ব্যক্তি এসে বলল, ‘আসসালা-মু আলাইকুম অরাহমাতুল্লা-হা।’ তিনি তার উত্তর দিলেন। অতঃপর লোকটি বসলে তিনি বললেন, “২০টি (সওয়াব এর জন্য।)” অতঃপর তৃতীয় আর একজন এসে বলল, ‘আসসালা-মু আলাইকুম অরাহমাতুল্লা-হি অবারাকা-তুহা।’ (অর্থাৎ আপনার উপর শান্তি, আল্লাহর করুণা ও তাঁর অনেক বর্কত বর্ষণ হোক।) অতঃপর লোকটি বসলে তিনি বললেন, “৩০টি (সওয়াব এর জন্য।)” (তিরমিযী, সহীহ আবু দাউদ ৪৩২৭নং)

## মুসাফাহার ফযীলত

(৯১৩) হযরত বারা’ رضي الله عنه হতে বর্ণিত, তিনি বলেন, আল্লাহর রসূল صلى الله عليه وسلم বলেন, “যখনই কোন দুই মুমিন ব্যক্তি সাক্ষাৎ করে আপোসে মুসাফাহা (করমর্দন) করে, তখনই তাদের পৃথক হয়ে প্রস্থান করার পূর্বেই উভয়কেই ক্ষমা করে দেওয়া হয়।” (তিরমিযী, সহীহ আবু দাউদ ৪৩৪৩ নং)

## সৎকর্ম ও হাসিমুখে সাক্ষাতের মাহাত্ম্য

(৯১৪) হযরত জাবের رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “প্রত্যেক কল্যাণমূলক কর্মই হল সদকাহ (করার সমতুল্য)। আর তোমার ভায়ের সহিত তোমার হাসিমুখে সাক্ষাৎ করা এবং তোমার বালতির সাহায্যে (কুয়ো থেকে পানি তুলে) তোমার ভায়ের পাত্র (কলসী ইত্যাদি) ভরে দেওয়াও কল্যাণমূলক (সৎ)কর্মের পর্যায়ভুক্ত।” (আহমাদ, তিরমিযী, হাকেম)

(৯১৫) হযরত আবু যার رضي الله عنه হতে বর্ণিত, তিনি বলেন, আল্লাহর রসূল صلى الله عليه وسلم বলেছেন, “কল্যাণমূলক কোন কর্মকেই অবজ্ঞা করো না, যদিও তা তোমার ভায়ের সহিত হাসিমুখে সাক্ষাৎ করেও হয়।” (মুসলিম ২৬২৬ নং)

(৯১৬) হযরত আবু হুরাইরা رضي الله عنه প্রমুখাৎ বর্ণিত, আল্লাহর রসূল صلى الله عليه وسلم বলেন, “তোমরা বেশী বেশী হেসো না। কারণ, বেশী হাসার ফলে হৃদয় মারা যায়।” (আহমাদ, ইবনে মাজাহ ৪১৯৩, সহীহুল জামে’ ৭৪৩৫নং)

❀ হো-হো করে অধিক পরিমাণে হাসলে হৃদয় মৃত হয়ে যায়; কঠোর হয়ে যায়। আর তখন সে হৃদয় কারো কোন হিতোপদেশ গ্রহণ করে না, কারো নসীহতে তাসীর নেয় না। পক্ষান্তরে আমাদের মহানবী صلى الله عليه وسلم-এর অভ্যাস ছিল মৃদু হাসা।

### পথ থেকে কষ্টদায়ক বস্তু দূরীকরণের ফযীলত

(৯১৭) হযরত আবু হুরাইরা رضي الله عنه প্রমুখাৎ বর্ণিত, আল্লাহর রসূল صلى الله عليه وسلم বলেছেন, “ঈমান ষাঠাধিক অথবা সত্তরাধিক শাখাবিশিষ্ট। তন্মধ্যে সর্বোচ্চ শাখা (কান্ড) হল ‘লা ইলাহা ইল্লাল্লাহ বলা। আর সর্বনিম্ন শাখা হল পথ থেকে কষ্টদায়ক বস্তু দূর করে দেওয়া।” (বুখারী ৯নং, মুসলিম ৩৫নং)

(৯১৮) হযরত আবু যার رضي الله عنه হতে বর্ণিত, নবী صلى الله عليه وسلم বলেছেন, “একদা আমার নিকট উন্মত্তের ভালো ও মন্দ সকল আমল পেশ করা হল। তার ভালো আমলসমূহের অন্তর্ভুক্ত একটি আমল দেখলাম, পথ হতে কষ্টদায়ক বস্তু অপসারণ করা। আর তার মন্দ আমলসমূহের অন্তর্ভুক্ত একটি আমল দেখলাম, মসজিদে ফেলা কফকে পরিষ্কার না করা।” (মুসলিম ৫৫৩ নং)

### টিকটিকি মারার ফযীলত

(৯১৯) হযরত আবু হুরাইরা رضي الله عنه কর্তৃক বর্ণিত, আল্লাহর রসূল صلى الله عليه وسلم বলেছেন, “যে ব্যক্তি প্রথম আঘাতেই একটি টিকটিকি মারবে তার জন্য রয়েছে এত এত সওয়াব; যে ব্যক্তি দ্বিতীয় আঘাতে তা মারবে তার জন্য রয়েছে এত এত অপেক্ষাকৃত কম সওয়াব; আর যে ব্যক্তি তৃতীয় আঘাতে তা মারবে তার জন্য রয়েছে এত এত অপেক্ষাকৃত আরো কম সওয়াব।”

অন্য এক বর্ণনায় আছে, “যে ব্যক্তি প্রথম আঘাতেই একটি টিকটিকি মারবে তার

জন্য রয়েছে ১০০টি নেকী, দ্বিতীয় আঘাতে মারলে রয়েছে তার চেয়ে কম নেকী, আর তৃতীয় আঘাতে মারলে রয়েছে তার চাইতেও কম নেকী।” (মুসলিম ২২৪০ নং)

### অবৈধ বস্তু দেখা হতে চক্ষু অবনত করার গুরুত্ব

(৯২০) হযরত উবাদাহ বিন সামিত رضي الله عنه হতে বর্ণিত, আল্লাহর রসূল ﷺ বলেছেন, “তোমরা তোমাদের তরফ থেকে আমার জন্য ছয়টি বিষয়ের জামিন হও, আমি তোমাদের জন্য বেহেপের জামিন হয়ে যাব; কথা বললে সত্য বল, অঙ্গীকার করলে তা পালন কর, তোমাদের নিকটে কোন আমানত রাখা হলে তা আদায় কর, তোমাদের যৌনাঙ্গের হিফযত কর, তোমাদের চক্ষুকে (অবৈধ কিছু দেখা হতে) অবনত রাখ, আর তোমাদের হাতকে (অন্যায় ও অত্যাচার করা হতে) সংযত রাখ।” (আহমাদ, তাবারানী, ইবনে খুযাইমাহ, ইবনে হিব্বান, হাকেম, সিলসিলাহ সহীহাহ ১৪৭০ নং)

### অনুমতির পূর্বে কারো বাড়িতে উঁকি মেরে দেখা হতে ভীতি-প্রদর্শন

মহান আল্লাহ বলেন,

﴿يَأَيُّهَا الَّذِينَ ءَامَنُوا لَا تَدْخُلُوا بُيُوتًا غَيْرَ بُيُوتِكُمْ حَتَّى تَسْتَأْذِنُوا وَتُسَلِّمُوا عَلَىٰ أَهْلِهَا ذَٰلِكُمْ خَيْرٌ لَّكُمْ لَعَلَّكُمْ تَذَكَّرُونَ ﴿٥٩﴾ فَإِن لَّمْ تَجِدُوا فِيهَا أَحَدًا فَلَا تَدْخُلُوهَا حَتَّىٰ يُؤْذَنَ لَكُمْ وَإِن قِيلَ لَكُمْ ارجِعُوا فَارجِعُوا هُوَ أَزكىٰ لَكُمْ وَاللَّهُ بِمَا تَعْمَلُونَ عَلِيمٌ ﴿٦٠﴾﴾

অর্থাৎ, “হে ঈমানদারগণ! তোমরা নিজেদের গৃহ ব্যতীত অন্য কারো গৃহে গৃহবাসীদের অনুমতি না নিয়ে ও তাদেরকে সালাম না দিয়ে প্রবেশ করো না। এটিই তোমাদের জন্য শ্রেয়, যাতে তোমরা সতর্ক হও। যদি তোমরা গৃহে কাউকে না পাও তাহলে তোমাদেরকে যতক্ষণ পর্যন্ত অনুমতি না দেওয়া হয় ততক্ষণ ওতে প্রবেশ করবে না। আবার যদি তোমাদেরকে বলা হয়, ‘ফিরে যাও’ তবে তোমরা ফিরে যাবে। এটিই তোমাদের জন্য উত্তম। আর তোমরা যা কর সে সম্বন্ধে আল্লাহ সবিশেষ অবহিত।” (সূরা নূর ২৭-২৮ আয়াত)

﴿وَإِذَا بَلَغَ الْأَطْفَالُ مِنْكُمُ الْحُلُمَ فَلْيَسْتَأْذِنُوا كَمَا اسْتَأْذَنَ الَّذِينَ مِنَ قِبَلِهِمْ﴾

অর্থাৎ, তোমাদের সন্তান-সন্ততি বয়ঃপ্রাপ্ত হলে তারাও যেন তাদের বয়োজ্যেষ্ঠদের মত অনুমতি প্রার্থনা করে। (সূরা নূর ৫৯ আয়াত)

(৯২১) হযরত আবু হুরাইরা رضي الله عنه হতে বর্ণিত, আল্লাহর রসূল ﷺ বলেন, “যে ব্যক্তি কোন সম্প্রদায়ের গৃহে তাদের অনুমতি না নিয়ে উঁকি মেরে দেখে সে ব্যক্তির চোখে (ডিল ছুঁড়ে) তাকে কানা করে দেওয়া তাদের জন্য বৈধ হয়ে যায়।” (বুখারী ৬৮৮৮, মুসলিম ২১৫৮ নং, আবু দাউদ, নাসাঈ)

(৯২২) হযরত সাহল বিন সা'দ رضي الله عنه হতে বর্ণিত, আল্লাহর রসূল صلى الله عليه وسلم বলেছেন, “অনুমতি তো দৃষ্টির জন্যই করা হয়েছে।” (বুখারী ৬২৫০, মুসলিম ২ ১৫৫নং)

(৯২৩) হযরত আবু মূসা আশআরী رضي الله عنه হতে বর্ণিত, আল্লাহর রসূল صلى الله عليه وسلم বলেন, “যখন তোমাদের মধ্যে কেউ তিন তিনবার (কারো বাড়ি প্রবেশের) অনুমতি নেয় এবং তাকে অনুমতি না দেওয়া হয়, তাহলে সে যেন ফিরে যায়।” (বুখারী ৬২৪১, মুসলিম ২ ১৫৬নং)

❀ পরের ঘরে অথবা যাকে দেখা হারাম তার রুমে চোরা নজরে অথবা না জানিয়ে সরাসরি প্রবেশ করে অথবা জানালা-দরজা থেকে উকি-ঝুকি বা লাফ মেরে দেখা এক বড় অপরাধ। আর এমন অভ্যাস নজরবাজি হারাম।

## কারো গোপন কথায় কান পাতা হতে ভীতি-প্রদর্শন

(৯২৪) হযরত ইবনে আব্বাস رضي الله عنه প্রমুখাৎ বর্ণিত, নবী صلى الله عليه وسلم বলেন, “যে ব্যক্তি মিথ্যা স্বপ্ন বর্ণনা করে, যা সে দেখেনি সে ব্যক্তিকে (কিয়ামতের দিন) দু'টি যবের মাঝে জোড়া লাগাতে বাধ্য করা হবে। অথচ সে কখনই তা পারবে না। (যার ফলে তাকে আযাব ভোগ করতে হবে।)

যে ব্যক্তি কোন সম্প্রদায়ের কথা কান পেতে শুনবে অথচ তারা তা অপছন্দ করে সে ব্যক্তির উভয় কানে কিয়ামতের দিন গলিত সীসা ঢালা হবে।

আর যে ব্যক্তি কোন ছবি (বা মূর্তি) তৈরী করবে (কিয়ামতে) তাকে আযাব দেওয়া হবে অথবা ঐ ছবি (বা মূর্তি)তে রুহ ফুঁকতে বাধ্য করা হবে অথচ সে তাতে কখনই সক্ষম হবে না।” (বুখারী ৭০৪২নং)

## মুসলমানদের আপোসে কথাবার্তা বন্ধ রাখা ও বিদ্বেষ পোষণ করা হতে ভীতি-প্রদর্শন

(৯২৫) হযরত হাদরাদ বিন আবী হাদরাদ আসলামী رضي الله عنه কর্তৃক বর্ণিত, নবী صلى الله عليه وسلم বলেন, “যে ব্যক্তি তার (মুসলিম) ভাইকে এক বছর যাবৎ বর্জন করল (অর্থাৎ তার সহিত কথাবার্তা বন্ধ করল এবং সম্পর্ক ছিন্ন রাখল) সে যেন তাকে হত্যা করে ফেলল।” (আবু দাউদ ৪৯ ১৫নং, আহমাদ, হাকেম ৪/ ১৬৩, বুখারী আল-আদাবুল মুফরাদ, সিলসিলা সহীহাহ ৯২৮ নং)

(৯২৬) হযরত আবু হুরাইরা رضي الله عنه হতে বর্ণিত, আল্লাহর রসূল صلى الله عليه وسلم বলেন, “প্রতি সপ্তাহে প্রত্যেক সোম ও বৃহস্পতিবার লোকেদের আমল (আল্লাহর দরবারে) পেশ করা হয়। সে সময় প্রত্যেক (শিকমুক্ত) মুমিন বান্দার গোনাহ মাফ করে দেওয়া হয়। তবে সেই বান্দাকে মাফ করা হয় না, যার (কোন মুসলিম) ভায়ের সহিত তার বিদ্বেষ



## وَالْمُنْكَرُ

অর্থাৎ, হে ঈমানদারগণ! তোমরা শয়তানের পদাঙ্ক অনুসরণ করো না। কেউ শয়তানের পদাঙ্ক অনুসরণ করলে শয়তান তো অশ্লীলতা ও মন্দ কাজের নির্দেশ দেয়। (সূরা নূর ২১ আয়াত)

(৯২৯) হযরত আবু হুরাইরা رضي الله عنه হতে বর্ণিত, নবী ﷺ বলেন, লজ্জাশীলতা ঈমানের অন্তর্ভুক্ত এবং ঈমান হবে জান্নাতে। আর অশ্লীলতা রুঢ়তার অন্তর্ভুক্ত এবং রুঢ়তা হবে জাহান্নামে।” (আহমাদ ২/৫০১, তিরমিযী, ইবনে হিব্বান, হাকেম ১/৫২, সহীছল জামে’ ৩১৯৯নং)

(৯৩০) হযরত আনাস رضي الله عنه কর্তৃক বর্ণিত, আল্লাহর রসূল ﷺ বলেন, “অশ্লীলতা (নির্লজ্জতা) যে বিষয়ে থাকে সে বিষয়কে তা সৌন্দর্যহীন (ম্লান) করে ফেলে। আর লজ্জাশীলতা যে বিষয়ে থাকে সে বিষয়কে তা সৌন্দর্যময় (মনোহর) করে তোলে।” (আহমাদ, বুখারীর আল-আদাবুল মুফরাদ, সহীহ তিরমিযী ১৬০৭, ইবনে মাজাহ ৪১৮৫৮, সহীছল জামে’ ৫৬৫৫নং)

(৯৩১) হযরত আবু দারদা رضي الله عنه প্রমুখাৎ বর্ণিত, নবী ﷺ বলেন, “কিয়ামতের দিন মীযানে (আমল ওজন করার দাঁড়ি-পালায়) মানুষের সচ্চরিত্রতার চেয়ে অধিক ভারী আমল আর কিছু নেই। আর আল্লাহ অবশ্যই অশ্লীলভাষী চোয়াড়কে ঘৃণা করেন।” (তিরমিযী ২০০৩নং, ইবনে হিব্বান ৫৬৬৪ নং, আবু দাউদ ৪৭৯৯, সিলসিলাহ সহীহাহ ৮৭৬নং)

(৯৩২) হযরত আবু যা’লাবাহ খুশানী رضي الله عنه কর্তৃক বর্ণিত, আল্লাহর রসূল ﷺ বলেন, “কিয়ামতের দিন তোমাদের মধ্যে আমার প্রিয়তম এবং অবস্থানে আমার নিকটতম ব্যক্তিদের কিছু সেই লোক হবে, যারা তোমাদের মধ্যে চরিত্রে শ্রেষ্ঠতম। আর তোমাদের মধ্যে আমার নিকট ঘৃণ্যতম এবং অবস্থানে আমার থেকে দূরতম হবে তারা; যারা অনর্থক অত্যাধিক আবোল-তাবোল বলে ও বাজে বকে এমন বখাটে লোক; যারা গর্বভরে এবং আলস্যভরে বা কায়দা করে টেনে-টেনে কথা বলে।” (আহমাদ ৪/ ১৯৩, ইবনে হিব্বান, তাবারানীর কাবীর, বাইহাকীর শুআবুল ঈমান, সিলসিলাহ সহীহাহ ৭৯ ১নং)

## কবি ও কবিতার ভালো-মন্দ

মহান আল্লাহ বলেন,

﴿ وَالشُّعْرَاءُ يَتَّبِعُهُمُ الْغَاوُونَ ﴿١٠٠﴾ أَلَمْ تَرَ أَنَّهُمْ فِي كُلِّ وَادٍ يَهِيمُونَ ﴿١٠١﴾ وَأَنَّهُمْ يَقُولُونَ مَا لَا يَفْعَلُونَ ﴿١٠٢﴾ إِلَّا الَّذِينَ ءَامَنُوا وَعَمِلُوا الصَّالِحَاتِ وَذَكَرُوا اللَّهَ كَثِيرًا وَانْتَصَرُوا مِنْ بَعْدِ مَا ظَلَمُوا ﴿١٠٣﴾ وَسَيَعْلَمُ الَّذِينَ ظَلَمُوا أَيَّ مُنْقَلَبٍ يَنْقَلِبُونَ ﴿١٠٤﴾ ﴾

অর্থাৎ, বিভ্রান্তরাই কবিদের অনুসরণ করে থাকে। তুমি কি দেখ না, ওরা লক্ষ্যহীনভাবে সকল বিষয়ে কল্পনাবিহার করে থাকে এবং তারা যা বলে তা করে না? তবে যারা ঈমান এনে সৎকাজ করে, আল্লাহকে অনেক অনেক স্মরণ করে এবং



তখন যে নামায পড়ে রাত্রি অতিবাহিত করে।” (তাবারানী, হাকেম, সহীহ তারগীব ৬১১নং)

(৯৩৮) হযরত আবু হুরাইরা رضي الله عنه হতে বর্ণিত, আল্লাহর রসূল ﷺ বলেন, “----  
আর উত্তম কথা বলাও সদকাহ (করার সমতুল্য।)” (বুখারী ২৯৮৯ নং, মুসলিম ১০০৯নং)

## জিহ্বা সংযত রাখার গুরুত্ব

মহান আল্লাহ বলেন,

﴿ مَا يَلْفِظُ مِنْ قَوْلٍ إِلَّا لَدَيْهِ رَقِيبٌ عَتِيدٌ ﴾

অর্থাৎ, মানুষ যে কথাই উচ্চারণ করে, তা লিপিবদ্ধ করার জন্য তৎপর প্রহরী তাদের নিকটেই রয়েছে। (সূরা ক্বাফ ১৮ আয়াত)

(৯৩৯) হযরত আবু মুসা رضي الله عنه হতে বর্ণিত, তিনি বলেন, আমি বললাম, ‘হে আল্লাহর রসূল! মুসলমানদের মধ্যে কোন ব্যক্তি শ্রেষ্ঠতম?’ তিনি বললেন, “যার হাত ও জিব হতে অন্যান্য মুসলমানরা নিরাপদে থাকে।” (বুখারী ১১ নং, মুসলিম ৪২ নং)

(৯৪০) হযরত উক্ববাহ বিন আমের رضي الله عنه হতে বর্ণিত, তিনি বলেন, আমি বললাম, ‘হে আল্লাহর রসূল! পরিত্রাণের উপায় কি?’ তিনি বললেন, “তুমি তোমার জিহ্বাকে নিজের আয়ত্তধীন কর, স্বগৃহে অবস্থান কর, আর তোমার পাপের উপর (আল্লাহর নিকট) রোদন করা” (সহীহ তিরমিযী ১৯৬১ নং)

(৯৪১) হযরত আবু হুরাইরা رضي الله عنه প্রমুখাৎ বর্ণিত তিনি বলেন আল্লাহর রসূল ﷺ বলেছেন, “আল্লাহ যে ব্যক্তিকে তার দুই চিবুকের মধ্যবর্তী অঙ্গ (জিহ্বার) ও দুই পায়ের মধ্যবর্তী অঙ্গ (যৌনাস্রের) অনিষ্ট থেকে বাঁচিয়ে নেবেন সে জান্নাতে প্রবেশ করবে।” (সহীহ তিরমিযী ১৯৬৪ নং)

(৯৪২) হযরত আনাস رضي الله عنه কর্তৃক বর্ণিত, তিনি বলেন, আল্লাহর রসূল ﷺ আবু যারের সহিত সাক্ষাৎ করে বললেন, “হে আবু যার! তোমাকে আমি এমন দুটি আচরণের কথা বলে দেব না কি? যা কার্যক্ষেত্রে অতি সহজ এবং (নেকীর) মীযানে অন্যান্য আমলের তুলনায় অধিক ভারী?” আবু যার رضي الله عنه বললেন, ‘অবশ্যই, হে আল্লাহর রসূল!’ তিনি বললেন, “তুমি সচ্চরিত্রতা ও দীর্ঘ নীরবতা অবলম্বন কর। (অর্থাৎ তোমার চরিত্র সুন্দর হোক ও তুমি কথা খুবই কম বলো।) কারণ, সেই সত্তার শপথ, যার হাতে আমার প্রাণ আছে! সারা সৃষ্টি ঐ দুয়ের ন্যায় কোন আমলই করেনি।” (আবু য়া’লা, তাবারানী, বাইহাক্বীর শুআবুল ঈমান, সিলসিলা সহীহাহ ১৯৩৮ নং)



## সত্যবাদিতার গুরুত্ব



(৯৪৩) ইবনে মসউদ ؓ হতে বর্ণিত, নবী ﷺ বলেন, অবশ্যই সত্যবাদিতা পুণ্যের প্রতি পথপ্রদর্শন করে এবং পুণ্য পথপ্রদর্শন করে বেহেশ্তের প্রতি। আর মানুষ সত্য বলতে থাকে পরিশেষে সে আল্লাহর নিকট দারুন সত্যবাদী হয়ে যায়। পক্ষান্তরে মিথ্যাবাদিতা পাপের প্রতি পথপ্রদর্শন করে এবং পাপ পথপ্রদর্শন করে দোযখের প্রতি। আর মানুষ মিথ্যা বলতে থাকলে অবশেষে সে আল্লাহর নিকট ভীষণ মিথ্যাবাদী বলে লিখিত হয়।” (বুখারী ৬০৯৪ নং, মুসলিম ২৬০৭ নং)

(৯৪৪) হযরত আবু উমামাহ ؓ কর্তৃক বর্ণিত, আল্লাহর রসূল ﷺ বলেছেন, “আমি সেই ব্যক্তির জন্য জান্নাতের পার্শ্বদেশে এক গৃহের যামিন হচ্ছি, যে ব্যক্তি সত্যপ্রিয় হওয়া সত্ত্বেও তর্কাতর্কি বর্জন করে। সেই ব্যক্তির জন্য জান্নাতের মধ্যদেশে এক গৃহের যামিন হচ্ছি, যে ব্যক্তি উপহাসছলেও মিথ্যা বলে না। আর সেই ব্যক্তির জন্য জান্নাতের উর্ধ্বদেশে এক গৃহের যামিন হচ্ছি, যে ব্যক্তি তার চরিত্রকে সুন্দর করে।” (সহীহ আবু দাউদ ৪০১৫ নং, তিরমিযী)

## মিথ্যা বলা হতে ভীতি-প্রদর্শন

মহান আল্লাহ বলেন,



অর্থাৎ, নিশ্চয় আল্লাহ সীমালংঘনকারী ও মিথ্যাবাদীকে সংপথে পরিচালিত (হেদায়াত) করেন না। (সূরা মু'মিন ২৮ আয়াত)

(৯৪৫) হযরত ইবনে মাসউদ ؓ প্রমুখাৎ বর্ণিত, আল্লাহর রসূল ﷺ বলেন, অবশ্যই সত্যবাদিতা পুণ্যের প্রতি পথপ্রদর্শন করে এবং পুণ্য পথপ্রদর্শন করে বেহেশ্তের প্রতি। আর মানুষ সত্য বলতে থাকে, পরিশেষে সে আল্লাহর নিকট দারুন সত্যবাদী হয়ে যায়। পক্ষান্তরে মিথ্যাবাদিতা পাপের প্রতি পথপ্রদর্শন করে এবং পাপ পথপ্রদর্শন করে দোযখের প্রতি। আর মানুষ মিথ্যা বলতে থাকলে অবশেষে সে আল্লাহর নিকট ভীষণ মিথ্যাবাদী বলে লিখিত হয়।” (বুখারী ৬০৯৪ নং, মুসলিম ২৬০৭ নং, আবু দাউদ, তিরমিযী)

(৯৪৬) হযরত আবু হুরাইরা ؓ হতে বর্ণিত, আল্লাহর নবী ﷺ বলেন, “মুনাফিকের লক্ষণ হল তিনটি; কথা বললে মিথ্যা বলে, ওয়াদা দিলে খেলাপ করে এবং চুক্তি করলে ভঙ্গ করে।” (বুখারী ৩৩, মুসলিম ৫৯নং)

মুসলিমের এক বর্ণনায় এ কথা বেশী আছে, “যদিও সে ব্যক্তি নামায পড়ে রোযা রাখে এবং নিজেকে মুসলিম মনে করে।”

(৯৪৭) হযরত মুআবিয়া বিন হাইদাহ ؓ হতে বর্ণিত, আল্লাহর রসূল ﷺ বলেন, “দুর্ভোগ তার জন্য, যে লোকদেরকে হাসানোর উদ্দেশ্যে মিথ্যা কথা (বানিয়ে) বলে।

দুর্ভোগ তার জন্য, দুর্ভোগ তার জন্য।” (আহমাদ, আবু দাউদ ৪৯৯০, তিরমিধী, হাকেম, সহীহুল জামে’ ৭ ১৩নং)

(৯৪৮) হযরত আব্দুল্লাহ বিন আমের رضي الله عنه বলেন, ‘রসূলুল্লাহ صلى الله عليه وسلم একদা আমাদের বাড়িতে এলেন। আমি তখন শিশু ছিলাম। এমতাবস্থায় আমি খেলার জন্য বাড়ির বাইরে বের হতে যাচ্ছিলাম। তা দেখে আমার মা আমার উদ্দেশ্যে বললেন, ‘আব্দুল্লাহ! (বাইরে যেও না, আমার নিকট) এস, তোমাকে একটি মজা দেব। একথা শুনে নবী صلى الله عليه وسلم বললেন, “তুমি ওকে কি দেবে ইচ্ছা করেছ?” মা বললেন, ‘খেজুর।’ তখন রসূল صلى الله عليه وسلم বললেন, “জেনে রাখ, যদি তুমি ওকে কিছু না দাও, তাহলে তোমার উপর একটি মিথ্যা লিখা হবে।” (আবু দাউদ ৪৯৯১, সিলসিলাহ সহীহাহ ৭৪৮নং)

(৯৪৯) হযরত আবু হুরাইরা رضي الله عنه হতে বর্ণিত, আল্লাহর নবী صلى الله عليه وسلم বলেন, “মানুষের মিথ্যা ও পাপের জন্য এতটুকুই যথেষ্ট যে, সে যা শোনে তাই বর্ণনা করে।” (সহীহুল জামে’ ৪৩৫৬, ৪৩৫৮নং)

(৯৫০) হযরত আবু মাসউদ رضي الله عنه হতে বর্ণিত, আল্লাহর নবী صلى الله عليه وسلم বলেন, “ওরা মনে করে’ (এই বলে কোন কথা প্রচার করা) মানুষের কত নিকৃষ্ট অসীলা!” (সহীহুল জামে’ ২৮৪৩নং)

## দু’মুখে কথা বলা হতে ভীতি-প্রদর্শন

(৯৫১) হযরত আবু হুরাইরা رضي الله عنه হতে বর্ণিত, আল্লাহর রসূল صلى الله عليه وسلم বলেন, “তোমরা দেখবে মানুষ খনিজ সম্পদের মত। (খনির কিছু তো লোহার হয়, কিছু সোনার, আবার কিছু তো কয়লার। অনুরূপ মানুষও; কিছু ভালো, কিছু মন্দ।) তাদের মধ্যে যারা জাহেলী যুগে উত্তম ছিল ইসলামী যুগেও তারাই উত্তম হবে; যখন তারা ইসলামী জ্ঞান অর্জন করবে।

আর এ (সরকারী পদ) গ্রহণকে যারা খুবই অপছন্দ করবে তাদেরকেই তোমরা ভালো লোক হিসাবে দেখতে পাবে।

পক্ষান্তরে সব চাইতে মন্দ লোক হিসাবে তাকে পাবে, যে দু’ মুখে (সাপ); যে এ দলে মিশে এক মুখে কথা বলে এবং অপর দলে মিশে আর এক মুখে কথা বলে।” (মালেক, বুখারী ৩৪৯৩, ৩৪৯৪, মুসলিম ২৫২৬নং)

(৯৫২) হযরত আম্মার বিন ইয়াসির رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “দুনিয়াতে যে ব্যক্তির দু’টি মুখ হবে (দু’মুখে কথা বলবে) কিয়ামতের দিন সে ব্যক্তির আঙনের দু’টি জিভ হবে।” (আবু দাউদ ৪৮৭৩, ইবনে হিব্বান, সিলসিলাহ সহীহাহ ৮৯২নং)

## কোন মুসলিমকে ‘কাফের’ বলা হতে ভীতি- প্রদর্শন



বর্তায়)।” (মুসলিম ২৫৮-৭, আবু দাউদ ৪৮-৯৪নং, তিরমিযী)

(৯৫৭) হযরত ইবনে মাসউদ ؓ প্রমুখাৎ বর্ণিত, আল্লাহর রসূল ﷺ বলেন, “মুসলিমকে গালাগালি করা ফাসেকী কর্ম এবং তার সাথে লড়াই করা কুফরী কাজ।” (বুখারী ৬০৪৪, মুসলিম ৬৪নং, তিরমিযী, নাসাঈ, ইবনে মাজাহ)

(৯৫৮) হযরত ইয়ায বিন হিমার ؓ হতে বর্ণিত, তিনি বলেন, একদা আমি বললাম, ‘হে আল্লাহর নবী! আমার চাইতে ছোট হয়েও কোন লোক যদি আমাকে গালি-গালাজ করে, তাহলে আমি তার প্রতিশোধ নিতে পারি কি?’ উত্তরে তিনি বললেন, “উভয় গালমন্দকারী দুই শয়তান। এরা পরস্পরের উপর মিথ্যা দোষারোপ করে এবং অসত্য বলে।” (আহমাদ ৪/১৬২, বুখারীর আল-আদাবুল মুফরাদ, ইবনে হিব্বান, সহীহুল জামে’ ৬৬৯৬নং)

## অভিশাপ করার অপকারিতা

(৯৫৯) হযরত আবু হুরাইরা ؓ হতে বর্ণিত, আল্লাহর রসূল ﷺ বলেছেন, “সত্যবাদীর জন্য অভিসম্পাতকারী হওয়া সঙ্গত নয়।” (আহমাদ, মুসলিম ২৫৯৭নং)

(৯৬০) হযরত আবু দারদা ؓ হতে বর্ণিত, আল্লাহর রসূল ﷺ বলেছেন, “অভিসম্পাতকারীরা কিয়ামতের দিন সুপারিশকারী হবে না এবং সাক্ষীও হবে না।” (মুসলিম ২৫৯৮নং)

(৯৬১) হযরত আব্দুল্লাহ বিন মাসউদ ؓ হতে বর্ণিত, আল্লাহর রসূল ﷺ বলেছেন, “মুমিন কারো মর্মে ব্যথাদানকারী (কুৎসা, অপযশ ইত্যাদি ধরে বা রটিয়ে কারো সম্মুখে খোঁটা দানকারী), অভিসম্পাতকারী, অশীল ও অসভ্য (চোয়াড়) হয় না।” (তিরমিযী, সহীহুল জামে ৫২৫৭)

(৯৬২) হযরত যাবেত বিন যাহহাক ؓ কর্তৃক বর্ণিত, আল্লাহর রসূল ﷺ বলেন, “মুমিনকে অভিশাপ করা তাকে হত্যা করার মত।” (বুখারী ৬৬৫২, মুসলিম ১১০নং)

(৯৬৩) হযরত আবু দারদা ؓ কর্তৃক বর্ণিত, আল্লাহর রসূল ﷺ বলেন, “বান্দা যখন কোন কিছুকে অভিশাপ করে তখন সে অভিশাপ আকাশের প্রতি উঠে যায়। কিন্তু তাকে প্রবেশ করতে না দিয়ে আকাশের দরজাসমূহকে বন্ধ করে দেওয়া হয়। ফলে সেখান হতে তা পুনরায় পৃথিবীর দিকে নেমে আসে। কিন্তু তাকে আসতে না দিয়ে পৃথিবীর দরজাসমূহকেও বন্ধ করে দেওয়া হয়। অতঃপর তা ডাইনে-বামে বিচরণ করতে থাকে। পরিশেষে কোন গতিপথ না পেয়ে অভিশপ্তের দিকে ফিরে আসে। কিন্তু (যাকে অভিশাপ করা হয়েছে সে) অভিশপ্ত (সঙ্গত কারণে) অভিশাপযোগ্য না হলে তা অভিশাপকারী ঐ বান্দার দিকে ফিরে যায়।” (অর্থাৎ, নিজের করা অভিশাপ নিজেই লেগে বসে!) (আবু দাউদ ৪৯০৫, সিলসিলাহ সহীহাহ ১২৬৯নং)

(৯৬৪) হযরত ইবনে আব্বাস ؓ প্রমুখাৎ বর্ণিত, একদা এক ব্যক্তি আল্লাহর রসূল

ﷺ-এর নিকটে হাওয়াকে অভিশাপ করল। আল্লাহর রসূল ﷺ তা শুনে বললেন, “হাওয়াকে অভিশাপ করো না। কারণ, হাওয়া তো আদেশপ্রাপ্ত। (আল্লাহর তরফ থেকে যেমন আদেশ হয়, ঠিক তেমনই চলে।) আর যে ব্যক্তি কোন এমন কিছুকে অভিশাপ করে যা তার উপযুক্ত নয়। সে ব্যক্তির উপরেই সেই অভিশাপ ফিরে যায়।” (অর্থাৎ, নিজের মুখে নিজেকেই অভিশাপ করে!) (আবু দাউদ ৪৯০৮-নং, তিরমিযী, ইবনে হিব্বান, আব্বারানীর কাবীর, বাইহাকীর শুআবুল ইমান, সিলসিলাহ সহীহাহ ৫২৭নং)

## যুগ বা যামানাকে গালি দেওয়া হতে ভীতি-প্রদর্শন

(৯৬৫) হযরত আবু হুরাইরা رضي الله عنه প্রমুখাৎ বর্ণিত, আল্লাহর রসূল ﷺ বলেছেন, আল্লাহ তাআলা বলেন, “আদম-সন্তান আমাকে কষ্ট দেয়; বলে, ‘হায়রে দুর্ভাগা যুগ!’ সুতরাং তোমাদের কেউ যেন অবশ্যই না বলে, ‘হায়রে দুর্ভাগা যুগ!’ কারণ, আমিই তো যুগ (যুগের আবর্তনকারী)। তার রাত ও দিনকে আমিই আবর্তন করে থাকি। অতঃপর আমি যখন চাইব তখন উভয়কে নিশ্চল করে দেব।”

অন্য এক বর্ণনায় আছে, (আল্লাহ বলেন,) “আদম-সন্তান আমাকে কষ্ট দিয়ে থাকে; সে কাল-কে গালি দেয়। অথচ আমিই তো কাল (বিবর্তনকারী)। আমিই দিবা-রাত্রিকে আবর্তন করে থাকি।” (মুসলিম ২২৪৬, প্রমুখ)

## ঝড়-বাতাসকে গালি দেওয়া হতে ভীতি-প্রদর্শন

(৯৬৬) হযরত আবু হুরাইরা رضي الله عنه হতে বর্ণিত, আল্লাহর রসূল ﷺ বলেন, ‘তোমরা বায়ুকে গালি দিওনা। যেহেতু তা আল্লাহ তাআলার আশিস; যা রহমত আনে এবং আযাবও। বরং তোমরা আল্লাহর নিকট ওর মঙ্গল প্রার্থনা কর এবং ওর অনিষ্ট হতে আশ্রয় প্রার্থনা কর।’ (সহীহুল জামে ৭১৯৩নং)

(৯৬৭) হযরত আব্দুল্লাহ বিন আব্বাস رضي الله عنه হতে বর্ণিত, আল্লাহর রসূল ﷺ বলেন, “হাওয়াকে অভিশাপ দিও না। যেহেতু হাওয়া তো আদেশপ্রাপ্ত, (আল্লাহর) আজ্ঞাবহ। আর যে ব্যক্তি কোন নির্দোষ নিরপরাধ বস্তুকে অভিশাপ করে, তার প্রতিই সেই অভিশাপ প্রত্যাবৃত্ত হয়।” (আবু দাউদ, তিরমিযী, সহীহুল জামে’ ৭৪৪৭নং)

(৯৬৮) হযরত উবাই বিন কা’ব رضي الله عنه কর্তৃক বর্ণিত, আল্লাহর রসূল ﷺ বলেছেন, “তোমরা হাওয়াকে গালি দিও না। যদি তার অপীতিকর কিছু দেখ, তাহলে বল, ‘হে আল্লাহ! আমরা এই হাওয়ার মঙ্গল, এর মধ্যে নিহিত মঙ্গল এবং যার আদেশপ্রাপ্ত হয়েছে তার মঙ্গল প্রার্থনা করছি। আর এই হাওয়ার অমঙ্গল, এর মধ্যে নিহিত অমঙ্গল এবং যার আদেশপ্রাপ্ত হয়েছে তার অমঙ্গল থেকে আশ্রয় প্রার্থনা করছি।”

(তিরমিযী, সহীহুল জামে' ৭৩১৫নং)

## শয়তানকে গালি দেওয়া হতে সতর্কীকরণ

(৯৬৯) হযরত আবু হুরাইরা رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “তোমরা শয়তানকে গালি দিওনা বরং ওর অনিষ্ট হতে আল্লাহর নিকট আশ্রয় প্রার্থনা করা।” (সহীহুল জামে ৭৩১৮নং)

(৯৭০) হযরত আবু মালীহ এক ব্যক্তি থেকে বর্ণনা করেন, আল্লাহর রসূল صلى الله عليه وسلم বলেন, (কোন বিপদকালে) বলো না যে, ‘শয়তান ধ্বংস হোক।’ যেহেতু এতে সে সফীত হয়ে ঘরের সমান হয় এবং বলে, ‘আমি নিজ শক্তিতে ওকে বিপদগ্রস্ত করেছি।’ বরং তুমি বলো, ‘বিসমিল্লাহ।’ এ কথা বললে, সে মাছির মত ছোট হয়ে যায়। (আহমাদ, আবু দাউদ ৪৯৮২, সহীহুল জামে' ৭২৭৮নং)

## আল্লাহ ছাড়া অন্যের এবং বিশেষতঃ আমানতের কসম খাওয়া, অনুরূপ কসম করে ‘আমি মুসলমান নই বলা’ হতে ভীতি-প্রদর্শন

(৯৭১) হযরত ইবনে উমার رضي الله عنه কর্তৃক বর্ণিত, একদা তিনি এক ব্যক্তিকে কা'বার নামে কসম খেতে শুনে বললেন, ‘আল্লাহ ছাড়া অন্য কারো নামে কসম খাওয়া যাবে না। কারণ, আমি আল্লাহর রসূল صلى الله عليه وسلم কে বলতে শুনেছি যে, “যে ব্যক্তি আল্লাহ ছাড়া অন্যের নামে কসম খেল, সে অবশ্যই কুফরী অথবা শির্ক করল।” (আহমাদ, তিরমিযী, ইবনে হিব্বান, হাকেম ১/৫২, সহীহুল জামে' ৬২০৪নং)

(৯৭২) হযরত বুরাইদাহ رضي الله عنه হতে বর্ণিত, আল্লাহর রসূল صلى الله عليه وسلم বলেন, যে ব্যক্তি আমানতের কসম খায়, সে ব্যক্তি আমাদের দলভুক্ত নয়।” (আবু দাউদ ৩২৫৩, আহমাদ ৫/৩৫২, সিলসিলাহ সহীহাহ ৯৪নং)

(৯৭৩) উক্ত হযরত বুরাইদাহ رضي الله عنه কর্তৃক বর্ণিত, আল্লাহর রসূল صلى الله عليه وسلم বলেন, “যে ব্যক্তি কসম করে বলে, ‘(যদি এই করি, তাহলে) আমি মুসলমান নই।’ সে ব্যক্তি যদি (তার কসমে) মিথ্যাবাদী হয়, তবে সে যা বলেছে তাই। (অর্থাৎ, সে মুসলমান থাকবে না।) কিন্তু সে যদি সত্যবাদী হয়, তাহলে ইসলামের দিকে কখনই নিরাপদে ফিরবে না।” (আবু দাউদ ৩২৫৮, নাসাঈ, ইবনে মাজাহ ২১০০, হাকেম ৪/২৯৮, সহীহ আবু দাউদ ২৭৯৩নং)

❀ বলা বাহুল্য, যদি কেউ তার কসমকে সত্য প্রমাণিত করে; যেমন যদি বলে যে, ‘আমি যদি অমুক কাজ করি, তাহলে আমি মুসলমান নই’, অতঃপর সে সত্যই জীবনেও সে ঐ কাজ না করে, তবুও তার ইসলাম ক্ষতিগ্রস্ত হবে। কারণ, ইসলাম









তোমরা বেহেস্তে ততক্ষণ প্রবেশ করতে পারবে না; যতক্ষণ পর্যন্ত না ঈমান এনেছ। আর (পূর্ণ) ঈমানও ততক্ষণ পর্যন্ত আনতে পারবে না; যতক্ষণ না আপোসে সম্প্রীতি কায়ম করেছ। আমি কি তোমাদেরকে এমন কর্মের কথা বাতলে দেব না; যা তোমাদের ঐ সম্প্রীতিকে দৃঢ় করবে? তোমাদের আপোসে সালাম প্রচার করা।” (তিরমিযী, বাযযার, বাইহাকীর শুআবুল ঈমান, সহীহ তিরমিযী ২০৩৮নং)

(৯৮৭) হযরত আবু হুরাইরা رضي الله عنه কর্তৃক বর্ণিত, নবী ﷺ বলেন, “তোমাদের আপোসে (এক অপরের বিরুদ্ধে) বিদ্বেষ পোষণ করা হতে দূরে থেকে। কারণ, তা হল (দ্বীন) ধ্বংসকারী।” (সহীহ তিরমিযী ২০৩৬নং)

## আমানতে খেয়ানত ও প্রতারণা করা হতে ভীতি- প্রদর্শন

মহান আল্লাহ বলেন,

﴿ إِنَّ اللَّهَ يَأْمُرُكُمْ أَنْ تُؤَدُّوا أَلْأَمَانَاتِ أَهْلِهَا إِيَّايَ ﴾

অর্থাৎ, আল্লাহ তোমাদেরকে আদেশ দিচ্ছেন যে, তোমরা আমানত তার মালিককে প্রত্যর্পণ কর। (সূরা নিসা ৫৮ আয়াত)

﴿ يَا أَيُّهَا الَّذِينَ آمَنُوا لَا تَخُونُوا اللَّهَ وَالرَّسُولَ وَخَوْنُوا أَمَانَاتِكُمْ وَأَنْتُمْ تَعْلَمُونَ ﴾

অর্থাৎ, হে ঈমানদারগণ! তোমরা জেনে-শুনে আল্লাহ ও তাঁর রসূলের খিয়ানত (বিশ্বাসঘাতকতা) করো না এবং তোমাদের আপোসের আমানতেরও খিয়ানত করো না। (সূরা আনফাল ২৭ আয়াত)

(৯৮৮) হযরত আবু হুরাইরা رضي الله عنه বলেন, একদা নবী ﷺ কিছু লোকের এক মজলিসে হাদীস বয়ান করছিলেন, এমন সময় এক বেদুঈন এসে তাঁকে জিজ্ঞাসা করল, ‘কিয়ামত কখন হবে?’ আল্লাহর রসূল ﷺ বয়ান করতেই থাকলেন। অতঃপর বয়ান শেষ করে তিনি বললেন, “কিয়ামত সম্পর্কে প্রশ্নকারী কোথায়?” লোকটি বলল, ‘এই যে আমি, হে আল্লাহর রসূল!’ তিনি বললেন, “যখন আমানত নষ্ট করা হবে, তখন কিয়ামতের অপেক্ষা করা।” লোকটি বলল, ‘আমানত কিভাবে নষ্ট হবে?’ তিনি বললেন, “যখন কোন অযোগ্য লোকের হাতে নেতৃত্ব তুলে দেওয়া হবে, তখন কিয়ামতের অপেক্ষা করা।” (বুখারী)

(৯৮৯) হযরত আনাস رضي الله عنه বলেন, আল্লাহর রসূল ﷺ প্রায় খুতবাতে বলতেন, “যার আমানতদারী নেই, তার ঈমান নেই। আর যে অঙ্গীকার পালন করে না, তার দ্বীন নেই।” (আহমাদ, বাইহাকী, সহীহুল জামে’ ৭১৭৯নং)

সন্ধি বা চুক্তিবদ্ধ মানুষকে হত্যা করা বা তার উপর যুলুম

## করা হতে ভীতি-প্রদর্শন

মহান আল্লাহ বলেন,



অর্থাৎ, ---আর তোমরা প্রতিশ্রুতি পালন করা কারণ, প্রতিশ্রুতি সম্পর্কে (কিয়ামতে) কৈফিয়ত তলব করা হবে। (সূরা ইসরা' ৩৪ আয়াত)

﴿يَأْتِيهَا الَّذِينَ ءَامَنُوا أَوْفُوا بِالْعُقُودِ﴾

অর্থাৎ, হে মুমিনগণ! তোমরা অঙ্গীকার পূর্ণ কর। (সূরা মাইদাহ ১ আয়াত)

(৯৯০) হযরত ইবনে উমার رضي الله عنه হতে বর্ণিত, নবী ﷺ বলেন, “আল্লাহ যখন পূর্বকার ও পরেকার সকল মানুষকে কিয়ামতের দিন সমবেত করবেন, তখন প্রত্যেক (প্রতিশ্রুতি ভঙ্গকারী) প্রত্যেকের জন্য একটি করে পতাকা উড্ডয়ন করা হবে, আর বলা হবে, ‘এ হল অমুকের পুত্র অমুকের প্রত্যারণা।’” (মুসলিম ১৭৩৫নং, ইবনে হিব্বান, বাইহাকী)

(৯৯১) হযরত আবু হুরাইরা رضي الله عنه কর্তৃক বর্ণিত, নবী ﷺ বলেছেন, আল্লাহ তাআলা বলেন, “কিয়ামতের দিন আমি তিন ব্যক্তির প্রতিবাদী হব; তন্মধ্যে প্রথম হল সেই ব্যক্তি, যে আমার নামে কিছু দেওয়ার প্রতিশ্রুতি করল অতঃপর তা ভঙ্গ করল। দ্বিতীয় হল সেই ব্যক্তি, যে কোন স্বাধীন ব্যক্তিকে বিক্রয় করে তার মূল্য ভক্ষণ করল। আর তৃতীয় হল সেই ব্যক্তি, যে কোন মজুর খাটিয়ে তার নিকট থেকে পুরোপুরি কাজ নিল অথচ সে তার মজুরী (পূর্ণরূপে) আদায় করল না।” (বুখারী ২২২৭, ২২৭০নং)

(৯৯২) হযরত ইবনে উমার رضي الله عنه হতে বর্ণিত, আল্লাহর রসূল ﷺ বলেন, “যে ব্যক্তি কোন সন্ধি অথবা চুক্তিবদ্ধ (যিস্মী) মানুষকে হত্যা করবে, সে ব্যক্তি জাহান্নামের সুবাসও পাবে না। অথচ তার সুবাস ৪০ বছরে অতিক্রম্য দূরবর্তী স্থান থেকেও পাওয়া যাবে।” (আহমাদ, বুখারী, নাসাঈ, ইবনে মাজাহ, সহীহুল জামে' ৬৪৫৭নং)

**যোগ-যাদু করা, কিছুকে অশুভ লক্ষণ বা কুপয় মনে করা,  
জ্যোতিষী ও গণকের নিকট গমন এবং তারা যা বলে তা সত্য  
মনে করা হতে ভীতি-প্রদর্শন**

(৯৯৩) হযরত আবু হুরাইরা رضي الله عنه প্রমুখাৎ বর্ণিত, নবী ﷺ বলেন, “সাতটি সর্বনাশী কর্ম হতে দূরে থাক।” সকলে বলল, ‘হে আল্লাহর রসূল! তা কি কি?’ তিনি বললেন, “আল্লাহর সহিত শির্ক করা, যাদু করা, ন্যায় সঙ্গত অধিকার ছাড়া আল্লাহ যে প্রাণ হত্যা করা হারাম করেছেন তা হত্যা করা, সূদ খাওয়া, এতীমের মাল ভক্ষণ করা, (যুদ্ধক্ষেত্র হতে) যুদ্ধের দিন পলায়ন করা এবং সতী উদাসীনা মুমিনা নারীর চরিত্রে মিথ্যা অপবাদ দেওয়া।” (বুখারী ২৭৬৬, মুসলিম ৮৯নং, আবু দাউদ, নাসাঈ)

(৯৯৪) হযরত ইমরান বিন হুসাইন ﷺ কর্তৃক বর্ণিত, আল্লাহর রসূল ﷺ বলেন, “সে ব্যক্তি আমাদের দলভুক্ত নয়, যে ব্যক্তি (কোন বস্তু, ব্যক্তি কর্ম বা কালকে) অশুভ লক্ষণ বলে মনে অথবা যার জন্য অশুভ লক্ষণ দেখা (পরীক্ষা) করা হয়, যে ব্যক্তি (ভাগ্য) গণনা করে অথবা যার জন্য (ভাগ্য) গণনা করা হয়। আর যে ব্যক্তি যাদু করে অথবা যার জন্য (বা আদেশে) যাদু করা হয়।” (তাবারানী, সহীছল জামে’ ৫৪৩৫নং)

(৯৯৫) নবী ﷺ-এর কতিপয় পত্নী কর্তৃক বর্ণিত, নবী ﷺ বলেন, “যে ব্যক্তি কোন গণকের নিকট উপস্থিত হয়ে কোন (ভূত-ভবিষ্যৎ বা গায়বী) বিষয় সম্পর্কে জিজ্ঞাসা করে সে ব্যক্তির ৪০ দিনের নামায় কবুল হয় না।” (মুসলিম ২২৩০নং)

❀ এখানে লক্ষণীয় যে, গণক বা জ্যোতিষীকে কোন ভাগ্য-ভবিষ্যৎ বা হারিয়ে যাওয়া জিনিসের কথা কেবলমাত্র জিজ্ঞাসা করার ঐ শাস্তি। নচেৎ জিজ্ঞাসার পর সে যা বলে তা সত্য মনে করার পাপ আরো ভীষণ। এ ব্যাপারে পরবর্তী হাদীস প্রণিধানযোগ্য।

(৯৯৬) হযরত আবু হুরাইরা ﷺ প্রমুখাৎ বর্ণিত, নবী ﷺ বলেন, “যে ব্যক্তি কোন গণক বা জ্যোতিষীর নিকট উপস্থিত হয়ে সে যা বলে তা সত্য মনে (বিশ্বাস) করল, সে ব্যক্তি মুহাম্মাদ ﷺ-এর উপর অবতীর্ণ (কুরআনের) প্রতি কুফরী করল।” (আহমাদ, হাকেম, সহীছল জামে’ ৫৯৩৯নং)

❀ অর্থাৎ, এমন দাজ্জালের ভূত-ভবিষ্যৎ বা গায়বী কথায় বিশ্বাস করা হল কুরআন অমান্য করার নামান্তর। কারণ, কুরআন স্পষ্ট ভাষায় ঘোষণা করে যে,

অর্থাৎ, বল, আল্লাহ ব্যতীত আকাশমন্ডলী ও পৃথিবীতে কেউই গায়বী বিষয়ের জ্ঞান রাখে না--। (সূরা নামল ৬৫ আয়াত)

(৯৯৭) হযরত ইবনে আব্বাস ﷺ হতে বর্ণিত, আল্লাহর রসূল ﷺ বলেন, “যে ব্যক্তি কিছু পরিমাণও জ্যোতিষ-বিদ্যা শিক্ষা করল, সে ব্যক্তি আসলে যাদু-বিদ্যার একটি অংশ শিক্ষা করল। আর এইভাবে যত বেশী সে জ্যোতিষ-বিদ্যা শিক্ষা করবে আসলে তত বেশীই যাদু-বিদ্যা শিক্ষা করবে। (আর এ কথা বিদিত যে, যাদু শিক্ষা করা হল ইসলাম ও ঈমান-বিনাশী আমল।) (আহমাদ ১/২২৭, ৩১১, আবু দাউদ ৩৯০৫, ইবনে মাজাহ ৩৭২৬, সিলসিলাহ সহীহাহ ৭৯৩নং)

(৯৯৮) হযরত ইবনে মাসউদ ﷺ হতে বর্ণিত, আল্লাহর রসূল ﷺ বলেন, “কিছুকে অশুভ লক্ষণ বলে মনে করা শির্ক। কিছুকে কুপয় মনে করা শির্ক, কিছুকে কুলক্ষণ মনে করা শির্ক। কিন্তু আমাদের মধ্যে এমন কেউ নেই যার মনে কুধারণা জন্মে না। তবে আল্লাহ (তাঁরই উপর) তাওয়াক্কুল (ভরসার) ফলে তা (আমাদের হৃদয় থেকে) দূর করে দেন।” (আহমাদ ১/৩৮৯, ৪৪০, আবু দাউদ ৩৯১০, তিরমিযী, ইবনে মাজাহ, ইবনে হিব্বান, হাকেম প্রমুখ, সিলসিলাহ সহীহাহ ৪৩০নং)

## মানুষ ও পশু-পক্ষীর মূর্তি বা ছবি বানানো এবং তা ঘরে সাজানো বা টাঙ্গানো হতে ভীতি-প্রদর্শন

(৯৯৯) হযরত ইবনে উমার রাঃ হতে বর্ণিত, আল্লাহর রসূল সঃ বলেন, “যে সব লোকেরা এই সকল মূর্তি বা ছবি বানায় তাদেরকে কিয়ামতে শাস্তি দেওয়া হবে; তাদেরকে বলা হবে, ‘তোমরা যা সৃষ্টি করেছ তাতে প্রাণদান করা।’” (বুখারী ৪৯৫১, মুসলিম ২০১৮নং)

(১০০০) হযরত আয়েশা (রাযিয়াল্লাহু আনহা) প্রমুখাৎ বর্ণিত, তিনি বলেন, একদা কোন সফর থেকে নবী সঃ ঘরে ফিরে এলেন। তখন আমি ঘরের একটি তাকের উপর ছবিযুক্ত একটি (পাতলা) পর্দা ঝুলিয়ে রেখেছিলাম। ঐ পর্দাটি দেখে আল্লাহর রসূল সঃ-এর চেহারা (রাগে) রঙ্গিন (লাল) হয়ে গেল। তিনি (তা ছিড়ে ফেলে) বললেন, “হে আয়েশা! কিয়ামতের দিন আল্লাহর নিকট সবচেয়ে কঠিনতম আযাবের উপযুক্ত তারা, যারা আল্লাহর সৃষ্টিকারিতায় আনুরূপ্য অবলম্বন করে।”

হযরত আয়েশা (রাযিয়াল্লাহু আনহা) বলেন, পরে আমরা ঐ পর্দাটিকে কেটে একটি অথবা দু’টি তাকিয়া (ঠেস দেওয়ার বালিস) তৈরী করলাম। (বুখারী ৫৯৫৪, মুসলিম ২১০৭নং)

(১০০১) সাঈদ বিন আবুল হাসান বলেন, এক ব্যক্তি হযরত ইবনে আব্বাস রাঃ-এর নিকট উপস্থিত হয়ে বলল, ‘আমি একজন (শিল্পী) মানুষ; এই সকল মূর্তি বা ছবি তৈরী করে থাকি। সুতরাং এর (বৈধ-অবৈধতার) ব্যাপারে আপনি আমাকে ফতোয়া দিন।’ ইবনে আব্বাস রাঃ তাকে বললেন, ‘আমার নিকটবর্তী হও।’ লোকটি তাঁর কাছে গেল। অতঃপর তিনি বললেন, ‘আরো কাছে এস।’ লোকটি আরো কাছে গেল। অতঃপর তার মাথায় হাত রেখে তিনি বললেন, ‘আমি আল্লাহর রসূল সঃ এর নিকট থেকে যা শুনেছি তাই তোমাকে জানাব; আমি আল্লাহর রসূল সঃ কে বলতে শুনেছি যে, “প্রত্যেক মূর্তি বা ছবি নির্মাতা দোযখে যাবে। সে যে সব মূর্তি বা ছবি বানিয়েছে তার প্রত্যেকটির পরিবর্তে এমন জীব তৈরী করা হবে; যা তাকে জাহান্নামে আযাব দিতে থাকবে।” পরিশেষে ইবনে আব্বাস বললেন, আর যদি তুমি একান্ত করতেই চাও তবে গাছ ও রুহবিহীন বস্তুর ছবি বানাও। (বুখারী ২২২৫, ৫৯৬৩, মুসলিম ২১১০নং)

(১০০২) হযরত আবু তালহা রাঃ কর্তৃক বর্ণিত, আল্লাহর রসূল সঃ বলেছেন, “আল্লাহর (রহমতের) ফিরিশ্তাবর্গ সে গৃহে প্রবেশ করেন না, যে গৃহে কুকুর অথবা মূর্তি বা ছবি থাকে।” (বুখারী ৫৯৫৮, মুসলিম ২১০৬নং, তিরমিযী, নাসাঈ, ইবনে মাজাহ)

(১০০৩) হযরত আবু হুরাইরা রাঃ প্রমুখাৎ বর্ণিত, আল্লাহর রসূল সঃ বলেন, “কিয়ামতের দিন জাহান্নামের আগুনের এক মূর্তি বের হবে, যার থাকবে দু’টি চোখ;

যদ্বারা সে দর্শন করবে, দু'টি কান; যদ্বারা সে শ্রবণ করবে এবং যার জিভও থাকবে; যদ্বারা সে কথাও বলবে। সেদিন সে বলবে, 'তিন প্রকার লোককে শায়েস্তা করার দায়িত্ব আমাকে দেওয়া হয়েছে; প্রত্যেক উদ্ধত স্বৈরাচারী, প্রত্যেক সেই ব্যক্তি, যে আল্লাহর সহিত অন্য উপাস্যকেও আহ্বান (শির্ক) করেছে এবং যারা ছবি বা মূর্তি প্রস্তুত করেছে।' (আহমাদ, তিরমিযী, সিলসিলাহ সহীহাহ ৫১২নং)

## পাশা-জাতীয় খেলা হতে ভীতি-প্রদর্শন

(১০০৪) হযরত বুরাইদা رضي الله عنه কর্তৃক বর্ণিত, আল্লাহর রসূল ﷺ বলেন, “যে ব্যক্তি পাশা-জাতীয় খেলা খেলল, সে যেন তার হাতকে শূকরের রক্তে রঞ্জিত করল।” (মুসলিম ২২৬০, আবু দাউদ ৪৯৩৯নং, ইবনে মাজাহ ৩৭৬৩নং)

(১০০৫) হযরত আবু মুসা رضي الله عنه প্রমুখাৎ বর্ণিত, আল্লাহর রসূল ﷺ বলেন, “যে ব্যক্তি পাশা-জাতীয় খেলা খেলল, সে ব্যক্তি আল্লাহ ও তাঁর রসূলের নাফরমানী করল।” (মালেক, আবু দাউদ ৪৯৩৮, ইবনে মাজাহ ৩৭৬২নং, হাকেম ১/৫০, বাইহাকীর শুআবুল ঈমান, সহীহুল জামে' ৬৫২৯নং)

❀ উক্ত হাদীসদ্বয়ে 'নাদ বা নাদশীর' খেলাকে স্পষ্টভাবে হারাম করা হয়েছে। 'নাদ' হল পাশা-দাবা জাতীয় এক প্রকার পারস্যদেশীয় খেলা। এ খেলা সাধারণতঃ কুঁড়ে ও অকর্মণ্য লোকেদের খেলা। অনুরূপ খেলা ডাইস পাশা, দাবা, তাস, কেলামবোর্ড প্রভৃতি। যেমন জায়েয নয় পায়রা উড়িয়ে খেলা। এ সবে পয়সার বাজি থাকলে তো জুয়ায় পরিণত হয়।

(১০০৬) হযরত আবু হুরাইরা رضي الله عنه প্রমুখাৎ বর্ণিত, একদা নবী ﷺ এক ব্যক্তিকে পায়রা উড়িয়ে খেলা করতে দেখে বললেন, “শয়তান শয়তানের অনুসরণ করছে।” (আহমাদ, আবু দাউদ, ইবনে মাজাহ প্রভৃতি, মিশকাত ৪৫০৬নং)

❀ মোট কথা, যে খেলায় জিহাদের অনুশীলন হয়, অথবা মুসলিমের দ্বীন, জান ও স্বাস্থ্য-রক্ষায় এবং শারীরিক সুস্থতায় উপকার লাভ হয় সে খেলা ছাড়া অন্য কোন প্রকার খেলাধুলা মুসলিমের জন্য বৈধ নয়। অবশ্য এতেও শর্ত হল, তা যেন নামায, আল্লাহর স্মরণ ও অন্যান্য ইবাদত থেকে উদাসীন ও গাফেল না করে এবং তাতে যেন শরীয়ত-বিরোধী লেবাস; যেমন হাঁটুর উপর কাপড় না হয়।

(১০০৭) হযরত জাবের বিন আব্দুল্লাহ ও জাবের বিন উমাইর رضي الله عنه প্রমুখাৎ বর্ণিত, নবী ﷺ বলেন, “প্রত্যেক সেই কর্ম (খেলা) যা আল্লাহর স্মরণের পর্যায়ভুক্ত নয় তা অসার ভ্রান্তি ও বাতিল। অবশ্য চারটি কর্ম এরূপ নয়; হাতের নিশানা ঠিক করার উদ্দেশ্যে তীর খেলা, ঘোড়াকে প্রশিক্ষণ দেওয়া, নিজ স্ত্রীর সহিত প্রেমকেলি করা এবং সাঁতার শিক্ষা করা।” (নাসাঈ, ত্বাবারানীর কাবীর, সিলসিলাহ সহীহাহ ৩১৫নং)

## গান-বাজনা করা ও শোনা হতে ভীতি-প্রদর্শন

মহান আল্লাহ বলেন,

﴿وَمِنَ النَّاسِ مَن يَشْتَرِي لَهْوَ الْحَدِيثِ لِيُضِلَّ عَن سَبِيلِ اللَّهِ بِغَيْرِ عِلْمٍ هُزُواً وَيَتَّخِذَهَا أَوْتَانِكَ هُمْ

عَذَابٌ مُّهِينٌ﴾

অর্থাৎ, “এক শ্রেণীর লোক আছে, যারা মানুষকে আল্লাহর পথ থেকে গোমরাহ করার উদ্দেশ্যে অন্ধভাবে অসার বাক্য ক্রয় করে (বেছে নেয়) এবং আল্লাহর প্রদর্শিত পথ নিয়ে ঠাট্টা-বিদ্রূপ করে। এদের জন্য রয়েছে অবমাননাকর শাস্তি।” (সূরা লুকমান ৬ আয়াত)

(১০০৮) হযরত আব্দুল্লাহ বিন মসউদ رضي الله عنه তিন তিনবার কসম খেয়ে খেয়ে বলেছেন, ‘উক্ত আয়াতে ‘অসার বাক্য’ বলতে ‘গান’কে বুঝানো হয়েছে। (তাকসীর ইবনে কাশীর ৩/৪৪১)

(১০০৯) হযরত মুআবিয়া رضي الله عنه কর্তৃক বর্ণিত, আল্লাহর রসূল ﷺ বলেন, “মহানবী ﷺ মাতম করা, মূর্তি বা ছবি, হিংস্র জন্তুর চামড়া, (মহিলার) নগ্নতা ও পর্দাহীনতা, গান, (পুরুষের জন্য) সোনা ও রেশমকে নিষিদ্ধ ঘোষণা করেছেন।” (আহমাদ, সহীহুল জামে’ ৬৯১৪ নং)

(১০১০) হযরত আবু মালেক আশআরী رضي الله عنه কর্তৃক বর্ণিত, আল্লাহর রসূল ﷺ বলেন, “অবশ্যই আমার উম্মতের মধ্যে এমন এক সম্প্রদায় হবে; যারা ব্যভিচার, (পুরুষের জন্য) রেশমবস্ত্র, মদ এবং বাদ্যযন্ত্র ব্যবহার (হারাম হওয়া সত্ত্বেও) হালাল মনে করবে।” (বুখারী ৫৫৯০, আবু দাউদ, তিরমিযী, দারেমী, সহীহুল জামে’ ৫৪৬৬ নং)

(১০১১) হযরত আবু মালেক আশআরী رضي الله عنه কর্তৃক বর্ণিত, আল্লাহর রসূল ﷺ বলেন, “অবশ্যই আমার উম্মতের কিছু লোক মদের নাম পরিবর্তন করে তা পান করবে, তাদের মাথার উপরে বাদ্যযন্ত্র বাজানো হবে এবং নর্তকী নাচবে। আল্লাহ তাদেরকে মাটিতে ধসিয়ে দেবেন এবং বানর ও শূকরে পরিণত করবেন!” (ইবনে মাজাহ, ইবনে হিব্বান, তাবারানী, বাইহাকীর শূআবুল ঈমান, সহীহুল জামে’ ৫৪৫৪ নং)

(১০১২) হযরত আনাস رضي الله عنه কর্তৃক বর্ণিত, আল্লাহর রসূল ﷺ বলেন, “অবশ্যই আমার উম্মতের মাঝে (কিছু লোককে) মাটি ধসিয়ে, পাথর বর্ষণ করে এবং আকার বিকৃত করে (ধ্বংস করা) হবে। আর এ শাস্তি তখন আসবে, যখন তারা মদ পান করবে, নর্তকী রাখবে এবং বাদ্যযন্ত্র বাজাবে।” (সহীহুল জামে’ ৩৬৬৫, ৫৪৬৭ নং)

(১০১৩) হযরত আব্দুল্লাহ বিন আমর رضي الله عنه কর্তৃক বর্ণিত, আল্লাহর রসূল ﷺ বলেন, “অবশ্যই আল্লাহ আমার উম্মতের জন্য মদ, জুয়া, ঢোল-তবলা এবং বীণা-জাতীয় বাদ্যযন্ত্রকে হারাম করেছেন।---” (আহমাদ, সিলসিলাহ সহীহাহ ১৭০৮ নং)

(১০১৪) হযরত ইবনে আব্বাস رضي الله عنه কর্তৃক বর্ণিত, আল্লাহর রসূল ﷺ বলেন, “মদের মূল্য হারাম, ব্যভিচারের উপার্জন হারাম, কুকুরের মূল্য হারাম, তবলা









বলেন, “তোমাদের কারো পাত্রে কুকুর চাঁটলে তা (প্রথমবার মাটি দিয়ে মৈঁজে) সাতবার ধৌত করা” (বুখারী, মুসলিম, মিশকাত ৪৯০নং)

## একাকী অথবা মাত্র দু’জনে সফর করা হতে ভীতি- প্রদর্শন

(১০৩১) আমর বিন শুআইবের পিতামহ কর্তৃক বর্ণিত, এক ব্যক্তি সফর থেকে ফিরে এলে আল্লাহর রসূল ﷺ তাকে জিজ্ঞাসা করলেন, “তোমার সঙ্গে কে ছিল?” লোকটি বলল, ‘কেউ ছিল না।’ এ শুনে আল্লাহর রসূল ﷺ বললেন, “একাকী সফরকারী শয়তান, দু’জন মিলে সফরকারীও দু’টি শয়তান। আর তিনজন মিলে সফরকারী হল (শয়তান মুক্ত) সফরকারী।” (আহমাদ, আবু দাউদ ২৬০৭নং, তিরমিযী, হাকেম ২/১০২, সহীহুল জামে’ ৩৫২৪নং)

(১০৩২) হযরত ইবনে উমার ؓ প্রমুখাৎ বর্ণিত, নবী ﷺ বলেন, “লোকেরা যদি একাকীত্বের (কষ্ট) জানত - যেমন আমি জানি, তাহলে কোন সফরকারী রাতে একাকী সফর করত না।” (বুখারী ২৯৯৮নং)

❀ শয়তান মুমিনকে একা-দোকা পেয়ে কষ্ট দিতে ভারী সুযোগ ও অত্যন্ত মজা পায়। তাই একলা বা দোকলা সফরকারীকে শয়তান বলা হয়েছে। বলা বাহুল্য, জামাআতবদ্ধভাবে সফর করলে বিপদ-আপদে সহায়তা লাভ হয় এবং লাঘব হয় সফরের কষ্ট। তা ছাড়া সফর ও বিদেশবাস যে কত কষ্ট তা তো মুসাফির ও প্রবাসীরাই জানে।

বলাই বাহুল্য যে, মহিলার একা সফর আরো বিপজ্জনক, আরো ভয়ানক। তাইতো শরীয়তে রয়েছে তারও পৃথক নির্দেশ :-

(১০৩৩) হযরত ইবনে আব্বাস ؓ প্রমুখাৎ বর্ণিত, নবী ﷺ বলেন, “মাহরাম ছাড়া কোন পুরুষ যেন কোন মহিলার সাথে নির্জনতা অবলম্বন না করে এবং মাহরাম ছাড়া যেন কোন মহিলা একাকিনী সফর না করে।” এক ব্যক্তি বলল, ‘হে আল্লাহর রসূল! আমার স্ত্রী (একাকিনী) হজ্জ করতে বের হয়েছে। আর আমি অমুক অমুক যুদ্ধের জন্য নাম লিখিয়ে ফেলেছি। (এখন আমি কি করতে পারি?)’ তিনি বললেন, “তুমি ফিরে যাও এবং তোমার স্ত্রীর সাথে হজ্জ করা।” (বুখারী ৩০০৬, মুসলিম ১৩৪১নং)

(১০৩৪) হযরত আবু হুরাইরা ؓ প্রমুখাৎ বর্ণিত, আল্লাহর রসূল ﷺ বলেন, “আল্লাহ ও পরকালে বিশ্বাসিনী কোন মহিলার জন্য মাহরাম ছাড়া একাকিনী এক দিন ও রাত সফর করা বৈধ নয়।” (বুখারী ১০৮৮, মুসলিম ১৩৩৯নং)

## সফর ইত্যাদিতে কুকুর ও ঘন্টা সঙ্গে করা হতে

## ভীতি-প্রদর্শন

(১০৩৫) হযরত আবু হুরাইরা رضي الله عنه প্রমুখাৎ বর্ণিত, আল্লাহর রসূল صلى الله عليه وسلم বলেন, “(রহমতের) ফিরিশ্তাবর্গ সে কাফেলার সঙ্গ দেন না, যে কাফেলার সাথে কুকুর অথবা ঘন্টা থাকে।” (মুসলিম ২১১৩, আবু দাউদ ২৫৫৫নং, তিরমিযী আহমাদ, ইবনে হিবান)

(১০৩৬) হযরত আবু হুরাইরা رضي الله عنه হতে বর্ণিত, আল্লাহর রসূল صلى الله عليه وسلم বলেন, “ঘন্টা হল শয়তানের বাঁশি।” (মুসলিম ২১১৪, আবু দাউদ ২৫৫৬, আহমাদ ২/৩৬৬, ৩৭২, বাইহাকী ৫/২৫৩)

❀ পশুর গলায় যে ঘন্টা বাঁধা হয় তার শব্দ মুসলিমকে আল্লাহর যিকর ও সুচিন্তা থেকে উদাসীন করে ফেলে; তাই তাকে শয়তানের বাঁশি বলা হয়েছে। সুতরাং অনুমেয় যে, বাদ্যযন্ত্র কি?

এতো গেল পশুর গলায় ঘন্টার কথা। অন্যথা (নুপুর, খঁটকাঠি, চুড়ি প্রভৃতির) ঘন্টা বা ঘুঙুর মহিলার সাথে থাকলে সেখানে শয়তানের আধিপত্য ও প্রভাব যে কত বেশী হবে তা অনুমেয়।

## রাস্তার আদব

(১০৩৭) হযরত আবু হুরাইরা رضي الله عنه থেকে বর্ণিত, আল্লাহর রসূল صلى الله عليه وسلم বলেন, “ঈমান হল ষাট অথবা সত্তরাদিক শাখাবিশিষ্ট। তার মধ্যে সর্বশ্রেষ্ঠ শাখা হল, ‘লা ইলাহা ইল্লাল্লাহ’ বলা, সবচেয়ে ছোট শাখা হল, রাস্তা থেকে কষ্টদায়ক বস্তু দূর করা। আর লজ্জা হল ঈমানের একটি শাখা।” (মুসলিম ৩৫, আবু দাউদ, তিরমিযী প্রমুখ)

(১০৩৮) হযরত আবু হুরাইরা رضي الله عنه প্রমুখাৎ বর্ণিত, আল্লাহর রসূল صلى الله عليه وسلم বলেন, “এক ব্যক্তি রাস্তায় চলতে চলতে তাতে একটি কাঁটার ডাল পেল, সে সেটিকে সরিয়ে দিল। আল্লাহ তার এই কাজের কদর করলেন এবং তাকে পাপমুক্ত করে দিলেন।” (বুখারী, মুসলিম ১৯১৪নং)

(১০৩৯) হযরত মুআয বিন জাবাল رضي الله عنه হতে বর্ণিত, আল্লাহর রসূল صلى الله عليه وسلم বলেন, “তোমরা তিনটি অভিশাপ আনয়নকারী কর্ম থেকে বাঁচ; আর তা হল, ঘাটে, মাঝ-রাস্তায় এবং ছায়ায় পায়খানা করা।” (আবু দাউদ, ইবনে মাজাহ, সহীহ তারগীব ১৪১নং)

(১০৪০) হযরত হুযাইফাহ বিন আসীদ رضي الله عنه হতে বর্ণিত, নবী صلى الله عليه وسلم বলেন, “যে ব্যক্তি রাস্তার ব্যাপারে মুসলিমদেরকে কষ্ট দেয়, সে ব্যক্তির উপরে তাদের অভিশাপ অনিবার্য হয়ে যায়।” (তাবারানী কাবীর, সহীহ তারগীব ১৪৩নং)

(১০৪১) হযরত আবু সাঈদ খুদরী رضي الله عنه প্রমুখাৎ বর্ণিত, আল্লাহর রসূল صلى الله عليه وسلم বলেন, “তোমরা রাস্তার উপর বসা থেকে দূরে থাকা।” তা শুনে লোকেরা বলল, ‘হে আল্লাহর রসূল! কিন্তু রাস্তায় না বসলে তো উপায় নেই। যেহেতু আমরা সেখানে কথাবার্তা বলে থাকি।’ আল্লাহর রসূল صلى الله عليه وسلم বললেন, “তোমরা না বসতে যদি

অস্বীকারই কর, তাহলে রাস্তার হক আদায় কর।” লোকেরা বলল, ‘রাস্তার হক কি?’ তিনি বললেন, “চক্ষু অবনত রাখা, কষ্টদান থেকে বিরত থাকা, সালামের জবাব দেওয়া, (উত্তম কথা বলা, পথভ্রষ্টকে পথ বলে দেওয়া) এবং ভালো কাজের আদেশ দেওয়া ও মন্দ কাজে বাধা দান করা।” (বুখারী, মুসলিম ২ ১৬ ১নং প্রমুখ)

## তওবার মাহাত্ম্য

দয়াবান আল্লাহ বলেন,

﴿ وَتُوبُوا إِلَى اللَّهِ جَمِيعًا أَيُّهَ الْمُؤْمِنُونَ لَعَلَّكُمْ تُفْلِحُونَ ﴾

অর্থাৎ, হে মুমিনগণ! তোমরা সকলে আল্লাহর দিকে তওবা (প্রত্যাবর্তন) কর, যাতে তোমরা সফলকাম হতে পার। (সূরা নূর ৩১ আয়াত)

﴿ يَتَأْتِيهَا الَّذِينَ ءَامَنُوا تُوبُوا إِلَى اللَّهِ تَوْبَةً نَّصُوحًا عَسَىٰ رَبُّكُمْ أَن يُكَفِّرَ عَنْكُمْ سَيِّئَاتِكُمْ وَيُدْخِلَكُمُ

جَنَّاتٍ تَجْرِي مِن تَحْتِهَا الْأَنْهَارُ ﴾

অর্থাৎ, হে মুমিনগণ! তোমরা আল্লাহর নিকট তওবা কর; খাঁটি তওবা। সম্ভবতঃ তোমাদের প্রতিপালক তোমাদের পাপসমূহ মোচন করে দেবেন এবং তোমাদেরকে প্রবেশ করাবেন জান্নাতে; যার পাদদেশে নদীসমূহ প্রবাহিত। (সূরা তাহরীম ৮ আয়াত)

﴿ وَمَنْ يَفْعَلْ ذَلِكَ يَلْقَ أَثَامًا ﴿٦٥﴾ يُضْعَفُ لَهُ الْعَذَابُ يَوْمَ الْقِيَامَةِ وَيَخْلُدُ فِيهِ مُهَانًا ﴿٦٦﴾ إِلَّا مَنْ تَابَ

وَأَمَرَ وَعَمِلَ غَمَلًا صَالِحًا فَأُولَٰئِكَ يُبَدِّلُ اللَّهُ سَيِّئَاتِهِمْ حَسَنَاتٍ وَكَانَ اللَّهُ غَفُورًا رَّحِيمًا ﴿٦٧﴾ ﴾

অর্থাৎ, আর যে ব্যক্তি এ সব (মহাপাপ) করবে তারা শাস্তি ভোগ করবে। কিয়ামতের দিন ওদের শাস্তি বর্ধিত করা হবে এবং সেখানে (জাহান্নামে) তারা হীন অবস্থায় স্থায়ী হবে। তবে তারা নয় যারা তওবা করবে এবং ঈমান এনে সৎকাজ করবে। আল্লাহ তাদের পাপগুলোকে পুণ্যে পরিবর্তিত করে দেবেন। আর আল্লাহ ক্ষমাশীল, দয়াবান। (সূরা ফুরকান ৬৮-৭০ আয়াত)

(১০৪২) হযরত আনাস বিন মালেক হতে বর্ণিত, নবী ﷺ বলেন, এক মুসাফির তার উট সহ সফরে এক মারাত্মক মরুভূমিতে গিয়ে পড়লে বিশ্রামের জন্য এক গাছের নীচে ছায়ায় মাথা রেখে শোওয়া মাত্র ঘুমিয়ে পড়ল। এরই মধ্যে তার উট গায়েব হয়ে গেল। উটের উপর ছিল তার খাবার ও পানীয় সব কিছু। কিছুক্ষণ পড়ে জেগে উঠে দেখল তার উট গায়েব। সে এদিক-সেদিক খোঁজাখুঁজি শুরু করল; কিন্তু বৃথায় হযরান হল। ক্ষুধা ও পিপাসায় যখন খুব বেশী কাতর হয়ে পড়ল, তখন ফিরে সেই গাছের নিকটে এসে আবার শোওয়া মাত্র তার চোখ লেগে গেল। কিছু পরে চোখ খুলতেই দেখতে পেল, তার সেই উট তার খাদ্য ও পানীয় সহ দাঁড়িয়ে আছে। তা দেখে সে এত খুশী হল যে, উটের লাগাম ধরে খুশীর উচ্ছ্বাসে ভুল বকে বলে উঠল,

‘আল্লাহ! তুই আমার বান্দা। আর আমি তোঁর রব!’ মহানবী ﷺ বলেন, (হারিয়ে যাওয়া বা পালিয়ে যাওয়া বান্দা ফিরে এলে) “তওবা করলে আল্লাহ ঐ হারিয়ে যাওয়া উট-ওয়ালা অপেক্ষা অধিক খুশী হন!” (বুখারী, মুসলিম ২৭৪৭নং, প্রমুখ)

(১০৪৩) হযরত আবু হুরাইরা رضي الله عنه হতে বর্ণিত, আল্লাহর রসূল ﷺ বলেছেন, “আল্লাহ আযযা অজাল্ল বলেন, ‘আমি আমার প্রতি আমার বান্দার ধারণার নিকটেই থাকি। আমি তার সঙ্গে হই যখন সে আমাকে স্মরণ করে। আল্লাহ তার বান্দার তওবা করার সময় তোমাদের মধ্যে সেই ব্যক্তি অপেক্ষাও অধিক খুশী হন যে ব্যক্তি মরুভূমিতে তার হারানো উট ও খাদ্যসামগ্রী ফিরে পায়। যে ব্যক্তি আমার প্রতি এক বিঘত পরিমাণ নিকটবর্তী হয়, আমি তার প্রতি এক হাত পরিমাণ নিকটবর্তী হই। যে ব্যক্তি আমার প্রতি এক হাত পরিমাণ নিকটবর্তী হয়, আমি তার প্রতি দুই হস্ত-বিস্তৃত পরিমাণ নিকটবর্তী হই। আর যে ব্যক্তি আমার প্রতি সাধারণ ভাবে হেঁটে আসে আমি তার প্রতি দৌড়ে যাই।” (মুসলিম ২৬৭৫ নং)

(১০৪৪) হযরত আবু সাঈদ খুদরী رضي الله عنه কর্তৃক বর্ণিত, নবী ﷺ বলেন, “তোমাদের পূর্ববর্তী উস্মতের এক ব্যক্তি নিরানন্ধইটি প্রাণ হত্যা করেছিল। সে লোকদের জিজ্ঞাসা করল, ‘পৃথিবীর বৃক্কে সবচেয়ে বড় আলেম কে?’ তাকে এক পাদরীর কথা বলা হলে সে তার নিকট এসে বলল যে, সে নিরানন্ধইটি প্রাণ হত্যা করে ফেলেছে, অতএব তার কি কোন তওবা আছে? পাদরী বলল, ‘না।’

ফতোয়া শুনে লোকটি তাকেও হত্যা করে সংখ্যায় শত পূরণ করল। পুনরায় সে পৃথিবীর সর্বাপেক্ষা বড় আলেমের কথা লোকদের জিজ্ঞাসা করল। জনৈক আলেমের কথা বলা হলে তার নিকট গিয়ে বলল, সে একশ’টি প্রাণ হত্যা করে ফেলেছে। অতএব তার কি কোন তওবা আছে? আলেমটি বলল, ‘হ্যাঁ, আছে। তোমার ও তওবার মাঝে কে অন্তরায় হবে? তুমি অমুক দেশে যাও। সেখানে এমন বহু লোক আছে; যারা আল্লাহর উপাসনা করে। সুতরাং তুমিও তাদের সহিত আল্লাহর উপাসনা কর। আর তুমি তোমার নিজের দেশে ফিরে এস না। কারণ, তা পাপের দেশ।’

লোকটি সেই দেশের দিকে পথ চলতে লাগল। অবশেষে যখন অর্ধেক পথ অতিক্রম করল, তখন তার মৃত্যু উপস্থিত হয়ে গেল। এবারে তার প্রাণ বহন করার ব্যাপারে রহমত ও আযাবের ফিরিশ্তাবর্গের মাঝে মতানৈক্য হল। রহমতের ফিরিশ্তাগণ বললেন, ‘(প্রাণ আমরাই বহন করব, কারণ) সে তওবা করে তার হৃদয়সহ আল্লাহ তাআলার প্রতি অভিমুখী হয়ে (এ দিকে) এসেছে।’ কিন্তু আযাবের ফিরিশ্তাগণ বললেন, ‘(প্রাণ আমরা বহন করব, কারণ) সে আদৌ কোন সৎকর্ম করেনি।’

ইতি মধ্যে মানুষের বেশে এক ফিরিশ্তা সেখানে উপস্থিত হলেন। তাঁরা সকলেই তাকে সালিস মানলেন। তিনি তাঁদেরকে মীমাংসা দিয়ে বললেন, “দুই দেশের ভূমি মাপা হোক। অতঃপর যে দেশের প্রতি ও অধিকতর নিকটবর্তী হবে সেই দেশ

হিসাবে তার ফায়সালা হবে। তাঁরা দুই দিকেরই ভূমি মাপলেন এবং দেখলেন, যে দেশে সে যাওয়ার ইচ্ছা করেছিল সেদিকেরই সে অধিকতর নিকটবর্তী। ফলে রহমতের ফিরিশ্তা তার প্রাণ গ্রহণ করলেন।”

এক বর্ণনায় আছে, “সংলোকদের দেশের দিকে সে এক বিঘত পরিমাণ নিকটবর্তী ছিল। তাই তাকে ঐ দেশবাসীর দলভুক্ত করা হল।”

অন্য এক বর্ণনায় বলা হয়েছে, “আল্লাহ জালা জালালুহ (তার নিজের দেশকে) বললেন, “তুমি দূরে সরে যাও এবং ঐ সংলোকদের দেশকে বললেন, “তুমি নিকটে হয়ে যাও। আর বললেন, “ঐ দুয়ের মধ্যবর্তী ভূমি মাপো। সুতরাং তাকে ঐ সংলোকদের দেশের দিকে এক বিদ্যা নিকটবর্তী পাওয়া গেল। ফলে তাকে ক্ষমা করে দেওয়া হল।” (বুখারী, মুসলিম)

(১০৪৫) আগার বিন য়াসার رضي الله عنه হতে বর্ণিত, আল্লাহর রসূল ﷺ বলেন, “হে লোক সকল! তোমরা আল্লাহর নিকট তওবা এবং ক্ষমা প্রার্থনা কর। আমি দিনে এক শ’ বার করে তওবা করে থাকি।” (মুসলিম ২৭০২, আবু দাউদ ১৫১৫নং)

❀ কৃতপাপের জন্য ক্ষমা প্রার্থনা করা এবং পাপ ও অবাধ্যতা থেকে সম্পূর্ণরূপে প্রতিনিবৃত্ত হওয়ার নাম তওবা। তওবা হল- অনুতপ্ত হয়ে আল্লাহর প্রতি প্রত্যাবর্তন করা; যে গুপ্ত অথবা প্রকাশ্য জিনিস আল্লাহ ঘৃণা করেন সেই জিনিস হতে, যা তিনি পছন্দ করেন ও ভালোবাসেন তার প্রতি ফিরে আসার নাম।

এই তওবার রয়েছে কয়েকটি শর্ত; সে শর্ত পূরণ না হলে তওবা কবুল হয় না :-

(১) তওবা হবে আন্তরিকভাবে একমাত্র আল্লাহর জন্য বিশুদ্ধ অর্থাৎ অন্য কাউকে খোশ করার জন্য অথবা কোন স্বার্থ উদ্ধারের জন্য তওবা হলে চলবে না।

(২) সাথে সাথে পাপ বর্জন করতে হবে। পাপে লিপ্ত থাকা অবস্থায় তওবা গ্রাহ্য নয়।

(৩) বিগত (পাপের) উপর লাঞ্ছনা ও অনুশোচনা প্রকাশ করতে হবে। লজ্জিত না হলে উন্নাসিকতার সাথে তওবা গ্রহণীয় নয়।

(৪) পুনরায় মরণ পর্যন্ত সে পাপের প্রতি না ফেরার দৃঢ় সঙ্কল্প করতে হবে। তা না হলে তওবা বা প্রত্যাবর্তনের অর্থ কি?

(৫) কোন মানুষের অধিকার হরণ করে পাপ করলে সে অধিকার আদায় করে তবে তওবা করতে হবে। তা না হলে কুয়োতে বিড়াল মরা ফেলে রেখে পানি তুলে পানি পাক করার ব্যবস্থা নিলে কি হবে?

(৬) তওবা কবুল হওয়ার নির্ধারিত সময়ে (মরণ নিকটবর্তী হওয়ার আগে এবং পশ্চিমাকাশে সূর্য উদয় হওয়ার পূর্বে) তওবা করতে হবে।

## পাপের পরেই পুণ্য করার গুরুত্ব

(১০৪৬) হযরত আবু যার্ন رضي الله عنه হতে বর্ণিত, আল্লাহর রসূল صلى الله عليه وسلم বলেন, “তুমি যেখানেই থাক, আল্লাহকে ভয় কর। পাপ করে ফেললে তার সাথে সাথে পুণ্য কর। আর মানুষের সঙ্গে সুন্দর চরিত্রের সাথে ব্যবহার কর।” (আহমাদ, আবু দাউদ, তিরমিযী, হাকেম প্রমুখ, সহীহুল জামে’ ৯৭ নং)

(১০৪৭) হযরত উক্ববাহ বিন আমের رضي الله عنه হতে বর্ণিত, তিনি বলেন, আল্লাহর রসূল صلى الله عليه وسلم বলেছেন, “যে ব্যক্তি কোন পাপ করার পরপরই পুণ্যকর্ম করে সেই ব্যক্তির উপমা এমন একজনের মত যার দেহে ছিল সংকীর্ণ বর্ম; যা তার শ্বাস রোধ করে ফেলেছিল। অতঃপর সে যখন একটি পুণ্যকর্ম করে, তখন বর্মের একটি আংটা খুলে যায়। তারপর আর একটি পুণ্য করলে আরো একটি আংটা খুলে যায়। ফলে সে সংকীর্ণতার কষ্ট থেকে মুক্তি লাভ করতে পারে।” (আহমাদ, তাবারানী, সহীহুল জামে’ ২১৯২ নং)

## শয়তান থেকে সাবধান

মহান আল্লাহ বলেন,

﴿ أَلَمْ أَعْهَدْ إِلَيْكُمْ بَيْنِي ۖ أَدَمَ أَبًا لَا تَعْبُدُوا الشَّيْطَانَ إِنَّهُ لَكُمْ عَدُوٌّ مُّبِينٌ ﴾

অর্থাৎ, হে আদম সন্তান-সন্ততিগণ! আমি কি তোমাদেরকে নির্দেশ দিইনি যে, তোমরা শয়তানের দাসত্ব করো না? কারণ সে তোমাদের শত্রু। (সূরা ইয়াসীন ৬০ আয়াত)

﴿ إِنَّ الشَّيْطَانَ لَكُمْ عَدُوٌّ فَاتَّخِذُوهُ عَدُوًّا إِنَّمَا يَدْعُوا حِزْبَهُ لِيَكُونُوا مِنْ أَصْحَابِ السَّعِيرِ ﴾

অর্থাৎ, নিশ্চয় শয়তান তোমাদের শত্রু। অতএব তাকে শত্রু হিসেবেই গ্রহণ করো। সে তো তার দলবলকে এ জন্য আহ্বান করে যে, ওরা যেন জাহান্নামী হয়। (সূরা ফাতির ৬ আয়াত)

﴿ يَتَّبِعُهَا الَّذِينَ ءَامَنُوا آدْخُلُوا فِي السَّلَامِ كَآفَّةً وَلَا تَتَّبِعُوا خُطُوَاتِ الشَّيْطَانِ ۚ

﴿ إِنَّهُ لَكُمْ عَدُوٌّ مُّبِينٌ ﴾

অর্থাৎ, হে ঈমানদারগণ! তোমরা পরিপূর্ণরূপে ইসলামে প্রবেশ কর। আর শয়তানের পদাঙ্ক অনুসরণ করো না। নিশ্চয়ই সে তোমাদের প্রকাশ্য শত্রু। (সূরা বাক্বারাহ ২০৮ আয়াত)

﴿ وَقُلْ لِعِبَادِي يَقُولُوا الَّتِي هِيَ أَحْسَنُ إِنَّ الشَّيْطَانَ يَنْزِعُ بَيْنَهُمْ ءِئِنَّ الشَّيْطَانَ كَانَ لِلْإِنْسَانِ عَدُوًّا

﴿ مُبِينًا ﴾

অর্থাৎ, আমার বান্দাগণকে বল, তারা যেন সেই কথাই বলে, যা উত্তম। শয়তান



ওদের মধ্যে বিভেদ সৃষ্টির উস্কানি দেয়। নিশ্চয়ই শয়তান মানুষের প্রকাশ্য শত্রু। (সূরা ইসরা ৫৩ আয়াত)

﴿يَأْتِيهَا الَّذِينَ ءَامَنُوا لَا تَتَّبِعُوا خُطُوتَ الشَّيْطَانِ وَمَنْ يَتَّبِعْ خُطُوتَ الشَّيْطَانِ فَإِنَّهُ يَأْمُرُ بِالْفَحْشَاءِ  
وَالْمُنْكَرِ وَلَوْلَا فَضْلُ اللَّهِ عَلَيْكُمْ وَرَحْمَتُهُ مَا زَكَايَ مِنْكُمْ مِّنْ أَحَدٍ أَبَدًا وَلَكِنَّ اللَّهَ يُزَكِّي مَن يَشَاءُ وَاللَّهُ

﴿ سَمِيعٌ عَلِيمٌ ﴾

অর্থাৎ, হে ঈমানদারগণ! তোমরা শয়তানের পদাঙ্ক অনুসরণ করো না। কেউ শয়তানের পদাঙ্ক অনুসরণ করলে শয়তান তো অশ্লীলতা ও মন্দ কাজের নির্দেশ দেয়। আল্লাহর অনুগ্রহ ও দয়া না থাকলে তোমাদের কেউই কখনো পবিত্র হতে পারত না। অবশ্য আল্লাহ যাকে ইচ্ছা পবিত্র করে থাকেন এবং আল্লাহ সর্বশ্রোতা সর্বজ্ঞ। (সূরা নূর ২১ আয়াত)

(১০৪৮) হযরত আব্দুল্লাহ বিন মাসউদ رضي الله عنه প্রমুখাৎ বর্ণিত, আল্লাহর রসূল صلى الله عليه وسلم বলেন, “তোমাদের মধ্যে এমন কেউ নেই, যার সাথে সঙ্গী জিন নিযুক্ত নেই।” লোকেরা বলল, ‘আর আপনার সাথেও কি আছে, হে আল্লাহর রসূল!’ তিনি বললেন, “আমার সাথেও আছে। তবে আল্লাহ তার বিরুদ্ধে আমাকে সাহায্য করেন বলে আমি নিরাপদে থাকি। সুতরাং আমাকে সে মঙ্গল ছাড়া অন্য কিছুই আদেশ দিতে পারে না।” (মুসলিম ২৪১৮নং)

(১০৪৯) হযরত জাবের رضي الله عنه প্রমুখাৎ বর্ণিত, আল্লাহর রসূল صلى الله عليه وسلم বলেন, “সমুদ্রের উপর শয়তান তার সিংহাসন রেখে মানুষকে বিভিন্ন পাপ ও ফিতনায় জড়িত করার উদ্দেশ্যে নিজের শিষ্যদল পাঠিয়ে থাকে। তার কাছে সেই শিষ্য সবচেয়ে বড় মর্যাদা (ও বেশী নৈকট্য) পায়, যে সবচেয়ে বড় পাপ বা ফিতনা সৃষ্টি করতে পারে। কোন শিষ্য এসে বলে, ‘আমি এই করেছি।’ ইবলীস বলে, ‘তুই কিছুই করিসনি।’ অন্যজন বলে ‘আমি একজনের পিছনে লেগে তার স্ত্রীকে তালাক দেওয়া করিয়েছি।’ তখন শয়তান তাকে নিকটে করে (জড়িয়ে ধরে) বলে, ‘হ্যাঁ, তুমিই একটা কাজ করেছ!’” (মুসলিম ২৮১৩নং)

(১০৫০) হযরত জাবের رضي الله عنه প্রমুখাৎ বর্ণিত, আল্লাহর রসূল صلى الله عليه وسلم বলেন, “শয়তান এ ব্যাপারে নিরাশ হয়ে গেছে যে, আরব-দ্বীপে নামাযীরা তার ইবাদত করবে। তবে তাদের আপোসের মাঝে (হিংসা-বিদ্বেষ, কলহ, গৃহদ্বন্দ্ব, যুদ্ধ প্রভৃতি সৃষ্টি করে) ফিতনা বাধাতে কৃতার্থ হবে।” (মুসলিম ২৮১২নং)



(১০৫৩) হযরত আবু সাঈদ খুদরী رضي الله عنه কর্তৃক বর্ণিত, নবী صلى الله عليه وسلم বলেন, “একদা বেহেশ্ত ও দোযখের মাঝে কলহ হল; দোযখ বলল, ‘আমার মাঝে আছে দাম্ভিক ও অহংকারী ব্যক্তিবর্গ।’ বেহেশ্ত বলল, ‘আমার মাঝে আছে দুর্বল দরিদ্রশ্রেণীর মুসলিম ব্যক্তিবর্গ।’ আল্লাহ তাদের উভয়ের মাঝে মীমাংসা করে বললেন, ‘তুমি জান্নাত, আমার রহমত (কৃপা); তোমার মাধ্যমে আমি যাকে ইচ্ছা তাকে কৃপা করব। আর তুমি দোযখ, আমার আযাব (শাস্তি); তোমার মাধ্যমে আমি যাকে ইচ্ছা তাকে শাস্তি প্রদান করব। আর তোমাদের উভয়কেই পূর্ণ করা আমার দায়িত্ব।” (মুসলিম ২৮৪৬ নং)

(১০৫৪) হযরত মুসআব বিন সা’দ رضي الله عنه হতে বর্ণিত, আল্লাহর রসূল صلى الله عليه وسلم বলেন, “তোমরা তোমাদের দুর্বলশ্রেণীর লোকদের কারণেই বিজয় ও রুজী লাভ করে থাক।” (বুখারী ২৮৯ নং)

## দুনিয়ার প্রতি বিরাগ ও আখেরাতের প্রতি অনুরাগের মাহাত্ম্য

(১০৫৫) হযরত মা’কাল বিন ইয়াসার رضي الله عنه কর্তৃক বর্ণিত, আল্লাহর রসূল صلى الله عليه وسلم বলেছেন, “তোমাদের প্রতিপালক বলেন, ‘হে আদম সন্তান! আমার ইবাদতে নিরত হও, আমি তোমার হৃদয়কে ধনবত্তায় এবং উভয় হাতকে রুযীতে ভরে দেব। হে আদম সন্তান! আমার নিকট থেকে দূরে সরে যেওনা। নচেৎ তোমার হৃদয়কে অভাব দিয়ে এবং উভয় হাতকে কর্মব্যস্ততা দিয়ে ভরে দেব।” (হাকেম ৪/৩২৬, সিলসিলাহ সহীহাহ ১৩৫৯নং)

(১০৫৬) হযরত যায়দ বিন ষাবেত رضي الله عنه কর্তৃক বর্ণিত, আল্লাহর রসূল صلى الله عليه وسلم বলেছেন, “যে ব্যক্তির প্রধান চিন্তা (লক্ষ্য) ইহলৌকিক সুখভোগ (দুনিয়াদারীই) হয়, আল্লাহ তার প্রচেষ্টাকে তার প্রতিকূলে বিক্ষিপ্ত করে দেন, তার দারিদ্রকে তার দুই চক্ষুর সামনে করে দেন, আর দুনিয়ার সুখসামগ্রী তার ততটুকুই লাভ হয় যতটুকু তার ভাগ্যে লিখা থাকে। পক্ষান্তরে যে ব্যক্তির উদ্দেশ্য (ও পরম লক্ষ্য) পারলৌকিক সুখভোগ (আখেরাতই) হয়, আল্লাহ তার প্রচেষ্টাকে তার অনুকূলে ঐকান্তিক করে দেন। তার অন্তরে অমুখাপেক্ষিতা (ধনবত্তা) ভরে দেন। আর অনিচ্ছা সত্ত্বেও দুনিয়ার (সুখসামগ্রী) তার নিকট এসে উপস্থিত হয়।” (আহমাদ, ইবনে মাজাহ, ইবনে হিব্বান, বাইহাক্বী, সিলসিলাহ সহীহাহ ৯৫০ নং)

## ধন ও যশ-লোভ হতে ভীতি-প্রদর্শন

(১০৫৭) হযরত কা’ব বিন মালেক رضي الله عنه হতে বর্ণিত, আল্লাহর রসূল صلى الله عليه وسلم বলেন, “দুটি ক্ষুধার্ত নেকড়ে বাঘকে কোন ছাগপালে ছেড়ে দিলে তারা ছাগলের যতটা বিনাশ সাধন করে, তার চাইতেও ধনলোভ ও দীনদারীর খ্যাতিলোভ মানুষের অধিক

বিনাশ সাধন করে।” (তিরমিযী ২৩৭৬, ইবনে হিব্বান ৩২ ১৮, সহীহুল জামে’ ৫৬২০নং)

(১০৫৮) হযরত ইবনে আব্বাস رضي الله عنه কর্তৃক বর্ণিত, আল্লাহর রসূল ﷺ বলেছেন, “আদম সন্তানের মালিকানায় যদি সোনার একটি উপত্যকাও হয়; তবুও সে অনুরূপ আরো একটির মালিক হওয়ার অভিলাষী থাকবে। পরন্তু একমাত্র মাটিই আদম সন্তানের চোখ (পেট) পূর্ণ করতে পারে। অবশ্য যে ব্যক্তি তওবা করবে, আল্লাহ তার তওবা গ্রহণ করবেন।” (বুখারী ৬৪৩৭, মুসলিম ১০৪৯নং)

## বিষয়াসক্তি ও দুনিয়াদারী হতে ভীতি-প্রদর্শন

আল্লাহ তাআলা বলেন,

﴿ أَعْلَمُوا أَنَّمَا الْحَيَاةُ الدُّنْيَا لَعِبٌ وَهُوَ زِينَةٌ وَتَفَاخُرٌ بَيْنَكُمْ وَتَكَاثُرٌ فِي الْأَمْوَالِ وَالْأَوْلَادِ كَمَثَلِ غَيْثٍ أَعْجَبَ الْكُفَّارَ نَبَاتُهُ، ثُمَّ يَهِيجُ فَتَرَاهُ مُصْفَرًّا ثُمَّ يَكُونُ حُطَمًا ۗ وَفِي الْآخِرَةِ عَذَابٌ شَدِيدٌ وَمَغْفِرَةٌ مِّنَ اللَّهِ وَرِضْوَانٌ ۗ وَمَا الْحَيَاةُ الدُّنْيَا إِلَّا مَتَاعُ الْغُرُورِ ﴿١٠٥﴾

অর্থাৎ, তোমরা জেনে রাখ যে, পার্থিব জীবন তো ক্রীড়া-কৌতুক, সাজ-সজ্জা, পারস্পরিক গর্ববোধ ও ধনে-জনে প্রাচুর্য লাভে প্রতিযোগিতা ব্যতীত আর কিছুই নয়। এর উপমা হল বৃষ্টি, যার সবুজ ফসল কৃষকদেরকে চমৎকৃত করে, অতঃপর তা শুকিয়ে যায়, ফলে তুমি তা পীতবর্ণ দেখতে পাও, অবশেষে তা খড়-কুটায় পরিণত হয়ে যায়। (কিন্তু যে ব্যক্তি পরকাল পরিত্যাগ করে দুনিয়াদারীতে মশগুল থাকে তার জন্য) পরকালে রয়েছে কঠিন শাস্তি। আর (আখেরাতকামী মুমিনদের জন্য) রয়েছে আল্লাহর ক্ষমা ও সন্তুষ্টি। পার্থিব জীবন ছলনাময় ভোগ বৈ কিছুই নয়। (সূরা হাদীদ ১০ আয়াত)

﴿ يَأْتِيهَا النَّاسُ إِنَّ وَعْدَ اللَّهِ حَقٌّ فَلَا تَغُرَّنَّكُمُ الْحَيَاةُ الدُّنْيَا وَلَا يَغُرَّنَّكُم بِاللَّهِ الْغُرُورُ ﴿١٠٦﴾

অর্থাৎ, হে মানুষ! আল্লাহর প্রতিশ্রুতি সত্য; সুতরাং পার্থিব জীবন যেন তোমাদেরকে কিছুতেই প্রতারিত না করে এবং প্রবঞ্চক যেন কিছুতেই আল্লাহ সম্পর্কে তোমাদেরকে প্রবঞ্চিত না করে। (সূরা ফাতির ৫ আয়াত)

﴿ مَنْ كَانَ يُرِيدُ الْعَاجِلَةَ عَجَلْنَا لَهُ فِيهَا مَا نَشَاءُ لِمَنْ نُرِيدُ ثُمَّ جَعَلْنَا لَهُ جَهَنَّمَ يَصْلَاهَا مَذْمُومًا مَّدْحُورًا ﴿١٠٧﴾

﴿ وَمَنْ أَرَادَ الْآخِرَةَ وَسَعَىٰ لَهَا سَعْيَهَا وَهُوَ مُؤْمِنٌ فَأُولَٰئِكَ كَانَ سَعْيُهُمْ مَشْكُورًا ﴿١٠٨﴾

অর্থাৎ, কেউ পার্থিব সুখ-সম্ভোগ কামনা করলে আমি যাকে যা ইচ্ছা সত্ত্বর দিয়ে থাকি, পরে ওর জন্য জাহান্নাম নির্ধারণ করি; যেখানে সে নিন্দিত ও অনুগ্রহ হতে দূরীকৃত অবস্থায় প্রবেশ করবে। আর যারা পরকাল কামনা করে এবং মুমিন অবস্থায় তার জন্য যথাযথ চেষ্টা-সাধনা করে, এমন লোকদের চেষ্টা স্বীকৃত হয়ে থাকে। (সূরা ইসরা’ ১৮- ১৯ আয়াত)



দীনারের গোলাম, দিরহামের গোলাম ও উত্তম পোশাকের গোলাম (দুনিয়াদার)! যদি তাকে দেওয়া হয়, তাহলে সে সন্তুষ্ট হয়। আর না দেওয়া হলে অসন্তুষ্ট হয়। সে ধ্বংস হোক, লাঞ্ছিত হোক! তার পায়ে কাঁটা বিধলে তা বের করতে না পারুক।

ঐ বান্দার জন্য সুসংবাদ যে আল্লাহর পথে নিজের ঘোড়ার লাগাম ধরে প্রস্তুত আছে। যার মাথার কেশ আলুথালু, যার পদযুগল ধূলিমলিন। তাকে পাহারার কাজে নিযুক্ত করলে, পাহারার কাজে নিযুক্ত থাকে। আর তাকে সৈন্যদলের পশ্চাতে (দেখাশোনার কাজে) নিয়োজিত করলে, সৈন্যদলের পশ্চাতে থাকে। যদি সে কারো সাক্ষাতের অনুমতি চায়, তাহলে তাকে অনুমতি দেওয়া হয় না এবং কারো জন্য সুপারিশ করলে, তার সুপারিশ গ্রহণ করা হয় না।” (বুখারী ২৮৮৭, মিশকাত ৫১৬ ১নং)

## আল্লাহর নিকট (মুক্তির) আশা ও তাঁর প্রতি সুধারণা রাখার গুরুত্ব

(১০৬৭) হযরত আনাস বিন মালেক رضي الله عنه হতে বর্ণিত, আল্লাহর রসূল صلى الله عليه وسلم বলেছেন, “আল্লাহ তাবারাকা অতাআলা বলেন, ‘হে আদম সন্তান! তুমি যতকাল আমাকে আহ্বান করবে এবং আমার প্রতি আশা রাখবে, আমি ততকাল তোমাকে ক্ষমা করে দেব; তাতে তোমার মধ্যে যত ও যে পাপই থাক্ না কেন। আর এতে আমি কোন প্রকার পরোয়া করি না। হে আদম সন্তান! যদি তোমার পাপরাশি (স্তুপীকৃত হয়ে) আকাশের মেঘও ছুঁয়ে থাকে, অতঃপর তুমি আমার নিকট ক্ষমা প্রার্থনা কর, তবে আমি তোমাকে ক্ষমা করে দেব। আর এতে আমার কোন পরোয়া নেই। হে আদম সন্তান! যদি তুমি পৃথিবী সমান পাপ করেও আমার সহিত কাউকে শিক্ না করে আমাকে সাক্ষাৎ কর, তবে আমিও পৃথিবী সমান ক্ষমা নিয়ে তোমার নিকট উপস্থিত হব।” (সহীহ তিরমিযী ২৮০৫ নং)

(১০৬৮) হযরত আবু হুরাইরা رضي الله عنه প্রমুখাৎ বর্ণিত, আল্লাহর রসূল صلى الله عليه وسلم বলেছেন, “আল্লাহ আয্যা অজাল্ল বলেন, “আমি আমার প্রতি আমার বান্দার ধারণার পাশে থাকি। (অর্থাৎ সে আমার প্রতি যেমন ধারণা রাখে, আমি তাকে তেমন ক্ষমা অথবা শাস্তি প্রদান করে থাকি।) আর আমি তার সঙ্গে থাকি যখন সে আমাকে স্মরণ করে।” (বুখারী ৭৮০৫ নং, মুসলিম ২৬৭৫ নং)

## আল্লাহ-ভীতির মাহাত্ম্য

মহান আল্লাহ বলেন,

﴿ إِنَّ أَكْرَمَكُمْ عِنْدَ اللَّهِ أَتَقَاتُكُمْ ﴾

অর্থাৎ, তোমাদের মধ্যে সেই ব্যক্তিই আল্লাহর নিকট অধিক মর্যাদাসম্পন্ন যে অধিক পরহেযগার। (সূরা হুজুরাত ১৩ আয়াত)

﴿ وَاتَّقُوا اللَّهَ وَأَعْلَمُوا أَنَّ اللَّهَ مَعَ الْمُتَّقِينَ ﴾

অর্থাৎ, তোমরা আল্লাহকে ভয় কর। আর জেনে রাখ যে, আল্লাহ মুত্তাকীদের সঙ্গে থাকেন। (সূরা বাক্বারাহ ১৯৪ আয়াত)

﴿ يَا أَيُّهَا الَّذِينَ آمَنُوا إِن تَتَّقُوا اللَّهَ سَجَّلَ لَكُمْ فُرْقَانًا وَيُكَفِّرْ عَنْكُمْ سَيِّئَاتِكُمْ وَيَغْفِرْ لَكُمْ وَاللَّهُ ذُو

الْفَضْلِ الْعَظِيمِ ﴾

অর্থাৎ, হে ঈমানদারগণ! যদি তোমরা আল্লাহকে ভয় কর, তাহলে তিনি তোমাদেরকে ন্যায়-অন্যায় পার্থক্য করার শক্তি দান করবেন, তোমাদের পাপ মোচন করবেন এবং তোমাদেরকে ক্ষমা করবেন। আর আল্লাহ অতি মঙ্গলময়। (সূরা আনফাল ২৯ আয়াত)

﴿ وَمَنْ يَتَّقِ اللَّهَ سَجَّلَ لَهُ مَخْرَجًا ۖ وَيَرْزُقْهُ مِنْ حَيْثُ لَا يَحْتَسِبُ ۚ وَمَنْ يَتَوَكَّلْ عَلَى اللَّهِ فَهُوَ حَسْبُهُ ۗ

إِنَّ اللَّهَ بَلِّغُ أَمْرِهِ ۚ قَدْ جَعَلَ اللَّهُ لِكُلِّ شَيْءٍ قَدْرًا ﴾

অর্থাৎ, যে কেউ আল্লাহকে ভয় করে চলে, আল্লাহ তার উপায় বের করে দেন এবং তাকে তার ধারণাতীত উৎস হতে রুযী দান করেন। আর যে ব্যক্তি আল্লাহর উপর ভরসা রাখে সে ব্যক্তির জন্য তিনিই যথেষ্ট হন। আল্লাহ তার ইচ্ছা পূরণ করেন। আল্লাহ সমস্ত কিছুর জন্য নির্দিষ্ট মাত্রা স্থির করে রেখেছেন। (সূরা ত্বালক ২-৩)

﴿ وَمَنْ يَتَّقِ اللَّهَ سَجَّلَ لَهُ مِنْ أَمْرِهِ ۖ يُسْرًا ذَلِكَ أَمْرُ اللَّهِ أَنْزَلَهُ إِلَيْكُمْ ۚ وَمَنْ يَتَّقِ اللَّهَ يُكَفِّرْ عَنْهُ

سَيِّئَاتِهِ وَيُعْظِمَ لَهُ أَجْرًا ﴾

অর্থাৎ, যে আল্লাহকে ভয় করে, তিনি তার জন্য তার কাজকে সহজ করে দেন। এ হল আল্লাহর বিধান, যা তিনি তোমাদের প্রতি অবতীর্ণ করেছেন; আল্লাহকে যে ভয় করে তিনি তার পাপ মোচন করে দেন এবং তাকে মহাপুরস্কার প্রদান করবেন। (৬৪-৫ আয়াত)

(১০৬৯) হযরত সা'দ বিন আবী অক্বাস رضي الله عنه প্রমুখাৎ বর্ণিত, আল্লাহর রসূল ﷺ বলেন, “অবশ্যই আল্লাহ গুপ্ত মুত্তাকীধনী বান্দাকে ভালোবাসেন।” (মুসলিম ২৯৬৫নং)

(১০৭০) হযরত আবু হুরাইরা رضي الله عنه হতে বর্ণিত, নবী ﷺ বলেন, “এক ব্যক্তি ছিল, যে নিজের প্রতি বড় অন্যায় (পাপ) করত। অতঃপর যখন তার মৃত্যুকাল উপস্থিত হল, তখন সে তার ছেলেদেরকে বলল, ‘আমি মারা গেলে আমাকে আঙুনে পুড়িয়ে ফেলো। তারপর আমার বাকি দেহাংশ পিষে বাতাসে ছড়িয়ে দিও। কেননা, আল্লাহর কসম! যদি তিনি আমাকে উপস্থিত করতে সমর্থ হন, তাহলে আমাকে এমন আযাব দেবেন যেমন আযাব তিনি আর কাউকেই দেবেন না!’

সুতরাং সে মারা গেলে তাই করা হল। আল্লাহ পৃথিবীকে আদেশ করে বললেন, ‘তোমার মাঝে (ওর যে দেহাণু আছে) তা জমা কর।’ পৃথিবী তাই করল। ফলে লোকটি (আল্লাহর সামনে) খাড়া হয়ে গেল। আল্লাহ বললেন, ‘তুমি যা করেছ তা

করতে তোমাকে কে উদ্বুদ্ধ করল?’ লোকটি বলল, ‘তোমার ভয়, হে আমার প্রতিপালক!’ ফলে তাকে মাফ করে দেওয়া হল।” (বুখারী ৩৪৮-১, মুসলিম ২৫৬৫নং)

## আল্লাহর উপর ভরসা রাখার ফযীলত

মহান আল্লাহ বলেন,

﴿ وَعَلَى اللَّهِ فِتْوَاكُومُ إِنْ كُنْتُمْ مُؤْمِنِينَ ﴿١٠١﴾ ﴾

অর্থাৎ, আর তোমরা যদি মুমিন হও, তাহলে আল্লাহরই উপর ভরসা কর। (সূরা মাইদাহ ২৩)

﴿ وَقَالَ مُوسَىٰ يَنْفَوْمُ إِنْ كُنْتُمْ بِإِلَهِكُمْ فَاعْلَبِي تَوَكَّلُوا إِنْ كُنْتُمْ مُسْلِمِينَ ﴿١٠٢﴾ ﴾

অর্থাৎ, মুসা বলেছিল, হে আমার সম্প্রদায় যদি তোমরা আল্লাহর প্রতি ঈমান রেখে থাক, তাহলে তোমরা তাঁরই উপর ভরসা কর; যদি তোমরা মুসলিম হও। (সূরা ইউনুস ৮৪ আয়াত)

﴿ وَعَلَى اللَّهِ فَلْيَتَوَكَّلِ الْمُؤْمِنُونَ ﴿١٠٣﴾ ﴾

অর্থাৎ, আর মুমিনদের উচিত, আল্লাহর প্রতিই নির্ভর করা। (সূরা আলে ইমরান ১২২ আয়াত)

মহান আল্লাহ মুমিনের গুণ বর্ণনা করে বলেন,

﴿ إِنَّمَا الْمُؤْمِنُونَ الَّذِينَ إِذَا ذُكِرَ اللَّهُ وَجِلَّتْ قُلُوبُهُمْ وَإِذَا تُلِيَتْ عَلَيْهِمْ آيَاتُهُ زَادَتْهُمْ إِيمَانًا وَعَلَىٰ رَبِّهِمْ

﴿ يَتَوَكَّلُونَ ﴾

অর্থাৎ, মুমিন তো তারাই যাদের হৃদয় আল্লাহকে স্মরণকালে কস্পিত হয় এবং যখন তাঁর আয়াত তাদের নিকট পাঠ করা হয়, তখন তা তাদের ঈমান বৃদ্ধি করে এবং তারা তাদের প্রতিপালকের উপরই নির্ভর করে। (সূরা আনফাল ২ আয়াত)

(১০৭১) হযরত উমার رضي الله عنه কর্তৃক বর্ণিত, নবী صلى الله عليه وسلم বলেন, “তোমরা যদি যথার্থরূপে আল্লাহর উপর ভরসা রাখ, তাহলে ঠিক সেই রকম রফী পাবে, যে রকম পাখীরা রফী পেয়ে থাকে; সকাল বেলায় খালি পেটে বের হয়ে যায় এবং সন্ধ্যা বেলায় ভরা পেটে বাসায় ফিরে।” (আহমাদ, তিরমিযী, ইবনে মাজাহ, হাকেম, সহীহুল জামে ৫২৫৪নং)

(১০৭২) হযরত ইবনে আব্বাস رضي الله عنه কর্তৃক বর্ণিত, নবী صلى الله عليه وسلم বলেন, “আমার কাছে সকল উস্মত পেশ করা হল। আমি দেখলাম, কোন নবীর সাথে কতিপয় (৩ থেকে ৭ জন অনুসারী) লোক রয়েছে। কোন নবীর সাথে এক অথবা দুইজন লোক রয়েছে। কোন নবীকে দেখলাম তাঁর সাথে কেউ নেই। ইতিমধ্যে বিরাট একটি জামাআত আমার সামনে পেশ করা হল। আমি মনে করলাম, এটিই আমার উস্মত। কিন্তু আমাকে বলা হল যে, এটি হল মুসা ও তাঁর উস্মতের জামাআত। অতঃপর দৃষ্টি



ফেলতেই আরও একটি বিরাট জামাআত দেখতে পেলাম। আমাকে বলা হল যে, এটি হল আপনার উম্মত। আর তাদের সঙ্গে রয়েছে এমন ৭০ হাজার লোক, যারা বিনা হিসাব ও আযাবে বেহেশ্ত প্রবেশ করবে।”

এ কথা বলে তিনি উঠে নিজ বাসায় প্রবেশ করলেন। এদিকে লোকেরা ঐ বেহেশ্তী লোকদের ব্যাপারে বিভিন্ন আলোচনা শুরু করে দিল। কেউ কেউ বলল, ‘ঐ লোকেরা হল তারা, যারা আল্লাহর রসূল ﷺ-এর সাহাবা।’ কিছু লোক বলল, ‘বরং সম্ভবতঃ ওরা হল তারা, যারা ইসলামে জন্মগ্রহণ করেছে এবং আল্লাহর সাথে কাউকে শরীক করেনি।’ আরো অনেকে অনেক কিছু বলল। কিছু পরে আল্লাহর রসূল ﷺ তাদের নিকট বের হয়ে এসে ঐ বেহেশ্তী লোকদের ব্যাপারে খবর দিলেন এবং বললেন, “ওরা হল তারা; যারা ঝাড়ফুক করায় না, দেহ দাগায় না, কোন কিছুকে অশুভ লক্ষণ বলে মানে না এবং তাদের প্রতিপালকের উপরই ভরসা রাখে।” (বুখারী ৫২৭০, মুসলিম ২২০নং)

### আল্লাহর ভয়ে কাঁদার ফযীলত

(১০৭৩) হযরত আবু হুরাইরা رضي الله عنه হতে বর্ণিত, আল্লাহর রসূল ﷺ বলেছেন, “সাত ব্যক্তিকে আল্লাহ সৈদিন তাঁর (আরশের) ছায়া দান করবেন, যেদিন তাঁর (ঐ) ছায়া ভিন্ন অন্য কোন ছায়া থাকবে না; তন্মধ্যে একজন সেই ব্যক্তি যে নির্জনে আল্লাহকে স্মরণ করে, ফলে তার চক্ষুতে পানি বয়ে যায়।” (বুখারী ৬৬০ নং, মুসলিম ১০৩১ নং)

(১০৭৪) হযরত ইবনে আব্বাস رضي الله عنه হতে বর্ণিত, আল্লাহর রসূল ﷺ বলেছেন, “দুটি চক্ষুকে দোযখের আগুন স্পর্শ করবে না; প্রথম হল সেই চক্ষু যা আল্লাহর ভয়ে কাঁদে। আর দ্বিতীয় হল সেই চক্ষু যা আল্লাহর পথে (জিহাদে) পাহারায় রাত্রিযাপন করে।” (তিরমিযী, সহীহুল জামে ৪১১২ নং)

وصلى الله على نبينا محمد وعلى آله وصحبه أجمعين، ومن تبعهم بإحسان

إلى يوم الدين.



সমাপ্ত